

Шарқ юлдузи

Адабий-ижтимоий журнал

2006

2-сон

ТАХРИР ҲАЙЪАТИ

Абдулла Орипов—
тахрир ҳайъати раиси
Эркин Воҳидов
Хуршид Дўстмуҳаммад
Жуманиёз Жабборов
Омон Мухтор
Тўлан Низом
Икром Отамурод
Хайриддин Султонов
Сирожиддин Саййид
Ибройим Юсупов
Пиримқул Қодиров
Ўткир Ҳошимов

ЖАМОАТЧИЛИК КЕНГАШИ

Абдулазиз Абдуқаҳдоров
Бобур Алимов
Туробжон Жўраев
Алишер Каримов
Бахтиёр Кубеев
Фатҳиддин Муҳиддинов
Ботир Парниев
Нематилло Худойберганов
Ғайрат Шоумаров
Ислом Шоғуломов
Омонулла Юнусов
Рустам Қосимов
Ашур Қодиров

БОШ МУҲАРРИР
МИНҲОЖИДДИН МИРЗО

Масъул котиб
Юсуф Файзулло

МУАССИСЛАР:

ЎЗБЕКИСТОН ЁЗУВЧИЛАР УЮШМАСИ,
РЕСПУБЛИКА «МАТБУОТ ТАРҚАТУВЧИ»
АКЦИЯДОРЛИК КОМПАНИЯСИ

Ушбу сонда



Назм



Абдусаид Кўчимов

**ЯРКИРЛГИН НИДОХАЛРИНИДАЛ
ИККИ ДАРЁ ОҚАР ШАРКИРЛБ**

Бир қатра жон қолса жонимда —
Жонгинангга нурдай қўнгайман.
Үйғонурман, бир кун қонингда —
Алвон лола бўлиб унгайман.

Нима қилай, шу бўлса қисмат,
Кўзларингда бор умид, аҳдим,
Дилбар хаёл, беадоқ ҳасрат —
Кизгалдоқдай гулларми баҳтим?!



Наср



Наби Жалолиддин

Сијрамат ва ниқоб

Роман

...Илк савол Умар Хайём ҳеч шубҳаланмай куттган мазмунда бўлди. Уни озгин, рангпар юзли, аммо кўзлари чақнаб тургувчи йигит берди:

— Юлдузлар чиндан ҳам инсон тақдирига дахл қилади-ларми, ҳазрат?

Одатда бундайин мазмундаги сўроқقا жавоб қилган кишилар кўпда улуг мушкулотларга рўбарў бўлардилар. Чунки илми нужум тили илила гапирилса, жавоб, албатта, Исломга, шариатга зиддай туюларди.



Ёднами

Хусниддин Шарипов

ШОИРОНА ЗИЁ

...Шеърият — ўзига хос нурли олам. Ҳар сатрида муҳаббат, вафо, соғинч, меҳр, ишонч, умид, табассум яшайди. Тўғри, ҳажвий шеъриятда найза бор, лекин у найзада заҳар бўлмайди. Шунинг учунмикин, Озод Шарафиддинов тўғрисида ўйлаганда, у муҳаррир, мақоланавис, нотик, таржимон бўлишига қарамасдан, кўз олдимга шеърият зиёси келаверади. Фақат айтишим қийин, бу зиё ундан тараладими ёки унинг ўзи бу зиёда чўмиладими?!



Сирожиддин Саййид

ЭЗГУЛИК АРКАСИ

ҲАР ТОНГ - БУР ХУШХАБАР...

Мамлакатда ҳар куни, ҳар соатда бир хушхабар янграб туради.

Телевидениенинг тонг саҳардаги дастурларидан тортиб, то кеч тунги хабарларгача, радиотўлқинлару ҳар субҳидам оқ қаптарлар каби Ватанимизнинг барча гўшалари сари парвоз этгувчи газеталарга қадар, албатта, ажиг бир янгилик, хуш мұждадан дарак беради.

Мана, нима ҳақда сўйлайди улар: Сурхондарёдаги Ҳисор тоғлари бағрида Тўпаланг сув омбори ва янги ГРЭС қурилиши жадал суръатлар билан олиб борилмоқда; бутун мамлакатда баҳорий ташвиш-юмушлар — экин-тикин ишлари авжида; кўхна Насаф, Навоий бобо ўз асарларида "Нахшаб, Маҳи Нахшаб" — Нахшаб ойи деб гўзал бир ташбеҳ билан таъриф берган Қарши шаҳрининг 2700 йиллик тўйи муносабати билан бошланган улкан тарааддуд; ёш санъаткорларимиз, спортчиларимиз халқаро миқёсда қўлга киритаётган ютуқлар; даштудалалардан, боғ-роғлардан, корхоналардан келаётган хабарлар, яна ўнлаб, юзлаб сиёсий, маънавий-ижтимоий ўзгаришлар ва янгиликлар — буларнинг барчаси элу юртимизда эзгу ва улуғвор мақсадлар йўлида ҳаёт жўшқин давом этаётганини кўрсатиб туриди.

Ҳаётнинг муazzам ва бақувват қанотларини ҳеч қандай куч қайролмайди. Ҳалқнинг: "Мардлар мингант отларинг номардларга хор бўлмас", деган лўнда, жайдари гапи бежиз айтилмаган.

Истиқлолимизнинг ўтган ўн тўртинчи иили ҳам муҳим воқеа-ҳодисаларга бой бўлди. Тараққиёт йўлидаги салмоқли ютуқлар, кувончли воқеалар билан бирга оғир синовларни ҳам бошдан кечирдик. Озод мамлакатимизга мудҳиш балоларни ёғдирмоқчи бўлган қора кучлар Андижон воқеалари мисолида ўз жирканч қиёфаларини яна бир карра кўрсатишига уринди. Жаҳонда эса... бунга қараб дўст-ҳайриҳоҳдимиз астойдил қайғуришиди, кимлардир чапак чалди. Ўзбекистоннинг яна қаерида бир тутун чиқаркин, ёинки Тошкентнинг қайси бир маҳалласидаги симёғочда лампочка куяркин, дея жар солишга илҳақ турган айрим хорижий радио ва уларнинг чаққон мухбирлари ёлғонни ямламай ютиши маҳоратини намойиш қилиши.

Ҳалқ эса, табиийки, бу фожиадан қайғуга тушди, ўртанди. Лекин йўлини йўқотмади, иродаси букилмади. Бутун инсоний заҳматлару ҳаёт ташвишларини елкасига олиб ўз йўлида давом этмоқда — далаларда, заводларда меҳнат қиласяпти, боғча, мактаблар бино этаяпти, кўприк-

лар солиб, темир йўллар қураяпти, фарзандлари, дилбандларини тарбиялаб-ўстириб, ўз танлаган йўлидан ўз истиқболи томон одимлаяпти.

Хизмат сафари билан Тошкентга келган кекса рус адаби, нозиктабъ ва зиёли инсон, "Дружба народов" журнали раҳбарларидан бири Леонид Теракопян Ёзувчилар уюшмасида меҳмон бўлди. Мустақилликдан кейин у киши биринчи маротаба Тошкентга келиши экан. Узоқ сухбат давомида меҳмон телефонда Москва билан сўзлашишга изн сўради. У томондан Тошкент ҳақида савол бўлди, шекилли, оқсоқолнинг кўзлари чакнаб, юzlари ёришиб кетди.

— Ў-ў, Тошкент тамомила бошқача шаҳар бўлган, гуллаб-яшнаб кетибди, — деди меҳмон.

У томондан яна "Ўзбеклар қалай?" дея сўрашдими, меҳмон жиiddий тус олди, ўтирганларнинг ҳаммасига бир-бир разм солиб, жиiddий, қисқа ва бинойи жавоб қилди:

— Ўзбекларми? Ўзбеклар давлат қураяпти.

Холис бир меҳмоннинг мухтасаргина бу таърифи, айни ҳақиқат эди.

* * *

2005 йилнинг 27 июл куни тонготарга яқин, хизмат сафаридан қайтаётсиб, йўл чеккасида тўхтадим. Тун ҳали ўз пардаларини йифмаган, тонг гира-шира оқариб келаётган пайт. Само айвонида юлдузлар яр-кирайди. Илк саҳархез қушлар отаётган тонгни қутлаб, ахён-ахён сайраяпти.

Йўлнинг нариги бетида — Мустақиллик майдонида, тун бўлишига қарамай, иш қизгин. Бекорчиликдан эмас, асло, шунчаки бир қаламкаш, кўп йиллардан буён шу шаҳарнинг нону тузини тотиб келаётган, унинг яхши кунига ҳам, ёмон кунига ҳам ўзимни дахлдор, қувончу ташвишларига шерик деб билган бир фуқаро сифатида, соғинчу севинчларимга гувоҳ бўлган шу майдонга боргим келди.

Ярим тун, майдондаги баланд ҳавозалардан қатор-қатор кумуш юлдузлар саҳраяпти. Юлдуз сочаётганлар, кечаси ишлаётган бедор инсонлар — пайванҷчилар.

Осмон тўла юлдузлар. Майдон тўла юлдузлар.

Пайванҷчилар тун қўйнида гўё осмон юлдузларини майдон юлдузларига пайванҷ қилаётгандек: майдон тўла юлдузлар, осмон тўла юлдузлар.

Қатор кетган баланд-баланд устунлар, устунларни бирлаштирган панжара-панжара темир тўсинлару баланд-баланд ҳавозалар маҳобатли кўринади, ерда, ҳавозаларда, тўсинлар аро меҳнат қилаётган одамлар бу маҳобатга тун кечада ҳам жон бағишилаб турибдилар.

Сочлари оқарган, қотма, чайир гавдали, ёши эллик бешларга борган бир киши билан гаплашдим. Панжалари темирдай қаттиқ, шу пайтгача фақат қурилишларда ишлаб келган бу кишининг исми Тойир экан.

— Тойир ака, — дейман дабдурустдан қурувчи оғани ҳангуда манг қолдириб, — исмингизнинг маъносини биласизми, нима дегани?

— Билмасам, адам қўйганлар, қанақадир қущ деганими-е...

— Тўппа-тўғри, эски китобларда кўп учрайди, "тойири давлат" дейди, яъниким, давлат қуши дегани, давлат қуши бошига қўнсин, бошидан кетмасин, деган маънода.

Тойир ака бир зум ажабсиниб гапларимга қулоқ тутади, сал жилмайтандек бўлади, сўнгра қурувчиларга хос чапанилик билан жавоб беради:

— Билмасам, биз эски китобларни кам ўқиганмиз, — дейди. Бирпас жим туриб, яна: — Мана, бизнинг китоб, — дея кенг майдонни кўрсатади.

Биз тонг дедик, хушхабар дедик. Одамзотнинг кундузги ҳаёти эрта

тонгдан бошланади. Саҳар туриш, тонгни қаршилаш халқимизда азал-азалдан хайрли, баракали саналган. Лайлаклар ҳам тонгда келадилар. Уларнинг бир манзилу маконга келишлари – ўша манзилу маконга файзу барака, тинчлик-осойишталик, баҳту иқболнинг келишидан дарак беради. Хушхабарлардай севинчли, хосиятли оқ, оппоқ лайлаклар. Одамзотга нима керак – эл керак, кетар чори фарзандларига қолдириб кетадигани Ватан керак, ор ҳам ғуур керак.

*Ҳар кун умримизнинг бир сафари дир,
Ҳар он кунимиизнинг бир гавҳари дир.
Тинчлик, омонликда отган ҳар бир тонг
Оллоҳнинг бизларга хушхабари дир.*

ВАТАНИ АНГЛИШ

Таъбир жоиз бўлса, бинолар ҳам улуғ зотлар мисол, ота-оналару муаллим-устозлар сингари тарбиялайдилар, таълим берадилар. Уларнинг, гарчи тилу забонлари бўлмаса-да, эзгулиқдан сўйладидилар, инсоний, хайрли амалларнинг рамзи, тимсоллари янглиф яхшиликларга чорлайдилар, ибрат кўрсатиб турадилар.

Шу маънода, Мустақиллик майдонининг остонасида ғоя муаллифи, лойиха асосчиси муҳтарам Президентимиз ташаббуси билан қад ростлаган яна бир муҳташам маъмурӣ обида - Эзгулик аркаси ўзининг кўрку салобати, маҳобати тоғиҳати билан кишини ҳаяжонга солади. Қалб билан, дил билан ўйласангиз -кўксингизни бир нималар тўлдириб келади.

2005 йилнинг 28 январида кечқурун телевидение орқали "Мустақиллик майдони" ҳужжатли фильмни намойиш этилди. Мамлакатимиз раҳбари Мустақиллик майдонининг қиёфасини тубдан ўзгартириш ҳақида гапирав экан, шундай деди:

"Неча йиллардан буён кечалари уйқум қочиб шу ҳақда ўйлайман, қандай қилиб бу жойни том маънодаги Мустақиллик майдонига айлантириш мумкин, деб бош қотираман?.."

Эзгулик аркаси ҳам ана шу мақсад ўйлидаги изланиш ва интилишлар, меъморий тафаккур маҳсули сифатида пайдо бўлган, десак, хато бўлмас.

2004 йил 16 декабрда Оқсанројда давлатимиз раҳбари Бош майдондаги иншоотлар лойиҳалари билан танишар экан, бу ерда барпо этилиши кўзда тутилган Эзгулик аркаси лойиҳасига алоҳида эътибор қаратди. Биз у кишининг арканинг ҳар бир устуни, равоқи, пештоқи тасвирини қайта-қайта чизиб кўрсатганига гувоҳ бўлдик.

"Мамлакатимизнинг Сурхондарё ва Қашқадарё каби жанубий вилоятлари, Зарафшон воҳаси ёки Фарғона водийси бўладими, Тошкент ва Сирдарё, у ёқда Аму минтақаси бўладими - бутун Ватанимизга, унинг бугунги ва эртаңги тараққиётига, таъбир жоиз бўлса, айнан Бош майдонимиздан туриб назар ташланади, холисона баҳо берилади. Шунинг учун ҳам бу маскан ҳақли равишида халқимизнинг ғуур-ифтихори тимсолига айланниб кетган."

Мустақиллик майдони.

Илгари зулм ва истибдоднинг макони бўлган, маҳаллий халқни кўркиниш, одамлар қалбига ваҳима, таҳдид-таҳлика солиш учун танклар, ракеталар ўрмалаган, мустабид тузумнинг мустамлакачилик сиёсатини намойиш этиб, дабдабали ҳарбий парадлар ўтказилган жойлар.

Эндилиқда - ғуур-ифтихоримиз тимсолига айланган табаррук ва муқаддас майдон. Ўргада - Мустақиллик тимсоли, бир томони - яқиндагина қурилган, истиқолол йилларининг кўркам кошонаси - оқ-оппоқ Сенат биноси, у ёғи ҳам, бу ёғи ҳам узунасига сўлим ва фусун-

кор боғ кетган, яна бир томони – "Хотира майдони", тоза ва зумрад кўкаламзорлар, текис ва равон йўлаклар. Фавворалар азиз ва қадр-дон бу масканга хушҳаво, салқин иқлим бағишлаб турибдилар.

Маълумки, "арк", "арка" - катта салтанатларга дахлдор қадимий атама, меъморий тушунча. "Ўзбек тилининг изоҳли луғати"да ёзилишича "Арка" сўзи меъморий нуқтаи назардан, тепаси ярим доира шаклида солинган дарвоза ёки шундай дарвоза шаклидаги ҳашаматли иншоот деган маъно англатади. Одатда бу каби улуғвор иншоотлар тарихий воқеалар, зафарли юришлар ва ғалабалар шарафига бунёд этилади.

Шу ўринда Самарқанд шаҳрида Соҳибқирон Амир Темур бобомиз ўзи бош бўлиб, бунёд этган Арки Олийни эслаш жоиздир. "Бобурнома"да айтилишича, *"Самарқанд аркига Темурбек бир улуғ кўшк солибтур, тўрт ошёнлик. Кўксаройга мавсум ва машҳур ва бисёр олий имораттур. Яна пуштаи Кўҳакнинг доманасига гарб сари бое солибтур. Бояи Майдонига мавсум. Бу боғнинг ўртасига бир олий иморат қилибтур. Чилсутун дерлар..."* Минг афсуски, Арки Олий XIX асрда мустамлакачилар томонидан бузиб ташланган.

Бухоро арки эса IX асрдан бошлаб XIII асргача бир неча маротаба қайта қурилган. XV асрда яна бир карра тикланган арк XVII асрда – Аштархонийлар даврида ва XIX аср охири, XX аср бошларида – Мангитлар даврида тубдан қайта бунёд этилган. Арк деворларининг тепа қисми кунгурадор бўлган.

Наполеон даврида Париж шаҳрида Зафар дарвозаси бунёд этилган. Суриядаги Палмира Катта колониадаси икки томонлама монументал дарвоза ва уч қисмли равоқдан иборат бўлган. Ҳозир унинг айrim қисмларигина сақланиб қолган, холос.

Арк сўзининг, лотинчада ёй, арабчада қавс, ўзимизда бўсаға, останова, ўрда, қалъа, дарвоза, даргоҳ сингари маънолари бор экан. Яна "Аркони давлат" деган ибора ҳам ишлатилади. "Аркон"нинг ўзаги "рун", яъни, устун, таянч - давлат устунлари, таянчлари маъносини беради. Шундан келиб чиқсан ҳолда, айтиш мумкинки, бу муҳташам иншоотга Президент томонидан Эзгулик аркаси деб ном бериш ҳақидағи таклиф кўпчиликнинг кўнглидаги айни муддао бўлди. Арканинг баланд ва мустаҳкам устунлари ҳам рамзий мазмунга эга, улар мустақил мамлакатимизнинг бақувват ва пойдор устунлари тимсолидир.

Нозик кузатувлар, чуқур-пухта ўйланган, сиёsat нуқтаи назаридан ҳам, маънавият, ҳаёт-турмуш тушунчалари бўйича ҳам - ҳар томонлама яхлит асосланган рамзлар, тимсоллар.

Юқорида тилга олинган ўша кўрсатувда арка лойиҳаси билан танишар экан, Президент унинг юқори қисмига ўрнатиладиган лайлак ва турналар шакллари ҳақида тўхталиб, лайлаклар сокин осудалик, турналар эса парвоз ҳолатини акс эттириб туриши лозимлигини таъкидлаган эди.

«Турналар - Ўзбекистоннинг рамзи, қанотини қоқиб, парвозга тайёр бўлиб турган, юксакка кўтарилаётган мамлакатимиз тимсоли. Лайлаклар эса – тинчлик белгисидир. Улар оппоқ рангда бўлиши, шакли бир оёқда турган ҳолатда ишланиши керак. Яъни, лайлаклар битта оёқда турса, ишончи бўлар эканки, атрофида ҳеч нарса уни қўрқитмайди, ҳеч қандай хавф-хатар унга таҳдид солмайди».

Айни пайтда, бу рамзий тимсол мамлакат тинчлигини, эл-улус тинчлик-осойишталиқда ҳаёт кечираётганини англатади.

Эзгулик аркаси – узунлиги 150 метр, икки томони ўн, ўрта пештоқ қисми ўн икки метр баландликка эга, яна қатор кетган ўн олтига оқ мармар устунлардан иборат бўлган бу муazzзам меъморий мӯъжизадан беихтиёр ҳайратга тушасиз. Арканинг юқори қисмida, ўртада – пештоқ устида ўрнатилган мӯъжаз Ер шари узра уч нафар турнанинг парвозга шайланиб турган ҳолати айланма шаклда ўз рамзий ифодасини

топган. Беҳад жозибали, бағоят ҳаяжонли тимсоллар. Олижаноб мақсаднинг санъатга, нафосатга айланган шакли.

Эзгулик аркаси остонасидан то Мустақиллик монументига қадар - икки ёни қизил маъдантош кошиндан, ўртаси узун оқ пояндоз йўлак барпо этилган. Ёш йигит-қизлар никоҳ шодиёналарида шу йўлакдан юриб борадилар - оқ пояндоз гўёки уларнинг ҳаёт йўли андозасидай, умр йўллари оқ-ойдин бўлишига тилак билдириб, далолат қилиб тургандек.

Никоҳ аввал осмонларда, илоҳ томонидан қайд этилгандан кейингина ерга тушади, дейилади. Табаррук бўсағадан ўтиб, қутлуғ ва муборак пояндоз узра қадам ташлаб бораётган фарзандлар қалбида шундай кунларга еткизгани учун Яратганга шукроналар, илоҳий туйғулар жўш уриши табиий.

Ўша кўрсатувда Юртбошимиз, бу майдон нафақат сиёсий, балки илоҳий бир масканга айланишини истардим, дер экан, минг-минглаб ватандошларимиз дилидаги ҳис-туйғуларни ифода этган эди.

ТУРНИЛЛЯР БИЛАНД УЧАДУ

Эзгулик аркаси бу – шунчаки, оддий иншоот ёки байрам муносабати билан топширилган навбатдаги қурилиш обьекти эмас. Унинг Мустақиллик монументи рўпарасида ўрнатилишидан бошлаб, шаклшамойили, безакларию кошинлари, устунларидан тортиб пойдевору пештоқларигача, рангию равоқларига қадар - ҳамма-ҳаммасининг рамзий, тимсолий маънолари бор.

Орзу-ҳавас. Ҳар қайси ота-онанинг бу ҳаётдаги орзу-ҳаваси – фарзандли бўлиш, унинг бахту иқболини кўриш. Катта ҳаёт ҳам, аслида, кичик-кичик оиласардан, улуг элнинг бахт-толеи ҳам ёш оиласарнинг саодатидан бошланади.

Ёш келин-куёвлар янги ҳаёт бошлар эканлар, илк қадамларини шу бўсағадан – Эзгулик остонасидан ташласалар, Эзгулик дарвозасидан ўтиб, эзгу ниятлар билан турмуш қурсалар, турналар уларнинг бошлари узра жавлон уриб, рақс тушиб турсалар, умрларига оқлик, поклик тилаб, тинчлик ва осойишларига тимсол бўлиб икки елкаларида тургандайин, оналарнинг оқ фотиҳалари янглиғ оқ лайлаклар оқ, йўл тилаб қолса... бу ҳаяжонли лаҳзалар, севинч дамлари бир умр ёдда қолмайдими, кўнгиллар шу онларни эслаб бир умр орзиқмайдими?..

Ўзбекистон - қуёш юрти, қуёш диёри. Ўйимиз қуёшга қаратиб қурилган, юртимиз - қуёшга қараган юрт. Эзгулик аркаси ҳам қуёшга томон, қуёшга қаратиб қурилган. Қуёш ҳар тонг заррин нурларини аввал турналар, лайлакларга узатади, сўнгра оқ устунлардан аста таралиб тушиб, остоная бош қўяди. Эзгулик дарвозасидан кириб бораётган Эзгулик қуёши.

Турналар баланд учадилар. Улар юртимизга кўклам нафасини олиб келадилар, бахт ва суур, софлик ва ёшлиқ келтирадилар.

Сал нарироқда, "Хотира майдони"нинг зарваракларида ўзбекнинг бўстонидан айрилган 450 минг лоласи – 450 минг боласи, 450 минг қайтмаган турнасининг номлари мангуга ёзиб қўйилган. 450 минг ном – 450 минг бонг.

Беихтиёр, Доғистон халқ шоири Расул Ҳамзатовнинг армонли сатрлари ёдга келади:

*Менга шуёлар гоҳ; ботир ўғлонлар –
Жангларда жонини фидолар этган,
Асло ўлган эмас – жанг майдониган
Оппоқ турналарга айлануб кетган.*

Турналар баланд учадилар.
Лайлаклар тонг сахарда келадилар.

Турнага ҳам, лайлакка ҳам тажовуз қилиб бўлмайди, уларга тош отиш, чўчиши мумкин эмас. Табиатнинг ҳам, Яратганнинг ҳам бу мўъжизавий күшлари эркинликни яхши кўради, озод самоларда парвоз этишни, озод манзилларда макон қуришни ёқтиради. Озод Ватанимизнинг Озодлик майдонида Эзгулик дарвозаси узра турналар, лайлакларнинг қад ростлаб туриши, Юртбошимиз айтганлариdek, иншоollox, шарафли ишларимизга ёр бўлгай, элу юртимизга файзу фарогат келтиргай.

Бугун юртимизда амалга оширилаётган кенг кўламдаги қурилиш, таъмирлаш ва ободончилик ишлари, аввало, мамлакатнинг моддий-иктисодий салоҳияти йилдан-йилга ошиб бораётганини, чеккан заҳматларимиз, қилган меҳнатларимиз ўз самарасини бераётганини кўрсатиб турибди. Янги давлат, янги ҳаёт қуришнинг пойдевори бўлмиш бу иктисодий асослар ўз навбатида эл-улуснинг моддий-маиший фаронлиги ортиб боришига ҳам хизмат қилмоқда.

Биз – бир замонлар эришиб бўлмасдай туюлган, лекин, айни, пайдада кўз ўнгимизда ҳар соат, ҳар кун содир бўлаётган бу оддий ҳақиқатларни англаб, тушуниб бормоқдамиз. Тушунганимиз сайин эса она Ватанини, истиқдол моҳиятини янада кенгрок, теранроқ англаётимиз.

«БУЮК КИТОБ НУЦЛАЁТНР»

Халқда ажидиб нақл бор: ҳар қандай узоқ йўл ҳам биринчи қадамдан бошланади. Амир Темур бобонинг: “Ҳар қандай баланд минора ҳам ердан, биринчи пиштдан бошланади”, деган ҳикматлари бу сўзлар билан нақадар ҳамоҳанг.

“Янги уй қурмай туриб, эскисини бузманг”, деган чуқур ҳаётий маънога эга сўзларнинг айтилганига ҳам, мана, ўн икки йил бўлибди. Ўшанда туғилган чақалоқлар бугунга келиб ўн икки ёшга тўлди. Оиласда ўғил туғилиши билан ота унинг келажаги учун қайгура бошлади. Бўлажак иморатга деб яхши ниятлар билан терак, тол қаламчаларини қаторлаштириб ерга қадайди, кўчат экади, ниҳол ўтқазади.

Улур, катта юрт, Ватан ҳам худди шундай.

“Ўзбекистон деб аталаған шу табарруқ заминга эзгу ният билан бир ниҳол экоқчи бўлсан, уни айнан шу бугун экишишимиз керак”. Юртбошимизнинг бу сўзларида мустақил Ватанинг ёруғ истиқболи учун камарбаста бўлиш, фидойилик даъвати мужассам.

Камтарин, камсуқум қурувчи Тойир ака сухбат асносида ўзи билмаган, англамаган ҳолда ажидиб бир ташбех-тимсолни ишлатди. У киши, “Менинг китобим”, деб Мустақиллик майдонини кўрсатди. Соҳибқирон бобонинг ҳикматларини ҳозирги замон – бугунги кунимизга, шу мўътабар майдонга қиёс этадиган бўлсан, айтиш жоизки, ҳар қандай улкан китоб ҳам биринчи саҳифадан бошланади.

Истиқолимиз – Буюк китобимизнинг муҳташам, залворли зарвари, биринчи саҳифаси – Мустақиллик майдони. Ҳуррият йилларининг барча нашидасию қувончларини, жозибаю тароватини кўрган, завқу шодликларимиз, фахру ғуруримизни оламга намоён этган, 1999 йил февраль воқеаларининг тажовузи, дого ҳасратини ҳам бошидан кечирган мустаҳкам, метин саҳифа.

Бу - биргина Тойир аканинг эмас, у кишига ўхшаган миллион-миллион ўзбекларнинг, уларнинг ўғил-қизлари, шу ўғил-қизларнинг иқбали ва истиқболининг азиз, муқаддас мажмуаси, яна қанчадан-қанча келажак авлодларнинг табарруқ, тўзимас китоби.

Ватан бир кундаёқ бунёд этилмайди, Ватан ўз-ўзидан Ватан бўлмайди. Бунинг учун юрт эгасидан тортиб, дехқону талабагача, боғбондан

то шоири шофёргача, не-не улуг зотлару яна неча-неча авлодларнинг, бир юрт, бир элнинг тамоми орзу-ниятлари, мақсад-муддаолари, меҳнати, интилиш ва ҳаракатлари, бедор, беҳаловат юраклар керак бўлади.

Бугунги Ватанимиз, мустақил она диёrimiz худди шундай — уриб турган, беором ва уйғоқ улкан қалбга ўхшайди.

Устоз Абдулла Орипов таърифлагандек, биз она Ватанимизнинг буюк китоби — бугуни ва келажагини бунёд этаётимиз.

*Ҳа, бу китоб ишлар мангу,
Чунки ҳақни пешлаётир,
Мисли Темур тузуги бу,
Буюк китоб ишлаётир.
Озод юртнинг метин сафин
Жумла жаҳон хушлаётир,
Қутлаб сиздек муаллифин
Буюк китоб ишлаётир.*

МАЙДОННИНГ ЭГАСИ

Майдон — доимо бедор, у — ухламайди, кечаси ҳам, кундузи ҳам уйғоқ, бардам, баркамол вужуд мисол тўлиб-тошиб нафас оляпти, яшаяпти. Қадам боссангиз — кўнгил жимиrlайди, рух ва жисмингизни ҳаяжон қоплайди. Бунда фуурур бор, шаъну шавкат, ифтихор бор. Бунда элу юртнинг орзу-мақсаддари муқаддас тимсолларга айланган.

Президентимиз ташабуси билан янги йил арафасида бу ерда яна бир табаррук рамз — она ва бола сиймоси акс эттирилган ҳайкал ўрнатилди. Сиёсий-ижтимоий жиҳатдан тўқис ва тугал майдон Мустақиллик монументи пойида Бахтиёр она сиймоси пайдо бўлиши билан мушфиқ, ва меҳрибон бир қиёфа касб этди, мазмун ва моҳияти янада мукаммаллашди.

Кейин, Ўзбекистон Президентининг 2006 йил 3 февралдаги қарорига биноан, "Мустақиллик майдонининг ижтимоий-сиёсий ҳаёти-мизда тутган муҳим ўрни ва аҳамиятини инобатга олиб ҳамда халқимиз, айниқса, ёш авлод қалби ва онгига истиқлол ғояларини, миллий фуурур ва ифтихор, ватанпарварлик туйғуларини янада чуқурроқ сингдириш мақсадида" бир қатор ташкилотлар, кенг жамоатчиликнинг Мустақиллик майдонида бунёд этилган, ўзида Мустақиллик ҳайкали ва Бахтиёр она сиймосини мужассам этган янги мажмуага **Мустақиллик ва эзгулик монументи** деб ном берилди.

Мазкур қарор билан умумхалқ байрамлари, давлат миқёсидаги бошқа тантанали маросимларда Мустақиллик ва эзгулик монументи пойига гулчамбар қўйиш маросими расмий таомил мақомини олди.

Биргина тимсол, биргина рамз. Болани севадиган миллатнинг, оилас-парвар ўзбекнинг, хонадонининг хотиржамлигини, элу юртнинг тинчлиги, осойишталигини доимо ардоқлайдиган ўзбекнинг тимсоли, инсоний муддаоларимизнинг мунис рамзи, ифодаси.

"Хотира майдони"да — мотамсаро она ҳайкали, бу ерда-бахтиёр она сиймоси. Ҳар икки ҳолатда — икки улуг рамзларда улуг ҳикматлар яширин.

Биз порлок, мунаввар бу дийдорлашув учун қанча жафоларни бошдан кечирмадик, қанча айриликлару, не-не ранжу аламларни кўрмадик, не азобли йўллардан ўтиб келмадик. Чеккан заҳматларимиз зое кетмаётганининг, дўсту душманли дунёда, қийинчилик, машаққатларга қарамай ўз йўлимиздан қатъий қадамлар билан бораётганимизнинг ҳам исботидир бу тимсоллар.

Қадам боссангиз — кўнгил жимиrlайди бунда, яқинлашганингиз

сайин рух ва жисмингизни ҳаяжон қоплайди. Орзиқасиз, севинасиз. Болакайларни ҳам, устоз, оқсоқол оқиниларни ҳам бирдек тұлқынлантирган бетимсол тимсоллар:

*Майдон мафтун этди күптарни ғоят,
Бу жойда айтилди қанча ривоят.
Бир күн она-бала кириб келдію
Майдон әгасини тонги ниҳоят.*

ТОШКЕНТДАН ТОКИОРА ҚАДАР

Ҳар күн — тонг саҳардан то кечга қадар майдонга келиб-кетувчиларнинг кети узилмайди. Мактаб ўқувчилари, талабалар, хорижий сайдёхлар, онахонлару отахонлар, севишганлар — ҳар хил касб, ҳар хил соҳадаги одамларни учратиш мумкин. Ҳар бирининг ўзига яраша ташвиш ва юмушлари бор. Лекин бу ерга келганда — кайфият ва ҳолатлари, завқу ҳаяжонлари бир хил.

Алпқомат ўғиллари, невараалари билан айланиб юрган Мадирим бобо асли урганчлик экан. Саксон беш яшар соғлом, бақувват бу оқсоқол 1958 йылдан бүён бирор марта ҳам Тошкентта келмаган экан. Лекин бобонинг Мустақилик майдонини кезиб-күриб, юз-күзларида балқан қувончу ҳаяжони ёнидаги Қадамбой отлиғ ўн беш яшар невара-синикидан сира ҳам кам эмас эди.

Командирлари билан айланиб юрган аскар йигитларнинг кайфияти ўзгача. Улар яхши хизмат эвазига шаҳарни сайр қилиб келиш мукофоти билан сийланғанларидан мамнун. Беш аскардан уч нафарининг исми Шавкат экан. Бойсун, Марғилон, Эллиққалъадан, яна Самарқанд, Қаршидан хизматта чақирилған болалар. Темурбек, бошқа бирорининг исми — Озодбек. Ислами ҳам қадду қоматларига ғоят ярашган ҳарбий кийимлари каби рамзий, тимсолий. Улуғ боболарига ўхшаб озод ва шавкатли бўлиб юрсин, шаъну шавкат келтирсин, деган яхши ниятлар билан қўйилган.

Аждодлар ва авлодлар.

Бу йигитлар ҳеч қачон керилмайди. "Бизлар шавкат келтираяпмиз", деган гапларни икки дунёда ҳам гапирмайди. Лекин ичларида, дилларида эгарланган отлар, тулпорлар бор. Буни биз фуур деймиз, ор-номус деб атаймиз.

Тошкентдан Токиога қадар, сўраб кўринг — билишади буни. Ҳазрат Алишер Навоийга эъзоз-эҳтиром кўрсатиб, ул зотга ёдгорлик ўрнатган кунчиқар мамлакат элининг қалбидағи эзгулик билан бизнинг қалбимиздаги эзгулик ўртасида қандай фарқ бор? Эзгуликнинг миллати, элати бўлмайди — бани башар буни бирдек англайди, қадрладиди.

Бир япон бобо, эгнида ўзбекча чопон, бошида ўзбек дўпписи, худди ўзимизнинг Жовлимурод бувага ўхшаб қолган япон археологи — мұхтарам Като бобо нима дейди?

— Мен неча йиллардан бўён ўзбек тупроғида, Термиздаги кўхна қалъалар орасида, биласизми, нимани изляпман? Ҳалқимнинг, Ватанинг тарихини, шаъну шавкатини қидирайпман. Мен ер остидан мўъжизалар топсан, сизлар ер устида — ўз Ватанингизда мўъжизалар қураяпсизлар. Сизнинг тупроғингиз — мўъжизавий тупроқ...

Беихтиёр ўйлаб кетаман: Като бобо қаҳвасини ичиб, хушҳаво ва сўлим япон ороли соҳилида қарилик гаштини сурини ўтируса ҳам бўларди-ку? Уни бу күмтепалар қаърида чанг-тупроққа беланиб, японча ҳаётнинг бор роҳату фарогатидан кечиб яшамоққа нима мажбур қилди экан?

Ўша ор-нфмус, ўша Ватан туйгуси, яна ўша ғуур ва шаъну шавкат.
Инсонга инсонлик ҳуқуқи ва шарафини берадиган ўлмас туйгулар.

* * *

Кунлар, ойлар ўтади, фасллар такрор-такрор алмашиниб, ҳаётга, тириклика рангу ифорлар таратиб кетади.

Эзгу мақсадлар, яхши ниятларнинг рўёбга чиқмоғи бор.

Келажак уфқларига умид тўшаётган темир йўлларимиз, орзу-мақсадларимизнинг соҳилларини бирлаштираётган қўприкларимиз. Буғдойи деҳқон қўлларидан тус олган тупроқ, табаррук замин.

Янги-янги йиллар келади.

Тойчоқларнинг тулпорларга, полапонларнинг сор бургутларга айланмоғи рост.

"Уйинг тинч - юрting тинч", деган ҳикматни тескарисига ўтириб ўқинг-чи. Ҳар икки ҳолатда ҳам мазмун ўзгармайди. Бизнинг миллат-да уй билан юрт, юрт билан уй - бир яхлит тушунча: жону тан мисол, жисму жон янглиғ.

Бугун бу уйнинг муаззам остонасига муаззам тимсоллар қўйилди. Эзгулик аркаси, Мустақиллик ва эзгулик монументи бунёд этилди.

Соҳибқирон Амир Темур бобомиз ўз вактида кўчаларни кенгайтириб, Арки Олий барпо этгани ҳақида сўз юритар экан, буларни ўз кўзи билан кўрган испан элчиси Клавихо: "Қарийб йигирма кун ичида шундай улуғвор ишлар амалга оширилдики, чиндан ҳам бу ҳайратомуздир", деб ёзади.

Жадал суръатларда Эзгулик аркаси, Мустақиллик ва эзгулик монументи бунёд этилиши, Эски шаҳардаги, бутун мамлакатдаги Милий боғдаги, Самар-қанд, Қарши, Термиз, Марғилон, Нукус шаҳарларидаги бекиёс ўзгаришларга, агар Клавихо тирик бўлганда, бутун ҳам худди шундай деган бўларди.

Янги-янги йиллар, янги-янги авлодлар келадилар.


Ҳаёт ботининг гул-чечакларидай, тириклик бўстонининг навниҳолари мисол қоракўз, қорақош болакайлару қизалоқдар бу остонаядан Ватан дарсини оладилар, ифтихорга, ғууррга тўлиб, юрт тарихини ўрганидилар, Ватанин англайдилар.

Ва шунда, улар оғир ва мاشаққатли йилларда, синов ва қийинчиликларни матонат билан енгигб, ота маконимиз, муқаддас диёrimиз - азиз ва жонажон Ўзбекистон келажагини ўз қўллари билан яратган фидойи инсонларнинг номларини, албатта, миннатдорлик билан ёдга оладилар.

*Яратган бекорга қарам қилмаган,
Отам, онамдайин қуёшим, ойим.
Чингиз, Ботуларга қарам бўлмаган
Бу ҳалқ - меникидир, тұғилган жойим,
Етти пуштим шунда, ташвишим, тўйим,
Бу - сенинг уйингидир, бу менинг уйим.*

*Токи, бу тупроқда қолгай изларинг,
Ору номусинг ҳам жисминг тан-батан.
Талпиниб келгувчи ўғил-қизларинг,
Энг азиз, энг порлоқ остонаянг - Ватан.
Сенинг ёруғ юзинг, менинг - ранг-рўйим,
Бу - сенинг уйингидир, бу - менинг уйим.*

2005-2006



Абдусайд Кўчимов

ЯРКИРДАСИ НИМОХЛАРУНДА ИЖКИ ДЕРРОЁ ОҚДОР ЙИЛГАРҚИРДА

Мұҳаббат руҳи

Хар кун чақмоқ, момақалдироқ
Ойналарни шақиллатади.
Зарда билан кимдир “тақ-тақ-тақ”
Дарвозамни тақиллатади.

Юғураман ҳовлиқиб, шошиб,
Хаёлимда минг битта хаёл.
Ташқарида ғазаби тошиб
Қақшаб турар аламнок шамол.

Эшикларни ёламан аста,
Чўзиламан тўшакка дилгир.
Фурсат ўтмай bemажол, хаста
Деразани чертади кимдир.

Сочларимни силайди еллар,
Деразамни очган замоним.
Аммо, бўум-бўш, кимсасиз йўллар,
Булут ўрар қибла томонни.

Кишу ёз шу, ҳар куни шу ҳол —
Ором бермас бир беором руҳ.
Чакмоқ бўлиб, гоҳ бўлиб шамол
Фарёд урар ғамбода андух.

Биламанки, будардли азоб
Азоб берар сенга ҳам ҳар кун.
Шамол увлар ваҳший, дарғазаб,
Чакмоқ чақнар дилзада, дилхун.

Менга аён, сенга ҳам аён
Беҳаловат руҳнинг ғамлари.
Тўлиб-тўлиб йиглайсан гирён
Калдироқ “Оҳ!” урган дамлари.

Маҳшаргача санчади тикан
Жонимизга энди шўр қисмат.
Иккимизнинг айбимиз билан
Етим қолган баҳтсиз мұҳаббат.

Кувлашмачоқ

Эсингдами олмазор боғда
Кувлашмачоқ ўйнаган дамлар?
Чаққонликда бутун қишлоқда
Топилмасди сендек илдамлар.

Оҳу мисол турсанг-да чўчиб,
(Мен ноилож, ҳайрон қолардим.)
Борар эдинг маррага учib,
Мен йўл ярмига етмай толардим.

Үтди қанча баҳор, қанча куз,
Изларингдан қуваман ҳамон.
Етолмайин доғдаман ҳануз,
Ҳануз етолмайин доғдаман.

Қараашларинг

Нечун бўлдим маҳлиё – мафтун
Кўзларингнинг банди – асири.
Бу аланга, бу олов тўлқин
Олиб кетар мени охири.

Манглайи шўр парвоналарнинг
Такдиридан олмайин сабоқ,
Талпинаман девоналардай
Куйдирса ҳам шу ўт, шу чақмоқ.

Чўғга кўнган қорли учкундай
Зарра – зарра сув бўлар жоним.
Не – не диллар сенга тутқундир
Эй мингларнинг ширин армони!

Ярқираган нигохларингда
Икки дарё оқар шарқираб.
Хаёт гувоҳ гунохларингга,
Қанчаларни қилиб кетдинг фарқ?!

Жодуларинг қанча жонларни
Тегирмондай янчиб ташлади.
Гўзал умид, ҳаяжонларни
Тигларига санчиб ташлади.

Дош беролмай қараашларингга
Юм-юм йиғлар шайдо булувлар.
Ўзларини қоя-тошларга
Ўқдай урар ошиқ бургутлар.

Барчасига гувоҳман, бироқ,
Унутмоққа етмайди кучим.
Мажнун жоним – ожиз шамчироқ
Ўз-ўзимдан оламан ўчим.

Киприкларинг майли бўлсин дор,
Сиртмоқ бўлсин қаттол қарошинг.
Оёқларинг остида хор – зор
Чангга ботиб ётсин бу бошим.

Бир қатра жон қолса жонимда –
Жонгинангда нурдай қўнгайман.
Уйғонурман, бир кун қонингда –
Алвон лола бўлиб унгайман.

Нима қиласай, шу бўлса қисмат,
Кўзларингда бор умид, аҳдим,
Дилбар хаёл, беадоқ ҳасрат –
Кизғалдоқдай гулларми баҳтим?!.

Софинч

Бунча узун қиш оқшомлари,
Саҳарлари саҳродай гариб?
Изгиринли сўқир шомлари
Нажот излар титраб, титраниб-
Тонглар, шомлар ночор, телбавор
Ҳайқиради:
– Қайдасан, баҳор?

Чинни-ҳарир кўрпани ёпиб
Тўнглаб ётар сарҳовузда сув.
Тушларида баргаклар тақиб
Юзин силар мажнунтол-сулув-
Муз остида чашмаи зилол
Ҳайқиради:
– Қайдасан, баҳор?

Увишганми отлар туёғи,
Маърамайди эчкилар, қўйлар.
Кумуш қишининг кумуш байробин
Бошларига кўтартган уйлар-
Беҳаловат, беором, бедор
Ҳайқиради:
– Қайдасан, баҳор?

Шамолдай уч, қайда бўлсанг ҳам,
Эриб битсин қорли тўэзонлар.
Ўнгирларда яшнасин қўклам,
Сумалакка тўлсин қозонлар-
Маст айласин юртни ифоринг
Келақолгин, дилбар-баҳорим!

Томогидан тарнов-дорларга
Сумалаклар осилган қатор.
Киприги муз чорчинорларга
Хазин, эзгин термулган ҳилол-
Кўзларида соғинчли савол
Ҳайқиради:
– Қайдасан, баҳор?

Ҳайриятки, йил-ўн икки ой
Қаҳратон қиши яккаш ҳукмрон,
Музликлардан қидирмадим жой,
Музликларда топмадим макон-
“Шукур” дея такрор ва такрор
Ҳайқираман:
– Қайдасан, баҳор?

Ердамисан, осмондамиран,
Куйдамиран, достондамиран,
Иўлдами ё макондамиран,
Жаннат отлиқ бўстондамиран-
Сенга интиқ чархи кажрафтор,
Кайлардасан,
Қайдасан, баҳор?

Рўмолча

Эски жомадоним титкилай туриб,
Тошдай қотиб қолдим бесўз, bemажол.
Хаёлни шамолдай кетди учирив,
Сўнгги эсдалигинг — ипак дастрўмол.

Рўмолча атрофи тилларанг баргак,
Тўртта бурчагида тўртта атиргул.
Ўртасида ханжар санчилган юрак
Ва... митти кўзлари жиққа ёш булбул.

Орадан ўтса ҳам қанча баҳор, қиши,
Совғанга синчилаб солмабман назар.
Не учун, не боис, ийглаётир қуш,
Не сабаб юракка санчилган ханжар?

Сенга аёниди севги қисмати,
Булар фолингмиди, кароматмиди?
Меҳрми, сеҳрми, нафрат нусрати
Тақдирга масхара, маломатмиди?..

Қарасам... қўлларим кетмоқда титраб,
Олис-олисларда кезар хаёлим.
Сен боқиб турибсан сойга жовдираб,
Бошингда ҳилпирав шоҳи рўмолинг.

— Ўқишга кирсангиз... албатта, кириңг,
Шаҳарда кўп эмиш чиройли қизлар.
Илтимос, илтимос қарамай туринг,
Илтимос, қарамай турсин юлдузлар.

Кўзларим юмаман мўъжиза кутиб,
Кўзларин юмишар миллиён юлдузлар.
Ипак рўмолчани қўлимга тутиб,
Чопасан, изингдан қувади излар.

Гўё оёкларим чимзорга ботган,
Чолиб-чополмайман, синган парвозим.
Бир парча тошдай муз бўғзимда қотган,
Ҳайқирай дейману чиқмас овозим.

Мен — Отелло эмас, сен — Дездемона,
Ғанимлик қилган йўқ бизга Яголар.
Мен ёш Мажнун эдим — ошиқ девона,
Сендеқ севмас балки Лайли — Лайлолар.

Аммо шаҳарлигин кўрсатди шаҳар,
Қишлоқ ҳам ўзини кўрсатди дарров.
Дилни мафтун қилди гўзал бир дилбар,
Сенинг кучогингни тўлдирди куёв.

...Ипак дастрўмолни ўпаман аста,
Оҳиста эгилар паришон бошим.
Оғир ўйларимга гўё пайваста
Рўмолча юзига томар кўз ёшим.

Жажжи қизларимнинг шалоладай шўх,
Шодон кулгулари бузар хаёлим.
Фараҳбахш баҳтига қилгандай куллук,
Болаларни ўпид, койир аёлим...



Зебо Мирзо

БОШИМДАН МАХАББАТ
НУРЛАРИНИ СОЧ

Ватан

Эҳтимол, ўлдирап бу куни кўрлар,
Томирингда олов қонинг бўламан.
Жонбахш кучогингта жимгина сингган
Бир ҳалол қурбонинг бўламан.

Отамдай рози бўл,
Онамдай севгин,
Мен ҳам сеникиман, ўксик қизингман.
Бағрингда минг йиллик тошлар тўсигин
Ёриб чиқаётган бир илдизингман!

Ҳайқирамадим пасту баландда туриб
Аммо тола нурдек утаркан ёдим,
Кўкка олиб учар озод руҳимни
Кўксимни қиличдай кесган фарёдим!..

Яшайман энг сўнгсиз дардларинг билан,
Хеч ким юрагимга бўлолмас қози.
Хали мудраб ётган дунёларингни
Үйғотиб учади руҳим овози!

Мен кимман?
Фамингга ғамдош бўлмасам,
Оғримасам ёруғ қийноқларингдан?
Бошига осмонни кўтарган тоғдек
Ўсиб чиқолмасам тупроқларингдан.

Узоқ-узоқларга қараб англадим:
Қайданман, қаёнман ва кимникиман?
Кўнглимники эдим ва бир кун билдим,
Ундан ҳам олдинроқ Раббимникиман.

Хукм эт, шаҳидинг бўлмоғим учун
Жаннат боғларини ташлаб келурман.
Чорласанг, ортимдан бутун бир ҳалқни
Хисор тоғларидек бошлаб келурман.

Севмасанг ҳам қаттиқ севавераман,
Чидайман хорларнинг таъна тошига.
Шунчаки ўлмайман,
Шунча ишқ билан
Кўтариб ўлурман сени бошимга!

Бир оз кўнглимники бўлдим-ўксиган,
Раббимники эдим, шубҳасиз, бироқ,
Борим-йўғим билан сеники эдим,
Сеники бўлурман, эй она тупроқ!..

* * *

Эй менинг умримни барбод қилган ишқ,
Балки изингиздан ҳазондек ўтдим.
Вужудга оташлар туташган чоқда,
Аланга лабларда жонимни тутдим.

Мен бир гул эдим-ку,
Сизга аталган,
Кўзингиз қаҳрида тиглар отдингиз.
Мен-ку ўздан кечиб сизни топгандим,
Сиз мени йўқотиб,
нима топдингиз?

Оғринманг,
сизни деб оғриндим, синдим...
Йигладим,
Исмингиз айтиб йиқилсан...

Тўкилмасмикансиз...

Кўрқаман энди,

Оёқлар остига бир-бир тўкилсан...

Эй менинг умримни бунёд қилган ишқ!...

* * *

Юрагимда йиглаётган ким?
Оқиб кирав маъюс товуши...
Кўзларимни кесиб юборар
Куриётган гулларнинг туши...
Сени жуда аччиқ йиглатдим.
Лаънат тошин отдинг тонггача...
Епилмади осмон эшиги,
Юриб чиқдим...
Ўздан тонганча!
Нима қиласай,
Ерга сифмасам,
Имконингга сифмасам, нетай?..
Деразалар ортидан энди
Адашган тун руҳидай ўттай?
Мен саркашни қандай ёндиридинг?
Үчиролмай

Ўзим саргардон,
Севиб — ўлдинг,
Севмай — ўлдиридинг,
Яна мендан сўрайсанми жон?
Учиб кетгим келар ёдингдан,
Пайдо бўлмоқ учун қаршингда.
Нигоҳимиз учрашармиди
Яна бир бор
Кўнгил аршингда?
Сен кимларга очасан дилни,
Дунёларни ёлиб юзимга?
О, мен телба қандай ишондим
Кайтасан деб яна ўзимга?
Юрагингда йиглаётган ким?
У — менмасми,
Менинг ёлғизим?..

* * *

Нима эди нигоҳингдаги?
Бунча кутдим,
Бунчалар шошдим?
Ишқ нуриими ё тун сояси?
Гул эдими деб адашдим...

Самолардан тушиб келгандим...
Гул умримни нур каби тўшаб.
Айт,
Осмоний қанотим билан
Кетмадимми риёга ўхшаб?

Отгим келди қанотларимни
Юлдузларни сочиб бошингдан.
Малак эдим ва ёки шарпа,
Аёл бўлгим келди қошингда!

Бузиб кўхна чарх дарвозасин
Билгим келди таъқиқ ғамини.
Қачонлардир жаннат олмасин
Лабларингда қолган таъмини!

Кўзларингда бир сир бор эди,
Мен шу сирнинг асири эдим.
Балки само салтанатининг
Ўзи билмас бир сири эдим.

Асраганинг менга тигмиди,
Юрагимга кетмоқда ботиб?
Кўзларингни бир кўргим келди,
Тошлар узра йиқилаётниб...

Нима эди нигоҳингдаги?..

* * *

Бошимдан мұхаббат нурларини соч,
Конимда сезайин аланга күчин.
Оллоҳ бизни берган ёруғ дунёға
Севилмоқлик учун,
Севмоқлик учун...

Бармогим учида — осмон эшигин
Ошиб
күрсатаман муқаддас кўкни!
Агар ишонмаса,
ҳамма ўқисин:
«Бизнинг ёрлигимиз Худонинг хукми!»

Мен-балки Ҳаввоман,
Сен — Одам Ато,
Жаннат боғларидан тушганим ҳақдир.
Бизнинг дийдоримиз — энг буюк ато,
Бизнинг дийдоримиз — илоҳий тақдир...

Сир ошкор этгани севмайди Худо,
Сен дилга қулоқ тут,
ййланмоқ нечун?
Ахир, иккимизга зор эди дунё
Севги нималигин билмоқлик учун!..

* * *

Топмасымдан токи ўлимни
Кўриб қолай биргина лаҳза.
Кетинг,
бунда менинг кўнглимни
Англар фақат учми-тўрт майса...
Бегонасиз менга бутунлай,
Бошим узра сачраб турманг, бас,

Айбингиздан ҳеч хабарим йўқ,
Холимни ҳам кўрсатгим келмас.
Кетинг,
ахир, кўймайсиз нега
Кўзингизда найзалар билан?
Кетинг..
бир пас йиглаб олайин
Сув бўйида майсалар билан...





Наби Жалолиддин

СҮРХАТ ВА НИҚОБ

Умар Хайём

Роман¹

Иккинчи қисм
Биринчи боб

1

Султоннинг ажаб бир одати бор эди-кўнгилхушликка чоғланса ҳам ҳарб машварати янглиғ мажлис тузарди. Бу каби йигинлар, айниқса, хукмдорнинг хос кишилари, надимларига алоҳида тааллукди эди. Сарой сари чорланган аъёнлар бирон жиддий кенгаш бўлмоғига хезланниб, ҳар не сўроққа жавоб ва ечим топмоққа ҳозир келардилар. Улар хузури муборакка кириб, султон Маликшоҳнинг қошида Жаъфаракни кўрдилару олампаноҳ дилхушликни ихтиёр этганлитгини англадилар ва кўпчиликларининг лабларида ним табассум зоҳир бўлди. Аҳли хос ўз мавқеларига биноан султоннинг икки ёнига тизилдилар. Унинг ўнг ёнида ҳар доимгилик вазири аъзам Низом ул Мулк, амирул фузало Умар Хайём ва бошқалар, сўл ёнида эса мұхтасиб Бадрий, Мұҳаммад Такаш, Қазваний ва амирлар амири Арслон Тош бошлиқ амирлар турадилар. Қуйироқда бўлса машшоқлар, ҳофизу қасидагўйлар жам эдилар. Султон мулоим жилмайиш ила аъёнлар таъзимига майл билдириди ва бу билан барчага эътиборли эканлигини англатди. Филҳақиқат, айни дамда, султоннинг юз-кўзидан нур ёғилар, лабидан учайдган ҳар бир сўзда мутойибага мойиллик сезиларди. Унинг либоси-бошидаги тоҷдан фарқли ўлароқ дур қадалган салла, юпқа оч яшил қабо, учи қайрилма этиги ҳам кайфиятига бисёр монанд эди. У жамоатга имкон қадар хуш сўзламоққа уринарди.

Султоннинг бу кунги майлини аллақачон пайқаган унинг қизиқчиси Жаъфарак Чучукка, айниқса, Худо берди. Паканагина, жиккак бу

¹Давоми. Боши ўтган сонда.

одам жуда сўзамол эдики, гап келганда, ўзгалар тутул султоннинг ўзини ҳам аяб ўтирасди ва ҳеч ким унга эътиroz билдиримоққа жазм этол- масди. Албатта, олампаноҳдан ҳайиқардилар, балки Жаъфарак Чу- чукнинг қисмати султоннинг илкида эканлигини яхши англардилар. Бу аччиқ забон қизиқчи ҳам ўз мақомини тузук билармиди ёхуд аслан шундайин мардона журъат соҳибимиди, атрофдагиларга игна санчи- шини кўймасди. Унинг "сайдари" асосан уламою амалдорлар бўлар- дилар. У бирорни ҳеч аяб ўтирасди. Чамаси, уни онаси шунаقا сертикон бир махлуқ этиб дунёга келтирган кўринади. Эҳе-е, унга тиш қайраганлар қанча. Айниқса, унинг сўз пайконига вазири аъзам кўп бор рўбарў келарди. Бироқ вазир унга аччиқ қилишга бир жиҳа- ти султондан ҳайиқар, қолаверса, ўз ожизлигини атрофдагиларга на- мойиш этмоқни ҳам истамасди. Чучук нишонга урганда зоҳирان енгил кулиб қўя қолар, аммо ичини нимадир бирварақай шилиб юборган- дек туюларди. Шунинг учун Низом ул Мулк Жаъфарак гап бошлага- нида зириллаб турарди. Султон наздида эса қизиқчисининг вазири аъзамга айтаётган гаплари шунчаки мутойиба эди, холос, унга парво қиммоқлик тузук бўлмасди. Устига устак дунёни зир титратган султон Маликшоҳ ҳам оддий инсон эди. У ҳам оддий бандалар каби гоҳо тушкунликка тушарди, хаёлга бериларди ёки арзимаган нарса учун кимнидир ёмон кўриб, унинг мағлублиги, камчилигини пайқаганда ҳузурлангандек туюларди. Низом ул Мулкнинг машҳуриги, эл аро бообрўлиги ва ҳатто, ўзини бош вазир соясида қолиб кетаётгандек ҳис қилиши баъзан султонни изтиробга солар, бу ожизона файрлиги- ни Жаъфаракнинг вазири аъзамга нисбатан масхараларини таъзиқ этмаганилигида гоҳо сездириб ҳам кўярди. Қисқаси, Жаъфарак чучук султоннинг вазири аъзамдан пинҳона қасос олмоғи учун ўзигагина аён воситаси эди.

Жаъфарак Чучук кенг чалвор ва яланғоч танасига қизил нимча кийиб олган. Боши тақир қирилган ва кўзлари думалоқ, катта-катта бўлгани боис ҳам кулгили, ҳам бироз қўрқинчли кўринарди. У бирдан сакраб турди-да, "Шултон шакбоз!" (яъни, "сакбоз"-итбоз демоқчи) дея ҳайқирди чучук тил ила. Барча султонга бирров қаради-ю, унинг жилмайиб турганини кўриб, бараварига қаҳқаҳа урдилар. (Аслида, Жаъфарак анойи эмасди- у ўзининг чучук тиллилигини рўйач қилиб, султонни "шакбоз", яъни, шак келтирувчи ҳам демоқчи бўларди.)

— Мен-да унинг кўплагиман, — деди Жаъфарак, энди "тўрт оёқлаб" тилини осилтирганча ҳакилларкан.

Тақи барча хандон отди.

— Вале, унинг ўжга (ўзга) шадоқатлийоқ шаки бой...

Аъёнлар гап ким томонга оғаётганлигини англаёлмай, жим қолди- лар.

Қизиқчи энди кетини ўйнатиб, қийқирганча сакрай бошлиди.

Сўнг думалоқ кўзларини ола-кула қилиб бироз жим тургач, бирор- га сир айтаётгандай кафтини оғзига олиб бориб, деди. — У ўлгудай тўп (кўп) тугади- ўн иттига шакбаччалайям бой. Вав, вав, вав... — У ҳар тарафга иргишиламоққа тушди.

Жамоат гап вазири аъзам ҳақида кетаётганлигини фаҳмлади, бироқ барчалари султонга эргашиб қаттиқ-қаттиқ қулавердилар. Баъ- зилари эса соҳиб девонга зимдан назар ташлаб кўярдилар.

Низом ул Мулк зил кетган, юзига қон уриб, базўр нафас оларди. У аламдан титраётган бўлса-да, сездирмасликка уринар ва безиллаб турарди. Бу чучук деганлари аксар ҳолларда сўзини қақшатқич тарзда поёнига етказарди. У ана шундан қўрқмоқда эди. Бу гал ҳам шундай бўлди... Жаъфаракнинг сўнгги гапидан вазири аъзам адойи тамом бўлди. Султон бошлиқ аъёнларнинг ҳаммалари қаҳ-қаҳ отиб кулар- канлар, Низом ул Мулк гўё кулаётгандек юзини тириштиргани билан ич-ичидан бир ингроқ келиб, ҳик-ҳик қиласди, холос. Аламдан кўзлари

ёшланиб кетганди.

Жамоат Жаъфаракнинг қилиқларидан, сўзларидан узоқ кулди, бу то сulton кулгидан тўхтаб, илкини кўтариб, жим бўлишга ишорат этгунча давом қилди.

— Маълумингиз бўлғайким, биз асад ойининг адоги ёхуд сунбуланинг ибтидосида шикорға чиқмоқликни ихтиёр қилдук. Шул боисдан, амирул сайдгарга (овчилар амири) ва жамики сайдгарларга бу шоҳона шикорға ҳозирлик кўрмоқни амр этурмиз.

Бу хабарни эшитган аҳли аъён бараварига мамнунлик қайфиятини намойиш этдилар.

— Амирул фузало, хос надимимиз Умар Хайём жаноблари шикорда бизга ҳамроҳ, бўлғайлар. — Султон ним табассум ила шоирга боқаркан, билинар-билинмас бош силкиди.

Хайём аввалига сultonнинг ниятини тушунмагандай бир лаҳза ҳайрон турди-да, сўнг шошиб таъзим қилди.

Бу олий эҳтиромдан қарши тарафда турган Қазванийнинг кўзлари олайиб, косасидан чиқиб кетаёзди...

Ихтиёри олий барчага аён этилгач, яна кўнгилхушилик авж олди...

2

Ўшанда Хайём ҳузури муборақдан чиққач, вазири аъзам билан учрашмоқ ниятидан қайтди, чунки Жаъфаракнинг вазири аъзамга қилган қўпол ҳазилидан сўнг унга рўбарў келмоқ уни масхара этмоқ ила баробар эди. Соҳиби девон ҳозир танҳо қолмоғи лозим эди. Вужудидаги алам оташини босиб, тин олмоғи жоизлиги шоир учун маъқул кўринарди.

Аслида, Хайём сultonнинг амирандан шодланмади. Шикорга кетса, расадхонадаги ишлар тўхтаб қолиши ва айниқса, хомаю давотидан йироқ тушмоғи уни хомуш этди. Бироқ тождорнинг ҳукми вожиб эди.

У эртасига корфармони чақириб, Шокир Талхни олиб келишни буюрди. Шокир Талх деганлари Хайёмга аввалдан эшлиги бўлган этиқдўз эди. У билан Исфаҳонга янги келган кезлари мана шу корфармо боис танишган эди. Шоир пошнали пойабзал киёлмасди, кийса-да, оёғи толиқар ва ҳатто, кўпроқ юриб қўйса, оғришга тушарди. Шул важдан ҳамиша пошнасиз ясси тагчармли оёқ кийими кийишга уринарди. Бу унинг наздида, жуда қулай туюлар, уни кийса, қадамини енгил оларди. Ўшанда корфармо Шокир этиқдўзнинг бошкентдаги энг олди аҳли ҳунарлардан бири эканлигини айтгач, Хайём уни дарҳол ҳузурига чорлади. Чорлашдан олдин этиқдўзнинг исмига нега энди Талх лақаби қўшиб айтилишини сўраб ҳам олди. Чунки Шокир каби гўзал исм ортидан бундайин сифат бергувчи ғализ сўзнинг ишлатилиши уни чиндан ҳайрон қолдирганди ва шунинг учун бу лақабнинг тарихига қизиқиши ихтиёrsиз равицда ортди.

— Шокир этиқдўз жудаям тўғри сўз, — деди корфармо шоирнинг сўрогоғига жавоб бериб. — Гапини хаспўшлаб ўтирумай, шартта айтадигўяди. Сўзини бисёр намакоблаб сўзлар ва шул боис, Талх дерлар уни.

Кейин Шокир Талх ила бир неча бор гаплашгач, англадики, у чиндан ҳам талх забонли экан. Ўзи асли тоза кўнгилли этиқдўз ҳар қандай фикрини дағалроқ йўсиңда ифода этмоққа одатланганди. Бу фататгина тўғри сўзлиқдан дейилса, хато бўларди, аникроғи, бу унинг илму урфон борасида ғофил ва тарбияси нотўқис эканлигидан ҳам далолат эди. Талх тамсими унинг сурату сийратига ростдан ҳам мос тушганди.

Хайём Шокир Талхнинг келишидан завқданди. Йўғон-йўғон бармоқларига монанд думалоқ қоп-қора юзи, оғоч бутоги каби катта бурни

шоирнинг завқини қўзраб, табассумга ҳамроҳ этди.

— Ҳазратим чорлаган эканлар, — деди Шокир Талх салом-алиқдан сўнг ўз одатича шошиб.

— Аввало, муродимиз сизни кўрмоқ эди... — дея гап бошлади шоир сўзларни ҳижжалаб, кулимсираганча. — Оз фурсат бўлса-да сухбатингизни...

Талх дағал овозда бидиллади:

— Оёғимга пойабзал даркор бўлиб қолди, дея қолинг, тақсир!

Хайём этиқдўзнинг эркалигини кўтарарди ва бундан ўзи ҳузурларди.

— Бунча ошиқурсиз, оғойи Шокир! — деди кулиб у туркий лаҳжада. — Сиз тиккан этиклар ҳам худди сухбатингиз каби биз учун қимматлидур, бироқ ул бир баҳона, холос. Аслида, сухбатингизга муштоқмиз, Талх.

— Ҳазратим муболага этдилар. Илло, бизнинг сухбат нима-ю тегирмон тошининг товуши нима? Шундоф бўлгач, баҳузур хизматни айтаверсинлар, жаноб.

Хайём юрак-юракдан қаҳ-қаҳ отиб кулди:

— Сўзланг, Талх, сўзланг. Талх отингиз араз этиб, қочиб қолмасин тагин!..

Кулишдилар.

Шоир муддаога кўчиб, султон ҳазратлари ила шикорга ҳозирланаштганлигини ва дашту сахрода узоқ-узоқ юрмоқ учун мос келгувчи этик буюрмоқчи эканлигини айтди.

— Кўп юрганда оёғим толиқмаса, бас. Пишикроқ чармдан бўлса...
Бу юмуш борасида сиздан ўтадурғони йўқтур.

Шокир Талх тақи бир бора шоир оёғининг қолипу ўлчамларини олиб, кетмоққа шайланди.

— Пошна борасида унутмасинлар, Талх, — дея эслатди шоир унинг ортидан.

— Пошнангиз менинг бўйнимда-ку, ҳазратим, қандоқ унуттай, — деди этиқдўз сўзига қўш маъно юклаб.

Хайём кула-кула қолди.

Ўша кунлари вазири аъзам Низом ул Мулк ила учрашмоқ, валинеъматининг аҳвол-руҳиясидан боҳабар бўлиб, ҳол сўрмоқ шоирнинг бирламчи муддаоси эди. Ҳар тугул ўшанда соҳиб девоннинг кўнглига озор етди, бу дард устига чипқон бўлиб, ғанимлар тантана қиддилар, ошкора музafferлик нашидасини сурдилар. Хайём айни мана шу озорларни вазири аъзамнинг қалбидан қувмоқ истарди. Бироқ, ҳадеганда, у билан учрашмоқ насиб этавермади.

Хайём отларга ишқибоз эди ва шикор туфайли тақи отларга ошино бўлмоғидан қувонарди. У султоннинг отхонасига ва турфа жонзотлар боқилгувчи томошахонасига кирмоқ учун ижозати олийга мушарраф бўлган эди. У ҳам бўлса, султон Маликшоҳ шаҳриёри аъзамнинг саҳоватлари туфайли насиб этганди. Шунинг учун шикорга ҳозирлик баҳона султоннинг отхона ва томошахонаси сари ошиқди. Хайём тузуккина синчи (отнинг аҳволи, соглигини ўрганувчи одам) эди ҳамда у ердаги синчи-ю сайис (отбоқар)ларни жуда яхши танирди, улар ҳам ғалат феъли шоирга кўнишиб кетгандилар, шунингдек, унинг отпарастлигини ҳам жуда яхши билардилар ва ҳурматлар эдилар.

Султон Маликшоҳ турфа жонзотларни хуш кўради. Тўгри, шикорга чиққанда ҳеч бир маҳлуқни аяб ўтирамай, бирваракай тифлайверарди, лекин тирик жониворларнинг томошасидан ҳам ўзини тиёлмас, аксинча, гоҳо уларнинг ҳаракатларини кузатиб, завқланар, ҳузурларни эди. Унинг хос ҳайвонотхона бунёд этганлиги ва у ерга тез-тез кириб турмоғи ҳам ана ўша феълидан эди. Ҳайвонотхона-томушахонада жонзотларнинг жамики турлари мавжуд эди: бўри, паланг, шер,

қоплон, тулки, оҳу, жайрон ва ҳакозолар, қушлару паррандалардан лочин, кабутар, қумри, тўти, саъва, товусу дуррож (тустовук)лар сақланарди. Султон сайдгар лочин ва саклар тайёрламоққа алоҳида эътибор бериб, саъй этарди. У отларнинг фаҳму фаросатидан қанчалик завқланиб, шиддатидан нечоғлиқ куч олса, лочинларнинг жасур сурати-ю мардона феълларидан шунчалар вужудига қуввату шижаот тўлиб бораради. У ўзини лочинга ўшшатарди ва лочиндай тутмоққа интиларди. Ҳар бир лочинга айрича эътибор берар, гўё ўз боласини эркалаётгандек меҳр ила сийларди. Лочин парвозини кўрганда унинг кўзлари чақнаб, олов сочаётган монанд кўринар, елкалари шишиб, бўйин томирлари бўртиб кетарди. Бу маҳал мисоли икки ҳукмдор-қушлар шоҳи ила башар султони баҳс бойлашиб, бир-бирларидан завқланаетгандек туюларди.

Хайём от зотларининг турлари каби лочинлар ҳақида ҳам кўп нарса билар ва бу жонзотларнинг қадим тарихларидан тузуккина бохабар эди. Аслида, султоннинг шоирни ўзига надим этиб тайинламоғига ушбу жиҳатлар ҳам қисман боис бўлган эди. Шунда султон сайисхонада Хайём ила отларни томоша қилиб, ҳордиқ олмоқда эди. У тинмай ўз отларини таърифу тавсиф этарди, қайси от қаердан келтирилганлиги ҳақида сўзларди. Султон бошқа бир жойда ёхуд даврада бунчалар очилмаслиги, сўзамол бўлмаслиги аниқ эди. Уни бу хуш кайфиятга солган нарса отларга бўлган мислу қиёссиз меҳри эди. Шунда шоир суҳбат асносида мақбул бир фурсатни топиб, ҳукмдорнинг ижозати ила унга ғазналик Сабук Тегиннинг ўғли султон Маҳмуд ва унинг Аёз отлиғ ғуломи тарихини сўзлаб берди:

— Кунлардан бир куни қўшни мамлакат ҳукидори Маҳмуд Газнавийга элчи йўллаб, унга кўп бебаҳо тортиқдар ила бир от ҳам жўнатади. Элчини султон Маҳмуд саройида иззат-икром ила кутиб оладилар, дабдабали қабул маросими уюштирадилар. Маросимдан сўнг султон тухфа қилинган отни кўрмоқ учун боради. От барчага маъқул келади, лекин султон сарой отбоқарларидан: "Отни кўрмаган ҳеч кимса қолдими?" дейа сўрайди. Сайислар бошлиғи: "Султоним, отбоқарларнинг ҳаммалари, ҳатто муҳожир от билгичлар ҳам кўришди ва бу отга қойил қолиши", дейди. Шунда бир четда турган отбоқарлардан бири: "Аёз кўргани йўқ", деганида, султон: "У ҳам келиб кўрсинг", дейа амр этади. Сайислар бошлиғи эса "Оlampanox, Аёз яқинда келган қулингиз, у ҳеч нарсани билмайди, отларнинг тагини тозалаб юради, холос", деб, орага сўз қўшади. Султон бўлса ғазаб ила ўз амрини қайтаради.

Аёзни чақириб келадилар. У султонга таъзим қилгач, бир четда қўл қовушириб туради. Султон эса унга буюради:

— Ушбу отни яхшилаб кўр ва қандай от эканлигини бизга айт!

Аёз ўйлаб туриб, дейди:

— Олампаноҳ, камина ғуломингиз, оддий отбоқардурмен. Синчиллик қилмоққа ожиздурмен. Агар ҳазрати олийлари истасалар, амрлари вожибки, билмоққа саъй этгум. Аммо ундан аввал отнинг дарёга тушиб чиқишини кўрсам-да, сўнг бир фикр айтсан.

Султон Аёзниг талабига рози бўлиб, отни дарёга олиб боришлари ни буюради. Аёзниг бу талаби отбоқарлар бошлиғи ва бошқа баъзи кимсаларга ҳам ёқмагани аниқ эди. Бироқ "Султоннинг амри вожиб", деб отни дарёга олиб бордилар ва сувга туширидилар. Сув отнинг белигача кўмгач, у бироз сув ичди. Шундан сўнг Аёз отни дарёдан олиб чиқди, шу билан бирга унинг ҳар бир ҳаракатини кузатиб турди. От соҳилга чиққач, "Энди бўлди, кетдик", деб сарой сари йўл олди. Барча ҳайратда: "Бу қул нимани билдийкин?" дейа ажабланардилар. Бош сайис Аёзниг олдига келиб, секин "Нимани билдинг, Аёз?" деб сўраганди, Аёз: "Билганимни сўраган одамга айтамен", деди. У султонга рўбарў бўлиб, таъзим қилгач, деди:

— Олампаноҳ, сизга инъом этилган от зотли кўринаадур, қадам таишлари, юриши, сувга ботирлик ила тушиши, чиқиши ҳайратомуз, шоҳларга арзигулик от. Лекин фикри ожизимча, бу от ёшлигида сигир сути ила боқилган чиқар, чунки ҳаракатлари отларга хос бўлса ҳам баъзи қилиқларида қорамолларда бўладиган аломатлар сезилдики, бу ҳол мени ўйлантириб қўйди. Балки мен хато қилаётгандирмен, унда бир қошиқ қонимдан кечмоғингизни ўтинамен.

Султон отбоқарлар бошлиғидан: "Сен нима дейсан?" деб сўради. У эса ҳеч нарса дёёлмаслигини билдириб, бошини эгди.

Сўнг султон элчи ила учрашди. Суҳбат асносида гапни от мавзусига бурди. Элчи от ҳақида батафсил сўзлаб берди:

— Бу от подшоҳ йилқисидаги энг зотли биянинг боласи бўлиб, унинг ёшлигида тасодиф туфайли бия ҳалок бўлган, тойча эса зотли сигир сути ила боқилган. — дея гапини тутатди элчи.

Султон от сигир сути ила боқилганига қаноат ҳосил қилгач, Аёзни хузурига чорлади:

— Бу сирни қандай англадинг? — дея сўради ундан.

Аёз таъзим-тавозе ила деди:

— Эй улур султон, ҳар ҳодисага диққату иштиёқ, ила қараш ва уни кузатиш, кўрган-билганинни тафаккур қилмоқдан инсон билими, тажрибаси ортади. "Ҳаётда содир бўладиган яхши-ю ёмон ҳар ҳодисани кузатиб боришига ўрган ва шунга одатлан", дер эди падари бузрукворим. Мен ёшлигимдан кексаларни ҳурмат қилар, кекса билим соҳибларининг сўзларига қулоқсолар ва айтганларини ўқиб олар эдим. Кексалардан эшитганларим ва ўзимнинг ёшлиқдан кузатганларимдан фаҳмладимки, қорамоллар сувдан чиққанларида орқа оёқларини галма-гал ортига силкитадилар. Бу ила орқа оёқларида ўсган юнглардаги сувларни туширадилар. Лекин отларда бундай ҳол учрамайди. Келтирилган тулпор дарёга ҳайиқмай, сесканмай тушди. Аммо сувдан чиқиб, орқа оёқларини силкитди.

Султон Маҳмуд Аёзниң жавобларидан мамнун бўлиди ва уни ўша заҳоти мирохур¹ этиб тайинлабди.

— Бундан аён бўладики,-дея гапини тутатди Хайём от тарбиясида, унинг зотини тоза сақламоқда ҳар бир нарса эътиборга олинмоғи лозим экан.

Филҳақиқат, отларни билмоқ борасида султон ила шоир бир-бirlаридан қолишимасдилар. Балки шул боис ҳам суҳбат қизигандан қизирди. Хайём ўзининг Аёз ҳақидағи ривоятини тутатгач, ундан илҳом олган султон ҳам тақи отлар таърифига тушиб кетди. Чиндан ҳам гўдаклигига ёқ от миниб, шамшир тутган, яъники, ҳарб илмини пухта згамлаган бу туркий ҳукмдор барча қавмдошлари каби отлар хусусида кўп нарса биларди. Қадим туркий шоҳ Афросиёб айтган экан: "Эрга от андоғим, кўкка ой". Агар от бўлмаса, ҳарбийларга жасур одамлар деган ном нолойиқ бўлур эди. Кўп саркардалар отга минмоқни фалак бўйнига минмоқдан афзалроқ билганлар. Зеро уни "Кутлуғ қадам" деб бежиз айтмаганлар. Ҳа, бу гапни турклар айтган, султон ҳам бу таърифга ишонади. Султон Маликшоҳ, шунингдек, Расулиллоҳ саллалоҳу алайҳи вассалламнинг от ҳақида айтган ҳадисини ҳам яхши биларди. "Хайр йилқининг пешонасига ёзилган", дейди Пайғамбар алайхиссалом. Айниқса, араб отлари бемислдир...

— Мана бу форслар алус деб атайдурғон от — дея гапида давом этганди султон ўшанда. — Айтадиларки, у гўё осмонда учади, жуда зийрак ва бошқа отларнинг дупурини узоқлардан эшитади. У жуда қаноатли, аммо совуққа чидамсиз. Бундай от эгаси бўлмоқ баҳт, бироқ бу жонивор анчайин нозикдур. Мен бунда хўп чопғанмен, шоири замон.

Хайём ним табассум ила султоннинг гапини давом эттириб кетди:

¹Мирохур — отбоқарлар амири

— Устод Аристотилуснинг ёзишича, отларнинг тури жуда кўп. Ул зотнинг эътирофича, қушлар рангидаи, хусусан, оқ от яхши ва эътиборга лойик. Унинг соҳиби жангда доимо зафар қозонади. Бундай отни подшоҳлар минса ярашади.

Шоирнинг гапи султонга жуда ёқиб тушди. Чунки у оқ отни ҳушлар ва бир неча хил зотли оқ отлари бор эдики, ҳар жабҳада уларни миңар ҳамда бундан фахру ифтихор этиб, ҳузурланарди.

Ўшанда уларнинг бу ёқимли сухбати узоқ чўзилганди ва охирида султон Хайёмни "Отлар хусусидаги билимларингиз или "Тулпорнома" отлиғ рисола битсангиз бўлур эркан", дея лутф этиб, сийлаганди. Мана, энди сайисхонада шикори хосга ҳозирлик кўриб турибди. Бу шикордан, албатта, яхши, тоза ва хуш ҳаводан симириб, сиҳатини баракарор этиб қайтади. Фақат хомаю давотдан айру тушмок...

Шикорга, тағинки, шоҳона шикорга ҳозирлик узоқ давом этарди. Аввало, учқур отларнинг туёқдари янгитдан тақаланиб, юваб, мойланар, ёллари ҳафсала или тароқданиб, хинолар суртиларди. Бу нимарса от узра ўлтирган чавандозни шижаотлантирас, зотли аргумоқнини майнин, хино тусли ёллари учиши унга журъат ва улуғворлик баҳш этарди. Шунинг каби бу амаллар шикори хоснинг зийнати, унинг суратига берилгувчи оролари эди.

Бир ёнда уста сайдгарлар ов курол-аслаҳаларини созлайдилар, ҳозирлайдилар. Найза ва пайконларнинг синонларини (тиғларини) чархлаб, садоқларга жойладилар. Бошқа ғуломлар аробаларга озиқ-овқат, идиш-аёқлару чодирларни, кўрга-тӯшакларни ортадилар. Кўплаб мешлардаги сувларни асосан туюларнинг ва баъзи отларнинг устига юклашар, қолган керакли буюмларни ҳам шу тариқа саранжомлашарди. Икки нортуюга аморий (кажава, түя устида ўлтиришга мўлжалланган маҳсус ўриндиқ) ҳам ўрнатилган бўлиб, бу султон ҳазратлари учун эди. Мабодо, сафар чоги от устида толиқсалар, аморийда ҳордик олишлари мумкин эди.

Шикори хосга шундайин алоҳида тадорик жоиз эди. Сарой ҳовлиси, ташқиси бир неча кунлаб шовқин оғушида бўларди. Айниқса, овчи саклар занжирларга боғлаб олиб чиқилганда, уларнинг басма-бас ҳуришлари оламни тутиб кетарди. Зотдор, шикори хос учун ўргатилган бу катта-кичик, турфа ранг итларнинг овозидан, наинки, одамнинг, оламнинг ҳам қулоги батанг бўларди. Яхшики, уларнинг "тилини" билгувчи сакбозлар бор, акси бўлса, бу мағзи не кўйга тушардилар, Оллоҳга аён.

Бир неча сайдгар лочинлар эса, султоннинг ва аҳли шикорнини ҳам фахру ифтихори эдилар. Бу мағрут, мардона қушларда улуғлик, киборлик рамзи мужассам эди. Улар ҳам гоҳо юракларга ваҳм солгувчи сас ила ҳайқириб қўядилар...

3

Сунбуланинг бошида шикорга отландилар.

Ундан аввал Хайём вазири аъзамнинг ҳузурида бўлиб, бироз сухбат курди, валинеъматининг кўнглини олишга уринди. Сидқидилдан қилинган муомала, самимият киши қалбига, шуурига таъсир қилмасдан қолмайди. У кўнгилларни кўтаради, одамнинг ўзига бўлган ишончини оширади. Вазири аъзамда ҳам шундай бўлди, ўз жигарбанду аржумандидай бўлиб қолган шоирнинг самимий сўзлари, хайриҳоҳ чехраси зимистон кўнглини ёритиб юборди. У ўша онда яна бир карра амин бўлдики, бу даҳри дуннинг омонлиги эзгулик, самимият ва чин дўстликнинг мавжудлигига боғлиқ экан. Ҳар ҳолда, илму маърифат боқий экан, зеро, Хайёмни унга ёвуқ, тутган ҳам илму маърифат ва эзгуликка эшлик эди.

— Яхши олиму шоирдан уста сайдгар чиқмаслиги аниқ, — деганди ўшанда Низом ул Мулк шоир ила хайрлаша туриб. — Бироқ яхши шоирдан яхши ҳамроҳ чиқади. Олампаноҳ ила мулоқотда ул зотни эҳтиётлаганинг каби ўзингни ҳам сақлагин. — Бу унинг оталарча насиҳати эди. У ҳукмдорлар қуёш янглиф бўлишлигини тақи бир карра эслатганди...

Шикорнинг аввали бошкентга яқин водийда, унга туташиб кетган тоғлар устида кечди. Ёллари ўsicк, арабий оқ отда виқор ва ҳайбат ила чопган сulton Маликшоҳ, ниҳоят, суюкли тулпоридан тушиб, пиёда юрмоққа бошлади. Водийнинг елқасига оёқ қўйган тоғ салжуқий сultonга ҳам жалолатли¹ кўринар, унинг юксаклиги қаерда интиҳо топмоғини тасаввур этмоқ мушкул эди. Бу ерда атроф жавониб² тоғдан иборат эди. Тоғ ёнбағридаги катта-кичик қорақўнғир тусли, гоҳо оқиши харсанг тошларга суюниб турфа оғочлар ўғсан. Бу оғочлар баъзи жойларда фуж-фуж бўлиб ўғсанидан яхлит ёнғоқзор, тоғолчазор ва мевалари майд-майд ёввойи олмазорларга айланиб кетган. Ундан юқорида эса зарангзорлар ястанган. Бу оғочзорлар остида ўсгувчи гиёҳлар ҳам турфа хил-буғдоийқ, қўзиқулоқ, наъматак, ёввойи олча, қорақанд³ каби ўтларнинг бир неча хиллари мавжуд. Айниқса, бу янглиф гиёҳлар тоғ устидаги яйловларда мўл-кўл. Бу каби набототнинг бисёрлиги турфа жонзотларнинг ҳаёт кечирмоғи учун ҳам жуда қулайдир. Унда тулки, бўри, сиртлон, гоҳо эса аайқ ва йўлбарслар ҳам эмин-эркин яшайдилар. Тоғнинг юқорисида бўлса, жадий (тоғ такаси), кийик, тоғ қўйи, қор қоплони каби жонзотлар кўп. Тоғда яшовчи қушларнинг тури беҳисоб, уларни таниш, ажратиш анча мушкул.

Сайдгарларнинг бир қисми ва сакбозлар итларини олиб, тоғнинг юқорисига чиқиб кетдилар. Улар баландга чиқиб, бир қанча муддат жим туришар, тоғ устини сукунат қоплаб, жамики жонзотлар хотиржам бўлгач, ваҳимали сас бергувчи бургуларни чалишиб, итлар ила шовқин-сурон солишиб, қуйига энардилар. Бу саълари ила тоғдаги борки ҳайвонотни сайёдлар томон ҳайдардилар. Тоғнинг бошланишида сulton бошлиқ ҳар хил яроғлар тутган сайдгарлар туришар ва улар қимирлаган нарсаки бор жонталош этардилар. Сайдгарлар асосан сultonнинг кўнгилхушилиги учун хизмат қилишар, ўлжалар қисматини ҳам аксаран унга топширишарди. Сultonнинг атрофида анчамунча даррандани (йиртқични) ҳам енга олишга қодир алп қомат сайдгар-қўриқчилари ҳамиша шай турардилар. Шикор маҳали сultonнинг жони азизини омонда сақламоқ уларнинг зиммасида эди.

Сulton Маликшоҳ ўлжани танлаб ўтирасиди. Жон ташвишида ўзини ҳар ёнга уриб, яширинишга уринаётган жониворларнинг барини бирваракай гоҳ, камон, гоҳ палаҳмон ва ёки найза ила шикастлайверарди. Ёнидаги бир неча яроғбардорлари ҳориса ҳорирдики, сulton асло ҳоримасди. Кишининг этини сескантиргувчи бир қиёфага кириб, турфа махлуқотни ўлдираверарди. Айни дамда у қатлоҳ узра қилич ялангочлаб, маҳқумни кутаётган жаллодга ўхшарди. У уста мерган эди, оттан ўқлари нишонга бехато тегарди... Кўп ўтмай ҳаммаёқ ҳайвон жасадларига тўлиб кетди. Уларнинг ҳаммасини ҳам йифишириб олмасдилар. Баъзи қимматбаҳо мўйнали жониворларни тўплаб, терисини шилиб олмасалар агар, аксарияти ўша жойнинг ўзида қолиб кетарди. Сulton учун шикорда ўлдириш завқи муҳим эди.

Хайём бу "қатлоҳ"га умуман яқинлашмади, баъзан чодирда қолса, гоҳида тескари томондаги тоғ ёнбағирларида кезинди. Тўйиб-тўйиб тоғ ҳавосини ва унга чулғаб май симирди, майсазорларга бурканиб, осмонга термулди, қадрдон мъзвони кузатди. Гоҳо эса мастона шеър битди:

¹Жалолатли — улутвор

²Жавониб — томонлар

³Қорақанд — зирк

*Ул азал сайёди қўйиб дона, дом
Ўз овига қўйди одам дея ном.
Оlamda не яхши-ёмонлик бўлса,
Ўзи қилиб, тўнкар одамга мудом.*

Ўша сархуш кечаларда кўк балдори ойга термулиб, ўртанди, эҳти-
рослари жунбушга келиб, ой юзида Марямнинг жамоли акс этиб, шу-
урида тақи шеър айланди:

*Ё Оллоҳ, ул гўзал ойни яратиб,
Сочи сунбулидан анбар таратиб,
Унга қарамагил, дея буюрсанг,
Зулм-ку, дил шавқин ўзинг кўзгатиб.*

Шоирнинг жон талвасасида типирчилаётган жониворларни кўрмоқقا
на ҳоли, на тоқати бор эди. У ўлимга сира-сира кўника олмасди. Оллоҳ
ўзи яратган инсон ишқида барпо этган бу оламда тўйиб-тўйиб яшаш-
ни, барчанинг яшашини истарди. Хайёмнинг ҳамиша ўзгалардан пин-
ҳон тутишга уринган сири-бу унинг жуда-жуда ҳаётпастлиги эди. У
ҳаётни севарди ва шунинг учун, ўлимнинг улуғлигини ҳис этгани ҳолда,
унга тоқат қиломасди.

Тоғдаги ов икки ҳафтага яқин давом этди.

Дашту биёбондаги шикор ўзгача бўларди. Бу ерда сайдгарлар кўпроқ
от устида ов қиласидилар. Султон ҳам оқ тулпорига миниб, ўлжанинг
ортидан қувар ва болалигидан ҳадисини олганидай, отни чоптира бо-
риб, жон қайғусида югураётган жониворга қаратса ёйдан ўқ узарди.
Сайд қулагач, тақи бошқа жониворнинг ортидан қува кетарди.

Ёзида¹ оқ саксовуллар мўл эди. Уларнинг бўйи гоҳо етти-саккиз
газгача етарди. Бундан ташқари, йирик юлғунлар, шувоқ ва шўраклар
ҳам кўп бўлиб, қалин бутазорларни бунёд этгандики, бу ҳайвонлар-
нинг жон сақламоғи учун ўнгай эди. Бу ерларда овбоп жониворлардан
оҳу, кийик, тулки, шағол, қуён ва шер каби даррандалар ҳам кўп
учарди. Даштдаги шикор сайдгар учун чинакам синов ҳам эди. Унда
отнинг устида ёй ота олмоқ маҳорати или ботирлик ҳам бўлмоғи лозим
эди. Чунки от устида чопиб бораётган овчининг рўбарўсидан баногоҳ,
бирон йиртқич чиқиб қолиши ва от ҳуркиб, суворийсини ерга қулат-
моғи мумкин эди. Сайдгарнинг ёзигида бўлса, шер ёки бошқа дарран-
да уни ғажиб ташлаши ҳам турган гап. Султон Маликшоҳнинг падари
бузруквори султон Алп Арслон даврида бўлган шикорларнинг бирида
шундай бўлганди. Унда Маликшоҳ ёшгина болакай эди, ҳавас или ота-
сининг ортидан югуриб юрарди. Кичкина ёйидан ўзича ўқлар ҳам
отарди. Ўшанда кўплаб ярадор жониворларнинг жон беришини кўрган
эрса-да, қонга белангтан одамнинг бундай тарзда жон талашмоғини
ҳеч ҳам кузатмаганди. Буталар ортидан туйқусдан чиқиб келган шер
бечора сайдгарнинг бўғзини ғажиб ташлаганди... Бу мудҳиш манзара
уни ҳали-ҳамон тарқ этмайди Жангу жадалларда неча-неча одамнинг
ёстигини қуригтан, ададсиз жониворларни хокга қорган султон Ма-
ликшоҳнинг ёдига ўша воқеа тушиши ҳамоно юраги зириллаб кетади.
Чунки бу унинг ўлим ҳақида илк болалик тасаввури эди. Ўлим де-
ганда унинг кўз олдига ўша бўғзи ғажилиб, қонга белангтан сайдгар
келарди.

Султон ёзи шикорида лочинларига ҳам эрк берди. Улар ҳам қуш-
бонларнинг илкидан шиддат или осмонга кўтарилиб, ўлжа излай бош-
ладилар. Лочин подшоҳлар шикорининг улфатидир, у или қувонади-
лар, уни севадилар. Лочиннинг хулқи ўзининг нозиклиги ва покизали-

¹Ёзида — даштда

ги ила тождорларнинг хулқига ўхшайди. У гўштхўр паррандаларнинг подшоҳидир. Шул боис лочин бошқа одамларга қараганда подшоҳларга кўпроқ ярашади. Лочинда бошқа жониворларда бўлмаган жалолат мавжуд. Подшоҳлар уни томоша қилишнинг яхши аломатлари бор деб билишади. Султон Маликшоҳ ҳам шундай деб билар ва айни дамда, қушбонлар илкидан кўкка парвоз этаётган лочинларга узок-узок завқ ила тикилмоқда эди.

Асли лочинларга ишқибоз бўлган Хайём ҳам ҳозир султоннинг ёнида эди ва у ҳам лочинлар парвозини кузатарди. Шоир қушлар шоҳи ҳақида кўп нарса билар ва унинг билишидан султон ҳам боҳабар эди. У лочин ҳақидаги ривоятларни билишдан ташқари, унинг ҳаракатларига қараб турли башоратлар қилишга ҳам қодир эди...

Ана, лочинлардан бири тўргайни тутиб, ваҳшат ила қийқириб қайтди. Шоир сесканиб тушди, лочиннинг бундайин ҳаракати яқин орада бўлгувчи ёмонликдан далолат берарди. Қуш учиб келиб султоннинг илкига кўнди.

— Шоирлар шоҳи шоҳнинг шоҳ қуши ҳақида не дейди? — дея султон илкидаги лочинни юқори кўтариб, кўз-кўз қилди.

— Султонимнинг лочини беназир. — Хайём от устида ўлтирган султонга яқинлашиб, ўнг илкини қуш томон узатганча давом этди. — Унинг пайлари қаттиқ, болдири йўғон, ўзи юмалоқ ва миқти, қомати келишган, туси сарғиш. Демакки, бағоят соғлом ва овга бисёр ҳарисдир¹. Чин тождорларга муносиб лочин экан.

Шоирнинг гапларидан султон яйраб кетди:

— Сизнинг ҳар хусусда илмингиз бекиёс эканлиғига тақи бир карпа амин бўлдим, — деди ва шоҳона илтифот кўрсатди. — Бу кунги оқшомни биз ила ўтказгайсиз, шоири замон.

Хайём енгил таъзим қилди.

Шоир султоннинг кўнглига йўл топа олганди. Чунки унинг лочинга бемисл меҳри борлигини жуда яхши биларди. Эсида, мана шундай шоҳона шикорларнинг бирида ажаб таассуротли воқеа кечган эди. Ўшанда султон илкига лочинни қўндириб, сув ичаётган қушбонини кўриб қолди. Уни юз дарра уриб жазолашни буюрди ва деди:

— Бу не ҳол?! Лочин бу қушлар шоҳи, подшоҳлар илкидаги энг азиз ва муҳтарам жонзот. Не бўлдики, сен бундай одобсизлик қиласен? Подшоҳлар эъзозлаган нарса илкингда-ю, сен фаҳмсиз сув ичмоқдасен!

Қушбон таҳлика ичра деди:

— Худовандо умрингизни узун қилсин, султоним, агар ташна бўлсаму илкимда лочин бўлса, не қилай?

— Бу ишга лаёқатли одамга бер.-деганди ўшанда султон бироз юмшаб. — У лочиннинг ушлаб турсин, сен сувингни ичавер.

Султоннинг чодири қошида ваъдага биноан тузилган шоҳона зиёфатдан сархуш алпозда қайтган шоир ўз чодирига киргиси келмай, ташқарига ўлтириди. Доимгидай яна осмонга тикилди. Гўё уни ҳамиша осмон ўзига чорлаб турадигандек, кўк сари талпиниб яшарди. Чўлнинг тунги осмони янада бўлакча бўларкан-кенг, бепоён, тип-тиник. Худди меҳрибон бир кишигнинг кўзларига ўхшайди. Жимирилаб нигоҳингта санчилгудай бўлаётган ложувард юлдузлар эса ўша кўзлардан отилган меҳрга чулғонган учқунлар янглиғ. Бунчалар ҳам ярқирамаса бу юлдузлар?! Уларнинг партави жоним риштасига пайванд. Ана, ой қошида Ноҳид юлдузи порлайди. Буёқда эса сурати чўумич монанд Дубби Акбар юлдузлари, бир ёнда Ҳулқари ахгар. Бу бепоён коинотни яратган Зотга ҳамдлар бўлсин! Бу сонсиз юлдузларнинг адфи бормикин? Уларнинг инсон кўзи илғай олмайдиганлари қанчайкин? Бир кун келиб башар қавми қадами, унинг шуури ана ўша чексиз маъволарга

¹Харисдир —ўчдир

етиб борармикин? Тақи чексизлик! Тақи устоз Уқлидуснинг ўша икки ёндош чизиклари, ҳеч қачон кесишмайдиган ҳадлар. Наҳотки ҳеч қачон кесишмасалар? Худди эзгулик ва ёвузлик каби. Демак, уларни бир-бирларига яқинлаштирмоқ, ўрталикни топмоқ учун орадаги холис мельёрни топа билмоқ лозим экан-да. Ана ўшанда эзгулик ва ёвузлик маҗозан бўлса-да қовушадилар. Қовушганлари билан улардан нё бино бўларди? Билмайсен, ё Абул Фатҳ, Умар, билмайсен! Лекин оралиқтнинг ҳосил бўлмоғи аниқ. Ҳамма нарсада оралиқни топа билмоқ лозим, уни топа билмоқ эса улуғлик нишонасиdir. Ҳамма нарсада мельёр, яъни, энг холис оралиқ топилар экан, мавжуд парда, балки файб пардасидир, кўтарилади ва қўп асрор ошкор бўлади. Бироқ бунга эришмоқ мушкул. Нафс баандаси бўлган одамзот барибир бир томонга оғиб кетади... Яхши фикр. Албатта ёзиб кўймори керак... Улуғ муаллим Аристотилуснинг эгри ва тўғри ҳадлар ҳақидағи фикрига уйқаш фикр бўлади. Яъни, у эгри чизикнин аҳмоқ, тўғри чизикнин эса оқилу доно кишиларга ўхшатади. Тўғри чизиклар бир-бирларига ҳамиша текис ёпишадилар, эгри чизиклар эса ҳеч қачон мос тушмайдилар. Яъни оқил кишилар бир-бирларини осон тушуниб, тил топиша оладилар, аҳмоқлар эса... Устоз топиб айтган. Яна ўша оралиқ!.. Хайёмнинг мијаси чирсиллаб кетгандай туюлди. Ҳаёлини ҷалғитиш ниятида юзини кафтлари или кескин ишқалаб, яна ойга тикилди. Май оташидан қизиган вужудида ёқимли жимирилаш уйғонди. Ой юзида тақи Марям на-моён бўлди. Ҳозир не ила машғул экан у гўзали?! Шоирнинг тани қизиб, ўрнидан турди-да, эгнидаги ширдоғини (иссиқдан сақланиш учун кийиладиган кийим) ва Шокир Талҳ тикиб берган таги ясси ўнғай этигини ечди. Ширдоғини тахлади ва сўл ёнига ёнбошлаб, унга бошини қўйди. Кўзларини юмаркан, хаёли гўзал Марямнинг васлига илк бора етишган онларга учди.

Расадхона қасабасидаги тоғнинг бағрида катта бир булоқ бор эди. Унинг ёқасида улкан ёнғоқлар ўстган бўлиб, уларнинг остидаги харсанг тошлар текис ва силлиқ сояда салқинлаб ўлтириш учун жуда ўнғай эди. Булоқ суви бағоят тиниқ ва тоза, таъми totли эди, кишининг ичган сари ичгиси келар, бошқа сувлар каби қоринни шиширмасди. Бир сафар Марямнинг майли или ўша булоқ бўйига бордилар. Силлиқ харсангтош устига ёнма-ён ўлтиридилар. Қиз илкини тиззала-ри узра қовуштириб, уларнинг устига оппоқ ёноғини босиб, булоқ сувининг хиромига тикилди. Анчагача бир сўз демади. Хайём ҳам унга халал бермоқни истамади. Ниҳоят қиз бошини кўтариб, оёқларидағи гулдор хипчачувакларини ечди, ҳовучини тўлатиб сув олиб, юзига босди. Билурдайин сув томчилари юзида сирпандилар. Шоир унга маҳлиё бўлиб тикилиб туради. Вужудида ҳузурбахш ва шунингдек, ўртагувчи бир ҳис кезина бошлаганди. У ана шу ўртаниш асносида ютоққандай ютинди.

— Қанчалар соҳибжамолсен, Марям! — деди у қиздан кўзларини узолмай.

Қиз унга қиёлаб, жон олфувчи нигоҳ ташлади. Ўсиқ қайрилма пайконлар бир неча бор силкиндилар.

— Чинингизми? — сўради у ёқимли эркалиқ ила.

Бу пайт шоирнинг нигоҳи унинг узун кўйлаги остидан чиқиб турган оппоқ оёқларига тушди. Айниқса, товоонлари гўзал эди- қизфиш-са-риқ, кўнгилга эҳтирос ўтини солгувчи.

— Сени жуда-жуда яхши кўриб кетмоқдамен, Марям! — деди шоир овози титраб.

— Эндиғинами? — дея қиз тақи-да олов қалади.

— Азалдан!

— Мен ҳам айтайнми? — деди қиз энди араз қилгандай боқиб.

Хайём ўзини тутиб туролмади, унинг елкасидан оҳиста ушлаб, ўзи-

га тортди. У қизни илк учрашувдаёқ севиб қолган, бироқ отасининг ҳурматидан андишаси ортиб, ўзга нигоҳ ила боқмоқдан тийиларди. Ҳозир эса ишқ ўти соглан түғёнини жиловлай олмади.

Қиз ҳам қаршилик қилмади. Шоирнинг бағрига суқилгани сари бетакрор ҳузур оғушида қолмоқда эди.

— Жоним! — деди шоир титраб.

Қизнинг бошидаги силлиқ рўмоли сирғалиб, тушиб кетди. Мушк¹-нинг бўйига чулғанган тим қора соchlари тўлғониб, ёйилдилар.

Шоир ним пушти лабларга лабларини босди. Улар бекиёс totли эдилар, худди манов булоқнинг сувидек тоза ва мусаффо. Икки ошиқ дил бир-бирларига чирмашдилар...

Чодир ёнида ухлаб қолган шоир ҳансираф, тўлғонарди. У сўл ёнига ёнбошлаб, юрагини кучганча ширин туш кўрмоқда эди...

Шикорнинг ёзидағиси ҳам икки ҳафта давом этмоқда эди. Султон ҳали шикордан зерикмаганди. Бу сафар пешинга яқин саксовул ва шувоқлар чирмашган қумли дарага кириб қолдилар. Атроф жавониб қумтепалардан иборат. Тўрт бурчагига найзалар ўрнатилиб, сояблар тутилган аробалар ўлжаларга тўлғанди, бироқ ҳукмдор овни тўхтатай демасди. Бир маҳал икки сайдгар тепалик ортидан икки шербаччани кўтариб келиб қолдилар. Шербаччаларнинг кўзлари эндигина очилган бўлса-да, тинмай ириллардилар, бироқ бақувват сайдгарларнинг чайир илкидан кутула олмасдилар. Шернинг баччаси ҳам шер бўлгани боис бу бандиликка дош беролмасдилар. Уларни султоннинг истагига биноан қафасга солдилар. Ҳукмдор шербаччаларни сарой ҳайвонотхонасига элтмоқни ният қилганди.

Орадан ҳеч қанча фурсат ўтмай, сайдгарлар шербаччаларни олиб келган ёқдаги тепаликда наъра тортган она шер пайдо бўлди. У шиддатли тарзда ўкирар ва одамлар томонга талпинарди. Аҳли шикор дарров сергак тортиб, яроғландилар. Ёлларига пайконларини жойлаб, зих²ларини таранг тортиб, шай турдилар.

Султоннинг юзида тантанавор бир маъно барқ уриб, кулди.

— Мана энди жанг қизийдурғон кўринадур!..

Она шер қуиғига тушиб кела бошлади. Сайдгарлар султоннинг амри или уни ўққа тутдилар. У ёй ўқларига чап берар, гоҳ олдинга, гоҳ орқага сакраб, ирилларди, одамларга ҳамма қилишига пайконлар бўро ни монелик қиларди. Бу ҳол анчагача давом этди. Сайдгарлар шернинг ахволидан завқданиб, қийқирадилар. Ахийри шер бундан зериқдими ёхуд саълари нафсиз эканлигини тушундими, ерга думалаб, бошини ҳар ёнга уриб, ўкира бошлади. Барча уни масхара қилгандай баттар қийқирмоққа тушдилар. Бирдан шер тинчиди қолди-да, бир пас қимир этмай ётди.

Ҳаммалари ҳайрат или сукутга толдилар. "Ўлиб қолдими, нима бало?" деб ўйлардилар улар. Кўп ўтмай, она шер ўрнидан турди, хотиржам қиёфада одамларга тикилди. Сўнг оҳиста бир неча қадам ортига тисланди-да, шиддат или олдинга ташланди. Ҳали одамлар ўзларини ўнглаб олмасларидан уларга яқинлашди ва шаҳд или шундайин бир сакрадики, мисоли учайётгандек келиб, ўлжалар ортилган аробанинг бурчагидаги соябон тортилган найза тифига кўқсини урди. Тиф фирчиллаб кўқсига чуқур-чуқур ботди. Уни кузатиб турган одамлар увиллаб юбордилар. Шер бир-икки типирчилади-да, нолакор сасда чўзиб бир инграгач, жон берди. Нарироқдаги қафасда турган шербаччалар кетмакет ирилладилар.

Барча бир лаҳза жим қолди. Ҳамманинг қалбини ҳайрат ва ачиниш хисси эгаллади. Бу, айниқса, Хайёмга қаттиқ таъсир қилди, у ёқасини тутиб, "Субҳоноллоҳ!" деб юборди.

¹Мушк охуннинг узоқ югуриши натижасида унинг қораталогида ҳосил бўладиган қора хушбуй нарса. Сайдгарлар сарой учун охуларнинг танидаги мушкларни ҳам йиққанлар.

²Зих — камон ип

³Итобли — разабкор

Жимликин Султоннинг овози бузди:

— Шерларга ачинмайдурлар, — деди у аста ва итобли³ тарзда хитоб этди. — Улардан ифтихор этурлар! — Аммо у шу гапини айтди-ю беихтиёр бир сўлиш олди. Шу-шу кечгача ожизлана борди. Оқшомда иситмаси чиқиб, ётиб қолди.

Хайём унинг ширдоғини ечиб, ёзи офтобидан қорайиб, озғинлашган юзидаги совуқ терларни артди.

— Менга не бўлди, шоир? — сўради у титраркан.

— Шикорни тўхтатинг, олампаноҳ, — деди Хайём ялинчоқ оҳангда.

— Кўнгилхушлик учун жониворларнинг қонини тўқмоқликни бас қиласлик. Рухиятингизга шикаст етмиш, султоним!

— Ҳа, ўзим ҳам сезиб турибмен!.. — Султон энтиқди. — Тонгда саройга қайтмоқликка фармон беринг, шоир. Шаҳарга қайтишимиз ҳамоно Адам Шайх ҳазратларининг хонақосига, муридларига хайру эҳсонлар қилгум, иншооллоҳ!

— Султонимнинг ниятлари ўзларига йўлдош бўлғай, — дея унинг сўзини маъқуллади Хайём.

Эртасига эрталаб Исфаҳон сари йўл одилар. Султоннинг аморий-да ўтироққа ҳам ҳоли келмагач, аробага ётқиздилар. Умар Хайём уни муолажа қилмоққа тушди.

Бу шикорда ўн минг бошдан зиёд жонзотларга қирон келтирилди. Шу-шу ҳалқ орасида "Султон Маликшоҳ, минорат ал қорун", яъни, "Султон Маликшоҳ шохлардан минора тиклади", деган нақл тарқалди.

Иккинчи боб

1

Исфаҳонда ва умуман, салжуқий султонлар ҳукмронлик қилаётган бутун мамлакат ҳудудида турли дин ва мазҳабларга мансуб авом бақамти умргузаронлик қиласдилар. Салжуқий ҳукмдорлар исломпарвар бўлганлари ҳолда, ўзга динга мансуб қавмларга ҳам бағрикенглик илиа муносабат кўрсатардилар. Улардаги мана шу фазилат кўпчиликка манзур бўлар ва забт этилган ўлкалардан Исфаҳонга ҳамда мамлакатнинг бошқа кентларига олиб келинган шоири фузалолар, ҳунармандалар бу ер ҳалқи илиа тез қовушар, урфу одатларига ҳам тез кўни-киб кетардилар. Бироқ бу улкан ва қудратли давлат сиёсатининг бундайин мақомга етишмоғи осон кечмаган, унга анчайин курашлар илиа эришилган. Мамлакат ичра бу янглиғ тартиб ўрнатилишида вазири аъзам Низом ул Мулк ҳазратларининг хизматлари бекиёс бўлган. Кекса вазир ёзган, шунингдек, аллақачон ҳалқ ичра шуҳрат топиб, зиё тара-таётган "Сиёсатнома" отлиғ рисолани мутолаа этган киши бунга янада амин бўлғай. Зотан бу донишмандликка йўғрилган рисолада тождорларга ва умуман давлатни идора этмоқ илиа машғул кишиларга кўпу хўп панду насиҳатлар борки, уларни қулоққа олиб, амал қилмоқ оқиллар ишидир. Аслан ҳам бу китоб салжуқий шахзодаларни тарбия этмоқ ва уларнинг амаллари илиа барпо қилинган буюк ҳамда қудратли мамлакатни сақлаб қолмоқ орзусида битилган эди. Фозилу дониш вазир ҳукмдорларга неники айтмоқни ихтиёр этган бўлса, ўша гап ёхуд унга муқобил ривоят ва ҳикоят мазкур рисоладан жой олганди.

Низом ул Мулк суннийларнинг шофеъий мазҳабига мансуб эди. Султон Маликшоҳнинг амакиси, салжуқийлар салтанатининг асосчи-си Муҳаммад Тўғрулбек ўлгудай ҳанафийпараст ва бу борада бисёр мутаассиб эди. У бутун умри мобайнинда шофеъийларни қатл этиб, қувғин қилиб яшади. Вале, соғ суннийлар давлатини барпо этмоққа курбу имкони етмади.

Бу ғайирлик ва адоват туйгуси султон Алп Арслонда ҳам мавжуд эди. У шофеъийларни қувғин қилмаса да, уларни очиқдан-очиқ ёмон кўрарди. Уларга зиён-заҳмат етказмаслигининг боиси эса Низом ул Мулқдай оқилу доно вазири борлиги ва унинг шофеъийлар мазҳабига мансублигидан эди. Лекин у бундан пинҳона афсус-надомат чекарди. Гоҳо қайфияти бузилган пайтларда бу надомати тилига ҳам чиқиб кетарди:

— Менинг вазирим шофеъий бўлмаса қанийди! Афсус!.. — дерди итоб ила.

У салтанатни куч ила идора этарди. Ўзининг эътиқодига, яъниким ҳанафий мазҳабига жуда содик ва муҳаббатли эди. Шофеъий бўлган вазири аъзам унинг худди мана шу садоқату муҳаббатидан хавфсираб яшарди.

Ёш султон Маликшоҳ даврида Низом ул Мулк ўз орзусига етди ҳанафий ва шофеъий мазҳаблари расман тент дея эътироф этилди ҳамда улар ўртасидаги низолар бирмунча барҳам топди. Мамлакатнинг жамики жойларида шофеъийларга нисбатан ғайри муносабатлар йўқ бўлди. Гўёки мусулмон дунёси осмонида оқиллик қуёши балқиб, жумла жаҳон муросаю мадора зиёсига йўғрилди. Бир сўз ила ифода этилса, салжуқийлар ва демакки, вазири аъзам орзусидаги мустаҳкам салтанат барпо этилди. Давлат идорасига аҳли диннинг таъсири кучайди. Низом ул Мулк жорий этган Низомияда (кўплаб фанлар ўқитиладиган ва давлат томонидан тайинланадиган ўқув маскани) ва диний идораларда мутакаллимлар (Исломни анъанавий ва турғун ҳолда тушунувчи диний оқим) кўпайди. Сўфийлар алоҳида хурмату эътиборга эга бўлдилар, Исфаҳон сўфийларининг пири комили Адам Шайхнинг нуфузи ортди. Ҳонақоҳлар, муллавачча-ю ҳофизи Қуръонлар учун мамлакат ҳазинасидан мўл-кўл олтину кумушлар тортиқ этиларди. Султон бошлиқ кўплаб амалдорлар шофеъийларнинг марҳум имомлари руҳига иззат-ҳурмат кўрсатмоқни одат қилдилар.

Вазири аъзам шулар билангина чекланиб ёки кифояланиб қолмасди. У мамлакатдаги ўз таъсирини, нуфузини мустаҳкамлаб борарди. Бу борада, айниқса, унинг ўзи жорий этган Низомиялар жуда-жуда ўнгай эди. Улардаги вазир томонидан тайинланган мударрислар ва жомеъ масжиidlарининг имомлари Қуръони карим ҳамда ҳадиси шарифларга уйғун тарзда унинг йўриқларини илгари сурардилар. Раиятнинг шуурига машҳур ва донишманд соҳиби девоннинг фикру насиҳатларини сингдирмоққа уринардилар. Филҳақиқат, бу уринишлар зое кетмаётганди, Низом ул Мулкнинг мавқеи салжуқийлар салтанати аро мустаҳкамланиб борарди.

Бироқ бани башар барибир бандалигича қоларди, яъни, у минбаъд ўзаро низоларсиз, келишмовчилкларсиз яшолмасди. Вазири аъзамнинг хоҳиши ва саъий ила мамлакатда шофеъийларга қарши таъқиблар тутатилгандек кўринарди, лекин улар ўртасидаги бу муросаю мадоралар фақатгина бошкент Исфаҳонда ва тақи баъзи вилоятларда сезиларли эди, холос. Бунга аксил ўлароқ, кўплаб вилоятларда ва айниқса, Ислом оламининг марказига айланган Бордодда улар орасидаги низолар мудом давом этарди. Бироқ бу курашлар асосан авом ўртасида пинҳона тарзда олиб бориларди. Аслида, бу низолар ҳеч қачон барҳам топмаслигини вазири аъзам ва бошқа мулоҳазакор кишилар ҳам жуда яхши тушунардилар.

Шундай қилиб, буюк салтанат бир қадар осойишта ҳаёт кечирмоқда эди...

Салжуқийлар давлатида кўпчиликка ноаён бўлган ва султон Маликшоҳ ҳамда вазири аъзамгина сезиб турган бир хавф қувват йифмоқда эди. Бу хавфнинг асосида ҳанафийларни ва на шофеъийларни тан олмаган, уларнинг ҳар иккисига ҳам бирдек тиш қайраган исмои-

лийлар турардилар. Уларни бир сўз ила таррорийлар (ўғри, қароқчи, тажовузкорлар) деб ҳам аташ мумкин. Зеро, бу аҳли таррор бутун дунё бўйлаб ёйилиб, куч йига бошлагандилар. Салжуккий салтанатда эса улар асосан Қазвин, Исфаҳон ва Ислом халифаси-ю шайхулислом ҳукмрон бўлган Боддода кўпчилик эдилар. Уларнинг саноғи кун сайин ортиб бораради. Бу ҳақда бутун салтанат бўйлаб изғиган хуфиялар кунда-кун ора янги-янги хабарлар олиб келардилар. Таррористларнинг пешвоси вазири аъзамга жуда яхши маълум бўлган Ҳасан Саббоҳ эди ва у олампаноҳнинг уларга қарши бир режа ихтиёр этганидан ҳам бохабар эди. Шунга қарамай, таррористлар вазири аъзамнинг ўз танасидаги энг хавфсираган оғриқди аъзосидек эди, гёй.

Бу ўй-фикрлар вазири аъзамни бир лаҳза бўлсин тарк этмас, нафақат шуурини, балки қалбини ҳам кемириб бораради. Кейинги кунларда унинг кўнглига фулғула солгувчи тақи бир воқеа рўй берди-султон Маликшоҳ ҳазратлари шикордан хасталаниб, бунинг устига кишини хушламайдиган бўлиб, тунд алпозда қайтди. Олампаноҳнинг рухиятидаги бу дарзнинг шикор маҳали рўй берган шер воқеаси таъсирида пайдо бўлганлигидан бохабар эди. Бироқ, хасталик чекиниб, оёққа турган бўлса-да, у ҳали бирон марта вазири аъзамни ҳузурига чорламади. Бу нарса вазирни турли гумону иштибоҳларга рўбарў этмоқда эди.

Соҳиб девоннинг шундоқ ҳам, яъни, шунча ташвишу хавфларсиз ҳам хотиржам яшаши мумкин эмасди. Чунки унинг ош аёқига оғу солган, аникроғи, оғу солдирган ғанимлари ҳаёт эдилар. Ибн Баҳманёр зиндоңда сирли тарзда ўлим топгани билан унинг ҳамтовоқлари, раҳнамолари тирик юардилар. Бироқ вазири аъзам уларнинг кимлар эканлигини билмасди, билолмасди. Гоҳо танҳо қолиб, ўйга ботганда, сон-саноқсиз қўллар унинг гирибонидан олаётгандек туюлар ва хаёлан мислсиз куч топиб, улардан омон қоларди. Шундай вақтлари атрофида пайт пойлаб, писиб ётган беҳисоб ғанимлари борлигини ҳис қиласди, пайқарди...

2

Султоннинг дили хуфтон эди. Дунёнинг салкам ярмини зир титратган тождор ҳозир забун бир аҳволда ўтиради. Унинг бу кўнгилхиралиги шикорнинг сўнгида бошланган эрса-да, саройда рўй берган охириг ҳодиса аввалига ғазаб тулпорига миндириди. Лекин ўтган бир неча кун мобайнида ғазаби сўниб, бағрини ўқинч, алам эгаллади, ҳар нимарсага ҳафсаласиз аҳволга келди. Ундаги сўнган ўша ғазаб шоҳона бўлгани сингари, айни дамдаги ўқинчу алами бир жиҳати оддийтина инсоний бўлса-да, аслида, бу туйғулари ҳам шоҳона эди. У ҳатто шоҳларга ҳам дунё бебақо эканлигини англаб, ҳар қанча ҳиммату саховат кўрсатмасин, барибир одамий хиёнатдан, шундоққина биқинидаги ханжарлар тифидан омонда қолмаслигини англаб турарди. Бу нарсани англаш жуда эски, бироқ ҳар бир одам ўзича эришадиган шоҳона кашфиёт эди. Шунингдек, бу кашфиёт ҳамиша боягидек алам или ниҳояланади...

Султон қарс уриб, ҳожиби даргоҳ (сарой нозири, қабул маросимларининг мутасаддиси)ни чақирди.

Ҳожиби даргоҳ кириб, таъзим ила хизматта шай тургач, буюорди:

— Аввалан муҳтасибни, сўнгра вазири аъзамни чорла!

Хизматчи чиқиб кетгач, нохуш ўйлар уни тагин ишғол эта бошлади: «Менга не бўлди? Бунчалар дилзадалик нечун? Ҳа, бир қизиқчи ўлса ўлибди, вазирзода хиёнат қилса қилибди? Нима, шунга ҳам ота гўри-қозихонами? Ё хиёнатта энди рўбарў келишимми? Ахир, бу Одам Атодан қолган шўриш-ку! Шунга шунчалар алам тортмоқ дурустми?

Ахир, у султон, буюк салжуқийлар салтанатининг хукмдори! Бу янглиф аҳволга тушмоқ султонга ярашиқлами? Йўқ, асло!..»

Аслида, гап вазири аъзамда ҳам, қизиқчисида ҳам ва бошқада ҳам эмасди. Унинг аҳволи руҳияси ўша шикорда рўй берган она шер воқеасидан сўнг бутунлай ўзгарганди. Лекин ўзида кечётган бу айру ҳолатни ўзи тузук-қуруқ англамасди. Ваҳоланки, шикордан қайтгач, бир ойча хасталаниб ётди. Табиблар муолажа этдилар, нафаси ўткир дуогўйга бир неча бор дам солдирдилар, сўфийлар хонақосига, бева-бечораларга хайру эҳсонлар қилдилар, аммо жисми сиҳат топса-да, руҳи, қалби оромга эришмади. Мудом шу аҳвол.

Ҳақиқатда эса салжуқлар давлатининг сарҳадлари кенгайгандан-кенгайиб борар, унинг чегаралари мағрибда Ҳазар ва Марварид денигизига, шимолда Қоғоз ва Қора денигиз соҳилларига, жанубда эса Форс кўрфази ҳамда Ажаму Шом саҳроларигача етганди. Византия ва Миср фотимиyllари ҳам унга қарам эдилар. Булар жуда катта ҳудудларни ўз ичига оларди ва мана шу улкан ҳамда бемисл ҳудуд. Буюк салжуқийлар давлатини ташкил қиласди. Энди султон Машриқ томонга кўз тикмоқда эди. Унинг ўйида қорахонийлар давлати бўлмиш Мовароуннаҳр сари юриш режаси ҳам бор эди, бироқ буни ҳали ҳеч кимсага ошкор этмаганди.

Ҳожиби даргоҳ кириб, муҳтасиб Сайийд Муҳаммад Бадрий келганигини маълум қилди. Султоннинг ижозати ила кўп ўтмай ҳузури муборакда муҳтасиб пайдо бўлди. У олампаноҳга таъзим қилиб, унинг ишораси ила таҳтнинг сўл ёнидаги ўриндиқقا ўлтириди.

Султон илки остидаги Низом ул Мулк биттган ва ўзига тухфа этган "Сиёсанома" китобини олиб, Бадрийга узатди. Сўнг:

— Шариатда хиёнатга жазо борму, муҳтарам Бадрий жаноблари? — деди паст, ўйчан овозда.

Кекса муҳтасиб шошиб қолди. У табиатан жуда ҳуркак эди ва ҳозир ҳам жони кўзига кўриниб кетди. Шўрлик бирорга, бирон гапга қарши чиқмоқликни умумун хушламас ва истамасди ҳам. Ҳозир кўзларини жовдиратиб, сукутда қолмоғи ҳам айни дамда мақбул сўзни излаёттанидан эди.

— Нечун индамайсиз? — Султон бу сўроғини жавобсиз қолдириш мумкин бўлган маънода айтди.

— Агар олампаноҳ...

Таъзим ила кириб келган ҳожиби даргоҳ, муҳтасибнинг гапини бўлди ва вазири аъзам келганигини маълум қилди.

Низом ул Мулк ҳузури муборакка кириб, бош эгиб салом берди ва султоннинг ишорати ила унинг ўнг ёнбошидаги курсига ўлтириди. У хиёл саросимали кўринар, ҳатто боя таъзим қилаёттанида нокулайроқ саъй этди чоғи, салласининг печи елкасидан сирғалиб тушиб кетди. Кекса вазир буни ўтиргач пайқади ва осилиб қолган печини шошиб ўнг елкасига ташлади. Унинг бу безовталиги султон ҳазратларининг ўзгариб қолганлиги ва уни шу кунгача бирон марта йўқлатмай, багоҳ ҳузурига чорлаб қолганлигидан эди.

Султон вазирга ўгрилиб, мийигида кулди ва деди:

— Вазири аъзамнинг сиҳатлари дурустми?

Вазир шуурида бу сўроққа турли маънолар бераркан, таъзим қилди.

— Шукур, олампаноҳ, султонимнинг сояйи давлатларида ҳамиша омондамиз.

— Биз улуғ бир донишмандлик китобидаги ҳикматни сиз ила баҳам кўрмоқни ихтиёр этдик.-деди султон муҳтасибга "ўқинг" маъносида ишорат қиласкан, ҳали белгилаб ва унга тайинлаб қўйгани саҳифани очишга буюриб.

Вазири аъзам ўз китобини таниди ва бир нохушликин сезиб, ичи-

дан зил кетди.

Озгин, рангпар муҳтасибнинг нафақат илки, ҳатто сийрак соқолига титрарди. У ўшандайин титроқ овозда китобни ўқий бошлади:

“— Ҳусрави Парвезнинг вазири Баҳром Чўбин ила муносабати бошда яхши эди, уни кўп хурмат қилди. Усиз ҳатто таом емас, бирон пиёла гулоб ҳам ичмас эди. Шикорда ҳам, саройда ҳам улар ҳамиша бирга бўлишарди. Кунлардан бир куни Ҳирот ила Сарахснинг омиллари подшога ҳар биттаси бир харвордан зарур ва қимматбаҳо юк ортилган уч юз бош тую олиб келдилар. Ҳусрави Парвез булярнинг ҳаммасини Баҳром Чўбинга берди.

Эртаси куни Ҳусрави Парвезга нохуш хабар келтирдилар-Баҳром Чўбин гуломини қип-яланғоч қилиб қаттиқ савалабди. Подшо дарғазаб бўлди ва Баҳром Чўбинни дарҳол чақиртириб келди, сўнг қурчибошига: “Қурхонадан беш юз шамшир олиб чиқ!” деб буюорди. Қилич олиб чиқилгач, Чўбинга қараб мурожаат қилди:

— Қани, Баҳром, қиличлар ичидан яхшиларини танла!

Баҳром юз эллик қилични саралаб олди.

Шундан кейин подшо яна деди:

— Шу қиличлардан ўнта яхшисини танла!

Баҳром танлаб, четга териб қўйди.

Подшо яна буюорди:

— Энди шу ўн қилич ичидан кескир иккитасини танла!

Баҳром энг яхши ва кескир икки қилични танлаб олиб, подшонинг олдига қўйди.

— Энди, — деди подшо ҳар иккала қилични бир қинга жойлаштири. Баҳром Чўбин ҳайрон бўлди, сўнг деди:

— Аъло ҳазрат! Ахир, икки қилич бир қинга сифмайди-ку?

Подшо деди:

— Ундаи тақдирда бир мамлакатга икки ҳукмдор сифадими?..»

Бадрий ўқиши тўхтатиб, китобни аста ёпаркан, султонга қараб мўлтиради.

Вазири аъзам бошидаёқ ўқилаётган ҳикоятни эслаган ва султон нима демоқчи эканлигини фаҳмлаган эди. Бироқ, ҳукмдор не боис, бу ҳикоятни ўқитаётганигини англолмай ҳайрон эди.

Султон бўлса, ҳикоят тугагач ҳам манглайнин тутиб, ўнг ёнбошига суянганча анча сукутга толди. Ниҳоят вазирга маъноли тикилди-да:

— Ана шундоқ!.. — деди юмшоқ зарда ила.

Вазир “айбим не” дегандек лол турарди.

— Сизга ижозат! — деди бир маҳал султон вазирга ўлганнинг устутига тепган янглиғ.

Низом ул Мулк забун бир аҳволда хаёллари чалкашиб, эшикка равона бўлди. У чиндан-да, яқиндагина рўй берган даҳшатли воқеадан бехабар эди...

Султон хасталиқдан сўнг оёққа тургач, кўнгил хирагини ёзмоқни истаб қолди. Бир хаёли Ҳайёмни чорламоқчи бўлди. Лекин шоир унинг муолажаси ила бандлиги боис, кунда-кун оша шу ерда эканлигини ўйлаб, дили янгиликни тусади ва суюкли қизиқчиси Жаъфарак Чучукни чорлади. Аҳли сарой буюк бир саросимада қолдилар, чунки қизиқчи аллақачон ўқбога рихлат қилган, бу совуқ ҳабарни беморликдан энди-энди халос бўлаётган султон ҳазратларига етказолмай неча кундирки хизматчиларнинг ҳоли танг эди. Ана энди тождор ўз қизиқчини йўқлаб қолди-ю... Ҳар тутул энди шум ҳабарни аъло ҳазратга етказмоқ ўнғайроқ. Етказдилар ҳам...

Жаъфарак Чучук сарой аъёнлари ҳузурида вазири аъзамни роса масхара қилгач, вазир бу оғир юкни минг азоб ила ичига ютиб қўяверган эди. Бироқ, бу гап устомон кимсаларнинг чақуви ила вазирнинг тўнғич ўғли, Чучук айтмоқчи, ўн икки “сакбачча”нинг бири бўлмиш

Балх ҳокими Жамол ул Мулкнинг қулоғига етиб боргач, у ўзини қўярга жой тополмай қолди. Итобга келиб, аламдан ва ўч иштиёқида тишлари гичирлади. Жамол ул Мулкнинг феълида саркашлик¹ ва кибуру ҳаво устуворроқ эди. Ушбу важдан султон Маликшоҳни унча хушламас, бу борада отасининг насиҳатларига ҳам унчалик қулоқ солавермасди. Ҳали султон Алл Арслон ҳаётлигидаёқ, отаси унга ёш шаҳзода Муҳаммад Жалолиддинга, яъни, Маликшоҳга вазирлик мансабини тавсия этганида, у "Шу гўдакка вазирлик қиласанми!" дейа рад қилганди. Ундаги ўша муносабат ва фикр сақланиб қолганди. Шунинг учун Жамол ул Мулк баттол масхарабознинг адабини бериб қўйиш ниятида эртасигаёқ дорулсалтанат сари йўлга чиқди. Исфаҳонга етиб келгач, Жаъфаракни тутди ва аввал, унинг тилини кесиб, қонга белади. Сўнг, бўғизлаб ташлади. Бу ҳақда на отасига ва на бошқа бирорвга бир сўз айтмай Балхга қайтиб кетди...

Унинг бу қилмиши султоннинг юзига оёқ қўймоқлик ва ҳатто, уни очиқ-ошқора писанд қиласлик ила баробар эди. У гўё Маликшоҳни курашга даъват этарди. Султон ҳам бу даъватга "лаббайка" дейа жавоб берди ва вазири аъзамни бу мудҳиш қилмишдан боягидек киноя ила воқиф этгач, тунда Балх сари ҳуфия киши юборди. Ҳуфия Балхга етиб бориб, Жамол ул Мулкни пинҳона бўғиб ўлдириди ва икки ойдан сўнг бошкентга оғир хасталиқдан қазо қилди, деган хабар олиб келди.

3

Вазири аъзам султон ҳузуридан чиққач, авбош ўғлининг қилмишини эшитиб, таҳликада юрган кунларда аъёнларни саройга чорлади. Султон Маликшоҳ ҳарбий машваратни ихтиёр этган эди. У машварат чоғи қорахонийлар ҳукмронлиги остида бўлмиш Мовароуннаҳрга лашкар тортмоқчи эканлигини ошкор этди. Бу хабарни эшитган сарой аъёнлари, сипоҳсолар² олампаноҳни муборакбод этиб, олқишлидилар. Қалби таҳлика-ю андишада бўлган Низом ул Мулк эса, зоҳиран олқишлиларга хайриҳоҳ турса-да, ёнидаги Умар Хайёмга зимдан маъноли қараб қўйди. Чунки...

Акаси султон Тўғрулбекдан сўнг салжуқийлар таҳтига ўлтирган султон Алл Арслон унинг Богдод ҳалифасининг аралашуви боис амалга ошиrolмаган ниятини рўёбга чиқаришга аҳд қилди. Тўғрулбек замонида қорахонийлар ҳукмдори Тамғачон унинг тажовузларидан ҳалифага арз қилган ва ҳалифа ҳар икки тождорни муросага соглан эди. Бу даврга келиб, Богдод ҳалифалиги инқирозга юз тутган, ҳалифанинг ҳам, шайхулисломнинг ҳам мудом омонлиги Исломнинг ҳурматидан эди, холос. Аслида, бутун шарқий оламга салжуқийлар ҳукмронлик кила бошлагандилар.

Шундай қилиб, ҳижрий 450 (милодий 1071) йилнинг бошида султон Алл Арслон қарийб икки юз минглик қўшин ила Мовароуннаҳр сари юриш бошлади. Бу юрт ҳалқининг азалий ҳалоскори, ҳимоячиси бўлмиш кўҳна Жайҳун соҳилларига етиб, бир муддат нафас ростлаш баҳонасида дарё узра кўпприклар қурдиришга тушди. Кунларнинг биррида салжуқий сипоҳийлар шубҳали бир кимсанни тутиб келтирдилар. Ошкор бўлишиб, бу кимса қорахонийлар салтанатининг дарвоза шаҳри бўлмиш Термиз қалъасининг қутволи экан. У султонга муҳим бир сирни айтмоқчи эканлигини билдиригач, уни султон Алл Арслонга рўбарў қилдилар. Юсуф отлиғ кимса ғанимнинг жонфидо ҳуфияси бўлиб чиқди- у султонга ёвуқ келгани ҳамоно унинг кўксига ҳанжар урди ва ўзи ҳам соқчилар илкида тилка-пора бўлди. Султон қаттиқ яралангани сабабли қўшинни орқага қайтарди ва Исфаҳонга етиб келгач, омонатини топширди. Таҳт ворислигини ўғли Жалолид-

¹Саркашлик — қайсаарлик

²Сипоҳсолар — лашкарбоши

дин Маликшоҳга ҳамда унга раҳнамоликни суюкли вазири Низом ул Мулкга васият қилди.

Ҳали қони қайноқ бўлган ёш сulton тез орада падари бузруквори-нинг хунини талаб қилмоқни ихтиёр этиб, келаси йили кўкламдаёқ Бухоро сари юришга ҳозирлик кўра бошлади. Бироқ Бухоро қозика-лони Абу Тоҳир вазири аъзам Низом ул Мулкга мактуб ила киши йўллаб, бу юришни тўхтатишлагини ўтинди. Эвазига божу хирожлар миқдорини зиёда этмоқликни ваъда қилди. Қозикалон мўлжални тўғри олганди. Чунки вазири аъзам сultonга мурожаат этиб, Мовароуннахр юришини тўхтатишликка эришди. Унда сulton Маликшоҳ ҳали ёш, вазири аъзамнинг йўлига юргувчи, кўп юмушларда унга итоат этгувчи ва шу ила ота васиятини бажараётганлигидан шодланувчи губорсиз йигитча эди. Энди эса у улғайган, ўз фикрида қаттиқ тургувчи саркаш ҳукмдорга айланган ва шон-шавкати Низом ул Мулк заковатининг кўлласида қолаётганлигини тушуниб етганди. Қолаверса, зурриёди қилган авбошлиқ вазири аъзамга бўлган ишончига ҳам путур етказ-ганди. Энди бу урушга қораҳонийлар наслидан бўлмиш малика Тур-кон Хотун ҳам монелик қилолмаслиги аниқ эди. Бундан ташқари, қози-калон Абу Тоҳир оламдан ўтган, Бухорода авомга нисбатан жабр-зум кучайиб, унинг аввалги ҳукмдори Шамс ул Мулкнинг ўғли Аҳмад-хон сultonга итоатсизлик қила бошлаганди. Вазири аъзам ҳам, Хайём ҳам бу нарсалардан боҳбар эдилар ва айни дамда, Мовароуннахр салтанатининг олдинги куч-кудрати қолмаганлигини ҳам яхши билар-дилар. Аҳмадхон ҳали фўр, калта ўйлагувчи йигитча эди. Аммо, Хайём бир замонлар дунёга илкини чўзган қораҳонийлар сулоласининг шон-шавкатини, ақлу закосини яхши биларди...

Сulton кўкламда бошланажак Мовароуннахр юришига тадорик кўриш ҳақида фармон бергач, машварат якун топди.

Қазвиний ҳузури муборакдан чиқаркан, муҳтасиб Бадрийни эртага шаҳзода Такаш ҳазратлари ҳузурида бўлажак, унинг ўзи айтмоқчи, "муҳим сұхбат"га таклиф этди.

4

Эртаси куни Қазвиний шаҳзода Муҳаммад Такашнинг саройига кириб келганида у ўз қасрининг томида эди. Шаҳзоданинг феъли-ю одатларидан анчагина боҳбар бўлган амирул шуаро тўғри қаср томи сари йўналди.

Такаш болаликдан кабутарбоз эди. Қасрининг томи устига бир неча ҳавозалар ўрнатилган бўлиб, уларда ҳамиша турфа хил кабутарлар тизилиб турар, бир қисми эса осмони фалақда чарх уради. Унинг юздан зиёд кабутарлари бор эди. Ҳозир ҳам осмонда бир гала кабу-тарлар учиб юрар, юмшоқ оромкурсида пар болишларга суюниб, ён-бошлаб кузнинг илиқ ва ёқимли офтобига тобланиб ўтирган шаҳзода Такаш улардан кўзини узолмас, тоғ қарс уриб, тоғ қийқириб, хурки-тар, чиройлироқ рақс этмоққа ундарди. Айни дамда, у дунёдаги жами-ки нарсаларни бирин-кетин кашф этиб, ҳайратга тушаётган маъсум гўдак монанд эдики, қанотли гўзал жониворларнинг ҳаракатларидан завқу шавқقا тўлиб, сакраб юборгудай бўларди...

Сultonдан бир ёшгагина кичик бўлган Такаш унинг она бошқа ини-си эди. У озғин, новча бўлиб, кўзлари чинакам саҳрайиларга хос қисиқ, бурни катта, ёноқлари бўртган, то табассум қилмагунча кишини ўзи-дан нари суриб тургувчи қиёфали инсон эди.

Қазвиний хушомадга уйғун таъзим ила унга яқинлашди. Шаҳзода-нинг кабутарлар парвозидан сирам қўз олгиси йўқ эди. Шунинг учун аввалига шоирни хушламайроқ кутиб одди ва сўнг кечаги келишувла-ри ёдига тущди шекилли, зўраки мулозамат кўрсатди.

— Ажаб тоза кўнглингиз бор-да, шаҳзодам, — деди Қазвиний Ташаш кўрсатган ўриндиқقا ўлтиаркан, хушомадгўйларча бидиллаб. — Дўстларингиз парвозидан ҳамиша шодланасиз. — Унинг пачоқ башараси Такашнинг чўзиқ юзи қаршисида аянчли даражада кичик кўриниб, амомасининг остида қолиб кетгандек тууларди.

Қазвинийнинг тагдор гапи шаҳзодага маъқул тушиб, хиёл жилмайди.

— Мухтасиб қўринмайдилар, шоир? — дея сўради у Қазвинийга бир йўла ўгрилиб.

— У юраксиз така соқолдин не наф, шаҳзодам? Барибир бирон корга ярамайдур!

Хизматкор илиқ гулоб келтирди.

Ичдилар.

— Жаъфарак чучук туфайли султонимиз баттол вазиридан юз ўтиридилар. Ўзини қўярга жой тополмай юрадур... — Қазвиний Жаъфарак Чучукнинг вазири аъзам ҳақидағи пайровига ишора қилиб, ҳиринглади. — Аслида, раҳматли Ибн Баҳманёр солган оғудан ўлиб кета қолгани дуруст эди.

Такашнинг юзи тақи ёқимсиз ақволга келди.

— Ҳа, Ибн Баҳманёр мардона турди. Аммо, барибир, зиндонбонга ақча бериб, азобини енгиллаштирганимизда охиригача бардош қиломасди. Бизни ҳам оғимиздан тортарди. — Такаш бироз жим тургач, қўшиб қўйди. — Минбатъд бу юраксизликдан эмасдурки, ҳали истиқболимизда буюк ишлар турибдур. Аларни рўёбга чиқармоғимиз учун ҳам биз яшамоғимиз даркор.

— Тўғри айтасиз, шаҳзодам. Султонлик асли сизга ярашикли. — Қазвиний овозини пасайтириб, ҳеч ким йўқлигини билса ҳам у ён-бу ёнига қараб олди. — Энди анови худосиз майпарастни даф қилсак, муродимиз икки ҳисса ҳосил бўлғай.

— Ҳа, у мажусийпараст ҳам султоннинг ишончига кириб олди. — Такаш бир тўхталди. — Биз ана шу ишонч чирогини сўндиримоғимиз лозим.

Қазвиний дарров гапни илиб кетди:

— Унинг душмани — ўз шеърлари. Улар шеър эмас, лаъиннинг найранглари. Тағин у бу шеърларини, - у маъноли жилмайди, -маликамизга ўқиб, кўнгилхушлик қиласадур. Султонимизга етказсак кифоя, шаҳзодам!

Такаш жим қолиб, бармоғидаги забарждад кўзли узугини бошқа илкининг узун бармоқлари ила ўйнаб, унга тикилди.

Шоирлар амири пайтдан фойдаланиб, яна хушомад отига қамчи босди:

— Бу бармоқларга султоннинг муҳрли узуги ярашадур, шаҳзодам!

Такаш ялт этиб унга қаради-да, мамнун жилмайди ва деди:

— Султонимиз кўкламда Мовароуннаҳр устига қўшин тортмоқликларини айтдиларми?..

Қазвиний унга савол назари ила тикиларкан: «Шундай», деди секингина.

Такаш уни яқинроқ келишга ундали ва пичирлаб муҳим бир режасини тушунтира бошлади...

Учинчи боб

Умар Хайём бу кеч ижод ила машғул эди. Бир замон унинг ошёнаси остонасида Микоил пайдо бўлиб, одоб юзасидан томоқ қирди-да,

шоир ишдан бош кўтариб, у томон қарагач, кирмоққа ижозат сўради. Хайёмнинг ўйчан нигоҳи унда бўлгани ҳолда хаёли ёзётган асари ила банд эди. Шунинг учун остонода турган Микоилнинг муддаосини англаёлмай бир муддат унга сўзсиз тикилиб қолди. Ниҳоят шуурида қатланган фикрлар бир ёнга сурилиб, рўбарўсидаги кишининг нимадир демоқчи эканлигини илгади. Илгади-ю вужудида ожис бир итоб уйғонганини кўзлари ошкор этди ва Микоилга "кел" деди хушламайтина. Унинг феълида кўрслик, ҳатто ҳақгўйлик ортидан вужудга келгувчи хиёл дилозорлик мавжуд эди ва айниқса, уни суюкли машғулотидан чалғитсалар, илҳомига дарз солсалар тоқат қилолмасди. Микоил хожасининг бу феълини ҳар тутул яхши биларди. Айни дамдаги ҳарақатлари эса чорасизлик туфайли пайдо бўлган шошқалоқликнинг маҳсулни эдики, бу суюкли соҳибига бироз эркаланиш ҳиссига ҳам қоришиб кетганди.

Хайём унга қовоқ уйғанча "ўтири" дегандай ишора қилди.

— Не муддаоинг бор? — дея сўради шоир, у рўбарўсига ўтиргач, ер остидан.

Микоил хожасининг хушламаганлигидан эсанкираб, каловланиб қолди:

— Афу этгайсиз, хожам... Мен...

— Оғзингта талқон согланмисен, нечук бунча чайналасен?! — Хайём хизматкорини дадилликка ундинди.

— Аввал ҳам бир ўтичимни айтиб эрдим, хожам...

Эслади - у севгилиси Лайли ҳақида гапирганди. Агар маликадан рухсат олиб берса, Хайёмнинг оқ фотихаси ила унга уйланмоқчи эканлигини айтганди. Нечук унинг бу ўтичини фаромуш қилдийкин? Ҳа, бир-икки бор маликага рўбарў келганида тилининг учига ҳам келганди, бироқ Туркон Хотундан қарздор бўлишлик ҳисси устун келиб, тилига боғич солганди. Кейин эса унугибди. Қолаверса, у хукмдорлар ила мулоқотда бўлавериб пишиб кетган, уларнинг ҳузурида сўз айтганда ҳүшёрлик лозимлигини жуда яхши тушуниб қолган эди. Бу борада етти ўлчаб, бир кесган маъқул. Бу дунё, саройлар унинг қалб аталмиш ҳур салтанати эмаски, истаган сўзини айтиб, истаган фалсафасини, фикрини тўкиб солса. Йўқ, уларнинг салтанати унинг қалб мамлакати ҳоқонига бўйин эгмайди. Уларнинг ўз қонун-қоидалари, тошу торозулари ва ҳатто ўз шариатлари бор. Шул андишалар боис унинг илтимоси хаёлидан фаромуш бўлибди.

— Ёдимда, — деди ҳануз тўнг овозда сўзлаётган Хайём. — Фурсат келганда айтурмен маликамизга. Нечук бунча ошиқурсен?

Микоил хижолат тортиб, бош эгди ва ҳазин бир овозда деди:

— Ошиқмоқлигим боиси, Лайли бисёр азиятда қолмиш, хожам. Малика саройидаги можаролардин...

— Бас! — Хайём Микоилнинг гапини кескин бўлди. — Ҳасратинг икки дастурхондин ошаркан-ку, эй айиқбоз. Сенга ижозат, борақол!

Микоил итоаткорона бош эгиб, ўрнидан турди ва эшик томон йўналди.

Хайёмнинг бағрини нимадир тирнагандай бўлди. Ҳозир у ўзининг фикр оламидан қайтиб, шуури дунёвий ташвишлар қуршовига тушмоқда эди. Бунчалар дилозорлик нечун? Наҳотки бир ширин сўзга ярамаса?!

Микоил остона ҳатлаётганда уни тўхтатди:

— Менга қара, Микоил.

Йигит тўхтаб, ортига ўтириди.

— Полвонинг ўзга бир овозда ўқирадурғон бўлиб қолмадими? Ҳатто кўзлари ҳам бежо боқадур? — Хайём кулди. — Ёки у ҳам соҳиби каби ишқ дардига мубталоми?

Микоил жилмайди.

— Мен сезганим йўқ, хожам.
— Эътибор қилчи, балки сезарсен...

У чиқиб кетди. Хайём унинг кўнгил хиралигини бироз ёрита олганидан таскиnlаниб, ижодга қайтмоқ илинжида қоғоз узра ўтирилди. Бироқ энди ижод завқи сўнганди, бошидаги фикрлар тирқираб кетганди. Шунинг учун ҳафсаласи пир бўлиб, яна Микоилни эслади. Филҳақиқат, унинг айифи ўзга бир атвортага келмиш. Уни кўриб, бир пайтлар айиклар ҳақида эшитган гапи ёдига тушди. Айтишларича, тутқун айиклар умр интиҳосида ўз соҳибини ҳалок этармиш. Буни билгандар айтиб эрди. Полвоннинг феълидаги ўзгаришни пайқаб, гоҳо Микоилнинг тақдиридан хиёл хавотирга тушиб юргувчи эди. Мана энди ўша хавотирни андак ошкор этган бўлди.

Дарвоқе, вазири аъзам эртага Низомияга таклиф этибди - талабаларга ваъз айтиб, сабоқ бериши лозим эмиш. Бечора ўғлининг қилмишидан андишага, тақдиридан қўркувга тушганлиги рост. Кексайганида бу кўргилик унга оғирлик қилмоғи аниқ. Авбош бола-я! Наҳот подшохга ҳамла қилсанг? Ахир, у ҳукмдор, сўзи тутул, бир киприк қоқмоғи сени чилпарчин қилмоғи мумкин. Бунинг устига подшоҳнинг хешу яқинларингта итобичи? Буларни ўйламоқ учун ақл даркор, бола! Падарингни не аҳволга солдинг-а? Энди шўрлик талабалар ила мулоқот қилиб овунмоқчи, шекилли. Ҳа, вазири аъзам талабаларга сабоқ бермоқни, ваъз айтмоқдикни хуш кўради. Шул боис, у Низомияга кўп келарди. Хайём эса унинг акси-табиатан камгап бўлганлигидан ҳар турфа жамоатлардан ўзини олиб қочар, илми толибларга ваъз айтмоқни ҳам ёқтирамасди. Эҳтимол, у мадраса талабалари барибир мени тушунмайдилар, дея бегонасирамиди ёки уларнинг тилини топиб, дилига йўл сололмаслигидан хавфсирамиди, не бўлганда ҳам у мадраса остонасига кам қадам кўярди. Унинг феъли шундай эди. Йўқ, аслида ундайин ҳам эмасди, мабодо кулфи дили очилса, рўбарўсидаги кишиларнинг кўзлари унинг сухбатини англаётган янглиф ташна боқаёттаникларини пайқаса, чунонам сўзлардики, ўзини унтутиб кўярди. Айниқса, унинг ўзигагина хос бўлган мастона бир илоҳий жазба ҳолатида шеър ўқиганида буткул бошқа одамга айланарди. Минг афсуски, уни ўқиб тинглагувчилар ва англагувчилар озчилик эдилар.

Канизак Пармуда оҳиста қадамлар ила кириб, илкидаги кўрага¹ ва сопол пиёлани хонтахтанинг бир бурчагига кўйди. Унда Хайёмнинг ўзи тайёрлаб берган гиёҳлар дамламаси бор эди. Шоир ундан иссиқ-иссиқ, ичмоқликни хуш кўради. Бундан жуда яхши боҳабар бўлган канизак унинг кўнглини олмоқ истагида эди. Бироқ Хайём ҳозир хаёлларидан айру тушмоқни истамасди, шунинг учун канизакнинг бемавруд кириб келиши дилида ғашлик уйғотди. Зимдан унга боқаркан, ҳамиша гўзал кўринган ва аслида, ҳам соҳибжамол бўлган Пармуда кўз ўнгидаги бадқиёфали бир кимсага менгзади. Бунча хунук бўлмаса-я бу канизак? Аввал кўзим қаёқдайди? Ғаҳму фаросати ҳам ҳамин қадар, акси бўлса, айни хаёл уммонига гарқ бўлганида кириб келармиди? Бас! Бирон гулузни топиб, уйланганим бўлсин. Балки шунда бул каби хаёлкушлардин йироқ тушурмен!. Мана шу ноҳуш ва шунингдек, унинг учун файришуурый бўлган ўйлар асносида кўз ўнгидага Марямнинг гўзал сиймоси вужудга келди. Пармуда ва хонадаги нимқоронгулик ундан узоқлашди, қалбига ойдинлик инди. Марям жуда гўзал эди ва таралаётган нурга қоришиб кетгандай кўринарди. Ҳозир у ҳам ана ўша нурга сингиб борарди...

Пармуда шоирнинг юзидағи маънони англаёлмай, индамай қайтиб чиқиб кетди.

Марям ҳозир не қилаётир экан? Тез-тез хасталангувчи отасининг кўнглини овламоқ ила бандмикин? Ё бу каби у ҳам хаёл оғушидами-

¹Кўрага — май идиши

кин?.. Булоқ бошидаги онларни эслармикин?!.. Хайёмнинг вужуди оташлана бошлади. Унинг танаси оппок, қаҳрабо янглиғ эди. Сочи, қошу киприклари тим қора, гүё қора тусли аланга ловуллаётганга ўйшарди. Лаблари пушти, силлик, улардан булоқ сувининг ҳиди келади. Лабининг ўнг кунжида лабларига ўйғун ҳолда ҳамиша титраб тургувчи холи бор. Ох, бу хол остидаги қимтилган маъводан димоққа урилгувчи хушбўй таъм! Жонни нисор этса арзир ул бўйга!..

Кимдир томоқ қирди.

Хайём олис-олислардан қайтгандаи бўлди. Қаршисида хиёл буқчайганча турган Риндоний кирмоққа ижозат сўрамоқда эди. Тақи унинг манглайи тиришди, бағридан бемисл бир наъра отилмоққа шайланди.

— Оромингизни буздим, чоги, хожам? — деди кулранг тусга кирган соқол-мўйлабидан май ҳиди анқиган Риндоний андак хижолат тортиб.

Хайём ошкора зарда ила деди:

— Оромимни эмас, беоромлигимни буздингиз, эй Ринд.

Кекса фаррош не қиларини билмай, мулзам бўлиб қолди.

Шоирнинг эса баттар зардаси қайнарди:

— Менга ғайри кенгаш тузганимисизларки, бу кеч асло ўз ҳолимга қўймагайсизлар?

Риндоний таъзим ила тезроқ жуфтакни ростламоққа шайланди.

Хайём садоқатли ва айни, шунингдек, дарвеш кўнгилли кишисини ранжитиб қўйиши мумкинлигини дарҳол фаҳмлади, фаҳмлади-ю қон томирлари узра барқ урган бир нимарса лаҳзадаёқ бутун вужудини кезиниб, шуурига санчилди.

— Не юмушингиз бор эди, эй Ринд? — деди остонодан ғойиб бўла-ёзган фаррошни тўхтатиб.

У ортига қайрилди ва шоирнинг нигоҳидаги қайтишни сезиб, хиёл жилмайди:

— Тўфон тиндими, хожам?

Хайём аввалига унинг сўзини англамади ва бирдан паришон кўзла-рида табассум порлади.

— Иншоolloҳ, тинди. — деди ва Риндонийни ўтиришга ундади. — Муддаони айтинг, тақсир.

— Хўп бўлади, хожам. — Фаррош бирров тарааддулланиб олди-да, сўзида давом этди. — Расадхонамизнинг таббохи анчадан бери хасталаниб юриб эди, хабарингиз бор. Бу кун буткул ҳолдан тойиб, ётиб қолибди. Ахволи анча мушкул, хожам. Шул важдан, ошпазликни ўзим эвлаб турсаммикин, деб келиб эдим. Сизнинг ижозатингиз ила, албатта.

Хайём бироз жим турди-да, деди:

— Ижозат. Эрта оқшом чоги таббоҳ ҳолидин хабар олғаймиз. Бечора қизи Райҳона йўқолганидан сўнг ўнгланолмади. Шул айрилиқ дарди йикади шекилли уни. — Унинг нигоҳида тақи паришонлик зухур эта бошлади.

Буни пайқаган Риндоний суҳбат поёнига етганини фаҳмлади-да, бир ишорат ила ижозат сўраб, чиқиб кетди.

Хайёмнинг тафаккур бўстонида фикр гиёҳи унмоқда эди. У ўзининг бошидан шу сўнгти соатларда ўтказган кечмишларини ўйлаб, тафтиш қилас ва ўзича улуғ бир каашфиёт ясади: демакки, одам боласининг эрки, кўнгил ҳурлигига қанчалар дахл қилинса, у шунчалар зулмкор бўлар экан. Демак, инсон туйғуларини ҳадлашга саъй этмоқ ёвузиликдир. Ё, Оллоҳ! Унинг ўзи шу ўтган қисқа фурсат мобайнида ўз эрки, кўнгил майлининг ҳурлиги дея неча дилга озор бермади, ахир!..

У илкига хомани олиб, олдидағи қоғознинг бир четига ёзиб қўйди: "Буткул ҳур бўлмоқлик ёвузликка аксил буюк исёндир".

Низом ул Мулк жорий этган Низомия мадрасаларида сабоқлар жуда эркин тарзда бериларди. Илму фанга сulton ҳазратларининг ҳам, вазири аъзамнинг ҳам хайрихоҳликлари борлиги боис ушбу илм масканларида инсон тафаккурининг дурлари "бу Исломий, бу ноисломий", деб ажратилмасди. Шу сабабли ҳам толиби илмлар Пайғамбар алайҳиссаломнинг: "Ҳатто Чиндан бўлса ҳам бориб илм ўрганинг", деган ҳадиси шарифини ўз сулукларига чароғ қилиб олмишдилар. Вазири аъзамнинг муродига биноан давлат маҳкамаларида ҳам ишлашлари кўзда тутилган бу талабалар ҳукм сурган ўшал эминлик боис хур фикрларга соҳиб эдилар. Бироқ сulton ва вазири аъзамнинг амрлари илиа хуфиялар ҳамма жойларда изғиб, пайқаганки шубҳали гапсўзларни саройга етказиб турардилар. Бундан Хайём ҳам жуда яхши боҳабар эди.

Вазири аъзам ўткир воиз эди ва толиби илмлар шунинг учун ҳам уни хуш кўрадилар. Аввало, у олий мартабали амалдор бўлганлиги, ҳамки ваъзлари таъсири ҳамда чуқур билимга асосланганлиги боис ва ниҳоят, баъзи толиблар эса унинг назарига тушмоқ илинжида сабоқларни қолдирмасликка уринардилар. Вазир сабоқ бермоқликнинг ёқтираси, ёш-ёш йигитчаларнинг чақноқ нигоҳлари, илмга ташналиклари унинг завқини келтиради. Қалбига маҳзунлик чўкиб, андуҳ босса, жисму жонига дунё тор келса, мадрасага ошиқарди. Толиблар илиа мулқот ва узоқ вақт берилиб қилинган ваъзхонлиқдан сўнг енгил тортарди, кўнгли ёришарди. Мадраса сабоқлари унинг дил дардига малҳаму шифо янглиғ эди.

Бу кун Низомияга вазири аъзам илиа амирул фузало Умар Хайём ҳам келганлигидан хабар топган толиби илмлар икки карра хушнуд бўлдилар. Мадрасада камнамо бўлған шоирнинг ташрифи, бу ердаги ҳурлик боис ёшлиқ сурурига эш парвозпеша ва олис юлдузларга кўз тиккан баъзи дарёдил толиби илмлар учун, айниқса, қувончли эди. Улар шоир ва олим Умар Хайёмнинг бетакрор ҳамда илҳомбахш фикрларини тинглашга ошиқардилар.

Сабоқ маҳали вазири аъзам ҳам иштирок этмоқни ихтиёр қилди. Балки у, айни дамда, безовта бўлган қалбига ҳаловат, дил ярасига малҳам истаб шундай қилдими ёхуд Хайёмнинг сўзларини тинглагиси келдими, ноаён. Дарсхонага Хайём илиа кирди-ю бир четта ўтиб, толиб мисол ўлтириб олди.

Хайём жуда равон ва оддий тилда эҳтиросли сўзларди. Гоҳо ўз сўзига берилиб кетганидан чакка томирлари бўртиб, овози баландлаб кетарди. Лекин ҳеч вақт дудукданиб ёки гапини йўқотиб кўймасди, сўз, фикр тилидан, шууридан дарёдай оқиб келарди.

У сўзини Мутлақият¹ ва инсон, уларни англаш, уларнинг ўзаро ҳамда ташқи олам илиа муносабатлари хусусида гапирмоқдан бошлади. Ҳар бир фикрини файласуфона мушоҳада қиларкан, Қуръони карим ва Ҳадиси шарифлар илиа далиллади. Ниҳоят, табиат ҳақидаги фалсафий фикрларини нужум илми илиа уйғун этиб, кавокибу² сайёралар ва умуман коинот, унинг тузилиши борасида сўзлади. Узоқ гапирди. Сабоқ бениҳоя таъсиричан ва қизиқарли бўлганлиги туфайли толиблар орасида бирон бора безовталик ёхуд зерикиш сезилмади. Барчалари жон қулоги илиа тингладилар. Ҳатто вазири аъзам ҳам киприк қоқмай, ҳайратини яширомай қулоқ тутди... Хайём гапиришдан тўхтади. Ана энди дарсхонада жонланиш пайдо бўлди ва толиблар савол бермоқ учун изн сўрадилар. Илк савол шоир ҳеч шубҳаланмай кутган мазмунда бўлди. Уни озғин, рангпар юзли, аммо кўзлари чақнаб тургувчи йигит берди:

¹Мутлақият — Олмоҳ

²Кавокибу — юлдузу

— Юлдузлар чиндан ҳам инсон тақдирига дахл қиладиларми, ҳазрат?

Одатда бундайин мазмундаги сүрөкқа жавоб қилган кишилар кўпда улуғ мушкулотларга рўйбарў бўлардилар. Чунки илми нужум тили или гапирилса, жавоб, албатта, Исломга, шариатга зиддай туюларди. Салжуқийлар салтанатида қанчалар ҳурфикр қадр топмасин, дили сиёҳ, гаюр кўнгил ғаламис кимсалар ҳам мавжуд эдилар ва улар ўз мақсадлари йўлида ҳар нега ҳозиро қодир турадилар.

Хайём тўғри сўз ва айниқса, илм бобида ҳамиша адолатпеша ҳамда фикр айтмоқдиқда ботир юракли эди.

— Сиз, мулло йигит, қайси оят ва ҳадисларни назарда тутиб, ушбу савонни берәётганингизни сезиб турибмен. Бу савол бани башар дунёга келганидан бўён берилади ва ҳар ким ҳар хил жавоб айтади. Бу борада Фиръавну Хомонлар ҳам, мубоду¹ шомонлар ҳам, шоҳлару гадолар ҳам бош қотиргандар. Вале, аниқ ва пухта жавоб мудом йўқ. Бироқ улуғ ҳакиму фузалолар юлдузлар ила сухбат қуриб, қўп асрордин воқиф бўлғонлар. Худди шул каби бу хусусда бизнинг ҳам ўз қарашларимиз бор. Яъни, одам танасидаги юрак нима учун хизмат қилади? Қонни совутиб, айлантириб бермоқ учун, шундайми? Юлдузлар эса, “йўлчиларга йўл кўрсатмоқ ва осмонга безак учун яратилган”. Шу гапга қаноат ҳосил қилмоқ мумкинми, ахир? Танҳо буюк зот шунчалар бемисл хилқатларни наҳотки шунинг учунгина яратган бўлса? Йўқ, бу Оллоҳнинг зотини, сифатларини камситмоқ эмасми? Ахир, қалб ҳам бор -у Тангрининг назаргоҳи. У қаерда жойлашгандар. Албатта, шуур ва юрак оралифида. Ҳамма сир ана ўша оралиқда яширган.

Тасаввур этинг, заминимиз бутун фалак - кавокибу сайёralар, кўзимиз илғагану илғамаган оламлар ичра буғдои донича келгувчи бир вужуд. Фалак айланаркан, унга уйғун тарзда замин ҳам чарх уради. Демак, бир-бирига ҳамришта эканми? Инсон шуури заминга нисбатан жимитдек бир нарса. Лекин у ўз қаърига жумла фалакни сиғдира олади. Эҳтимол, Оллоҳ таборака таоло фалакнинг кичик суратини инсон шуурига жо этгандир? Балки шунинг учун у ҳамиша ўз аслига-Эгасига талпиниб турар!.. Айни дамда, Хайёмнинг нигоҳида фалак акси пайдо бўлаётгандек эди. — Ва эҳтимолки, бизларни ўз шууримиз идора этгани каби Оллоҳ номаи аъмолимиз ҳаритасини фалак қаърида пинҳон этгандир? Фалак қаърида эса юлдузлар жилва қиладир. Ҳак, фалак ва инсон бир бутун, яхлит ва шунингдек, айрудир...

Аксар толибларнинг қўзлари қўёшдай порлаб, ҳайрат оғушида шоирга тикилар ва унинг фикрлари қанотида юксак-юксакларда парвоз этардилар.

Хайём фикрлар уммонидан чиқай демасди:

— Ҳозир қай бирингиз руҳ ҳақида сўрайсиз-бу, шубҳасиз?!

Толиблар аро енгил кулгу кўтарилиди.

— Юлдузлар ва фалак, инсон ва руҳ ҳақидаги саволлар ҳамиша бақамти келурлар. Балки бу саволларнинг туғилмоғига азимушшашын Куръондаги: “Эй Мұҳаммад, сиздан руҳ ҳақида сўрайдилар, айтинг, руҳ парвардигори олам амридандур” ояти каримаси боис бўлгандир. Ҳақ гап-бизлар руҳ ҳақида ниҳоятда кам билимга эгамиз, зоро, руҳ Оллоҳнинг сиридир. Қолаверса, ҳатто Пайғамбар алайҳиссаломга ҳам бундан ортиқ сўзламасликка амр этилган. Бироқ ақли ожизимиз имконида бу борада мушоҳада этмоғимиз ҳам зарурийдир.

Матъумингизким, инсон жисми унинг қазосидан сўнг хоки туробга айланади. Аммо руҳчи? Оллоҳ уни қаерга йўллайди? Суқрот, Афлоту-ну Пифагорусларнинг фикрича, инсон руҳи аввалда хиёл ноқис бўлур ва шул боис, ул тандан бул танга ўтиб, саргардан кезади. Бу ҳол то улар комиллик мақомига етгунларича давом этади ва комилликка эриш-

¹Мубоду — зардўштийларнинг бosh руҳонийси

гач, жисм, яъниким, тан ила робитани узадилар. Инсоннинг руҳи ҳайвонот, наботот ва ҳатто, санг туробга ҳам ўтмоғу мумкин. Бу бениҳоят ибтидоий фикр, бироқ унда ҳақиқатдан улуш ҳам мавжуд. Ҳа, Оллоҳ инсон руҳини унинг қазосидан сўнг ўз даргоҳига олади ва комиллик мақомига (номай аъмолига) боқиб, коинотнинг қайси кунжига йўллашни ҳал этади. Буни авом тилида осмон қаватлари деб аташ ҳам мумкин. Комил руҳлар то қиёматга довур осмоннинг маълум қаватида ҳаловатда яшайдилар. Бошқалари эса, даражотига монанд макон топадилар. Уларни ҳайвону гиёҳлар, санг кесаклар ичра ҳам учратмоқ мумкин. Илло, пок руҳлар пок маъволарда қўним топур, нопоклари эса... Бу нарса ибтидоий фикрларда руҳнинг тандан танга кўчмоғига нисбат берилган.

Азали муҳтасар сўзлашга ўргангандан Хайём айни дамда сўзининг чўзилиб кетиши ҳақида мутлақо ўйламас, қуишлиб келаётган қатма-қат фикрларидан завқданиб, илҳом оғушига шўнғиб борарди.

— Ибтидо ва Интиҳо хусусида не дейсиз, устоз? — дея савол берди бир толиб.

— Ибтидо ва Интиҳони англомоқ учун мангулик не эканлигини ақд мезонига солмоқ лозим. Бани башар пайдо бўлгунча беадад вақт дарёси оқиб ўтмиш. Ҳар бир одам қазосидан сўнг тақи қанча ҳадсиз вақт оқиб ўтгай. Уч ўлчамли бизнинг маъвода жами инсониятнинг ҳаёти мангулик қошида бир лаҳза, холос. Бироқ инсон бир лаҳзада бутун мангуликни ҳис этиши, англаши мумкин. Ибтидо ва Интиҳони инсон англаган ана ўша лаҳза боғлаб туради. Қолгани жуда чексиз-чегарасиз, кўзу шуур илғамас.

Мен ақл баркамоллиги нуқтаи назаридан қараганимда, сўздан мўътабарроқ ва каломдан буюкроқ ҳеч нарсани топмадим. Чунки ундан афзалроқ бирор нарса бўлганда эди, Ҳақ таоло Пайғамбар саллаллоҳу алайҳи васалламга ўша нарса ила мурожаат қилган бўларди. Илло, ҳамма нарса сўздан иборат. — Хайём ўз қашфиётидан завқланди ва дилида уни эҳтирос или қайтариб қўйди: "Оlamda энг буюк ва мўътабар нарса сўздир".

Вазири аъзам рўйбарўсида оламнинг турфа синоатларидан ваъз айтёғтан оташнафас шоирга, тағинки ўзи меҳр қўйган шогирди қавмидаги саркаш олимга маҳлиё бўлиб тикилиб қолганди. У Хайёнинг сурату сийратидан уфуриб турган ҳурлик нафасидан масрур эди ва унга бениҳоя ҳавас қиласарди. Султоннинг қилган муомаласидан мудом дилхун юрган соҳиб девон ўз фарзандининг тақдирни учун қайғуриб толиққанди ва бир таскину андармонлик илинжида Хайёнинг сұхбатини орзулаганди. Ҳар тутул одам тафтини одам кўтарур, деган гап бор. Агар ўз хонасига қамалиб олиб, минг бир ўйлар гирдобида қолса, кекса юрагига зил келмоғи аниқ. Фам-андуҳ кишини ақлу шууридан мосуво қилмоғи ҳам ҳеч гап эмас. Устига устак дилни ваҳм оғати ишғол этур. Аслида-ку бирон ташвиш борасида узоқ қайғуриш унинг феъли-авторига муҳолиф эди, яъни, яратувчига таваккул қилмоқни биларди. Бироқ банда барибир банда экан-да, балки ўз жони унинг кўзига илғамас, vale, белидан бўлғоннинг қисмати жигарини пора қиласераркан. Вазири аъзам ана шу ўйу хаёллардан йироқ тушмоқ истади ва айни дамда ўз муддаосига етишганди, яъни, у Хайёнинг түғёни оламига ҳавасу хайриҳоҳлик или кириб бормоқда эди.

Абул Фатҳ Умар эса эса ҳануз сўзларди, илм ишқи ҳақида эҳтирос или гапиради:

— Илмда фидолик лозим, акси бўлса, киши нўноқ бир муҳлиста айланажак. Илм олмоқ-бу умидворлик, вуслати¹ насия бўлган ошиқлик. Агар илмга бутун вужуд, қалб ва шуурнинг гавҳари баҳшида этилмаса, беадад саъй пучдир. Эсланг, азиз илм ошнолари: яманлик Увайс

¹ Вуслати — висоли

Қароний Ҳазрати Рисолат саллаллоҳу алайҳи вассалламни кўрмаган эдилар. Бироқ ҳар нафаси ул зотнинг ишқи ила йўғрилган эди. Мабодо васлига ошиқса, уйда кекса ва кўзи ожиз волидаси борки, тарки хона этса, суннатга хилоф бўлур. У куну тунларни бедор ўтказди, мужгонлари бир-бирларининг васлини соғиндилар. Ашклари либосларини нам этди. Ҳазрати Увайс фақат ва фақат Пайғамбар алайҳиссаломни соғиниб яшадилар. Ниҳоят у улуғ ажрга, буюк бир мақомга эришди. Ҳотамул анбиё ҳам файб кучи ила ул зот ҳақида билардилар ва асҳобга айтардиларки: "Ямандин бир Оллоҳ ошиғининг иси келадур", деб. Уқбога рихлатлари арафасида эса Ҳазрати Умар ва Ҳазрати Алини, (Оллоҳ улардан рози бўлғай) хузурига чорлаб, мураққаъларини (кийимларини) бердилар-да: "Увайсга айтинг, ушбуни кийсинда, умматимни дуо қиссин", дедилар. — Хайёмнинг вужуди ёниб, овози хириллаб, кўзлари ёшларга тўлмоқда эди. — Улар муборак мураққаъни элтдилар!.. Воҳки, аҳли уммат, айтинг, бундин ортуқ эҳтиром, сазоворлик бўлурми?! Увайс не-не улувлар орзула бетолмаган қутлуг висолга эришмадиларми?.. Ва Пайғамбар алайҳиссалом охиратда Увайсга берилажак улуғ ажрлар ҳақида ҳам башорат этдилар...

Баъзи талабаларнинг кўзларида ёш айланди. Ҳатто, асли кўнгли тўлиб турганмиди ёхуд чиндан-да шоирнинг сўзларидан мутаассир бўлдими, вазири аъзамнинг кўзлари ҳам ёшга тўлди.

Хайём эса ҳозир ўзини таниёлмасди..

Шоирнинг вазири аъзам ила мулоқоти мударрисхонада давом этди.

Аввало, Хайём валинеъматининг сўлғин ва забун аҳволини кўриб ўқинди:

— Аҳволингиз дурустми, ҳазрати олийлари? — дея сўради фарзандларча ғамхўрлик ила.

Низом ул Мулк ҳам буни пайқади ва мутаассир бўлди.

— Шукур!.. Расадхонада аҳвол нечук? Даргоҳи олийдин бирон кўнгилсизлик етмадими?

— Йўқ, устоз. Барча юмушларимиз ўз хайлида бормоқда.

Шоирнинг "устоз" дейиши ҳам вазири аъзамга жуда-жуда хуш ёқди, чунки у сўнгги кунларда тобора кўнгилчану таъсирчан бўлиб бормоқда эди.

— Энди мен ила камроқ мулоқотда бўлмоқлик пайида бўлғил. — У шоирнинг юзида пайдо бўлаётган ранжиш аломатини сезиб, изоҳ берди. — Ранжида бўлмоғинг ўринисиз. Йилло, бу иккимиз учун ҳам ва ҳатто расадхона учун ҳам нафлидир. Султонимиз авбош фарзанд туфайли менга нисбатан ғазабдалар. Бу ғанимларимиз учун айни фурсатдир ва улар тезкор саъй этажаклар. Илоҳи, сенга шикаст етмасин! — Вазири аъзам жим қоларкан, юзида ўйчанлик зухур этди. — Менинг хавфим Қазвиний ва валиаҳд Такашдин. Алардин воқиф ва эҳтиёт бўлғайсан. Энди сенга зиён етказмоққа бошлиғайлар.

Хайём вазири аъзамнинг сўзларини тингларкан, шикорда рўй берган лочин воқеаси кўз ўнгидаги намоён бўлди. Ўшандаги султоннинг лочинларидан бири ўлжани тутиб, ваҳшат ила қийқирганича ортига қайтган эди. Бу салтанатда таназзул, қўшинда ғалаён бўлмоғидан далолат эди. Наҳотки шу қиёслар ва инсон ёхуд салтанат тақдирининг бир маҳлук ҳаракатларига боғлиқдиги рост бўлса? Наҳотки шундайин улуғ салтанатдин ҳам файз юз буриб, унга зиён етса ва ёки султону вазири аъзамнинг азалдин эшу ёвуқлигидин-да баракот кетса? Ё алҳазарки, шуҳрати мағрибу машриққа ёйилмиш вазири аъзам Низом ул Мулкдайин донишманд зот мана бу каби забун аҳволга тушса-я! Ахир, у қандайин соҳиби ирода, виқорли ва ҳатто гоҳида кибру ҳаволи илки дароз (узун) киши эмасмиди? Энди эса тождорнинг биргина ишоратидан сўнгра мунғайиб қолибди. Аслида ҳам унга оғир эди, зеро у ўз жонидан кўра кўпроқ фарзандининг қисматини ўйлаб ёнмоқда эди.

— Ёмонларнинг ёмонлиги Оллоҳ таолонинг синовидир, ҳазратим, — деди Хайём таскин оҳангиди. — Алардин ҳимоят этгувчи ҳам унинг ўзири. — Шоир бу гапни айтишга айтди-ю шуурида галдаги осиёна фикр барқ урди: ёмонликни ўзи йўлласа-да, таки ўзи ундан ҳимоят этса. Агар ўтрусида¹ дилхун валинеъмати бўлмаганида ҳозир ушбу мазмунда рубоий айтмоғи тайин эди.

— Малика ва шаҳзодалар ила мулоқотда ҳам хушёр бўлғил, — деди вазири аъзам кўзлари мудом ўйчан боқаркан.

Хайём энди Микоилнинг ўтинчини эслади-бу хавфу хатар ва ҳатто, ваҳима ичра малика Туркон Хотунга бир сўз айтмоқ ҳам душвор.

Аларнинг сухбати бундин ортиқ мавзуда қовушмади ва шу асно хўшлашдилар.

Орадан икки кун ўтиб, фарзанд доги адо қилган расадхона соҳиби матбахи ҳам оламдан ўтди. Хайём пешво аҳли расадхона уни бир мўминга муносиб иззат-икром ила қабрга топширдилар ва аза очиб, худойи бағишладилар.

Бу ёқда Қазванийнинг Муҳаммад Такашга айтган гапи тўғри чиқди -орадан икки ой ўтиб, султон Маликшоҳ вазири аъзамга қўшилиб, унинг ўғли учун аза очди.

Тўртинчи боб

1

Хайём вазири аъзам ила кечган ўшал сухбатдан сўнг расадхонани қарийб тарқ этмай қўйди. Ҳатто ижоду юлдузлардан-да кўнгли совугандай бўлиб, бағридаги шеър ишқи ҳам сўнаёзди. Кўп фурсатни ўз ошёнасида танҳоликда, сажжода узра ўтказмоқликни одат қилди. Айниқса, тунларини ибодатда бедор ўтказиб, ҳамиша зикруллоҳ ила машиғул бўларди. Унинг дил майли шундайин эврилганди-ўзи ҳам ҳайратда эдики, илки майга ёвуқ келмасди. Унинг бу кечмиши қошида шеъру май соғинчи ва ҳатто ёр соғинчи ҳам ҳечу абас эди.

Ўзидаги бу ўзгариш туфайлими ёхуд аввалдан мақсади бормиди, канизак Пармудани ҳам ўзидан йироқлаштириди. Онаси ила синглиси отасининг қабрини ғариб ҳолда ташлаб, Нишопурдан Исфаҳонга келмоқдикни исташмагач, аларга таки ақча йўллаб, канизакни шаҳардаги уйига кўчирди. Уй кимсасиз қолаёттганлигини баҳона қилди.

У Микоилга ҳам Лайли ила дийдорлашмоқни таъкиқ этди, аммо сангтарошга бу амрининг боисини ошкор қилмади. Шўрлик йигит иложиз бир аҳволда бўйин этмоқقا мажбур бўлди.

Бироқ Хайём гоҳ-гоҳида ўз ҳоҳиш-иродасига аксил тарзда малика Туркон Хотун саройига қатнар, маликанинг ҳоҳишига биноан шаҳзода Маҳмуднинг тарбияси ила банд эди. Шундай кунларда истаса-истамаса Туркон Хотун ила рўбарў келар ва унинг юҳо кўзларига бардош бермоқقا мажбур бўларди. Малика вужудидаги шайтон тилларидан яралмиш олов комида ундан шеър ўтинар ва гоҳо ана шу ўтинчлари асносида ўзи шоирнинг ўтлиғ сатрларидан ўқий бошларди. Хайём унинг муддаосини англаб турса-да, ўзини бепарво ва бехабар тутмоққа уринарди. Балки у умр йўлининг айни бекатида ғалаёну фириб бошлаган шайтону жинлар домидан омон чиқмоқлик учун ҳам ибодатга шўнғигандай туюларди...

Шаҳзода Маҳмуд чечак дардига йўлиқди. Мана икки ҳафтадирки Хайём унинг муолажаси ила машғул. Ҳар куни малика қасрига қатнайди.

Бу йилги қишиш қаттиқ келди. Ҳатто замину деворлар яхлади, чунки изғирин шамол йўллар ва деворлар юзига суйкалиб эсади. Унинг таъсирида баданлар зирқираиди... Хайём иссиқ кийиниб, малика сарой-

¹Ўтрусида — қаршисида

ига жўнади. Шаҳзоданинг сиҳати анча дуруст бўлиб қолганди. Шул боис шоир унинг ҳолидан бохабар бўлибоқ маликанинг кўзига кўринмай зудлиқда ортига қайтмоқчи бўлди. У гоҳо ҳайрон бўларди- сultonу шаҳзода ва малиқаларнинг саройларида табиблар беҳисоб ҳамда уларнинг ораларида ўликни тирилтиримоқдин ўзга барча юмушларга қодирлари ҳам бор эди. Лекин негадир соҳиби саройларнинг кўплари Хайёмга майл қиласдиларки, у ўз наздида, риёзатчи олим, закий муҳажжим ва саркаш шоирлиги қолиб, табибга айланниб бораётганга ўхшарди. Ҳа, у Ибн Синони сурди, унинг "Ал Қонун"ини ёд биларди, Ар Розийни мутолаа этмоқдидан толмасди, бироқ табибликни касб қилиб олмоқликни истамасди. Ҳозирги уринишлари эса тождорларнинг ихтиёри туфайли эди.

Хайём муддаосига етолмади-шаҳзода Маҳмуд ҳузуридан чиқай деб турганида Туркон Хотун канизак юбориб, уни ўз ҳузурига чорлади. Шоир ихтиёrsиз равишида бу амрга бўйин эгмоққа мажбур бўлди. У хосхонага кириб борганида малика кенг оромкурсида ястанганча ял-ял ёниб ўлтиради. Унинг юзидағи ажиб қизиллик ҳар не марднинг юрагига фулу солгулик эди. Хона анча илиқ, эди ва шунга қарамай, чамаси, малика май нўш айлаган эдики, унинг юзидағи қизиллик, кўзидағи сузиклик боиси ҳам айни шу эди. Қолаверса, майи хосда совуқни кесмоқдик сифати ҳам бор.

Туркон Хотун шоирни ўрнидан туриб қарши олди ва ўзига яқин турган курсига таклиф этди.

— Шаҳзодамизининг сиҳатлари нечук? — Сўради у ва унинг сўз оҳангида: "Билиб қўй, шаҳзода таҳтнинг ягона меросхўридир", деган жizzакилиқдан пайдо бўлгувчи маъно ҳам бор эди.

— Иншоolloҳ, шаҳзода соғайиб қолдилар. — Хайём шундай дея шаҳзоданинг мулажаси энди қандай давом этиши хусусида мухтасар сўзлаб ўтди.

Малика ўғлининг аҳволидан жуда яхши огоҳ, бу гаплари эса шунчаки сұхбат аввалининг одатий жимжималари эди. Аслида, унинг муддаоси ўзга эдики, ҳар учрашувдаги саъий ўшал сари йўналарди.

Туркон Хотун жодули нигоҳини шоирга қаттиқ қадади-да, ўтлиғ жилмайди.

— Бизларни назмингизни тингламоққа муносиб кўрмәтиурсиз, мухтарам шоир, — деди у Хайёмнинг яширинишга чоғлаңган кўзларини таъқиб этиб. — Бизнинг таъби назмимизга шубҳа қилсангиз ҳам шеърларингизга ошиқлигимиз чиндур.

Шоир енгил таъзим қилди-да, хукмдорлар хуш кўргувчи сохта хушиомадга ўтди:

— Йўқ, аксинча, шеърларимнинг сизнинг эътиборингизга муносиб эмаслиги рост, маликам.

Мовароуннаҳр маликаси мамнун ва кибрли қиёфада бош силкиди.

— Жанобимизни йўқламоқдин муродимиз шулки, рубоийларингизни уста бир хаттот илкида китобот этсак. Бу кўпилаб мухлисларингиз каби биз учун ҳам айни муддао бўлур эди.

Хайём бу ҳақда сира ўйлаб кўрмаган эди ва унинг шеърга ошнолиги ҳам кўнгли, аниқроғи, ўзи учун эди. У тўртгина сатрдан иборат рубоийларини қалби түғёнга келганда, илм заҳматидан толиқиб, ўзга машғулот истаганда ва ёки дили озурда бўлганида сахифалар четига ёзисб қўярди, холос. Уларни китобот этмоқ тутул бирор ўқимоги хусусида ҳам мутлақо хаёл қилмасди.

— Мен бу ҳақда асло ўйламагандим. Қолаверса, назмим китоботга арзирли ададда эмас. — деди у маликани ранжитишдан сақланишга уриниб.

Туркон Хотун кетишига ижозат бергач, шоир хосхонадан ўйчан қиёфада чиқаркан, бўсағада канизак Лайлига рўбарў келди. У ғамгин

ва ҳатто илтижоли нигоҳ ташлади, сўнг овозсиз таъзим қилди-ю ёғли-фини кўзлари сари тортиб, шошила-шошила нари кетди. Хайёмининг кўнгли галати бўлиб, кўксининг бир чети ачишди. Бу кун менинг куним эрмас кўринадур, дея ўйлади қасрдан чиқишига чорланиб, фақат озори диллар таъқиб этадур мени! Яхшики, Микоилни расадхонада қолдирибман, акс ҳолда... Воҳ, юлдузлар айни кунларда бизлардин юз буриб, ўзга буржални кўзлайдур чоги. Сўнг дарров ўзига танбеҳ берди: бир хаста дилга кўмак илкингни узатолмасанг ҳам мунахжимлик қиладурсан-а, эй ҷодирдўзнинг ўғли! Кўнглинг зимистон эса, юлдузларда не айб?! Ёруғликни Оллоҳдин тила!.. У аламли бир жилмайиб қўяркан, қаср эшигидан кириб келаётган Қазвинийга кўзи тушди. Ҳали ўзининг маҳзун хаёлларидан айрилиб улгурмай, амирул шуаронинг ёқимсиз овози қулоғига, пачоқ юзи нигоҳига ботди.

— Ассалому алайкум, о, фозиллар амири! — дея илкини кўксига қўйган Қазвиний соҳта табассум ила таъзим этди.

Кўришдилар.

— Шаҳзодамизнинг аҳволи нечук? — Асли касби гўнг титкилаш бўлган маҳлук, нажасга беланганд бирон емиш қидиради ва топса, унинг ҳидидан киши гул бўйларидан сармаст бўлгани янглиф сархушланади. Қазвиний ҳам ҳозир айни шу кўйда эди.

Хайём хаёллар оғушидан мудом чиқолмас ва боя ўзи эътироф этгани руҳий бедорлик шуурини ҳамон тарк этмаганди. Кўз олдида хира парда пайдо бўлиб, қорамтири доғлар ёхуд шарпаларми, ғимирларди. Айни дамда унинг ўйлари воқелик илиа қоришиб кетгандек эди. Шунинг учун Қазвинийнинг сўробини тўла англамаса-да, шаҳзоданинг номи тилга олиниши ҳамоноқ бошидаги унга боғлиқ фикрлари лисонига кўчди.

— Иншооллоҳ, шаҳзодамиз соғайиб қолдилар. Фақат...

Қазвиний хушёр тортиб, қулоқларини динг қилди:

— Ҳўш-хўш?..

Хайём эса шунда ҳам сергак тортмади.

— Фақат шаҳзоданинг кўзларида бир нимарса борки, киши кўнглига ваҳм солодур...

Нажасхўр маҳлук ўз муродига етди, "хушбўй" таомини топди...

Қазвиний кўкрагини кериб, ғоз турди, кўзлари ёвузона чақнади.

— Ҳа энди, ул зот султоннинг зурриёди-да. Авомдин бир нимаси ортиқ бўлмоқлиги аниқ. Лекин... — Қазвиний овозини насиҳатомуз оҳанг-га йўғирди. — Лекин сиздек одамнинг султонзода ҳақида бундайин сўзларни айтиб юрмоги...

Хайём зил кетди. У шунча имми, қобилияти ила ҳам руҳий такомилга етмаганди. Шу куннинг ўзида кетма-кет рўй берган руҳий зарбалар уни шошириб, толиқтириб қўйганди ва у шунинг учун ҳам руҳ мезонининг посангисини фаромуш айлади. Бошидаги ўйларининг тилига кўчгани дил кўзининг ўша онларда сўқир қолғонидан эди. Акс ҳолда, боя кўз олдиаги хира парда ва қорамтири шарпаларни пайқаганидаёқ сергак тортмоғи лозим эди.

Қазвиний қаср ичкарисига юрди. Хайём эса ундан чиқаркан, надоматнинг тирноқлари бағрини тимдалай бошлади. Бу сўзларни нечун айтди? Ахир, Қазвинийнинг гаразли муддаоларини биларди-ку! Энди эса кеч, ёй пайкони отилди, унинг кимнингдир кўксини пора этмоғи аниқ. Агар ўша кўкрак соҳиби султон бўлиб чиқса, не кўргилик! Тождорларнинг феълини Абул Фатҳ, Умар яхши биларди. Чунки у қорахонийлар саройида хизмат қилган. Ўша Шамс ул Мулк даргоҳида хизмат қилиб юрган кезлари кишини мутаассир этгувчи шунга тегишли бир воқеанинг гувоҳи бўлган эди. Дарвоқе, бу воқеа рўй берган ўша куни ёш малика Зухра Хотунга илк бора рўбарў қелганди... Хуллас, ўшанда кенжаша шаҳзодага сабоқ бергувчи фозиллардан бири кимга-

дир: "Шаҳзоданинг илки китоб тутмоққа қодир эмас, хаёли ҳамиша шамширу тулпорда туради", деган экан қуониб. Бу гап чақув орқали Шамс ул Мулкнинг қулоғига етибди. Фазабга мингган ҳукмдор: "Сен китоб жинниси шаҳзодадан нуқсон қидиргувчи бўлдингми", дея муаллимни дарра урдириб, шаҳардан сазойи қилганди. Хайём буни кўриб, ёқа тутганди, ахир бу шаҳзоданинг тақдирига қайфурин муроҳаза тарзида айтилган гап эди, холос!.. Энди бўлса...

Ҳозиргина Хайёмнинг забонидан учган пайкон султоннинг ана ўша нозик ерини жароҳатлаши мумкин эди. Афсус чеккан Хайём ёйандоз тилини тишлади...

Бир куни Хайём султон ҳузурида қандайдир базмда ўлтиради. Шул маҳал эпчиллик ва ёқимтойлик ила хизмат қилаётган амирзодалардан бирини хиёл кузатиб турди-да, завқланди. Ҳайратини яширолмай, султонга изҳор этди.

Ўшанда султон унга қарата шундай деди:

— Жўжанинг худди ўзи. Тухумдан чиқибоқ ҳеч қандай кўмаксиз донни чўқиши ўргана олади, vale, ўз ошёнини топиб боролмайди. Кабутарнинг боласи эса, — султоннинг кўзлари таънали чакнади, машқсиз донни чўқий олмайди. Бироқ Маккатуллоҳдан Боғдодга уч-ётган кабутарлар галасининг сардорига айланади!.. — Бу унинг султонзодалар ҳақида айтган таърифи эди.

Хайём ҳозир ихтиёrsиз равища султоннинг ана ўша худбинона туйғусига даҳл қилганди...

Филҳақиқат, Қазваний ўша кеч Хайёмнинг сўзларига қўшиб-чатиб султонга етказди.

2

Кўклам яқинлашиб, Бухоро фатҳига ҳозирликнинг сўнгти юмушлари уҳдаланмоқда эди. Бироқ султоннинг кайфиятида ва ёхуд феълида эврилиш мудом давом этар, яқинларининг пайқашларича, ҳадеганда аслига қайттай демасди. У ҳамон киши сўймас, хонанишин эди. Қораҳонийларнинг унинг устидан халифага ва яна шайхулисломга қилган арзлари қулоғига етиб келгани боис ҳам Мовароуннаҳр ҳукмдорига қаттиқ тиши қайраган ва токи уни мағлуб этиб, музafferлик нашидасини сурмагунча кўнглиниң жойига тушмоғи душвор эди. Арз этсанг, султоннинг ўзига арз эт эди, не балоки, халифа аталмиш номигагина қолган бир қисинидан паноҳ истарсен! Салжуқийларнинг шону шавкати қошида Боғдод халифаси-ю унинг шайхулисломи не бўпти?! Агарки, Исломдек буюк ва муқаддас диннинг ҳурмати бўлмаса, аллақачон бу халифалиқдан ном-нишон қолмасди-я! Қолаверса, Бухорода авом томонидан норозилик фалаёнлари кўтарилаётганлиги ҳам қулоққа чалиниб турарди. Ҳалқ Шамс ул Мулкнинг ўғли, Бухоронинг ҳозирги ҳукмдори Аҳмадхонга қарши исён қиласди. Бу эса султон Жалолиддин Маликшоҳни Бухоро юриши сари икки хисса илҳомлантиради.

Султон кейинги ҳафталарда завжаю канизакларига унчалик майл билдирамай қўйганди. Бу унинг қони совуганидан ёхуд ёшидан эрта қариганидан эмасди. У ҳали ҳам бақувват, эҳтирос олови бемисл бир йигит эди. Майлсизлиги эса қалбидағи совуш туфайли эдики, ҳамон ўша сўнгти ширордан орттириб қайтган дилгирилиги давом этарди...

Бу кеч эса май ила ошно бўлди ва ширин сархушлик оғушида қонида олов уйғонди. Кўз олдида Бухоро гўзали Туркон Хотуннинг жодули нигоҳи намоён бўлди. Бу кўзлар уни ҳамиша сеҳрлаб, ғалат бир тушунуксиз туйғулар оғушига соладилар. Султон маликанинг бағрига ҳар сафар гўё илк висол онларидағидек ютоқиб-ютоқиб, соғиниб-соғиниб, ўртаниб-ўртаниб ошиқади. Малика уни ҳар сафар бетак-рор ва бемисл эҳтирос қўйнида эркалайди. У эса ҳар гал висол онла-

ри ниҳоялагач, бўлиб ўтган оромли кечмишларини бир бошдан эсламоққа саъй этар, аммо уларни бутунлай тикламоққа хотираси ожизлик қиласарди. Чиндан ҳам маликанинг жодуси бормидики, тун бўйи мислсиз ҳузур-ҳаловатга ошно этардию тонг отиши билан ўшал ором онлари унинг хотиридан кўтарилиб бораверарди. У мана шундан ҳайратга тушар ва яна маликанинг оғушига ошиқаверарди. Ҳудди шунингдек, маликага ёвук келганида гоҳо қалбини, дунёнинг ярмига соҳиблик қилаётган ёвқур ва забардаст салжуқийзоданинг юрагини ваҳм қамраб оларди. Шу ҳолини ўзи сира анголмас, шундай пайтлари юраги қинидан чиқиб кетгудай бўлар, завжасининг кўзларига ҳадиксираб боқарди. Бироқ у баҳш этган ҳузурни бошқа ҳеч ким унга беролмасди ва буни у жуда яхши биларди.

Султон бу тунни Туркон Хотун билан ўтказмоқликни ихтиёр этди ва бу ҳақда маликага хабар берди. У май таъсиридан кўзлари сузилиб, тахтиравонда ўлтирас, занжилар ҳам унинг оромини бузмаслик учун оҳиста қадам ташлаганликлари боис бир маромда ёқимли тебраниб борарди. Шу пайт унинг кўз ўнгида Қазвинийнинг ёқимсиз башараси пайдо бўлди ва унга қараб тиржайди. Султоннинг қулоқлари остида Хайёмнинг шаҳзода ҳақида айтган гаплари Қазвинийнинг овозида янгради. Киши кўнглида ваҳм уйғотармиш?! Кейин эса маликанинг Хайём ила яқинлигини эслади-буни ҳам Қазвиний шипшиди. Дунёни зир титратган султоннинг дилида унинг ўзи ҳам тушуниб етмаган туйғурашк олови жунбушга келди. Лекин айни дамда уни Туркон Хотуннинг ўтли эҳтирослари соғинчи ўзига чорлайверди...

Малика Туркон Хотуннинг гўшангаси буткул шафақ рангида бўлиб, кўзларга олов ёқарди. Маликанинг юзи ва ярим ялангоч танасининг туси ҳам ўшал музaffer рангта уйқашиб кетганди. У учта туқсан бўлса ҳам дуркун эди. Султон унинг сирли нимарсасидир бор, дея хаёл қиласар, шунинг учун ҳам уни ихтиёrsиз тарзда жуда қаттиқ севар, жуда-жуда қизғонар ва худди шу каби унинг қаршисида қўрқув ҳамда таҳлика гучор бўларди.

Малика ел менгиз¹ оҳиста сирғалиб, парқу тўшакнинг четига келди-да, сархуш султоннинг илкидан тутиб, аста ўрнидан тураркан, хушбўй нафаси ила унинг бўйин ва юз-кўзларини ҳузурбахш сийпалаб ўтди. Не-не бокира моҳитобларни ўзининг жирканч ҳирси ила забуну хор этган ҳукмдор адойи тамом бўлди. Ҳозир у Туркон Хотуннинг пойига мум янглиғ тўкилишга тайёр эди... Ҳукмдорнинг томоғи куйди, оғзи қуруқшаб, тамшанди. Зийрак малика малолсиз бир тезлиқда саъй этиб, муздек гулоб тутди. Султон уни ютоқиб симирди. Лабларидан аёқ узилиши ҳамоно малика ҳирс ила уларга лабларини босди. Энтика-энтика чирмашдилар. Шу асно тўшакка қулаб, думалай бошладилар...

Иккиси ҳам чалқанча ётишар, вужудларини бетакрор бир ҳузур аллаларди. Султоннинг лаблари билинар-билинмас қимирлаб, мулоҳим овозда деди:

— Шаҳзоданинг сиҳати дурустми, маликам?

Туркон Хотуннинг ҳозирги овози ҳам вужудга ўт қаларди.

— Шукур, султоним. Умар Хайём жанобларининг уринишлари ила тез сиҳат топдилар.

Ҳукмдорнинг қалбини ғашлик тирнаб ўтди. Бояги тушуниксиз рашк олови куйдирди.

— Ҳа, Хайём деганлари қасрингиздан нари кетмай қолганмиш? Фалат назмбозлик ҳам қиласмиш?

Малика султоннинг кесатифидан Қазвинийнинг кўланса исини сезди. У малика ҳузурига кириб, Хайёмга маломат қилмоқчи бўлганида, унинг гапини бўлиб: "Хайём бизнинг ҳифзи ҳимоямизда", дея мулзам қилганди. Демакки, у султонга ҳам арз этган.

¹ Менгиз — каби

4 Шарқ юлдузи №2

— Мен не қылсам, сизнинг суюкли ўғлингиз, — малика бу сўзга атайлаб ургу берди, -валиаҳд Маҳмуд ибн Маликшоҳнинг истиқболи учун қилгум. Мальумингизким, Умар Хайём сизнинг қутлауғ даргоҳин-гизда қадр топган беназир олим ва шоирдир. Ўғлимиз ул зотдан са-боқ олса, унга ёвуқ юрса, фойдадан холи бўлмас, дея ўй қилурмен.

Султонга маликанинг овози ҳам, гаплари ҳам хуш ёқди. Хайём ким? У бор деса-бор, йўқ деса-йўқ бўлгувчи бир мусофир-да. Султон бўла туриб унга адоват тутса... Султон шаҳд бурилиб, икки илки или мали-ка юзини тутиб, ўзига ўтириди ва кўзларига тикилди. Бироқ унинг ни-гоҳидан бир қават эти сидирилиб тушгандай бўлди-да, сир бой бер-май, ожизроқ товушда сўради:

— Шаҳзоданинг... ўғлимизнинг нигоҳи киши кўнглига қўрқув сола-думи?

Маликанинг ичида музafferият туйғусига чулғанган бир наъра уй-ғонди. Шу он: "Аҳволинг нечук, эй, саҳрой?!" дея қаҳ-қаҳ уриб юбо-ришига оз қолди. Унинг наздида, ҳозир султон бутунлай мағлуб бўлган-ди.

— Бу нечук савол, султоним?! — Малика эрининг серюнг кўксига лаб босди...

Олов янгитдан ёна бошлади...

3

Куёш ёрқинроқ нур сочиб, Исфаҳондаги азим дараҳтларнинг қур-таклари лаб бура бошлаган онларда султон Маликшоҳ лак-лак лаш-карини сўнгги бор кўздан кечириб, якуний фармонларини берди. У бирваракайига мағрибу машриқ сари қўшин тортмоққа аҳд қилди. Яъниким, Ҳасан Саббоҳ бошлиқ исмоилийларнинг қилмишлари ҳақидаги турли хабарлар султонни оташин этиб, шамшир тутмоққа чорламоқда эди. Бу нобакорлар ошёнсиз бир сак мисоли ҳар ерда изғирдилар. Ҳатто бошкенти азим ичра ҳам уларнинг шарпалари се-зила бошлаганди. Айниқса, улар жойлашиб олган Аламит (яъни, "Бургут уяси") номли тоғ узра қад ростлаган қалъага ёвуқ бўлган Қазвиин шаҳ-рида ул кўпакларнинг таъсирлари кучли эди. (Султон ҳам, вазири аъзам ҳам уларни сак, кўпак деб атардилар.) Хабарларга қараганда, ҳатто Қазвиин ҳокими ҳам уларнинг сўзидан чиқолмас эмиш. Ҳа, бу Ҳасан Саббоҳ деганлари жуда маккор. У мор мисол кулча бўлиб ётаверади, офтобда тобланиб, заҳар-օғусини йиғаверади ва бир кун, фурсати келгач, шундайин ҳамла қиласидики, ҳар нечук жонзотни ҳалок этади. Султон буни жуда яхши англарди ва шунинг учун ул ётган ҳолида морни инида янчиб ташламоқни истарди. Бу истаги уни Аламит сари чоғроқ қўшин йўлламоққа ундаdi.

Мана, бу тонг Бухоро фатҳига шай турган икки юз минг кишилик лашқар олдидан, султонинг содиқ лашкарбошиларидан бири, амир-лар амири Арслон Тош бошлиқ ўн минг кишилик сараланган қўшин Аламит сари йўл олди...

Султон давлат идорасини ҳар тутгул вазири аъзам Низом ул Мулк-ка топширди. Бомдод намози адогида султонга музafferият ила қай-тишиликни тиладилар, унинг шаънига узундан-узун ҳамду санолар айт-тилиб, фотиҳа ўқилди. Улкан аждаҳо янглиғ пишиллаб турган беадад қўшин аста қўзголиб, тебрана-тебрана судрала бошлади. Лекин энди унинг ғала-ғовурга уйқаш гувиллаб-пишиллашини турли аслаҳа-ю яроғларнинг ва шунингдек, ароба-ю турфа хил ҳарб уловларининг шақир-шуқир, тарақа-турук товушлари босиб кетди-да, маълум муд-дат ўтгач, бу товушлар ҳам бир маромга тушиб қолди. Шундай қилиб, улкан аждаҳо-қўшин Бухоро сари йўл олди.

Филҳақиқат, бу лашқар икки юз минг ададда айтилгани билан, бир

қарашда, ҳисобсиздай туюларди. Унинг ўртасида турган киши на бошини, на охирини кўра оларди. Мабодо қиёсга эҳтиёж бўлса, саҳармардонда қўшин томошаси учун чикқан одам у ўтиб бўлгунча фурсатни шом этар ва ҳатто, намозларни қазо, емак нафсларини сазо айламоғи ҳам мумкин эди. Шунингдек, қўшин қадамларидан қўпган чангубор мўллигидан тун бўйи нафас ололмай уйқуни-да кейинга қолдириши шубҳасиз эди.

Одатда лашкар карвон менгиз бир маромда юришини ҳисобга олиб, унинг бошига юк ортилган туяларни қўярдилар. Бу жониворлар на жадал ва на суст юрмай, меъёрни сақлай билганликларидан лашкар ҳам унга монанд тартибли одимларди. Ҳозир ҳам шундай қилдилартурли кўч-кўрон, ҳарб ашёлари ортилган қатор туялар олдинда лўкиллаб борардилар.

Улардан кейин эса ёллари таралиб, хино ва мойлар сурилган, қадамлари ҳурлиқоларнинг нозли юришларини ёдга солувчи гўзалдан-гўзал аробий ҳамда турк отларига мингандарни суворийлар жой олганлар. Уларнинг ҳарб либослари деярли бир хил, дубулға ва совутлар ҳайбатидан йирик гавдалари тақи улканлашгандай кўринади. Ҳатто отларнинг бош ва яғринларига ҳам совут кийдирилганди. Қалқонларини эгарнинг сўл ёнига, чўқморларини эса ўнг ёғига илганлар. Белларини сиққан пўлат камарларига шамшир осганлар. Уларнинг шамширлари асосан дамашқий, мисрий ва салмоний эдик, нисбатан қимматбаҳороқ бўлмиш ҳиндий ҳамда сулаймоний қиличлар эса сипоҳсолару лашкарбошлиларга насиб этганди. Суворийларнинг эгарларига ихчам мешкоблар ҳам илинган бўлиб, уларга сув тўлдирилганди. Шўрлик отлар чиниқканликлари боис шунча юкни ҳам писанд қилмай илдам йўртадилар. Отлиқлар қадларини тик тутишиб, мардона қиёфада боришар, сафар эндиғина бошлангани боисми, юзларида тетиклик ва бир қадар мамнунлик зохир эди. Баъзилари от устида лўкиллаб боришаркан, шунчага шовқин-суронга қарамай ёнидаги ҳамроҳлари или ўзига хос сухбат ҳам қуриб қўярдилар.

Суворийлар ортидан қоядай-қоядай бўлишиб, улкан филлар келардилар. Улар ҳам ўзига хос "безаклар" или "безатилган" эдилар. Оёқларига пўлатдан ясалган қалин "ковушлар" кийдирилган ва бу нарса ҳар қандайин жонзот ёхуд тўсиқни эзиб, мажақлаб, вайрон этишга кўмак берарди. Устларига нақшинкор кигизлар тўшалган, икки ёнига ёй ва дароз найзалар осилган. Ҳар бирларига биттадан занжи филбонлар мингандарни бўлиб, улар барчадан баланд турганликлариданми ёки кенг дала-даштлар ҳурлигини туйиб, қадрдан ватандошлари бўлмиш филларга ошноликлариданми, хушнуд эдилар. Филлар галасининг адодида, улардан хиёл узилиб, сultonнинг аморийси ўрнатилган, нақшинкор матолар илиа безатилган йирик фил ҳам келарди. Уни бир занжи етаклаб олган, бироқ устидаги аморий ҳозир бўш эди. Сulton фидан орқароқда соқчилар ва хос навкарлар қуршовида ўзининг суюкли оти устида келарди.

Унинг оти оппоқ булутта қиёс эди. Оёқларини шу қадар енгил кўтариб-ташлар эдик, ҳудди парвоз этаётгандай кўринарди. Отнинг устидаги күёшнинг баҳорий нурида жилвакор ялтираган тилла эгар ҳам тобланиб, кўзни қамаштиргудай эди. Сulton калта яманий шамшир осган, унинг ҳам дастаси ва қини олтиндан эди. У от устида мағрур ва виқорли ўлтирас, отининг оёқлари узунлиги учунми ёхуд чиндан ҳам у шу қадар барваста эдими, атрофида гилардан анча баланд кўринарди. Эҳтимол ҳайбат, салобат, виқор уйғунлигидан шундайин ҳолат пайдо бўлар. Шунга қарамай, ҳукмдорнинг кўзлари ўйчан боқарди...

Сultonнинг соқчилари-ю хос навкарларидан сўнг қатор сафга тизилган ёйандоз ва зарбдор найзабозлар келардилар. Ёйандозлар ёйларини қўлларида тутиб, елкаларига пайкон тўла садоқларини осиб

¹Жеба — симдан тўқилган ҳарбий кийим

олғанлар. Улар ҳам бошларига дубулға ва эгниларига жеба¹ кийганлар. Буларнинг устларида юклари нисбатан енгил бўлганлиги боис шаҳдам қадам ташлайдилар, лекин нигоҳларида бир қараашда пайқаш мушкул бўлган чуқур ўйчанлик олдиндаги қақшатқич жанглар-нинг мудҳиш манзараларини ёдга солаётгандек туюлади.

Зарбдор найзабозлар ҳам дубулға ва жеба кийган эдилар. Улар бир қўлларида узун найза, бир қўлларида қарийб бўйларига монанд келгувчи қалқон туттандилар. Ёнларида эса қалта чўқмор ва ёйсимон эгри ханжар. Буларнинг қадам олишлари жуда оғир ва одимлари ҳам анча суст. Ёйандозларнинг нигоҳларида чуқур ўйчанлик, буларнинг юз-кўзларига сингиб кетган мунг ва заҳмат акси қошида ҳеч нарса эмасдек кўринарди.

Ҳарбий карвоннинг кейинги қаторларидан ўқ-ёй, курол-аслаҳа ва озиқ-овқатлар ортилган аробалар ўрин олганди. Улар билан ёнма-ён таббоҳлар ва бошқа турли хизматларга зиммали бўлган кишилар борардилар. Улардан кейинда эса манжанақлар ва уларнинг ўқлари ҳамда қозону сақич, нафт² ортилган аробалар, ниҳоят сўнгида жанибатлар (эҳтиёт учун олиб юриладиган отлар) келардилар. Айни шу жойда қўшиннинг бир тумани (ўн минг киши) ниҳоясига етиб, янги туман бошланарди. Ҳозир бу ҳарбий карвонда йигирма тумандан ортиқ лашкар борарди. Беадад қўшиннинг кўчишидан кўкка ўрлаётган шовқин-сурон товуши узоқ-узоқлардан эшитилиб турарди.

Султон қулоқларни батанг қилгувчи шундай овозлар оғушида ҳам дунёдан узилган янглиғ ўз ўй-фикрлари ила банд эди. Буюк салтана-тининг бошкенти бўлмиш муаззам Исфаҳондан узоқлашиб бораракан, юрагининг туб-тубидан нимадир узилиб қолаётгандек туюларди. Айни дамда дунёни зир титратган тождор барча каби Оллоҳнинг оддий бандасига айланиб борарди. Ҳали олдинда тақи неча ҳафталаб йўл юрмоқ дозимлигини ва ўшал узундан-узун фурсатда яна кўп бор оғириу енгил ўйлар гирдобига тушмоғини билса ҳам ҳозирги ўйлари чўзилгандан чўзилаверардики, ўзи бунга монелик қилишни истамасди. Мана энди таки бир бора англамоқда-фарзандлари ва хотинларига, кейинги ойларда ораларига анча-мунча дилхиралик тушган бўлса-да, вазири аъзамга, дилкаш мусоҳиби², хиёл шубҳа-гумонга солган эрса-да, наздида, садоқатли надими Умар Хайём ҳамда кўплаб бошқаларга кўни-киб, ҳаттоки суяниб қолган экан. Ҳали хайрлашаётганда фотиха бера туриб вазири аъзамнинг кўзларидаги ёш недин нишона? Унинг қадрига етмаганлигидан ўкиниш аломатимиди? Ёхуд ўз фарзандини уруш сари узатаётган падарнинг кўз ўшларимиди? Эҳтимол унинг ҳам ҳалок бўлиши мумкинлигини ўйлаб, йифлагандир? Ахир, падари бузруквори улуғ султон Алл Арслон Жайҳун бўйларида ажадга рўбарў келмаганмиди! Демак, бу ҳам ўлиб кетиши мумкин...

Султон Маликшоҳ қораҳонийлар сулоласи ҳақида жуда яхши маълумотга эга эди: бу хусусда, аввало, Туркон Хотунга уйланганидан сўнг билган бўлса, кейинроқ Шамс ул Мулкнинг саройида бир неча муддат хизмат қилган Хайёмдан эшитганди. Ҳа, у бу буюк туркий ҳукмдорлар сулоласини жуда яхши биларди.

Қораҳонийлар наслининг асосчиси Абдулкарим Сутуқ Буғроҳон (хижрий 320 йиллар) бўлган эди. У анча матрифатли ва зиёпеша инсон бўлиб, ўз қавмининг камол топмоғини истаб Исломга кирганди. Буғроҳон ва унинг авлодлари туркий уруғларни бирлаштириш ҳамда юртни обод қилиш борасида кўпу хўп ишларни амалга оширадилар. У

¹Нефть — нефть

²Мусобиқи —сүхбатдоши

бир сафар Сайхун бўйларидан ортига қайтиб кетади. Боиси бу ёқда барқарор бўлган маданиятни енгиш анча мушкул эканлигини, айни дамда, бу юртга қўшин тортса, ҳадемай уларга қоришиб, сингиб кетиши мумкинлигини англаб етади. Чунки у қудратли туркий давлат ва маданиятни барпо этмоқчи эди. Шул сабабли ҳам анча тайёргарликдан сўнг бу юртга хужум қилди ва уни ишғол этди. (Бухоро, Вобкент, Жарқўрон ва Ўзгандағи бир қатор бино-ёдгорликлар қорахонийлар хукмронлиги даврида бунёд этилган бўлиб, улар ўзига хос туркий меъморчилик услубларига, жилоларига эгадир. Шунингдек, бу даврда Маҳмуд Қошғарий, Юсуф Хос Ҳожиб, Форобий каби буюк туркий алломалар ҳам етишиб чиққанлар.)

Дилхуш сұхбатларининг бирида Бухоро ва қорахоний сулола ҳақида гап кетганида, Хайём қаршисида буюк султон ўлтирганлигини дилдилидан туйган ҳолда, бағоят эҳтиёткорлик ила айтиб берган эди: унинг сўзига қараганда, Сутук Буғрохоннинг зурриёди бўлмиш Шамс ул Мулк ҳам дастлаб анчагина тадбирли, эл-улусга қайишувчи хукмдор бўлган. Бир куни у Бухородаги барча фузало-ю шуаро, меъмору наққошларни саройда жам этиб, мажлис тузади. Шунда меъмор ва наққошларни имтиҳон эта туриб, ўз падарини эслайди. Отасининг бунёд этилаётган биноларнинг ҳатто нақшу бўёқларига ҳам эътибор берганлигини айтиб, энди бу ота мерос одат тақи давом этажагини таъкидлайди. Ўшанда Хайём хиёл табассум ила деганди:

— Олампаноҳ, қарангки, ул қорахоний ҳукмдор туркий ва форсий наққошлик санъатини ажаб қиёс ила таърифлаганди. Сўнгроқ ўзим ҳам эътибор қилдимки, филҳақиқат, форсий наққошларнинг нақшлари дона-дона унсурли, ёрқин рангли бўларкан. Туркий нақшлар эса нафис ва жимжимадор, бўёқлари эса кўзга уйғун кўринаркан.

Кейинчалик бу гапга султоннинг ўзи ҳам иқрор бўлганди.

Бироқ Сутук Буғрохон тузган улуғ салтанат унинг наслидан бўлмиш Шамс ул Мулк даврида таназзулга юз тута бошлади, юртдан файз барака кетди. Султон Маликшоҳ бу нарсалардан жуда яхши боҳабар эди ва барибир, ўзи каби туркий қавмдан бўлмиш қорахонийлар сулоласини дилида ҳурматларди. Бир томони, суюкли завжаси Туркон Хотун ҳам ана ўша уруғдан эди. Қорахонийларнинг соф туркийпарат бўлганликларига пинҳона ҳавас қиласди. Ва лекин бу кечмишларини сиртига чиқармасди.

Салжуқий қўшин икки ой деганда Жайхун бўйларига етиб келди. Султон лашкарнинг асосий қисмига дам бериб, маҳсус усталарга дарё узра кўприклар қурдира бошлади. Бўсағада қадим Термиз шаҳри турарди.

Бешинчи боб

1

Султон бошлиқ қўшин Бухоро фатҳига кетгач, доруссалтанат анча хувиллаб қолди. Бозорларнинг гавжумлигидан, қўча-ю карвонсаройларнинг файзидан ҳам кўр кетди. Бунинг устига бошкент осмони узра кўз илғамас қора булат тўпланиб, бағрида бир мудҳиши шарпа изғий бошлади. Бироқ уни ўшал шарпага ошно бир неча кишидан ўзга бирор пайқамасдик, зеро, унинг кучу қудрати ҳам шунда эди.

Қўшин шаҳарни тарқ этгач, Муҳаммад Такаш ва Қазвиний мулоқотлари қуюқлашиб қолди. Шоирлар амири кунда-кун ора шаҳзоданинг қасрида ҳозир бўларди. Бу ёғи кунлар илиб, кўқламнинг адоги кўрина бошлаганлиги боис, улар кўпинча одатдагидек қаср томи устидаги сұхбат қурадилар. Чунки Такаш кабутарлар парвозига мудом

ошиқу бекарор эди. Бу сафар ҳам шундай бўлди, Қазвиний томга кўтарилиб бораркан, Такашнинг кабутарларга қаратса беўхшов қий-киргани қулогига урилди.

— Овозинг ўчсин кабутарбоз, юракни ёрай дейдия баттол, — дея фурданиб қўйди у ўзигина эшитадиган овозда. Бироқ Такаш кўриниши ҳамоно шоирлар амирининг башарасида табассум барқ урди.

— Ассалому алайкум, шаҳзодам! — деди у соҳиби хонадонга. — Ҳадемай кабутарларингиз янглиғ ўз парвозингиз ҳам мамлакат осмонини безагувсиdir. Илоҳи, ўшал кун жадал кела қолсин, эй буюк султонзода!

Қазвинийнинг хушомади кабутарлар рақсидан олинажак завқдан устун келиб, Мұхаммад Такаш мамнун қиёфада унга ўтирилди. Унинг ялтоқланиб, қўл қовуштириб туриши хуш ёқди-да, виқорига виқор қўшилиб, баттар ҳаволанди.

— Хуш келибсиз шоири замон! — деди кўксини кериб, Қазвинийни ўлтиришга чорларкан, ўзи ҳам ўлтириди ва шу аснода кўқдаги ҳур эшларига илкис кўз ташлаб қўйди. У кабутарларни чиндан-да яхши кўрарди ва уларнинг аксари оппоқ тусда бўлганликлари боис, кўк тоқида ўмбалоқ ошарканлар, серҳаракат қанотлари тангабалиқ сингари ялт-юлт қиласиди. Кабутарлар Такаш қалбидаги бир парча оқлик эдилар ва унинг феълида улуғворлик ёхуд эзгулик бўлса агар, у ана ўшал гўзал жониворларга меҳри туфайли эди.

— Фурсат етди ҷоғи, шаҳзодам? — деди Қазвиний шипшиган янглиғ овозини оҳисталаб.

Такаш чуқур тин олди, юзида сезиларли ҳавотир зоҳир бўлди. Шу кўйи анчагача илкидаги забаржад узугини бармоқлари ила ўйнаб ўлтириди.

— Амирни тадбир ила тарафимизга оғдирмоқ лозим, — деди у, ниҳоят хаёлчан алпозда қоларкан.

— Тадбир тузилган, жанобим!

Такаш жим қолди. Ундан ҳадеганда садо чиқавермагач, яна Қазвиний сўзламоққа тутинди.

— Сизнинг минглик қўшинингиз бор. Анови куффор вазирга итоат этгувчи ўшал амирни қўлга олсан...

Такашни ваҳм боса бошлагани унинг юз-кўзидан шундоққина билиниб турарди.

— Амирнинг хонадонини тунда олғаймиз. Қарабисизки, ул илкимизда-да, чунки аҳли хонадони раҳнда¹ бўлғай. Вазирни эса зинданга ташлаймиз.

— Эвлармикинмиз, шоир? — Сўради Такаш қўзлари ола-кула бўлиб. У таки кабутарларига боқди. Уларнинг чарх уришларини бир муддат интиқ кузатаркан, ёнбошидаги идишдан ҳовучини тўлатиб дон олиб, кабутарлари ўрганган овозда ҳайқирди ва том тепасига сочиб юборди. Уларнинг иккиси пайкон мисоли тезлиқда ўзларини қўйига урдилар.

— Эвлаш ҳам гапми!.. Сизнинг султонлик ҳайбатингиз ила тогларни-да бир ҳамлада йиқурмиз, шаҳзодам. — Қазвиний нишонни тўғри олди, ниҳоят Такашнинг қўзларида ҳам аста-секин ўт чақнай бошлади.

— Қани, тадбирингизни сўзланг, — деди у шоирлар амири томонга энгашиб...

Ниҳоят, келишилган кечаси хиёнаткор фитначилар оёққа қалқидилар. Шаҳзода ўз сарбозлари ила (малика ва шаҳзодаларнинг ўз қасрлари, молиявий идоралари бўлганидек, кичик-кичик қўшинлари ҳам бўларди) аввало, эҳтиёт лашкарга бош этиб қолдирилган амир хонадонини босди. Унинг хотинлари ва фарзандларини раҳнга олгач, ўзи ҳамда лашкари бир қўғирчоқ менгиз кўйига тушди. Сўнг Такаш ҳар икки қўшинни бир неча қисмларга тақсимлаб, уларга ўзининг ишонч-

¹ Раҳнда — гаровда

ли кишиларини бош қилди. Уларнинг иккиси маликаларнинг қасрларини ишғол этиб, қаср аҳлини ҳибсга олдилар ва қасрдан ташқарига чиқмасликка амр қилдилар. Такашнинг ўзи бошлиқ бир қисм лашкар эса вазири аъзамнинг қасрини қамал қилиб, ўзини ҳибсга олдилар. Бу орада девон аҳлининг барчалари ҳам зудлик ила зинданбанд этилдилар. Соҳиб девон Низом ул Мулкнинг ўзи ҳам зинданнинг алоҳида хонасига ташланди. Шундай қилиб, бир кечанинг ўзида мавжуд ҳукумат фитначилар томонидан ағдарилиди. Нафақат сарой, балки бутун шаҳар аҳли ҳам ғафлатда қолдилар. Саҳармардоңда олам-жаҳонни тутган ноғораларнинг вахимали овози ҳаммани шоҳмайдон сари чорлади. Одамлар бомдод намозини шоша-пиша ўқишиб, не ҳодиса рўй берганлигини тезроқ билмоқ учун шахристон томон чопдилар.

Бу пайт Такашнинг кўшинлари шоҳмайдонни ҳалқа орасига олди. Унинг ўзи эса хос навкарлари ила супа устида эди ва викорли нигоҳини саросимада ғала-ғовур қилаётган авомга қадаганди. Ёнбошида кўзлари ола-кула бўлган, бу қировли кекса бошига не шўришлар ёғилишини билмай базур нафас олаётган муҳтасиб Бадрий титраб турарди. Шоир Қазваний эса ўзига етгулик мугомбир ва устомон эдики, Такашнинг ғалабасига ҳали бутқул ишонмаганлиги боис ўзини ғаним кўзлардан панароқда сақларди. Унинг тунги ҳодисотларнинг биронтасида иштирок этмаганлигини ҳатто Такаш ҳам пайқамаганди.

— Сиз ким тарафиндасиз, муҳтасиб жаноблари? — деди Такаш Бадрийга боқиб. Бироқ ҳар қанча тиришмасин овози титраб кетди.

Бадрий саросимага тушди.

— Мен... мен... Сул... сиз!..

— У сизга асло эл бўлмағай, шаҳзодам. — дея шивирлади орқа томонда турган Қазваний.

— Нега дудуқланурсиз хезалак каби? — Такаш бу гапини Қазванийнинг сўзидан дадилланиб айтди.

— Ур бу така соқолни!-дея ишора қилди Қазваний Такашнинг ёнида турган, янги ҳукуматда амирликни орзулаган филай кўзли, барзангি солорига¹.

Филай ҳам қонга ташна турган эканми, чўқмори ила Бадрийнинг бўйни ва орқа мияси аралаш бир урди "жиқ" этган сас чиқди-ю муҳтасиб ерга ағдарилиди ва лаҳзада жон таслим қилди. Мударра салласи анча нарига думалаб кетди. Бу нохос қатлга кўзлари тушган атрофдаги кишилар қўрқув ила орқаларига тисландилар.

— Жазоингни олдингми, така соқол? — дея ҳиринглаб қўйди Қазваний.

Такаш бундай бўлишини кутмаган ва филайнинг туйқус саъийидан ичида бир қалқиб тушган эса-да, бирорга сездирмади, ўзини бепарво тутишга уринди. Майдон сари оқиб келаётган одамларга ғолибона тикилди. Бироқ унинг вужудида тақи ўша эски фаҳм жунбушга кела бошлаганди. Бу не ҳол, дея ўйларди у бўғзидаги нимарса тепа-ю пастга жонсарак тарзда бориб- келаркан.. Наҳотки султондан шунчалар қўрқса? Ахир, у қўрқоқ эмасди-ку. Уни бу кўйга солган наҳотки сultonнинг ҳайбати бўлса? Ўзи йўқ одам кишини шунчалар қўрқувга солса-я?.. Ё Оллоҳ, бу қимлишларим не ила интиҳо топмоғи фақатги на ўзингта аён. Ўзинг нажот бер, Тангрим!.. Кабутарларим парвозига термулиб, кўнглим ҳаловатда ўлтирсам не қиласди-я?..

Иблиси лаъин йўриғида бу фитнага гўё бош бўлган Муҳаммад Такаш ўз аҳволини англаёлмай гарачг эди. Юрагида уйғонган ваҳм-бу ўз иймони эканлигини, бузуқ юмушга бош қўшганлиги боис беҳаловат бўлаётганлигини у асло тушунолмасди. Ваҳм-ҳар тутул тоза қалдан жой олган иймоннинг ўз соҳибига исёни эди.

Бу пайт Шокир Талх ҳам майдондаги оломон ичра эди. У фаҳмла-

¹Солори — аскар бошлиги

дики, хиёнаткорлар расадхона аҳлини фаромуш этмиш, акс ҳолда, аллақачон уларни ҳам бошмайдон сари қувиб келган бўлардилар. Талх ҳар томонга аланглай бошлади-шаҳардан чиқмоқ учун йўл ва бир ишончли ҳамроҳ изламоққа тутинди. Енверини кўздан кечиравкан, ҳойнаҳой, барча дарвозалар ғаним илкида бўлса керак, дея хаёл қилиди. Ниҳоят нигоҳи ила бир косиб биродарини топди-ю у томонга отилди... Иккиси узун расан¹ олишиб, расадхона тарафга чикувчи дарвозага бордилар. Дарвоза берк эди, унинг олдида бир тўда хиёнатчи навкарлар туради. Шокир Талх оташин бўлди-ю гудранди:

— Бу тождорлар касрига дунёда ҳам маъни қолмади. Ини оғанинг яқосидин олса-я! Қиёмат яқин кўринадур... астагфурилоҳ!..

— Не деб гўлдирайсиз, Талх? — дея сўради унинг туришидан ҳайратланган ҳамроҳи.

— Қани, кетдук, дейман, — деди Шокирнинг зардаси қайнаб.

Улар девор ошмоқ учун қулай жойни излаб кезина бошладилар. Аллақачон шаҳарнинг тўс-тўполони чиқиб кетганди. Барчанинг юзу кўзида улуғ бир саросима, ҳаракатларида таҳтика зоҳир эди. Одамлар ниҳоятда шошиб, жонсарак алпозда у ёқдан-бу ёққа ўтиб борадилар ва шу жонсаракликларига уйғун тарзда тез-тез ҳамда мухтасар сўзлаб ҳам қўярдилар. Шу ўтган қисқа муддат мобайнида гўзал бошкентдан, қадим Исфаҳондан файзу ҳаловат ариб ултургандек эди. Ҳамма нарса гўё хира қора парда ортига ўтиб бораётгандек кўринарди. Йўл четларидағи борлиққа чирой бахш этган анвойи гулларнинг ранги энди униққандай, ўзининг жилвакор тусини йўқотгандек. Қатор қад ростлаган сапидорларнинг ҳам яшил ранги қорайиб-сиёҳланиб боради гўё. Ҳа, мусулмон дунёси ҳамиша тиљдан қўймаган, тинмай Оллоҳдан тиласан файзу барака фақат ва фақат тинчлигу омонлик туфайли экан. Агар юртдан ҳаловат ариса, ҳамма нарсанинг бир зумда зеру забар бўлмоғи ҳеч гап эмас экан.

Шаҳарда ғала-ғовур, парокандалик ва эшу ғанимнинг ўзи билан ўзи овора бўлганлиги боис икки косибнинг девор оша шаҳарни тарк эттанлигини бирон кимса пайқамай қолди.

2

Аҳли расадхона шаҳар ичкарисида бўлаётган шовқин-суронларни элас-элас эшитган эсалар-да, асли ҳодисотдан бехабар қолдилар. Бундайин шум фавро илм аҳлининг етти ухлаб тушларига ҳам кирмаслиги аниқ, чунки улар салжуқий салтанатнинг ва айниқса, буюк сulton Маликшоҳнинг куч-қудратига, идора усулига шубҳа ила қарамоқлик хаёлидан йироқ эдилар. Илло, расадхона ва илму урфоннинг барқарорлиги ҳам сulton ҳазратларининг ҳиммату эътиборлари боисидандир. Буни илм аҳли жуда яхши англардилар ва бу борада Оллоҳга шукроналари беҳад эди.

Воқеани Шокир Талхдан эшитган Хайём зарурий тадбир илинжида ўйга ботди. Бошмайдон узра музafferият нашидасини суроётган эканлар, демак, вазири аъзаму аҳли девонни ҳибс этганлари аниқ. Мабодо қатл этиб ултурмаган бўлсалар, агар. Вазири аъзам итоатидаги қўшин қаерда қолдийкин? Наҳотки у ҳам хиёнаткорлар тарафига оғган бўлса? Соҳиби девон ҳазратлари омонмикинлар ишқилиб? Ёки хусумат ва ҳасад гирдобида қолган Такаш ва ... Хайём туйқус Талхга ўтрилиб, сўради:

— Супа узра амирул шуаро Қазвиний кўринмадими?

— Кўринмади чоғи, — деган Талх иккиланиб, ёнидаги ҳамроҳига савол назари ила қаради. Ундан ҳам тайинли жавоб ололмагач, — ҳа, у йўқ, эрди, — деди қатый.

Хайрият, дея ўйлади Хайём бироз енгил тортиб, яхшики бунга бош

¹Расан — чилвир, арқон

қўшмабди у бадкирдор. Тақи ким билур? Булар кўрмаганликларини айтдилар, холос... Дарвоқе, не тадбир кўлламоқ жоиз?..

— Микоил! -дея чорлади у ниҳоят у ён-бу ёнга аланглаб, айикбозни қидираркан, юз-кўзида қатъият акс этиб.

— Лаббай, хожам. — деди унинг ўтрусида кўл қовуштирган Микоил.

— Энг учкур отни мингайсен ва сulton ҳазратлари ҳузурига елгайсен. Хиёнаткорларнинг қилмишидан боҳабар этгайсен. — Сўнг ўз ишораси ила келтирилган қофозга тезкор нома битди, унда бўлиб ўтган ҳодисотларни жуда муҳтасар баён этди ва номани Микоилга тутқа-заркан деди, — Ушбуни сultonимизнинг ўз қўлларига топширгайсен. Қани, Оллоҳ ёр бўлғай.

Микоил от сари чопиб бораркан, Риндонийга деди:

— Полвонни уннутмағайсиз, оға!

Микоилнинг қораси қир ортига яширингач, фурсат ғанимат бўлганлиги, Хайёмнинг айни пайтида тадбир қўллаганлиги аёналашди. Чунки, ҳадемай шаҳар томонда бир тўда отлиқ сарбозлар кўриндилар.

Хайём ўз измида бўлган ҳамроҳларини ваҳима қилмасликка, таҳлика га тушмасликка ундаркан, иродасини бўлғувси синовларга ва ҳатто, азоб-уқубатларга ҷоғларди. Анови яроғланган ҳайвонмижозларга аҳли расадхонани қарши қўймоқликдан маъни йўқ. Барибир уларнинг қўллари баланд келгай, чунки хома ва китоб тутган қўллар бироннинг жонига қасад қилмоқликка қодир эмас. Мабодо тўқнашув рўй берганида ҳам илм аҳлиниң мағлубияти аниқ. Уларнинг жонларини омонда сакламоқлик эса, аввало, Хайём қўллагувчи тадбирга монанд эди.

Филҳақиқат, юз ҷоғли суворийлар етиб келиб, расадхона атрофии үраб одилар...

Бу маҳал шаҳарнинг бош майдонига жам бўлган авомнинг рўбарусида оёқларидаги титроқни сездирмасликка уриниб, гоз турган Мұхаммад Такаш ўнг илкини кўтариб, ҳалойиқни жим бўлишга ундали. Унинг ишорасидан сўнг, ўтган кечада не воқеалар рўй берганигини билмоққа интиқ бўлиб турган, бироқ ана ўша ноаёнлик ортидан тинмай сўзлаётганлиги боис шовқини шаҳарни бошига кўтарган одамлар тездагина тина қолдилар. Такаш бундай бўлишини кутмаганди, шунинг учун шаҳристон узра ястанган сукунат уни тақи довдиратиб қўйди. Бир муддат сўзсиз турди-ю, сўнг орқасида турган Қазванийнинг “Бардам бўлинг, шаҳзодам!” деган рағбатидан дадилланиб, гапира бошлиди:

— Азиз фуқаро! Маълумингизким, кўҳна Исфаҳонда фисқу фужур ин қуриб, турфа жодугарлар, иймони заифлар кўпаймоқдалар. Улар сultonнинг пинжига кириб, ҳатто салтанат бошига ҳам чиқиб олмоқдалар. Натижада нужумпарастлик авж олиб, қуфру залолат илдиз отмоқда. Бу эса Ислом заифлашувига олиб келмоқда. Шундай экан... — Такаш оғир бир ютинди, ичиди нимадир қалқиб кетди. — Шундай экан, улуғ падаримиздан мерос қолган мамлакат идорасини ўз илкимизга олмоқликка жазм этдик. Оллоҳ таолонинг иродаси ила буюк Исломга кучу жаҳд бермоқлик шарафи сизу бизнинг елкамизга тушганлиги муборак бўлғай!

Бироқ у куттанидек олқишилар таралмади. Не ҳол рўй бераётганлигини англаб етолмаётган ҳалойиқ карахт турарди. Бу Такашни баттар эсанкиратиб қўйди.

— Сўзни муҳтасар қилғайсиз, шаҳзодам! — дея шипшиди орқадан Қазваний.

Ва лекин Такаш бошқа бирон сўз айтолмади, кўзлари олайганча авомга тикилиб, ютина-ютина тураверди. Буни пайқаган Қазваний қўйироқда турган жарчига маъноли ишорат этди. У супа устига чиқиб, баланд ва жарангдор овоз ила аввалидан ёд этган сўзларини ҳайқириб айта кетди. Яъни, жарчи шаҳзода Мұхаммад Такаш ибн Алп Арслон

ўзини султон дея эълон этажагини, энди жамики давлат ишлари унинг амру иродаси ила бўлишини, токи маҳсус ижозат бўлмагунча шаҳардан чиқмоқ, унга кирмоқ, тунда кўчада юрмоқ ва бошқа кўплаб нимарсалар ман этилганлигини тинимсиз тақрорламоққа тушди.

Такаш ўзини анча ўнглаб олганлиги боис, виқор ила эндинигина аъёнларига айланган бир неча кишиларни эргаштириб, шоҳсупани тарк этаётганларида майдон четида навкарлар қуршовига олинган Умар Хайём ва унинг шогирдлари Воситий ҳамда Исфараразий кўринидилар.- Уларни кўрди-ю Такашнинг турқи ўзгарди. Бу ҳолатини англагунча бўлмай нажот излаб Қазванийга қаради. Шоирлар амири эса дарҳол филай солорга уларни тўғри зинданга олиб боришликни амр этди. Чунки бу нужумпарастларнинг, айниқса, Хайёмнинг халқ ўртасида обрўси баланд эди. Улар зинданбанд этилганликларининг пинҳон тутилмоғи авом ўртасида вужудга келажак норизоликнинг олдини олмоғи тайин эди. Амирлик мансабидан сармасст бўла бошлаган филай солор вали-неъматлари фармонини тезлиқда бажармоқликка ошиқди...

3

Вазири аъзам зинданнинг тор ва қоронғи хонасида беҳаловат ўлти-рар экан ҳалигина содир бўлган воқеаларни хотирасида қайта тикламоққа уринарди. Шууридаги ана шу хоҳиш асносида хавотирили нигоҳи хонанинг кичкинагина туйнугига интиқ тикилди. Тутилмоғи авом ўртасида вужудга келажак норизоликнинг олдини олмоғи тайин эди. Ҳали тонг отмади чоғи. У эгнидаги хонаки чакмонига бир қур қараб қўяркан, илки ила бошидаги такясини пайпаслади-да, хиёнаткорлар тузукроқ кийиниб олмоққа ҳам имкон бермаганликларини эслади. Шу ўтган оз муддат ичидаги нималар рўй берди ўзи?..

Аслида, кекса вазир ёши ўтиб қолганиданми ёхуд бошидаги та-факкур түгёнлари боисми, кам уйқу эди. Бироқ бу кеч не гафлат бос-дики, хуфтон намозини адо этибоқ кўзларини уйқу элитдию тўшакка ён берди. Иблис алайҳилаънанинг макрини қарангки, уйқунинг зўридан шаҳарда кечган шунча тўс-тўполнини ҳам сезмабди. Бўлмаса, у султон бошкентни тарк этгандан бўён гўё шаҳар дарвозасида қойим турган тунги посбон мисол ҳамиша сергак эди. Минг надоматким, бу кечча хушёрликни унуди, ғанимларнинг хуфия режалари ижобати учун имкон яратиб қўйди. У ўз хобгоҳида қачонлардан бери айро тушгани-мост уйқу оғушида эди. Бир замон вазири аъзамнинг бошқа пайт бўлса бундайин юмушга асло журъят этолмаслиги аён, кичик хизматчила-ридан бирори хобгоҳга дод сола кириб келди. Низом ул Мулк уйқудан уйғониб, ҳали ўзини ўнглаб олмасидан, не ҳодиса рўй бераётганлиги-ни илғамасидан хонани шакир-шуқир, дупур-дупур товушлари босиб кетди. Чунки бир неча қуролланган сипоҳийлар хонага чопа кириб, уй ичра доира бино этдилар.

— Бу не адабсизлик? — дея ҳайқири вазири аъзам ўрнидан сап-чиб.

Охирида кириб келган солор унга мағур боқаркан, деди:

— Шаҳзода Муҳаммад Такаш ибн Алп Арслон жаноби олийлари-нинг фармонларига биноан сиз баанди этилдингиз!

Вазири аъзам ана шундагина пойтахтда хиёнат рўй берганлигини англади. Англади-ю ақди калта бу сипоҳи-ю уларнинг солорига қай-тиб бир сўз демади.

Не бўлганда ҳам вазири аъзамга азият етказмоққа бу авбошлар-нинг бирорталари журъят қиломадилар. Бошкентда ҳарчанд қиёмат қўпиб, ҳар бир сак ўз соҳибидан юз ўтирмоққа ҳозир тургани билан буларни кекса Низом ул Мулкнинг салобати босдими ёхуд фармони олийни кутиб шундай қилдиларми, бирон-бир ножӯя саъй этмадилар.

Фақат зинданнинг алоҳида хонасига киритиб, эшик олдига бир эмас, икки эмас, тўрт сипоҳийни посбон этдилар. Зиндан хизматчилари тугул ҳатто зинданбонга ҳам ихтиёр бермадилар. Бу воқеотларни кўриб, кузаттган бир закий зот топилгудек бўлса, шаҳар узра ва унинг чекка-чеккаларида ҳам шавкатли султон Маликшоҳнинг руҳи огоҳ турганлигини фаҳмламоғи мумкин эди.

Мана энди қоронгу зинданда ўлтирганча ўзи ўзидан нафратланмоқда: Умр шомида энди бу не гафлат, не шармандалик бўлди? Султон ҳазратлари унга инониб қолдирган бошкентни, тахтни бир зумда оёқ ости қиммоқликларига имкон берса-я! Шу пайтгача Исфаҳон ичра не ҳодисотлар рўй берди экан? Маликалар, шаҳзодалар омонмикинлар? Ишқилиб уларнинг қони тўклиласин! Амируллашкар қайларда қолдийкин? Ёки уни?.. Умар Хайёмчи?.. Улар ила қандай боғланса бўларкин? Кекса вазир зулмат ичра ноаёнлик оғушида карактланиб бораркан, огоҳ одам шоҳу дунёдан огоҳ бўлмаган шоҳ эса ожизу нотавон кимсага ўхшаб қолмоғини яна бир бора англарди.

Ташқаридан одамларнинг шовқин-суронлари элас-элас эшитиларди. Шу пайт, эшик очилиб, рўбарўсида зинданбон пайдо бўлди. Унинг илкида анча уринган обдаста бор эди.

— Ассалому алайкум, ҳазрати олийлари! — деди у эгилиб.

Вазири аъзам унга савол назари ила мағрур тикилиб турарди.

— Бомдодга таҳорат олсангиз деб...

— Сен кимсен? — Сўради вазири аъзам бироз ғазаб ила.

— Зинданбонмен.

Низом ул Мулк унинг сўз оҳангидан ортиқча гап лозим эмаслигини тушунди.

Зинданбон устамон одам эди. У султон Маликшоҳнинг құдратини, мана бу банди вазири аъзамнинг эса ақли донишини фаҳмлаганлиги боис, салжуқий салтанатнинг инқирозига инонмас, мазкур тўс-тўп-лонлар вақтингча эканлигига ақли етиб турарди. Шундан таъма илинжида отни қамчиларди.

— Мендин Умар Хайёмга хабар бер. Қоғоз келтир, нома битиб берурмен, — деди вазири аъзам таҳорат оларкан.

— Мени қайта киритмоқлари душвор, — шипшиди зинданбон.

Эшик шақирлаб очилиб, бир сипоҳийнинг қораси кўринди.

— Нега имиллайсен, ҳой, зулмат соҳиби? — деда дағдага қилди у. — Тез бўл!

— Бир иложини топ, — деди шивирлаб вазири аъзам.

Бироқ зинданбон унинг олдига қайтиб кирмади (эҳтимол киритишмагандир). Умар Хайёмни ҳам банди этганликларини кейинроқ эшитди. Бирон-бир тадбир кўлламоқликка қанча уримасин ҳаракатлари зое кетди. Вазири аъзам Оллоҳга таваккул қиммоқлиқдан ўзга чора йўқлигини тушунди.

4

Муҳаммад Такаш ниҳоят султон Маликшоҳ саройига, яъниким мамлакатнинг энг нуфузли машварату кенгашлари ўтгувчи хосхона-тахт пойига кириб борди. У бу ерга кўп бор кирган ва айтмоқ жоизки, бу муҳташам қасрнинг ҳар бир устуни, қандилу даричасидан тортиб нақшларида тура жилоларигача унга жуда яхши таниш эди. Авваллари кенгаш ёхуд бошқа бирон йифин баҳона ҳузури муборакка кирганида, қасрдаги ҳар бир нимарсага, айниқса, унинг ҳашамат ва улуғворлигига ҳавас ила тикилар, тоғдо буларнинг бари ўзиники бўлиши мумкинлигини ўйлаб, юраги орзиқиб кетар, бу орзиқиши ортидан кўнглида султонга нисбатан кучли нафрату ҳасад вужудга келарди. Бироқ унда бу қасрга кирганида ва ҳаттоки, султоннинг ўтлиф қаҳрига

рўбарў келганида ҳам вужудида ҳозиргилик титроқ, тушуниксиз қўрқув кезинмасди, шуурини ишғол этиб, ўз хоҳишига бўйсундирмасди. Айни дамда эса, буюк салжуқий салтанатнинг тиллодан ясалган улуғвор таҳтига тикилиб туаркан, жисмида нимарсадир қўйига томон оқа бошлиди, бўғинлари бўшашиб, суяклари толди, юраги остига тош қадалган мисол пастга осилаверди. Танидан мадор кетди, кўзлари намланган менгиз бўлса, оғзи қуруқшади. Вужудини титроққа соглан бояигидан ҳам кўра кучлироқ қўрқув пайдо бўлди. Оғир-оғир ютинаркан, ўртанди, дод деб юборгиси келди. Шундагина у ўзининг нақадар ожиз эканлигини, аслида, мамлакат тахти учун яралмаганлигини англади. Англаган сари хўрлиги келди, барига қўл силтаб, тогу тошларга кетмоқни истади. Бироқ энди кеч эди, борлиқда карвон ортидан кўтарилиган гардгина қолганди. Энди ортга чекиниш мумкин эмасди...

Болалигида падари султон Алп Арслон уни хушламайдигандек туюлаверарди. Турли анжуманларга, айниқса, ҳарб илмига боис машқларда-чавандозлик ёхуд қиличбозлик каби сабоқларда султон отаси унга у қадар рўйхушлик бермас, ҳамиша бир ёшга катта бўлмиш ўли Жалолиддин Маликшоҳга майл билдирарди. Унинг ҳар бир ҳаракатларидан ва ҳатто нуқсонларидан ҳам завқланар, агар бирон борада қойил қолдирса борми, тинмай олқишиларди. Унга сайин Жалолиддин кундан-кун ҳар соҳада моҳир бўлиб, жуссаси ийриклишиб, тўлишиб, билакларига куч қўйилиб борарди. У чинакам забардаст йигитга айланниб, улуғворлик касб этаверарди...

Такаш ила эса ундейин муносабатда бўлмасди, ҳаттоки кўпинча унга эътибор ҳам қилмасди. Буни Такаш ўзининг канизакдан туғилганилиги туфайли деб билар ва шул сабабли ҳам тобора эзилиб, писмиқлашиб борарди. Бола қалбига бу муомала қаттиқ таъсир этганлигиданми, падаридан ҳам, шаҳзодалар учун мажбурий бўлган ҳарб машқларидан ҳам узоқлашаверди. Нисбатан кучсиз ва журъатсизлиги ҳам шундан эдикни, бирон юмушни қилишдан аввал узоқ иккиланиб, оқибатидан шубҳаланиб, ҳуркиб туарарди. Бу феъли уни улғайгач ҳам тарк этмади, айтмоқ жоизки, мудом таъқиб қиласди. У фақатгина қабутарлар даврасидагина ўзини эркину озод ва ҳаттоки журъатли сезарди. Эҳтимол бирон-бир инсоншуносми ёхуд қалбшуносми топилиб, Такашни тафтиш этса-ю ва унинг феълини тўла англаса, ҳар қандайин рақибни унга қабутарлари парвоз этганда рўбарў қилармиди. Ўшанда балки у мислиз пахлавонга эврилиб, ҳар не ғанимни яксон этармиди. Унинг қабутарларга ошиқлигини билган одам бунга ишониши тайин эди.

Аввал айтилганидек, таҳтга ўлтириши салжуқий ҳукмдорлар атрофидаги тожга даҳл қилиши мумкин барча даъвогар жигарларини бир четдан қатл этаверарди. Такаш ўзининг ҳамон тирик юрганлигига гоҳо ҳайрон бўлар, ишонмасди ҳам. Нега энди оғаси султон Маликшоҳ унинг жонига қасд қилмади- у худди мана шуни тушунолмасди. Султон Маликшоҳ эса инисини нечун қатл этмаганлигини жуда яхши биларди, биланлиги учун ҳам ўйлаган режасининг интиҳосини кутибми ёки бошқа бир муроди борми, жон қасдини кечиктириарди. Такаш, айниқса, болалигида бир умр қисиниб-қимтиниб, ўқсиниб яшади. У ҳамиша Жалолиддинга ҳасад қиласди, бироқ журъатсизлиги боис ҳасаду нафратни ҳам эвлай олмасди, елкасини қисиб, эзилгани-эзилган эди. Ўз мағлубиятини омадсизликка йўйиб ва ҳатто жисмидаги түфма, нуксон менгиз тушуниб, бош кўтармоқдан тийиларди. Бу отасига ёқмас, оғаси эса унинг бундайин кечмишларидан ҳузурланарди. Ана ўша ҳузур (ёки унинг ҳуморими) султонни ҳануз тарк этмас, ўз жигарининг мағлубиятидан, аламзадалигидан зафар нашидасини сурарди. Такаш унинг енгиб, бўйинсундириб яшащек инсоний туйғусига посанги вазифасини ўтарди. У инисидаги ҳасад ўтини яна ва яна алангалатиб, унинг

ожиз бокишиларидан, пинҳоний тўлғонишларидан қалбида хузур туярди. Шунинг учун ҳам уни қатл этмасди.

Муҳаммад Такаш таҳтга ўлтиrolмади, оёқлари титраб, қуидаги курсига чўқди.

— Шаҳзодам! — деди Қазвиний хушомадгўйларча таъзим қилиб. — Энди бу таҳт сизники! Уни муборак этинг!

— Кейин, — дея Такаш бошини эгди. — Толикдим... Амр этинг, танаввул ва май ҳозирласинлар.- У чиндан-да ҳорғин ва аянчли кўринар, тобора чўкиб бораётганлигини ўзи ҳам сезар, ҳис қилар, шунинг учун чорасиздай туюларди.

У бундай бўлишини кутмаганди, таҳтга ўлтираману буюк салтанатни идора қилишга тушаман, деб ўйлаганди. Лекин ундан бўлиб чиқмади, мана ўшал таҳт рўбарўсида турибди, икки қадам босса етади. Бироқ ана ўша икки қадамга ҳоли келмади. Энди ҳеч қачон бу таҳтга ўлтира олмаслигига унинг ақди етди, фақат буни тўла тан олишни истамагани каби бошқалар билиб қолишлирини, сиридан воқиф бўлишларини ҳам хоҳламасди. Қолаверса, мамлакатни идора этмоқни нимадан бошламоқ лозимлигини ҳам билмас, вазири аъзам тартиб берган давлат тизимининг сир-асрорларидан бехабар эди. Ўзи тан олмасада, салжуқийлар давлатида барқарор бўлган девонларнинг юмушларига-да акли етмасди. Шул боис энди у ўз хатосининг аламини май заҳридан ола бошлади. Девоннинг бўйин эгмаган амалдорларини қаторасига зинданбанд этаверганликларидан давлат ишлари ўлда-жўлда қолди. Шаҳар ҳаёти издан чиқди, ўғрилик, талончилик кўпайди. Султон Маликшоҳ тараф жон қайғусига тушган баъзи мансабдорлар, катта савдогарлар, пинҳона шаҳарни тарқ этмоққа тушдилар. Хуллас, кўхна Исфаҳон хиёнат ботқофига ботиб, бошини зулмат қоплади.

Шоҳона дастурхон узра сархуш ўлтирганларида ўзини вазири аъзам даражасига кўтарган Қазвиний Такашни Низом ул Мулк ва Хайёмни қатл этмоққа ундади, ҳе йўқ, бе йўқ, қатлга ижозат беришилгини ўтингди. Бу каби қистовлар кейинги кунларда ҳам мунтазам давом этди. Аммо Такаш қай аҳволда бўлмасин унинг бу ўтингини қатъият ила рад этарди. У қалбининг бир буржида сақланган чимдимгина нур туфайли бу икки инсоннинг улуг мақомини ҳис қиларди чофи.

Филҳақиқат, Муҳаммад Такаш қилғиликни қилиб қўйгач, бу қилмишининг оқибатини ўйлаб, ваҳимага тушаверди. Маишатга ва айниқса, ичкилиkk ружу қўйди, кечалари уйқусини йўқотди. Эҳтимол чиндан ҳам султон Маликшоҳнинг Оллоҳ берган бирон хислати бормиди ёхуд бу таҳти олий афсуну амал ила барқарормиди, ҳар қалай Такаш тож кийиб, ўшал таҳтга ўлтирмоққа журъят этолмасди.

Орадан бир неча ҳафта ўтгач, шоирлик тўнини ёпинган маккор Қазвиний бу телбамониңд, ўзи айтмоқчи, хезалакмижоз шаҳзодага инониб, хато қилганлигини тушуниб етди. Англаб етди-ю жон қайғусига тушиб қолди...

Олтинчи боб

1

Султон Маликшоҳ Жайҳун узра кўприклар куришни ниҳоялаб, Термиз фатҳини кўзлаб қадим дарё соҳилида ўлтирганида падари бузрукворининг қисматини тақи бир бора ёдига оди. У худди мана шу жойда, манов шаштли дарё гувоҳлигига Юсуф отлиғ қутволнинг тигига рўбарў келган эди. Унинг валиаҳди ҳам яна шул манзилда турибди. Эрта тонгдан Термиз сари юриц бошлайди. Маликшоҳ Термизни ҳам, Бухорони ва умуман бутун Мовароуннаҳрни ҳам ҳеч қандай малолатсиз қўлга киритмоғига ишонарди. Бироқ ҳозир унинг юрагини нечукдир маҳзунлик эгаллаб, башар бошида ҳамиша тиф тутиб турган уруш,

киргинбаротлардан совий бошлади. Шуурида ўз тақдирига нисбатан ожизона исён вужудга келди. Мижжалари ачишиб, бағри ўртанды. Дунёнинг катта бир қисмига ҳукмрон бўлган салжуқий султон айни дамда дод солмоқни истарди. Лекин ҳозирги кўйини ўзи англамас, бу банданинг ўз соҳибига, янада равшанроғи, ўз аслига интилиши эканлигини тушунолмасди. Шунингдек, бу ҳоли ўткинчи эди, ҳадемай қудратли ва викорли султон Маликшоҳнинг ўз суратига қайтмоғи аниқ эди.

Тонг саҳарлаб Термиз сари юриш бошладилар. Мўр-малаҳ сингари адогсиз қўшин бу қадим шаҳарни эгаллади. Орадан бир ҳафта ўтгач эса салжуқий лашкар Бухоро бўсағасида турарди. Ахмадхонни тормор этиш, лашкарининг заифлигидачми ёхуд авомнинг унга қарши бўлганлигиданми, у қадар мушкул кечмади. Бухоро Маликшоҳ илкига ўтди. Аҳмадхонни тутиб, банди этиб, Исфаҳон сари йўллади. Бу ила малика Туркон Хотунга ўз меҳрини аён этмоқчи бўлдими ва ёки унинг насабини камситиб, пинҳона ҳузур топмоқчимида- номаълум. Ҳар тугул сўнгги қораҳонийзодага шафқат қилгани рост.

Ундан ўёғи Шош, Сайрам, Андигону Ўзган каби йирик шаҳарлар ҳам, салжуқийлар ҳукмронлигига ўтди. Нихоят султон Маликшоҳ Қашқар сари кўз тикканида, унинг хонидан элчилар келди. Қашқар хони совға сифатида олам-жаҳон олтину кумуш ва аргумоқларни йўллаб, султон Маликшоҳга бож-хирож тўламоққа тайёр эканлигини, унинг номини хутбага қўшиб ўқитишлигини маълум қилган эди. Маликшоҳнинг суврату исмини олтин тангаларга зарб этиб йўллади. Бундан султон бениҳоя шодданди ва Қашқарга юриш қиласдан ортига қайтмоқдикка жазм этди. Айни мана шу пайтда унинг ҳузурига Микоил этиб борди...

Султон ғазабнок бўлди ва ўша оннинг ўзидаёт хос навқарларини отлантириб, бир қисм зарбдор қўшин тузди-да, бошкентга йўллади. Қўшин амирига Исфаҳонни зудлик билан эгаллаб, хиёнаткорларни бешафқатларча тор-мор этмоқликни амр этди. Сўзининг сўнгига соҳиб девон Низом ул Мулк ва амирул фузало Умар Хайёмни не тадбир илиа бўлса-да омонда сақламоқликни буюрди. Ушбу фармонни бердию донишманд устози Низом ул Мулк ва лутфи ҳуб надими шоир Умар Хайёмни дил-дилидан соғинганлигини ҳис этди. Бағри сим-сим ўртанди. Манов олис юртларда, чанг-тўзон ва дашту биёбонларни кезавериб, қон тўқавериб дағаллашган сарбозларнинг ҳайқириқлари, отлару филларнинг бўкиришлари, яроғлару аробалар, манжанақлар шақир-шукури остида буюк бир соғинч илиа англадики, ул икки улуғ зот нақадар ўзга сифатли инсонлар экан. Демакки, тўзону бақириқларга тўла бу дунёда, ул икки зиёпеша бириси тунда ой, бириси кунда қуёш янглиғ эканлар. Кўп илмлардан боҳабар бўлган султон илмнинг, ҳикмату зиёнинг маънисига мана энди тақи бир бора етди. Илму санъатга, олиму фузалоларга ҳомийлик қиласмоқ- бу ҳали илмни англамоқ эмас экан. О, баттол Такаш! Сени ини демоқликдин ор эттурмен. Ўшанда нечук сени ҳам қатл этмадим? Нечук бўғзингга чўғ тиқмадим?! Барibir канизакдан бўлганлигингга бординг сен хиёнаткор. Ё алҳазар! Шундайин буюк салтанатнинг пойтахтини эгалламоқ шунчалар осон бўлса-я?! Вазири аъзам ғафлатда қолмиш чоги. Мен кимга ишондиму доруссалтанатда бунчалар оз қўшин қолдирдим? Асли айбдор мен, асли ғоғил мен!.. Султон от узра Исфаҳон сари бораркан, тинмай ўзини ғазабларди. У салтанатни ёхуд тахтни йўқотишдан ваҳмга тушмасди, улар учун қайғурмасди. Уни оташин этиб, аламга соглан хиёнат ва азиз кишиларининг қоронғу тақдирлари эди. Такаш ҳукмдорликни эвлай олмаслигини у яхши биларди ва пойтахтни ҳам, тахтни ҳам тезлиқда қайтариб олмоғини сезиб турарди. Бироқ нобакор ииниси ўшал

¹Хоғиқайнда — Шарқу Фарбда

²Роғидайн — Месопотамия

онгача бирон мудхиш юмушни амалга ошириб қўймоғи мумкин. Маликшоҳ шундан қўрқарди. О, хиёнат оловида жизгинак бўлгур Такаш, илкимга тушфайсен ҳали!..

Бу пайтга келиб салжуқлар салтанатининг сарҳадлари Ҳофикайнда¹ бир ёни Шому Ажам, бир ёни Румою Византиядан Рофидаин² гача, буёғи Қай¹, Чин² ўлкаларигача чўзилганди. Бу жуда ҳам улкан бир мамлакатни ташкил этарди. Султон Маликшоҳ ўзининг шуури-ю шамшири ва қувваи ҳофизаси или мана шу чексиз-чегарасиз салтанатни идора этарди. У ҳар қандай ғанимнинг кўзига тик боқишга, шамширига шамшир уришга қодир эди. Ба лекин шунча кучу қудрати или хиёнатнинг ҳийласи қошида ғофил қолди. Йўқ, Такаш бундайин кабир юмушга қодир эмас. Уни бирон-бир устомон йўлга солғанлиги, шубҳасиз. Ким бўлиши мумкин ўшал устомон? Ўзгалар ҳузурида отта дадил минолмайдиган, шамшир қай томонга осилишини билмайдиган кабутар жинниси тахтга даъвогарлик қила олармиди? Тахтга рўбарў келган тақдирда ҳам унга қай тарафдан ўлтиришни билмас. Ўзинг ожизларнинг ожизи бўлсангу!.. Ёхуд ғанимлар бош қўщдилармикин? У ёқда саквачча Ҳасан Саббоҳ қутурғандан-кутурмоқда. Арслон Тош не қилди экан? Аламит олиндимикин? Наҳотки иниси Такаш исмоилийлар домига тушган бўлса? Унда аҳвол жиддий бўлғувси!..

2

Маликшоҳ йўллаган хос лашкар Исфаҳонга сунбуланинг адогида етиб келди. Бу пайт Ҳасан Саббоҳ қўним топган Аламит қалъасини ишғол этиш учун кетган амирлар амири Арслон Тош бошлиқ қўшин ҳам шаҳар бўсағасида турарди. Сўнгроқ маълум бўлишича, бу қўшин Аламитни узоқ муддат қамал қилиб туришига қарамасдан, уни олишга мушарраф бўлолмабди, охир-оқибат амир Арслон Тош ихтиёри или ортига қайтиби. Ҳозир эса улар Исфаҳонда не воқеа рўй берганлигини, не тадбир қўллаш лозимлигини билолмай бошлари қотиб турар эдилар. Машриқдан султоннинг хос қўшини етиб келгач, шаҳар осто-насида ҳайбатли бир тўлқин пайдо бўлди. Бу тўлқиннинг ваҳимаси, турган гапки, шаҳар узра ҳам ёйилиб, Муҳаммад Такаш қулоғига-да етиб борди ва унинг юрагига фулгула солди. Султонликни орзулаб, хиёнатга қўл урган сархуш шаҳзода ўша заҳотиёқ адойи тамом бўлиб, жон қайғусига тушиб қолди.

— Ё Оллоҳ!.. — дерди ўзини у томондан-бу томонга уриб. — Тамом бўлдим! Хонавайрон бўлдим!.. Шайтоннинг сўзига юриб... Ўз пано-хингда асра, ё Оллоҳ!..

Шаҳар аҳли ҳам оёққа қалқа бошлади. Раҳнга олинган амирнинг ихтиёрсиз бўйинсундирилган сарбозлари орасида ғалаён кўтарилиди. Шаҳар дарвозаси олдида ҳайқираётган султон қўшинининг ҳайбати уларга куч берди. Улар издан чиққан, тўс-тўполонга кўмилган шаҳар ҳаёти ичра аста-секин бир бошга ихтиёр берган халоскор жамоага айлана бошладилар. Бир куннинг ўзида кўхна Исфаҳон султон Маликшоҳнинг номини улуғламоққа тушди. Ҳатто Такашга ихтиёрилси-поҳийлар ҳам султон тарафига ўтмоқда эдилар.

Устомон ва ҳийлагар Қазвиний Такашдан аллақачоноқ ҳафсаласи пир бўлган эса-да, бирон мўъжиза рўй бериб, улуғ мартабаларга эришмоқлиқдан ҳам умидвор эди. Бироқ ҳозиргиdek эврилишни кутмаганди. Энди бир чора кўлламаса бўлmas, акс ҳолда, ўлим шарпаси ёвуқ кўринадур. У узоқ ўйланиб ўлтирмади, бир пасгина ҳаёлчан турди-ю ишонч или ўрнидан кўзғолди. Зинданбонга бориб, унинг илкига катта ақча тутқазди. Умри бино бўлиб бунақа мўл тилло тангаларни ушламаган зинданбоннинг кўzlари отилиб кетмоққа ҳозирландилар.

¹ Қай —Мўғулестон

² Чин —Хитой

— Ҳожам не истайдилар? — деди Қазвинийнинг қошида эгилиб.
— Бирон мушти оғир хизматчингни топиб, мени калтаклашга амр этурсен.

Зинданбоннинг кўз соққалари бу гапдан сўнг шу қадар ташқарига отилдиларки, ортидаги қизил томирлари ҳам кўриниб кетди.

— Ҳожам?!

— Амримни бажар, илло, бу сирдин кимса воқиф бўлса, бошинг кетадур.

Зинданбон оғир бир ютиниб, кафти ила бўйини силаб қўйди-да, баланд овозда бирорни чорлади. Кўп ўтмай уларнинг қаршисида қоп-қора девқомат бир исқирт кимса пайдо бўлди. Энди Қазвиний шўрликнинг кўзлари қинидан чиқмоқча уриндилар. Лекин тақдирга тан бермоқдин ўзга чораси қолмади.

— Мана бу одамни ўз ошёнингга олиб кириб обдон дўпослайсен, токи... -зинданбон шундай деркан Қазвинийга синовчан нигоҳ ташлаб қўйди. — Токи ҳущдан оғгунча...

Исқирт дарранда менгиз бир ириллади-да, қоп-қора, ифлос илкини шоирнинг елкасига қўйиб, олдинга силтади. Қазвиний зинданбонга аянчли ва шунингдек, илтижоли нигоҳ ташлаб қўйиб, ўзи битган тақдир измига бўйинсунди...

Ўша куни кечга томон хиёнатчиларга қарши бош кўтарганлар тартибсиз бир равишда яроғ ила иш кўрган бўлсалар-да, энг аввало, ма-ликалару уларнинг қасрларини ва шаҳзодаларни ҳимоятга олдилар. Такашнинг тарқоқ қўшинлари ила кўча жанглари бошлианди. Ҳамма-ёқни қий-чув, бақир-чақири оҳу фарёддар тутиб кетди. Шаҳарнинг баъзи жойларида гуриллаган оловларнинг тиллари осмоннинг юзини яламоқдан бери бўлдилар. Ичкаридан берилган зарбга тоқат қиломаган хиёнаткорларнинг шаҳар дарвозасида турган қўриқчилари аввали жон ташвишида, қолаверса, султоннинг тарафдорларидан ҳимояланмоқ илинжида ўз жойларини тарк этишга мажбур бўлдилар. Шомдан сўнг шаҳар ташқарисида турган зарбдор қўшин ҳам бирваракай хужум бошлиди. Жангнинг бошидаёқ девор устидаги ёйандоз ва "олов отувчилар" (сақиҷни ёндириб отувчилар), жойларини ташлаб қочишига тушдилар. Натижада султон қўшинларининг шаҳарга кириши осонлашди. Шундан сўнг шаҳар узра қиёмат қўпди. Қасос ўтида ёпирилган беҳисоб қўшин хиёнаткор сипоҳийларни аёвсиз қира бошлиди. Такашнинг тарафдорлари икки ўт орасида қолдилар, баъзилари қуролларини ташлаб, тиз чўкиб, тавба қилмоқча тушдилар. Бироқ уларнинг илтижолари фармони олийдан куч олган лашкарга асло кор қилмас ва барчаларини бир-бир қиличдан ўтказарди...

Амир Арслон Тош бошлиқ қўшин султон ҳазратларининг фарзандлари ва завжаларининг ҳимоясини ўз назоратига олгач, аввало, ҳукмдорнинг иродасига биноан Низом ул Мулк ҳамда Умар Хайёмнинг, қолаверса, султоннинг бошқа тарафдорлари жонларини ҳам омонда сақдамоқ ниятида зиндан сари йўл олдилар. У ердан соппа-соғ вазири аъзам, Хайём ва унинг шогирдларини ҳамда аъзойи бадани кўкариб, қонталаш бўлган, сўл илкининг суяги синган Қазвинийни чала ўлик аҳволда озод қилдилар. Ниҳоят, зафар тантаналари янграб, шаҳар осмонини султон Маликшоҳ шаънига айтилган олқиши хитоблари тутди...

Шокир Талх ўшанда ўзининг ҳамроҳи ила расадхонадан чиқиб, шаҳарга кириб олган бўлсалар-да, шу пайтгача таҳликада яшадилар. Бутун Исфаҳон аҳли сингари уларнинг ҳам касб-кору тирикчиликларидан путур кетди. Баъзи кунлари оч қолишиб, қоринларига тош бойлашга мажбур бўлдилар. Гўдакларнинг оҳу нолаларидан зада бўлсалар-да, Такашнинг бетаъсир ва очкўзу бешафқат навкарларидан жон сақлаш учун тишларини тишларига қўйдилар. Султоннинг тезроқ қай-

тмоғини сўраб Оллоҳга илтижолар қилдилар. Мана энди музaffer қўшиннинг наърлари ортидан тонг саҳарда кўчага чиқдилар. Талх султон шаънига айтилаётган ҳамду саноларга ўз феълига зид равища беихтиёр қўшиларкан, нигоҳи шаҳар кўчалари узра тентийди. Ҳозир шаҳарни мутлақо таниб бўлмасди: кўчалар ўликларга, турли қурол-яроғу буюмларга тўлган. Қачонлардан бери фаррошлар илки тегиб, супуриб-сирилмаганидан кўп жойларда ахлатлар кўринар; бир сўз ила таъриф этилса, бошкентни файзу фаришталар тарк этганди. Баъзи қулаган, куйиб қорайган деворлар кўзга хунук кўринса, у ер-бу ерда мудом ловуллаётган оловлар юракларга ваҳм соларди.

Шокир Талх ва унинг ҳамроҳи эҳтиёткор қадамлар ила бошмайдон сари ўтдилар. Ҳамма бало мана шу жойдан бошланганди, мана энди у қонга беланганд ӯликларга тўлиб ётибди. Ана, Такаш ўз ҳукмбардорлигини бошлаган супа-мунғайганча турибди. Ё Оллоҳ! Анов маййит таниш кўринадурми? Ҳа-ҳа, бу, ахир, Такашнинг барзанги филай солори-ку! Унинг жаги қаттиқ зарбдан мажақланган, соғ кўзи олайганча очиқ қолган. Бечора муҳтасиб Бадрийнинг бошини у худди шу ерда, худди шундай мажақлаб ташлаганди. Қайтар дунё экан-да! Йўқ, итта ит ўлимни деганлари шу!..

Майдоннинг зиндонга элтувчи томонида бир тўп кишилар кўриндилар. Уларнинг олдида Хайём, унинг шогирдлари Воситий ва Исфа-зарий келардилар. Бошқалар каби шоирнинг ҳам юзи сўлғин, кўзи ичига ботган, соч-соқоли ўсиб, аянчли кўринар, лекин мағрур ва бардам эди. У келаркан, ушбуни пичирларди:

Бу саройда Баҳром ичар эди жом,
Энди кийик, тулки олади ором.
Бир умр қулонлар овлар эди у,
Ўлимга қулондай овланди Баҳром...

3

Султон доруссалтанатта Исфаҳоннинг танни жунжиктирувчи изғиринлари кезина бошлаганда етиб келди. Хиёнаткорлар бартараф этилиб, шаҳар султон қишилари илкига ўтгандан кейинги муддат ичидан бошкент кўчалари, майдону бозорлари супуриб-сирилди, вайрон бўлган бино-ю деворлар қайта тикланди. Хуллас, шаҳар ҳуснида кузга монанд кулранг-қорамтири ранг ғолиб бўлса-да, унга файз қайта бошлади. Одамларнинг юз-кўзларида табассум, муомалаларида тақи аввалгидек мутойибалар пайдо бўлди. Бозорлар гавжумлашиб, расталарга барака кирди. Шаҳристондаги хунармандлар дўйкону ҳужрарида яна ҳаёт нафаси уфуриб, турфа гап-сўзлар эшитила бошлади. Кўхна Исфаҳон баралла қучоқ ёзиб, ўз соҳибини кутиб олди. Қалъа деворлари узра карнай-сурнайу дўмбирапар янгради.

Султон Маликшоҳ чопарлар орқали шаҳарнинг ўз илкига ўтганлигини эшитган бўлса-да, пойтахт бўсағасига руҳсиз бир кайфиятда етиб келди. У ҳузурига пешвоз чиққан Низом ул Мулк ва суҳбати хуш надими Умар Хайём ила қучоқлашиб кўришгач, қалбida ажиб равшанлашув рўй берди. Ҳорғин ва сўлғин юзини тарк этганига неча кунлар бўлган табассум яна чеҳрасига қайтди. Чўлнинг самумларида қорайган юзига оппоқ тишлари маржон бўлди. У ўз инисидан кўрган хиёнат туфайли анча изтиробга тушиб, дарғазаб бўлган эди ва ана шу кечмишлари уни толиқтирганди. Бироқ энди англадики, ул толиқиши, яқин ва суйган қишиларининг соғинчи қошида ҳеч экан. Султон чиндан ҳам ўз яқинларини жуда-жуда соғинганди...

Маликшоҳ шунчалар ҳоригани билан эртаси куниёқ хиёнаткор Такашни кўрмоқни, унинг башарасига бир бора разм солмоқни ихтиёр

этди. Ҳукмдорнинг амри вожиб-Такашни султоннинг кўпчилиқдан пинҳон бўлган кичик ҳордиқ хонасига келтирдилар. Унинг оёқ-кўллари озод эди, юзи-ю танасида зўрликнинг, зарблар ёхуд қийноқларнинг ҳеч қандай акси кўринмасди. Чунки фармони олий бўлмай туриб султонзодаларга озор бермоққа ҳеч кимнинг ҳадди сифмасди. Лекин у баттар озиб кетган, шундай бўлса-да, аянчли кўринмас, нигоҳида аввалги қўрқув, хавотир йўқ эди. У хотиржам ва мағрур туради. Чамаси, бандилиқда ётган кунларида, қилмишларини сарҳисоб этиб, ўзини хийла тутиб олганди. Эҳтимол аввалги мавҳум кечмишлар барҳам топиб, нима бўлганда ҳам, эртанги тақдири аёнлашгани унга куч бериб, кўнглига ҳаловат согландир.

У султонга таъзим қилмади, бошини мағрур тутиб тураверди. Бу ила рўбарўсида ўлтирган оғасига: "Мен ҳам сен каби султонзодамен", дегандек бўлди.

Султон Маликшоҳ қабоқлари осилган кўйи қимир этмай ўлтирас, нигоҳи Такашга қаттиқ қадалганди. У фазабнок эди, бироқ овози босик чиқди:

— Не итлиғ қилдинг, нобакор?! — Султоннинг ғазабда эканлигини унинг одатдагидек салжуқий-туркий талаффузда сўзлай бошлаганидан ҳам билмоқ мумкин эди. — Кавушинffa чўр тушиб эдимики, тек ўлтиромай, хиёнат кўчасига аяф бостинг!..

Такаш кўзларини олиб қочди.

— Хиёнаткорлиғим рост, тонмасмен. Бироқ бу ҳодисалар кутилмаганда, менинг ихтиёримдин айру бир ҳолатда жадаллашиб кетди. Билмай қолдим, султоним, шайтон йўлдан урди!..

— Хиёнаткорнинг жазоси не? — Сўради султон ерга қараган кўйи атрофида гилардан жавоб кутгандай бироз сукут сақлаб.

Бу савол-жавобга вазири аъзам, Хайём, Арслон Тош ва таки бир амир гувоҳ эдилар. Лекин уларнинг биронтаси султоннинг сўроғига жавоб бериб, садо чиқармадилар. Султон боягидек босиқ овозда саволини яна қайтарди.

Мудом барча жим.

— Ўлимга ҳам тайёрмен! — деди ниҳоят Такаш хаста бир овозда.

— Ўлим сенга жазо эмас, тухфа бўлур, ит! Токи, сен бизнинг музаффар тақдиримизга воқиф бўлиб, умр ўтқазгайсен.

Такашнинг нигоҳида ҳайрат ва хавотир акс этди.

— Кўзига мил тортилсин!.. — деди султон кескин ва ҳалиги амирга буорди. -Сўнг зинданга ташлансан.

— Йў-ўқ!.. — Такаш оҳ уриб юборди. — Фақат бу эмас, султоним! Кабутарларим парвозини кўрмоқлиқдин маҳрум этманг мени!.. Яхшиси қатл эттиринг, оға!..

— Олиб чиқинг!.. — деди султон юзини терс буриб.

Такашни судрадилар. У эса даҳшат ила ҳайқира бошлиди:

— Илоҳи, рўшнолик кўрмағайсен, султон! Илоҳи, жувонмарг ўлғайсен!..

Ҳамма бош эгиб, жим қолди. Хайём ҳам сўзсиз тураркан, бағрида ожиз бир ўртаниш ила вужудида титроқ үйғонди. Оллоҳнинг кўнгил аталмиш мўъжизасини қаранг-а! Шундайин хатокор ва ҳатто жоҳил банданинг кўнглида бир чимдим нурга жой бера олган Кариймнинг кудратига минг тасанно. Мана шу кимсанинг қалбига кабутар ишқини ато этиб, бир ҳикмат яратмиш. Шоир шуларни ўйларкан, Такашга раҳми келиб кетди. Йўқ, ҳақиқати, унга эмас, унинг кўнглидаги бир чимдим ёруғ туйғуга ачинди. Ахир, дунёни шу янглиғ ёруғ туйғулар, эзгуликлар тутиб турмаяптими? Демакки, ўшал ёруғликнинг завол топмогига бу ҳам шерик экан-да? Во дариг! Айни дамда султон ҳазрата-ларига сўз айтмоқ арининг инига чўп суқмоқ ила баробардир... Хайём султонга бирон сўз айтмоққа ботинолмади. Айтса, вазири аъзам ай-

тарди. Ё тавба, сенинг шуурингда кечган ўйни вазири аъзам қаёқдан билсин, эҳтимол бу каби фикрлар унинг хаёлига умуман келмагандир. Ҳа, шўрлик Такаш хийла ишлатмоқни, устомонлик қилмоқни ҳам эвлай олмади. Ҳар тугул унинг феълида мардлик, тўғрилик бор экан. Аммо Қазваний барчани доғда қолдириди. Кўнгли сезиз турибди -аслида, бечора Такашни хиёнатга ундаган ҳам ана ўша фаламис чиқар. Бироқ ўзини сақлай билди, чорасиз қолгач, хийла ишлатди чоги. Бирон кимса унинг ҳақида ёмон гап айтмади, унинг тўғрисида сultononga чақув етмади. Хайёмнинг илкидан эса бундайин юмуш келмас, бирорнинг устидан чақув қилмоқ унинг феълига ёт. Лекин барибир шоирлар амири ҳам бир кун келиб, албатта, фош бўлгувси.

Сulton Аламит олинмаганлиги ҳақида хабарни эшишиб ҳам анча дилгир бўлганди. У падари бузруквори сulton Алп Арслонга ҳам садоқат ила хизмат қилган амири Арслон Тошга қаттиқ ишонарди. Шунинг учун ҳам бу хабардан аччиқланди. Арслон Тошдек паҳлавон бир неча ойлаб қамалда тутиб ҳам ишфол этолмаган экан, демак, бу Аламит деганлари жуда мустаҳкам қалъа бўлиб, унинг хожаси Ҳасан Саббоҳ бемисл бир соҳиби қудрат экан-да. Дарвоқе, хуфияларнинг хабарларига қараганда, бу Ҳасан отлиғ таррор кунботор тарафдаги Ийсо алайҳиссалом қавмларига ҳам дахл қила бошлаганмиш. Ҳаттоқи, баъзи соҳибларини қатл ҳам эттирганмиш. Ё Оллоҳ! Бу не балои офат бўлди? Унинг нигоҳи анча қариган, бир неча ҳафталик баандлик туфайли озиб, ҳорғин турган Низом ул Мулк ва Хайёмда тўхтаб, кўнглида илиқлиқ пайдо бўлди. Кейинги кунларда сultonнинг меҳри бу икки аъёнига нисбатан беихтиёр равишда ортгандан-ортиб борарди. У бу меҳр Оллоҳдан эканлигини энди-энди англай бошлади...

Ҳукмдор қолганларга ижозат бериб, вазири аъзам ва шоирнинг сухбатини ихтиёр этди...

Сulton Маликшоҳ бир ҳафта ҳордиқ олгач, аркони давлатни саройга-машваратга чорлади. У ҳар сафаргиdek, яқиндагина Такаш кўз тикиб, бир лаҳза ўтира олиш тутул ҳатто яқинлашмоққа журъат этолмаган улкан тахтда аввалгидан-да улуғвор қиёфада ўтириарди. Юзкўзида ўйчанлик ва шунингдек, ҳар не иродани маҳф этмоққа қодир жиддийлик, айтмоқ мумкинки, сирлилик зоҳир, эди. Кўпчилик кўнишиб кетган "ёш сulton" энди анча улғайган, сочи ва соқол-мўйлабига ҳам битта-иккита оқ оралаганди. У бир қадар тунд ва сўнник кўринса-да, кайфияти анча хуш, хаёли янги режалар ила банд эди. Сulton яқингинада ўзгалар илкига ўтиб кетиши мумкин бўлган давлатни янги бир қурб ва шижаот ила идора этишга киришмоқда эди.

Қаршисида ўша тўс-тўполонлар туфайли хиёлгина сийраклашган аркони давлат қўйл қовуштириб турибдилар. Уларнинг орасида муҳтасиб, Такаш ва бир неча кишилар йўқ, шўрликларнинг баъзилари хиёнат қурбони бўлган эсалар, баъзиларининг ўз хиёнатлари бошларига етди.

Бутун қиёфасида кексаликнинг барча сифатлари зуҳур эта бошлаган вазири аъзам ва ҳибсдалигида туғилган, пишиб етилган фикрларини қоғозга туширмоққа берилганлиги боис, ҳозир ҳам пинҳона тафаккур уммонида сузаётган Хайём сulton ҳазратларига мамнун боқиб турадилар. Низом ул Мулкнинг вужудида ҳузурбахш бир ҳаловат событ эди. Бу ҳаловат киши кексайганида, айниқса, қадрли ва муҳим эдики, анча муддат соҳиби тож эътиборидан четда қолиб, авом тилида айтганда, "ичиккан" вазири аъзам уни узоқ кутди. У сulton ила бир умрга "юз кўрмас" бўлдим, дея хаёл қилганди ва шунинг учун ҳам қаттиқ изтиробда қолганди. Ҳамиша ҳукмдору ҳалқ назарида бўлиб келган одамнинг бирданига бу эътибордан айрилмоғи таърифсиз ва ҳатто, олий жазо эди. Низом ул Мулк бу жазога маълум фурсат мус-

таҳиқ этилган эса-да, энди ундан буткул халос бўлганди. Чунки сulton унга яна хайриҳоҳлик назари ила боқмоқда эди.

Оlampanoҳning сўл ёнида турган Қазваний эса бир қадар чўккан, ўзи ясаган аччиқ қисмат туфайли орттирган жароҳатлари тузалган бўлса-да, ранг-рўйи сўлғин ва заъфарон эди. Синган кўли тахтакачланиб, мудом бўйнига осилган кўйи туради. У бутун сурату сийрати ва ҳаракатлари ила ўзини кўп азияту жафо тортган кимса қилиб кўрсатишга уринарди. Қанийди ҳамма унинг кўргилларини, азобларини сезса, ҳис қилса. Афсуски кўпларнинг нигоҳида маломат кўрадур. Ишқилиб унинг номини тилга олиб қолмасалар бўлгани. Шундоғам сўнгакларигача қалтираб, оёқда базур турибди, мабодо исмини айтгудай бўлсалар борми, жони чиқиб кетиши тайин. Неча кунларки кўзлари уйқу билмайди, кўзларини юмди дегунча бир қора шарпа босиб кела-веради. Туну кун миясида нимадир фингирагани-фингираган. Бу юрак курғур бунча тез урмаса!..

Султон салобатли, бироқ кутилмагандага бурунгиларга нисбатан му-лойим овозда сўз бошлади. У давлатнинг издан чиққан ишларини тар-тибга солмоқ, шаҳарни обод қилмоқ, хиёнаткор мансабдорларнинг мол-мулкларини мусодара этмоқ ва уларнинг ўриниларига муносиб ки-шиларни тайинламоқ хусусида гапирди. Кўкламдан бошлаб бошкент-да яна бир каттакон дорушширо қуришга киришмоқ ҳақида фармон берди. Расадхона ва мадрасаларга берилгувчи ақчалар миқдорини ошириди. Бу фармонлар ҳар бора султон лафзидан учгандага унинг ово-зига аъёнларнинг таҳсину олқишилари уланди. Ниҳоят ҳукмдор иқта-ларнинг тасарруфи хусусида ҳам сўз айтди:

— Эгасиз қолғон иқталарнинг ҳисобини олиб, соҳиблиларини ҳам ҳадга солмоқ жоиз. Зеро, — султон ним табассум ила вазири аъзамга ўтирилди, -борки ерларни янгитдан ҳисоб-китоб этмоқ ҳам салтанат фойдасидин холи бўлмас.

Низом ул Мулк хиёл бош эгиб, таъзим қилди:

— Ҳақ гапни айтдингиз, олампаноҳ!

— Бу мушкулотдин ҳоли ўлароқ-сўзида давом этди султон, — уруғ-лик хусусида ҳам бош қотирмоқ лозим. Боиси-хиёнаткорларнинг бир неча ойлик талон-тарожлари туфайли ҳалқ уруғлик доңларидин-да маҳрум бўлган чиқар. Илло, ҳали замон кўклам кириб келади, эл-улус ўз ризқини заминга сочиб, Оллоҳ таоло инояти ила баракотлиғ этмоғи керак. Шунинг учун бу юмушнинг ҳам тарааддудини кўрсинар. — У яна вазири аъзамга қараб кўйди. Шу гапдан сўнг Султон бироз ўйга толиб тургач, юзи янада жиддий тус олиб, сўзида давом этди. — Фала-мислар уяси Аламитни яксон этмоғимиз - у энди амир Арслон Тошга таънали кўз ташлади, — шарт ва унинг соҳиби, кўпаклар сардори Ҳасанни ҳам жазога мустаҳиқ этгаймиз. Бунга бизнинг куч-қудрати-миз етадир, бирорлар шубҳа кўзи ила қарамасинлар. Бир содиқ ами-римизнинг-султон бу сўзга ўзга маъно бериб айтди, -тадбиру чора-сизлиғи бизга мағлубият бўлмағай?!..

Арслон Тош бош эгиб, қип-қизарган кўйи сўзсиз қотди.

Озгина фурсатдан сўнг султоннинг чехраси қайта очилиб, Хайёмга қаради.

— Расадхонада не гаплар, эй соҳиби нужум?

— Бошкентдаги тўполонлар сабаб бироз сусайган илм амаллари қайтадан жадаллашмоқда, — деди Хайём сергак тортиб.

— Юлдузларнинг ҳисобига етай дедингизму? — дея мутойиба этган Султон билинар-билинмас жилмайди.

Бундан илҳомланган шоир ҳам шунга муносиб лутф этди:

— Коинот султонимиз салтанатининг сарҳадлари янглиғ чексизки, ундаги юлдузларнинг ҳисобига етиб бўлса. Илло, юлдузлари адади олам-паноҳнинг саховатлари менгиздир.

Султон бу гапдан эриб кетди-да, баралла кулиб юборди. Унга аъёнлар ҳам эргашиб, офаринлар айтдилар.

Қазваний Хайёмнинг музafferlik тантанасидек тулолган гап-сўзлари-ю қиёфасидан баттар эзилиб борарди. Айни шунинг устига сultonning фармонбардор овози янгради:

— Надимимиз Умар Хайём жанобларига заррин хилъат инъом этилсун!

Қазваний адойи тамом бўлди.

Барча шоирни шоҳона тухфа ила муборакбод этиб бўлгач, султон яна жиддий тус олди. Қошлари чимирилди.

— Кимлардир ўз хиёнатини пинҳон тутиб, омон қолғон бўлишлари мумкин. — Ҳукмдор Қазванийга туйқус бир назар ташлаб қўйди. — Вале, омон қолғонликлари улар учун икки ҳисса жазо бўлгай. Чунки бир бора номақбулни еган кимса, яна қайта, албатта, еяжак!..

Ҳамма ўйчан бир қиёфада жим қолди.

Еттинчи боб

1

Хайём зиндондалигида расадхонани, юлдузларни ва айниқса, хомаю давотни жуда-жуда соғинган эди. Шул боис, қиши чилласининг узун кечаларини аксари илм ва ижод ила машғулликда ўтказарди. Айни кунларда риёзиётга оид муҳим бир рисоласини якунига етказмоқда эди. Ҳибсадалигида шуурида ниҳоясига етган бу асар "Уқлидус китобига кириш мушқулотларига изоҳлар" деб аталарди. У ўзининг ғойибона устози Уқлидус ҳазратлари ила мудом хаёлан бирга эди, уни ўрганмоқдан толмасди. Бандилиқда ётган онларида ҳам у ҳақда, унинг буюк қашфиётлари борасида кўп ўлади. Ўшанда олимнинг икки ёндош чизиклар ҳақидаги ҳеч қандай исботу далил талаб этмайдиган, бироқ Хайём бир умр ўзи учун қайта-қайта исботлаб келаётган бешинчи қоидаси уни тақи изтиробга солди. Бу фоний дунёнинг, инсон ҳаётининг бутун мазмун-моҳиятини ўзида жам этган бу қоида чинакам мўъжизанинг худди ўзгинаси эди. Икки ёндош чизиклар ҳеч қачон бирлашмайдилар, илло, эзгулик ва ёвузлик, зиё-ю жаҳолат ҳам айнан шундай. Лекин улар кўздан олисласиб боргани сайин бир нуқтада туташгандай туюлиши мумкин, ёвуқлашиб борганда эса яна айро-айро қоладилар. Аслида, ҳам шу янглиғ-бир қараашда яхшилик ва ёмонлик қовушган каби кўрингани билан уларнинг бирикмоғи ҳақиқатга буткул зиддир. Хайём хаёлан ёндош ҳадлар чизаверди, улар зиндоннинг у деворидан бу деворига урилавердилару асло туташмадилар. Шундан сўнг ҳаёлий ҳадлар деворларни ҳам тешиб ўтиб кетдилар ва мавҳум бир замоннинг мавҳум бир маконида туташгандай туюдилар. Балки ўша замон ва макон Тангрининг даргоҳидир? Хайём фаросат илмини (логикани), фалсафий фикрлашни суряди, бироқ бу илмларда хато кетиш мўллигини, айниқса, фаросат илмида чалғиши, "бир ёқларга йўл солиши" осон кечишини ҳам биларди. Эҳтимол, шунинг учун ҳам аҳли шариат, уламолар файласуфларни сўймаслар. Рост, файласуфларда чуқур кетиши бор. Аммо у файласуф эмас-ку! Балки шоир ҳам эмасдир? Йўқ, шоирлиги рост. Унда шоирлар чинакам файласуфлар эканлигига не дейди? Шариат аҳли файласуфларни гоҳида ҳатто куффор¹ га ҳам тенглайдилар. Астағфурилоҳ! Ушанда банди шоирнинг ҳаёлида ушбу сатрлар дунёга келди:

*Мени файласуф деб, ёв қилур хато,
Мен ундаи эмасман, билади Ҳуго.*

¹Куффор — коғир

*Шу қайғу уйига келгач, ўзимни
Ким билсам, ўшандан камроқман, ҳатто.*

Во дариф, билмасмисанки, эй Иброҳим чодирдўзнинг ўғли Абул Фатх, бу бевафо дунё кимга вафо қилибди? Агар вафо қилган эса ҳам ўшал бевафоларга вафо қилмиш. Яна шеър...

*Эй чарх, гардишингдан эмасман хурсанг,
Озод эт, ярашмас менга ҳеч бул банд.
Нодон, ноаҳилга гар карам қилсанг,
Мен ҳам эмасмен-ку аҳли донишманг.*

Хайёмнинг күнгли шу кунларда ҳам айни ўшандай кўйда эди. Яна уни май ишқи бедор этар. Аввалги зикр ила машгуллик, узлуксиз ибодат барҳам топиб, бағрида бемисл бир ўт ёнарди. Хонасиға, расадхонага ва ҳатто оламга сифмай ўз қалбига кириб кетарди. Унинг ҳуру озод маъвосида сархуш кезар, ёзар ва ўшал ҳурликни, даҳлсизликни ўз ёзмишларига ихтиёrsиз равища сингдириб ташларди. Жўнгина ва ҳатто дағалроқ туюлган тўрт сатрда башарнинг китобларида ёзиб тутатилмаган ҳикматлар зуҳр этарди. Хайём ўзидан мосуво бўлиб, ижод уммонида фарқ эди.

Чошгоҳга яқин тақи Марямнинг падари роҳиб Амадеусни кўргани кирди. У анчадан буён бетоб эди. Мана, ўшал таниш қоронғу ҳужра. Қиши эмасми, куннинг даричадан тушаётган ожиз нурлари хонанинг қоронғулигига урилиб, баттар кучсизланадилар. Ҳужранинг бу кўр тусига қиши чиласининг рутубатли узун кечалари ва унда кезинган ўлим шарпасинингми нуқси ҳам урганилигидан кишининг бошу елкалари оғирлашиб бораёттандек туюлади. Ўчоқда ёнаётган оловнинг акси қорайған шифтнинг болорларини ялайди ва яна қайсиdir қоронғуликларига урилгиси, уларни ёритгиси келади-ю ожиз қолади...

Роҳиб кўзлари юмуқ, кўйи чалқанча ётибди. Елкалари тўлғона-тўлғона қийналиб нафас олади. Қуюқ соқол-мўйловлари энди буткул оқарган, ёнбошдан гўё қор босган адирликларга ўхшаб кўринади. Катта бурни қир устидаги қоя янглиғ. Унинг қиёфаси шу қадар улуғвор. Ёнида ўлтирган Марямнинг илкida китоб, унга кўз қадаганча нималарнидирип пичирлаб ўқыйди (Баъзи ўқувчилар ахир хона қоронғу бўлса, қиз қандай қилиб китоб ўқиши мумкин, дея эътиroz этсалар ҳам ажабмас. Лекин ул замон кишиларининг кўзлари билан замондошларимизнинг кўзлари ўртасида катта фарқ мавжуд. У пайтларда кишилар анча-мунча қоронғулиқда ҳам бемалол китоб ўқиб, ёза олар эдилар. Бизнинг кўзларни эса сон-саноқсиз ёруғлик манбалари шу аҳволга солди.)

Хайёмнинг оҳиста томоқ қириб келганини кўрган Марям ирғиб ўрнидан тураркан, бош эгиб, таъзим қилди.

— Хуш келғайсиз, устоз! Ассалому алайкум.

— Ваалайкум ассалом. Омонмисизлар?

Иккиси рўбарў ўлтиридилар.

Амадеус ҳамон уйқуда эди.

— Тузукми? — дея сўради Хайём беморга ишора қилиб, паст овозда.

— Шукур!.. — Қизнинг бўғзига йиги тиқилди, гапининг давомини айттолмади.

Аслида, шоир ҳам бу сўроқни таомилга биноан беихтиёр берган эди. Чунки роҳибнинг дарди оғирлигини, бедаво эканлигини жуда яхши биларди. Ахир уни Хайёмнинг ўзи қолиб, вазири аъзамнинг ҳиммати или яна не-не табиблар кўрмадилар. Бироқ илож топилмади, Амаде-

уснинг касали давосиз эди-ўпкаси қурий бошлаганди. Энди унинг қазосини кутиш қолганди, холос. Марям эса бундан бехабар эди, туну кун илтижо қилиб, падарининг соғаймогини тиларди. Шўрлик қизнинг бу мусофири юртда отасидан ўзга яқин кишиси йўқ эди. Ҳаттоқи, Ватани ҳам ундан жуда-жуда олисда эди. Агар отаси қазо қилгудай бўлса, ҳайҳотдек оламда ҳувиллаб, кимсасиз қолиши тайин эди. Жуда нари борса, унинг учун Хайём яқин киши қавмида бўлиши мумкин, аммо у саркаш хаёлли, соҳир кўнгилли, дарвиш феълли бир шоир эди. Унинг кўнгил кўйидан хиёнатдан ўзга ҳамма нарсани кутмоқлик мумкин эди. Демакки, Марям бечора бир буюк айрилиқ олдида турганидан хабарсиз, хаста отаси учун дил-дилидан изтироб чекарди.

Шоир не қилиб бўлса-да, қизни чалғитмоқ зарурлигини пайқади. Пайқадиу гапни нимадан бошлишини билмай, тараффудланиб қолди.

— Не мутолаа этурсен, Биби? — дея сўради ниҳоят қизни эркалашга уриниб.

Марям ёшли кўзларини артиб, бежирим бурнини ёқимли бир тарзда аста тортиб қўяркан:

— Афлотунни ўқийдурмен, — деди тиззадаги китобни ёпиб.

— Қай тида?

— Юонча.

— Офарин, Марям! Сен бизлардин ўзибсен. Чунки Афлотунни ҳар киши ҳам тушуна олмас. Янаки унинг ўз тилида. — Хайём бу сўзларни қизнинг асли юон эканлигини унугиб, чин айтди.

Аммо Марям маҳзун бир тарзда жилмаяркан:

— Устоз муболага этадур. Бизнинг уриниш ул кишининг улуғлиги қошида бир ҳавас эрур, — деди камтаринлик ила.

— Воҳ, Биби, сен хато айтурсен!

Шу пайт Хайём овозини баландлатиб юбордими, ухлаб ётган роҳиб кўзларини очди. Бироз шифтга термулиб ётгач, шуури тиниклашиб, ёнидаги кишиларни пайқади.

Хайём унга яқинлашди.

— Оллоҳ, дардингизга шифо ато этсин, — деди самимий овозда.

— Раҳмат... — Роҳиб хириллаб, базур сўзларди, — Қайноқ шарбат келтир меҳмонга, қизим!

Киз ўрнидан тураётганда шоир уни қайтарди.

— Овора бўлма. — Сўнг тақи Амадеусга қайрилди. — Мен тайёрлаб берган дамламаларни ичаётисизми?

— Ҳа, ташаккур... — Роҳибнинг нигоҳида туйқусдан ўйчанлик пайдо бўлди. — Бу кеч Ийсо алайҳиссаломни туш кўрибмен. — Шу гапни базур айтди-ю, бирдан уни йўтал тутди. Бўғриқиб-бўғриқиб йўталди. Қизи унинг бошини кўтариб, совутилган гиёҳли дамлама ичирди. Йўтали босилгач, пича ҳансираф ётди.

Хайём ҳайрон эди: Роҳиб Ийсо пайғамбарнинг исмини ҳурмат ила исломий тарзда "Ийсо алайҳиссалом", деб айтди. Бу Хайёмга ва ёхуд барча мусулмонларга ҳурмат туфайли эдими ёки бошқа бирон боиси бормиди, шоирга ноаён.

Амадеус нафас ростлаб олгач, ниҳоят яна тилга кирди:

— Кенг бир биёбон эмиш. Бу биёбон эса хаста-ю кўр ва гунг, чўлофу моҳов, яна шу каби нософ одамлар ила тўла эмиш, Ҳазрати Ийсо... — Шу номни айтиши билан Роҳибнинг кўзи ёшланиб, бўғзига ийфи тиқилди. — Ул зот эса бир улкан тош устида туриб, беморларни бирин-кетин тузатиб, каромату мўъжиза кўрсатармиш. Мен ҳам ўша одамлар ичра эмишмен. Бир замон сурила-сурила Пайғамбар алайҳиссаломга рўбарў турибмен. Ул зот шул қадар гўзал, нурли эдилар. Кўзларим қамашди. Узун соchlаридан гўё сув томчилаётгандек қўринарди. Шунда Ҳазрати Ийсо ўнг қўлинин елкам узра бир силтади-да,

ниманидир ичимдан суғириб олди. Илкида куйгандек қоп-қора бўлган менинг ўпкам турарди. Мен оҳ уриб юбордим. Сўнг у киши ёқимли жилмайдилар-да: "Энди сен соғайдинг", дедилар... — Роҳибининг кўзла-ри жиққа ёшга тўлганди. — Кейин эса... — Тушининг давомини ай-тишни истамади, чунки қизи бошқача тушуниб, қайфуга ботиши мум-кин эди. У тушида отасини кўрди -оппоқ кийимда эмиш. Худди ти-риклик пайтдагидек чўпон таёгини тутиб, қўй бокиб юрганмиш. "Юр мен билан, — дебди у ўғлига, -тиник булоқقا олиб бораман." Ҳа, па-дари чўпон эди ва тоғдаги барча булоқларни биларди. Азиз Ватани, олис Ватанидаги булоқларни. Роҳибининг лабларига тоғнинг муздек, тотли сувлари урилгандек бўлди. Чўзиб хўрсинди, бироқ тушининг давомини қизига ҳам, Хайёмга ҳам айтмади. Қазоси яқин кўринади...

— Кўп хосиятли туш кўрибсиз, ҳазрат, — деди Хайём унга далда беришга ҳаракат қилиб. — Илло, шифо топмоғингиз яқин.

Роҳибни яна йўтал тутди. Йўтала-йўтала толиқди, кўзларини юмиб, тин олди.

Хайём Марямга ишорат ила кетмоғини аён этиб, эшикка томон йўналди. Қиз уни кузатиб чиқди.

— Бир гап бўлса, мени чорламоқдин уялма, — деди қизга меҳри-бонлик ила. — Дарвоқе, ўзинг ҳам таомланмоқни унутма.

— Хўп, — деди Марям ҳазин овозда.

— Мен Риндонийга айтамен, таом келтиргай.

— Овора бўлманг, ҳазратим, таомни ўзим ҳозирлаймен.

Хайём маҳзун бир кайфиятда ошёнасига қайтди.

2

Асрдан сўнг Хайёмнинг ҳузурига Риндоний кириб келди.

— Афу этгайсиз, хожам. Бу кун Микоил иккимиз дарёning гирдоб-ли жойига дом солиб эдик. Хўп баракотлиғ балиғлар илинубдур. Их-тиёр этсангиз, бир балиғхўрлик қилсак?

Шоир Амадеус ва Марямга ачингани боис мудом дилгир эди. Ринд-нинг гапидан сўнг юзига табассум югурди.

— Балиғхўрликми ёхуд майхўрликми, эй Ринд? — дея фаррошга мутойиба этди.

— Иккиси бир бўлса, тушу ҳушга ҳурлик келтиргай. Илло, хўрлик қилмасак бўлди-да, хожам.

Риндонийнинг лутфи Хайёмга ёқиб тушди, қолаверса, кейинги кун-ларда майни мўл ичганлиги сабабли айни дамда томоги қақраб бора-ётганди.

— Хўп айтдингиз, Ринд. Қани, келтириңг ўшал мақтаганингизни!

Кекса фаррош: "Хўп бўлади, хожам" деди-да, чиқиб кетди.

Филҳақиқат, шоир кейинги кунларда кўп май иchar, айниқса, тун-ларни шу кўйда бедор ўтказарди. Намозлари кетма-кет қазо бўлар, сархуш ҳолатда бу гуноҳи учун қаттиқ эзилар, бўғзи куйиб, Оллоҳга овозсиз нола қиласарди. Баъзан эса тун бўйи зикруллоҳ ила банд бўларди. Шундай пайтларда ич-ичидан, қалбининг қаър-қаъридан истиф-фор отилиб, тавбалар қиласарди, энди қайтиб ичмасликка ўзига ўзи сўз бериб, узлуксиз ибодат этмоқни орзулади. Бироқ тонг отиб, чошгоҳ, гоҳо пешингача бардоши етар, ундан сўнг тақи бағри сим-сим оқиб, сархушликка майл сезарди. Ичгач эса шуурига ажиб ўйлар, фикрлар урилиб, наздида, бу модий олам йўқдек, фақат ва фақат тафаккур салтанатида яшаётган каби туюларди. Шундайин кечмишли кечаларда гоҳо шеърга зўр берар, бетакрор, куйдиргулик ва осийона сатрлар куйилиб келаверарди. Унинг кўнглига, аслида, шу лозим эди, шундан ҳузурланарди. Кейин гоҳида ўзини ўзи янмоқقا, маломат этмоқقا ту-

шиб кетарди. Бошқаларни-ку қўйинг, илмпарат султонга ва ҳатто, суюкли кишиси вазири аъзамга таъзим қилиб, пой-патак бўлганлиги-дан нафратланарди. Ўз аслига, яъники, сийратига монанд эмаслиги-дан, бу фоний дунёда озод-хур яшай олмаётганлигидан ўртанарди, ўкинарди. Мен-бу мен эмас, дерди ў оҳ уриб, аслида, бу ёлғон дунёда лим-лим паймонага менгзаган суратим кезар. Ё, Оллоҳ! Наҳотки бу ёлғонларга, алдовларга, сурату сийратнинг номонандлигига кўниб яшамоқ менга қисмат бўлса?! Наҳот анов ожиз сабода оҳиста силкинаёт-ган япроқчалик ҳам қурбим, исёним бўлмаса! Ахир, мен сен танлаб, сийлаган хур ва шарафланган одам эмасманми?!!..

Балиқ жуда хушхўр пиширилибди. Бу Ринд деганлари бало- уҳда-сидан чиқолмайдиган юмуши йўқ. Айниқса, бу каби пазандалик унинг қонида бор- асли аҳли Бухоронинг "илки тотлиғ" бўлишлигини Хайём жуда яхши билади. Бухорода, Шамс ул Мулк саройида хизматдалиги-да бунинг кўп бора гувоҳи бўлган. Муболага ила лутф этилса, бухоро-ликларнинг кафти кафтгиру чўмичда қабаради.

Бир неча пиёла майи ноб¹ ичилгач, иштаҳаларга барака кирди. Учовлон-Хайём, Риндоний ва Микоил балихўрликка зўр бердилар. Дарё-нинг оқар сувида яшаган балиғларнинг гўшти ҳалиймдек, сермой, қил устихонлардин холи эди. Шул боис ва мусаллас танларини қизитиб, ошқозонларига шашт берганлигидан то сўнгги луқмагача "талашиб-талашиб" едилар. Лекин иякларнинг тақиллашу шақиллаши узоққа чўзилмади, чунки мазали нарса ҳамиша оз, нари борса, оздек туюлиши тайин эди. Ортидан тақи май симиридилар. Кучли май барчаларини сархуш этиб, дилларидан ихтиёр кетди. Риндоний белбоғидан найини олиб лабларига лаб босди. Най туйқус мунглиғ-мунглиғ, ўтлиғ-ўтлиғ оҳ уриб юборди. Орадан ҳеч қанча фурсат ўтмай, бу оҳ Хайёмнинг кўнглига кўчди. Риндоний дарёдил, дарвиш феълли киши эди, шул боис, унинг бағридаги тошқин куй оғушига ҳам қўшилиб кетарди ва тинглагувчи юрагига бориб уриларди. Шоир ана шу тошган дарё тўлқинлари қўйнида суза бошлаганди. Уни соҳир наво сархуш этиб, оҳангга монанд тебранарди. Кўзлари юмилган бўлса-да, киприкларининг ости жизиллаб ачишмокқа тушганди. У Амадеуснинг тушидан мутаассир бўлганди... Ё Оллоҳ! Бунчалар караминг кенг? Унинг не амали сенга хуш келиб, бу улуғ неъматингни ато этдинг? Сен қаёқдан билурсен, ғофил банда, инсон қалбини, унинг асрорини англамоқ осон бўлибдурми! Оллоҳ, истаса, ҳар не бўлмоғи мумкин. Ё алҳазар! Ўзинг не ноқис аҳволдасен, мусаллас ила булғонгансену иймон ҳақида баҳс этасен. Сенинг ул Роҳибдан не авло жойинг бор? Ҳа, сен ундан юз чандон, минг чандон хароброқсан! Во-оҳ, бу не синоат, Тангрим?! Ўзим ўзимда ўзимдан ўзгамен! Бу ҳолим фақат ўзингга аён эмасми? На иложки, шул талҳ мени ҳурликка эш қисла, сени вужуд-вужудим ила ҳис этмоқни осонлаштирса?!. Энди Хайём куй оғушида уча бошлади. Бу ҳолати ўзига хуш ёқиб, парвози сўнгини кутмади-ю яна туш ҳақида эслади. Одамлар тушида парвоз этадилар. Ўзим ҳам неча бор учганмен. Шундоққина куличингни ёзиб, югурга-югурга учиб кетаверасен. Олам пойингда қолади. Тўхта-тўхта, нега энди башар қавми тушида уча олади-ю ўнгидан бундан маҳрум? Тушида учидими, демакки, ҳушида ҳам бунга қодир. Ёки руҳ парвоз этиб, жисм қолармикин? Унда руҳни моддалаштириш лозим экан-да. Ё тавба! Не деб алжираисен, эй чодирдўзнинг ўғли? Ахир, руҳ Оллоҳнинг сири, одамнинг олий жавҳари бўлса-ю сен уни моддалаштироқ истасанг-а! Аммо, барибир, бани одамнинг бир кун келиб албатта парвоз этмоғи тайин... Хайём қайтиб заминга тушиди. Энди унинг кўкси ҳапқириб, кўнгли яна сим-сим оқа бошлади. Бу шеър соғинчи эди чоғи, шуурида бир ажиб фикрлар, уларни опичлаган сўзлар тажаллий эта бошлади.

¹Ноб — тоза мусаллас.

Риндоний буни пайқадими ёхуд ўзи толиқдими, най чалишни тўхтатиб, шоирга маъноли қаради. Хайёмга шу керак эди, у танҳо қолмоқликни истарди...

Риндоний ва Микоил дастурхонни йигиштириб, чиқиб кетдилар.

Хайёмнинг ихтиёри мастикнинг ҳурлилкка ошно эканлиги исботи учун оғиб борар, шуурида барқ урган ҳар бир фикр унинг фойдасига хизмат этмоққа шайланарди. Ё алҳазар! Бу не асрор? Ёхуд алайҳи-лаънанинг макримикин? Бунчалар хуш ёқур дилга? Нечук йифлагим келур? Бошида шеър айлана бошлади. Илкига хомани олиб, ҳалигина битаётгани риёзатга оид рисоласининг очиқ турган саҳфаси ҳошия-сига ёзмоққа тушди:

*Май ичсам эгилиб қолади тиззам,
Ўйласам гуноҳмас, сажда-ку бу ҳам.
Азалдан биларди буни Ҳақ ўзи,
Шаккоклик эмасми, агар ичмасам?*

Оғир бир ютинди-ю ёзганларини овоз чиқариб ўқиб кўрди. Кўнгли тўлмади-да, баттар эзилди. Юраги ҳамишадагидек тушунуксиз ўртанди. Не баломен-мен бало?! Неларни даъво қилурмен? У пиёлани тўлатиб май симириди ва бир муддат нафас ютиб турди. Гўё шу ила ўзича "инсофга келгандай" бўлди.

*Баъзилар хаёли майдо, ичкуда,
Баъзилар меҳробда, дили осуга.
Бекор қиши йўқдир, барчага ташвиш,
Ёлғиз Ўзи уйғоқ, барча уйкуда.*

Яна такрор ўқиди. Энди қалбига ожиз бир ҳаловат эпкини урилгандай бўлди. Бу кўйи ортидан аввал кўкси, сўнг бутун вужуди қизий бошлади. Даричага боқди-аллақачон тун эди. Ташқарига ошиқди. Кечки аёз турганлиги боис ҳаво совуқ эди ва шунинг учун расадхона ҳовлисида бирон кимса кўринмасди. Ҳаммаёқ жимжит. Фақат ўтинхона тарафдан Полвоннинг гоҳо-гоҳо пишиллагани ва баъзан ириллагани эшитилиб қоларди. Йўқ, асло, бу сукунат ҳам ғанимат экан, ҳадемай тоғ томондан эсиб, расадхона деворларига урилиб, чийиллаган шамоллар овози ҳам қулоққа чалинди. Ҳатто қаердадир оч бўри увлади.

Хайёмнинг тани ловулларди, шунинг учун унга қишининг совуқ ҳавоси ҳам хуш ёқди. Ана шу ҳузур оғушида сўл томонга ўтирилди. Ҳозир у ғалат бир ҳолатда эди- сархуш бўлиб сархуш эмас, ҳушёр бўлиб ҳушёр. Гўё муаллақ бир маъвода турарди-ю ҳамма нарсани кўра оларди. Туш билан хуш аро эди гўё. Қалби жуда-жуда сезгин, шуури бағоят таиникдашганди.

Иккинчи қаватдаги йўлак адогидан расадхона минораси сари чиқиларди. У айлана пиллапоялар узра минорага кўтарила бошлади. Қадамлари шу қадар енгил эдики, гўё учайтгандек туюларди, наздида. Мана, ниҳоят миноранинг юқорисига-мезанага чиқди. Миноранинг икки тарафида кунгурадор даричалари борлигидан бу жой анча изғирингир эди. Аммо сархуш ва шунингдек, вужудида мислсиз бир олов уйғонган шоир совуқни у қадар писанд этмасди. Рўбарўсидаги тоғ қорайиб, улкан девнинг елкалари менгиз кўринади. Осмон жуда ҳам тиник, тўлин ой қиши кўнглига ойдинлик солар даражада осмонни нурларга чулғар, юлдузлар эса гўё қиши аёзида совуқ қотган янглиғ қалтирай-қалтирай жимирлайдилар. У мана шу манзарани жуда-жуда хуш кўради. Осмонни, юлдузларни соғинади, осмоннинг ошиғи у. Ҳозир шундоққина осмоннинг бағрига бошини қўйиб турганга ўхшайди. Юл-

дузлар эса дона-дона бўлиб, кўзларига тўкилаётгандек. Ана, ой устида Ноҳид юлдузи порлайди. Манови ерда эса Дубби Акбар юлдузлари жойлашган. Сомон йўли унга туташиб кетган, унинг остидаги Ҳулкар чўф мисоли милтирайди. Ана, Зуҳал, Муштарий! Унинг вужудида ажаб, бироқ тушунуксиз эврилиш рўй бермоқда эди. У бутун коинотни ҳис этарди, гўё. Юлдузлар бир-бир унинг кўксига бош суқиб, ўзлари ҳақида ҳисоб берардилар. У ҳар бир юлдузни танирди, уларнинг қайси бурж остида қай тариқа жойлашганликларини ҳам биларди. О, фалак қозони, сени тўнтариб қўйган зотга беҳисоб ҳамду санолар бўлсин! Бу милтираб, жонимга ўт соглан юлдузларнинг, сайёralарнинг ҳар бирига қадар неча минг йиллик масофа мавжуд экан? Уларнинг манов нурлари "йўлга чиққанига" қанча йиллар бўлди экан? Ҳа, бир қутлуғ кун келиб, рақамлар тилга киргайлар ва борки нимарсаларнинг ҳисобкитобини сўзлаб бергайлар. Рақамлар Оллоҳнинг мўъжизаси, улар воқифу қодир бўлмаган нимарсанинг ўзи йўқ. Эҳтимол юлдузларнинг нуридан, яъники, нурдан, манов шамолнинг овозидан ҳам тез юрувчи маркаблар кашф этилиб, башар фарзанди коинот сайрига, сайёralар сайрига чиқмоқقا сазовор бўлар? Шундай бўлиши мұқаррар, чунки олий неъмат бўлмиш шуур, тафаккур кўп нимарсаларга қодир. Қанийди ўшал кунни кўролсам! У юлдузларга интиқ-интиқ термулиб, бўғзи куя-куя ютинди. Бағри сим-сим эриб, хаёлида яна шеър айланди.

*Бу бепоён осмон ҳолидан осон
Хабар тонги фақат икки тур инсон:
Ё яхши-ёмондан хабардор олим,
Ё ўзин билмас маст, ақли паришон.*

Зина томондан қадам товушлари эшитилди. Шеъри лабларида қотиб, оргита ўгрилди. Ким бўлди у? Қадамлар соҳиби узоқ куттирмади - ўтрусида Марям пайдо бўлди.

— Ассалому алайкум, устоз! — деди у бош эгиб.

Хайём ул томон талпинди:

— Кел, Биби, кел!.. — У бир таскинли васлага муштоқ эди, шул боис, ичидан олов отилгандай бўлди.

— Юлдузлар ила сухбатингизга халал бермадимми?

— Асло, Биби! Аксинча, юлдузлар энди заминга, сенинг пойингга тушадилар.

— Устоз муболага этдилар. -Маряннинг форс тилида бироз талаф-фуз ила сўзлаши ҳам киши кўнглига эрка бир ҳузур баҳш этарди. — Бунинг устига мен устознинг тафаккур маркабида коинотни сайр этмоқ орзуидамен.

Хайём қизнинг лутфидан мутаассир бўлиб завқланди ва унинг илкidan тутди. Қўллари чўгдек иссиқ эди. Шоирники эса аёзда узоқ турганидан муздек бўлиб қолганди. Шунинг учун бу иссиқ-совуқлик иккалаларига ҳам хўш ёқди.

— Отангнинг аҳволи дурустми? — сўради Хайём меҳрибон овозда.

— Шуқр, яхши. Ухлаб қолди. Мен эса димиқдим, бироз ҳаво олай деб, ташқарига чиқдим. Қарасам хонангизда йўқсиз. Ҳойнаҳой юлдузлар ила сухбат қураётган бўлсалар керак, дея бу ёққа чиқдим. Янглишмабмен... — Қиз охирги сўзини жуда ҳазин товушда айтди.

Шоир уни бағрига олди.

— Отамдан айрилиб қолишдан жуда-жуда қўрқмоқдамен! — деди Марям нафаслари шоирнинг бўйнига урилиб.

— Қўрқма. Худо хоҳласа, падаринг ҳали узоқ яшайди. — Хайём бу гапни айтишга айтди-ю, унга ўзи ҳам ишонмаётганлигини ҳис этди.

Бечора қизнинг отасидан бошқа кими ҳам бор! Мабодо, у қазо қиласа, Марям бу ёруғ оламда на Ватансиз, на бир жигарсиз танҳо қолади!.. Хайём қизга жуда-жуда ачиниб кетди.

— Йиглама, Биби! — деди юзини силаб, лабларидан оҳиста ўпаркан. Унинг лаблари бафоят хушбўй эди, бутун вужудидан танга ўт солгувчи ҳузурбахш ифор уфурарди.

Шоир уни қаттиқроқ кучди...

3.

Уни тонгга яқин Риндоний уйғотди.

— Роҳиб оғирлашиб қолибди, сизни чорлаётган эмиш, — деди у хавотирли овозда.

Хайём тезлиқда таҳорат олиб, кекса Роҳибнинг ҳужраси томон ошиқди.

Амадеус хириллаб базур нафас олар, кўкси нафас олишига ҳамоҳанг тарзда силтаниб-силтаниб қўярди. Марям эса унинг ёнида унсиз йифлаб ўлтирарди.

Хайёмнинг кирганини кўриб, Роҳибнинг нигоҳида хиёл қувонч зоҳир бўлди.

— Тузукмисиз, ҳазратим? — деди сўради шоир уни "ҳазрат" сўзи ила улуғлашга саъй этиб. — Анча бардам кўринадурсиз?!

— Бу сўзлар ортиқча, — деди Роҳиб хирқироқ овозда. — Яхшиси, менинг сўзларимни тинглангиз, шоир.

Хайём унга яқинроқ борди.

— Қулоғим сизда.

— Мен Ватандин айро тушдим. Бу кўргилик ҳеч кимсанинг бошига тушмасин, илоҳи! Энди... — У бир пас нафас ростлаб олди. — Энди эса ёлғиз қизимни танҳо ташлаб кетаётурмен.

— Тақсир!.. — Хайём уни бу эзгин хаёллардан чалғитмоқчи бўлди.

Маряннинг йифиси авжланди.

— Ўтинамен, сўзларимни бўлманг. Куним битганлиги аён кўрина-дур... Илло, қизимни сизга, сизни эса Худога топширдим! — Уни йўтал тути.

Шоир унинг умри интиҳога етганлигини сезди.

Роҳиб маҳзун турган қизига интиқ термулди. Сўнг нималарни дир пицирлаб, бир силтанди-да, кўзларини юмди...

Хайём "Оллоҳ!" деб юборди титроқ ичидা.

Амадеуснинг ўлими ва унинг буюк иймон соҳиби бўла туриб, бирорга сезидирмагани Хайёмга қаттиқ таъсир қилди. У бир гал султон ила ширкорга чиқиб, оташпарамстлар мубоди¹га рўйбарў келган эди. Мубод ила сұхбат қурганида ҳам худди бугунгидек мутаассир бўлганди.

Ўшанда, даштда ов қиласар эдилар. Сайдгарлар ўлжа кўйида, бошқалар эса ўз юмушлари ила андармон бўлган пайтда жонзотлар қони исидан кўнгли алланечук бўлган шоирнинг хаёлини анча наридаги дўнглик тўшида не биландир машғул кўринган одам тортди. У бирон хуш сұхбат истадими ёхуд ҳар нарсага қизиқувчанлиги тутдими, ўша одам томон юрди. Унга ёвуқлашавергач билдики- у янтоқ ва саксовул, яъни, ўтин тераётган экан. Нотаниш кимса у то ёнига келиб, салом бермагунча ҳам парво қилмай, ўз юмушидан бош кўтартмади. Саломни эшитиб, қаддини ростлади ва жуда ҳам мулоим табассум ила боқиб, алик олди. Унинг озғин юзида сўлғинликка уйқаш нурлилик зоҳир эди. Эгнида узун бўз қабо, ўсиқ сочли бошига оқ кулоҳ кийганди.

Унинг ҳаракатлари бафоят оҳиста, улардан узоқ йиллар мобайнида кўникулган ҳафсала сезилиб турарди. Сира шошилмас, унга боқиб, ҳозир бажараётгани бу юмуш, албатта, бажарилиши мұқаррар ва агар бажарилмай қолса ҳам ҳеч нарса ўзгармаслигига бўлган ишончни пай-

¹Мубод — руҳонийси

қаш мумкин эди. Хайём уни яқиндан кўрибоқ зардуштий оташпаратст эканлигини фаҳмлади.

— Тангри ёрлақаб нечук бул жазирамада кезурсиз? — деда сўради у қуёш тафти илохий неъмат эканлигига ишорат этиб.

— Шикорда эдик... — деган шоир сўзини не деб давом эттиришни билмай дудуқланиб қолди.

— Шикор яхши нарса, — деди Мубод Хайёмнинг юзидағи азият ва малол нишонасийни сезиб. Шунингдек, унинг ўз оламидан қочмоқни истаётганини ҳам англади чофи. — Балки бизнинг маконда андак ҳордик олурсиз? — деди у ўтиналарини елкаларкан.

Шоир кўмак бермоққа уринганди, кўнмади.

Дўнгликнинг ортида-анча нарида кўринишидан ташландиқ бир харобат макон бор экан. Хайём яқин келиб билдики, бу куниш¹ бўлиб, ташқариси мунчалар вайронга кўрингани билан ичи нихоятда озода ва сўлим эди. У ердаги ҳамма нарса ўз ўрнида, тош ва лойдан ясалган ўриндиқлар ҳам тартибли тарзда ўрнатилган. Асосий хонанинг тўрига-мехробга қуёш сурати чизилган, унинг остида мойчироқ милтиллаб ёниб турибди. Гўё ҳар тарафдан таътифсиз ҳаловат ва сокинлик нафаси уфуриб турганга ўхшайди. Кунишнинг бундайин кўриниши дарвишлар ажволини Хайёмнинг ёдига солди. Таши вайронга-ю чок-чок, ичи нурга чулғанган. Бу чин ошиқлар мақоми.

Мубод Хайёмни сўл томонидаги чороқ хонага бошлади. У ерда турли-туман идиш-аёқлар, суюқлигу турфа маъданлар ва тақи бир қанча нимарсалар тизиб қўйилганди. Қўйидаги ўчоқда оловнинг ожиз тили йилтирайди. Бироқ хона кишини сархуш этар даражада салқин эди.

Оташпаратст хумчадаги қизғиш суюқлиқдан қўйиб, шоирга узатди. Бу янтоқ қайнатмаси бўлиб, бағоят чанқоқ босди ичимлик эди. Хайём жуда ташна бўлганди, шунинг учун ичимликни бир кўтаришда сипкорди. Тани бироз ором олгач, атрофдаги нарсаларга қизиқувчанлик или назар ташлади.

— Жаноблари алкимё ила машғуллик қилурлар чофи? — Сўради сўнг турли тошларга ишора қилиб.

— Узлари ҳам боҳабарлар, шекилли? — Саволга савол қилди Мубод.

Хайём камтарона жилмайди:

— Бизники бир ҳавас, ўқиганларимдан англашилган ожиз бир фикр, холос.

— Алкимёни ўқиб ўрганиб бўлмас, у кўнгил ишидир.

Бу икки одам аста-секин сухбатга киришиб борар эканлар, айтган сўзлари бир-бирларига малол келмаётганигини пайқамоқда эдиларки, бу сухбатга авж бериб, самимиятни устувор этмоқда эди.

— Кўнгил?.. — Хайём бу сўзни беихтиёр айтиб юборган бўлса-да, унинг замирида савол аломати мужассам эди. — Ахир, кўнгил модда эмас-ку? Алкимё эса моддалар уйғунлашувига асосланган чофи? — Шоир ўз саволини вужудидаги шиддатли эврилиш асносида айтаркан, бу ила исломий сўфийлик таълимотидаги ўзича англаған кўнгил тушунчасини назарда туттганди.

Мубоднинг нигоҳидан Хайёмнинг айни дамдаги ҳолати унга хуш ёқаётганигини пайқаш мумкин эди.

— Одам ўз кўзи ила оламни кўрар экан, олам унинг нигоҳида акс этади. Яъни, олам ҳам одамда ўзини кўради. Бу курраи заминда ҳамма нарса бир-бирига таъсир этади ва шунингдек, ҳар бир нарсанинг алоҳида ўз моҳияти бор. Ана ўша моҳиятни англаған киши кўп мўъжизаларга гувоҳ бўлади. Алкимё ҳам нарсаларнинг моҳиятини англамоқдир. Моҳиятни англамоқ ва туймоқ эса кўнгил ишидир.-деда сўзини

¹ Куниш —оташпаратларнинг ибодатхонаси

тутатди Мубод.

Хайём унинг гапларидан нималарнидир тушунгандаи бўлар, бироқ булар камдай туюларди.

— Хўш-хўш!.. — деб юборди у беихтиёр.

Мубод ёқимли жилмайди.

— Нарсанинг моҳиятини англаш ва унга таъсир этиш мумкин. Масалан, англаш орқали сувни куйдирувчи оташга, оловни эса сувга айлантириш мумкин. Ахир, алкимёда ҳам жездан ёхуд мисдан олтин олинади-ку.

— Бу сеҳр-ку?..

— Ҳа, сеҳр, бироқ у борлиқдан ажралмаган сеҳр. Одам оламга, табиатга яқинлашиб, у ила уйғуналашиб боргани сари юксалаверади. Чунки жамики нарсаларнинг -набототу ҳайвонотнинг ўз олами бор. Бу оламлар бутун бир коинотни бунёд этади.

Бу нима, дея ўйларди кўзлари чақнаган Хайём, моддий олам ила руҳий оламнинг чегарасими? Сўфийлар ва бошқа шу каби руҳият кишилари зикру тақво ҳамда парҳезкорлик или оламни, Яратганни англашга, унга яқинлашишга уринадилар. Ҳатто нарсаларга таъсир этиб, мўъжизалар кўрсата оладилар. Улар руҳий олам ва китобларда айтилишича, жинлар таъсирида бунга эришадилар. Мановилар эса моддий оламни руҳий олам ила ҳамришта этадилар. Ё, Оллоҳ!.. Хайёмнинг боши фовлаб кетди. Демак, коинотдаги ҳамма нарса бир-бира га боғлиқ ва улар бир режа асосида Ҳаққоният томонидан идора этилади. Тақдир деганлари шу-да, ундан ҳеч ким қочиб қутилолмайди. Ё тавба! Ахир, булар ўзи билган гаплар-ку! Мубод бошқа нимарсалар хусусида сўзлади чоги. Йўқ, шулар ҳақида гапирди, илло мўъжизалар, улуғликлар бағоят жўн кўринмоғи ҳам ҳақ гап.

Хайём мана шу сухбатдан кейин оламга- ҳайвоноту наботот, тошу туфроғга ўзга кўз ила қарай бошлади. Уларнинг тилларини тушуниб, яъни, борлиқнинг тилини, бутун коинотнинг лисони умумиясини англамоққа жаҳд этмоққа тушди.

Саккизинчи боб

1

Роҳиб — Амадеуснинг қазоси Абул Фатҳ Умар ибн Иброҳимни қаттиқ мутаассир этди. Демак, башар Оллоҳни англамоғи учун макон, замон, миллату забон фарқсиз экан. Ҳаққониятни барча ўз билганича, қувваи ҳофизаси етганича идрок этаркан. Бирор кўз ила, бирор ақд, бошқаси эса қалб ила англаркан. Уларнинг тасаввурлари, ўшал тасаввурларидаги Илоҳнинг сурату сийрати ҳам турфа экан. Демакки, сувратга боқиб баҳо бермоққи ҳатолик сари юзлантироғи аён. Аслида ҳам Роҳиб ёмон одам эмасди, унда пок инсонларга нисбат бергувчи фазилатларнинг барчаси мавжуд эди.

Ҳалиги мажусий Мубод эса ҳаққониятни, мутлақ Зотни ўзича кашф этибди. Унинг динида Яратувчини буюк олов-қуёшга нисбат берилади ва оламдаги ҳар бир нимарса бир-бири или узвий боғлиқ дейилади. Мубод мутлақ Зотнинг аслини эмас, унинг ижодини ўрганиб, тафтиш этиб, унга яқинлашибди ва мўъжизаларга қодир бўлибди. Ислом эса, Ҳаққониятнинг аслини танитади. Аммо, Унинг асли ҳам, ижоди ҳам Унинг ўзиидир. Бундан келиб чиқадики, борар йўллар турфа, бироқ манзил бирдир. Ахир, бу ҳам тирик жон, Оллоҳнинг маҳлуқи, дея жониворларни сўймасдан, ихтиёrsиз равишда мўминликнинг ҳалиймлик, шафқатлилик сифатини намоён этаётган мажусий или Оллоҳга

зикр айтаётган мусулмоннинг мақоми бир эмасми? Боиси иккиси ҳам мутлақ Зотни эсга олмаяптими? Биз мадҳ этган чин инсонликнинг ҳадди борми ўзи?!

Биз кўриб турган, англаётган, ҳис этаётган барча нимарсалар аввал ҳам ёки азалдан бор эди. Мутлақ Зотнинг хоҳиш-иродасисиз бир хас ўрнидан жилмагай. Илло, бизларнинг ҳам ҳар биримиз аввалдан бор эдик (руҳимиз мавжуд эди). Мутлақ Зот бизни (руҳимизни) ўзининг қай бир маъвосида сақлагандир. Энди эса жисм ато этиб, заминга йўллабди. Бу Унинг ижоди асрорини кашф этган мажусий Мубоднинг кибратул аҳмарни¹ топиб, ҳар не маъдандан олтин ола билишига қиёс эмасми? Зеро инсон боласи соҳирлик ила жисмга таъсир эта олганда, борлиқ Эгасининг кучу қудратига таърифу тавсиф етармикин?.. Хайёмнинг ўйлари чувалгандан-чувалди. Кибратул аҳмар!.. Амадеус алкимёдан бохабар эди. Эҳтимол, у ҳам кибратул аҳмарни инкишоф эта олганмиди? Балки у борлиқдаги жамики нимарсаларнинг моҳиятини англаб етгандир ва шунинг учун ҳам иймон йўлини туттганлар? Моҳият.. Унда иймон моҳияти не?..

Хайём тақво уммонига фарқ бўлди. Шу асно у азал ва абад ҳикматини англаб, Оллоҳнинг ёзифи- тақдирнинг ҳақ эканлигига қайта-қайта иймон келтириб бораради.

*Сабаб сахросида кимки саргардон,
Ишларин унингсиз юритар Яздон.
Бу кун бир баҳона ўртага ташлаб,
Эрта бажо бўлур тақдирни асмон.*

2

Кўклам кирди. Қирлар яшилланиб, бойчечакларнинг тили чиқди...

Узлуксиз тақво, парҳезкорлик ва айрилиқ солган изтироб боис юзи сўлғин тус олиб, анча озган Хайёмнинг наздида, бир сиқим бўлиб қолган кунларга тақи барака кирди. Ҳатто рутубатли қиши тунларида гўё қартайиб, мунглиғ-мунглиғ бўлиб қолгандай туолган, аслида, ўтлиғ ҳистайғулар ҳам кўнгилларни аста-секин ҳузурбахш жимиirlата бошлидилар. Бу, айниқса, шоирнинг бағрига яна янги соғинчларни солмоққа тушди. Бу соғинчлар номсиз ва таърифсиз эдилар. Хайём ихтиёрсиз тарзда ўртанарди, тушунксиз бир кўйда тўлғонарди.

Ўша кунларнинг бирида уни вазири аъзам йўқлаб қолди. Хайём соҳиби девоннинг ҳузурига ошиқаркан, хос либосларини киймоқни ҳам унуди. У безовта қалбига дўсти, дилкаш устози Низом ул Мулк ҳузурида бирон таскин топмоқ илинжида эди. Зеро одам тафтини одам олар, дейдилар. Эҳтимол суюкли кишиси ила сұхбат қуриб, бир нави ҳаловат топар.

Вазири аъзам Хайёмнинг акси ўлароқ, анча тўлишганди. Нуроний юзи аввалгидек ёқимли тус олиб, бу фоний дунёнинг барча кўргуликларини кўриб улгурган кўзлари тақи мулоим ва хотиржам боқарди. Фитначилар фош этилиб, сultonнинг оқу қорани англаши ва унга ишонч ила қарай бошлагани кекса вазирнинг яна ўз ҳолига қайтмоғига боис бўлганди. У шоирнинг аҳволидан мутаассир бўлди. Роҳиб Амадеуснинг ўлими туфайли шунчалар куйишини, паришон ҳолга келишини ўйламаганди.

Аслида, Хайёмнинг бу кўйга тушмоғига фақатгина Амадеуснинг ўлими сабаб эмасди. Унинг ўлими азали оромсиз қалбли шоирнинг ўзи ҳам мудом англаб етолмаётган, кун-бакун вужудига ўт солиб, ёндиргувчи туйғуларни, ўйларни уйғотиб юборганди. Бу кечмиши жуда азобли,

¹Аҳмарни — ҳикмат тошини

шунингдек, бағоят ёқимли ва хузурбажш эди. У ҳаловатсиз изтироб пинжида тұлғонарды, бироқ бу тұлғониши қалбига хуш ёқарди ҳам. Унинг ахволи шундай-ҳам ойдек равшан, ҳам ҳар не шуурга-да ту-шунуксиз эди. Ү буюк бир мұхаббатни, буюк бир ишқни соғинарди өзі.

— Бунчалар мутаассирлик, күймоқлик бўлмас, шоир, — деди вазири аъзам ўз одатича ўқтам овозда салом-алиқдан сўнг.

— Бу кўйимни ўзим ҳам англаёлмасмен, ҳазратим. Яхшиси, сўрман-гиз!.. — Хайём бу сўзни оҳиста, лекин қатъий айтди ва шу билан гапни бошқа ёққа бурмоқчи бўлди.

Вазири аъзам хиёл хижолат тортди: унинг ботинига нечук суқила-дур? Ўзи шоири шўрлик шундоқ ҳам ич-этини еб юрган бўлса. Шу-нинг учун гап пайровини давлат юмушларига бурди.

— Олампаноҳ ила маслаҳат қилиб, расадхонани янада кенгайтири-моқни лозим топдик.

— Хўш-хўш!.. — деди сергак тортди бир қўзғолиб олган Хайём.

— Расадхонанинг сўл ёнига мадрасамонанд ҳужралар, таҳсилхоналар барпо этсак, не деюорсен?

— Айни муддао бўларди, ҳазратим! Илло толиби илмлар уларнинг сабоқлари учун расадхонамиз торлик қилиб қолмиш эди. Илоҳи, султонимизнинг умрлари узун бўлғай!

— Барча юмушлар учун етарли маблағ ажратилади. Уларни оқилона сарф этиб, ишларни маромга солмоқ сенинг измингдадур.

— Бош устига, жаноби олийлари, — деди хиёл таъзим қилди шоир.

— Чиллаи зимистонда қонларимиз тўнглаб, сўнгакларимиз қақшагани рост. Бу каби улкан ишлар биз учун айни муддаодир. — Нечуқдир шоирнинг юзига қизиллик юргургандай бўлди.

Бирозгина авжисиз сұхбатдан сўнгра вазири аъзам Хайёмга шатранж сурмоқликни таклиф этди. У рози бўлгач, Низом ул Мулк мутойиба этди:

— Илло, чин жаҳд ила ўйнагайсен. Зеро, мен офтоби олам султонимиз эмасменки, мағлуб қилмоқча журъат этолмасанг.

Енгил кулишдилар.

Аслида, ундей эмасди, Хайём султон ила ҳам эмин-эркин шатранж сурарди. Бу борада шаҳриёр ҳам муносиб ва одил рақиб эди. Иккиси ҳам гали келганида ютардилар, ютқазардилар. Вазири аъзамнинг ҳозирги беозор ҳазили бўлса, шоирнинг хаёлини чалғитмоқ учун эди.

Шатранж ўйини узоқ давом этмади. Шоирнинг кайфиятсизлиги унинг мағлуб бўлмоғига олиб келди-ю ўйинни тўхтатдилар. Вазири аъзамга маъноли бир қараб қўйган Хайём кетмоқча изн сўради. Кекса вазир паришонҳол шоирга ижозат ишоратини қиларкан, мұхим бир гапни эслади:

— Сенга бир хабарни етказмоқчи эдим, Умар! — деди вазири аъзам унинг кўзларига боқиб

Хайём “не хабар экан”, дегандек савол назари ила боқди.

Боғдоддан шайхулисломнинг ёрлиғи ила Абу Ҳомид Фаззолий отлиғ илоҳиёт олими ташриф буюрмиши. Эртага ҳузури муборақда бўлғувси.

Хайём ҳам, вазири аъзам ҳам Ислом оламида порлаган Фаззолий отлиғ янги юлдуз ҳақида эшитган эдилар. Унинг фавқулодда истеъододи, қувваи ҳофизасининг бекиёслиги, охират илмида беназирлиги хусусидаги гаплар Исфаҳонга ҳам келиб турарди. Шоир бу гапларга у қадар эътибор қилмаганди. Айни дамда эса вазири аъзам нега энди ғалатироқ оҳанга ва яна тағин бу гапни айнан унга гапираётгандилиги ни тушунолмай турарди. Соҳиби девон не муддаони кўзлайдур? Ахир, бирорвга ҳасаду адоват қилмоқлик унинг феълига ёт эканлигини била-ди-ку!..

— Менинг сўзимни ўзга маънода тушунмагайсен, — деди вазири аъзам унинг нигоҳидаги маънони англаб. — Фақат сени хабардор этмоқдикни истадим, вассалом. Эртага ҳузури муборақда ҳозир бўлгайсен.

Хайрлашдилар.

Хайём вазири аъзамнинг қасридан чиқиб бораркан, унинг нима демоқчи эканлигини фаҳмлагандай бўлди. Ҳа, у дунёга теран ақл кўзи ила боқарди, қалбида мислсиз түфён ва ҳатто, исён борлигини ҳам яширмасди. Унинг учун илмнинг миллати ва ёки ирқи йўқ эди. У илм олмоқ истагида мажусий ёхуд будпарастга ҳам шогирд тушмоғи мумкин, чунки табойи¹ илмларини диний илмдан айро тушуна оларди. Эҳтимол валинеъмати Низом ул Мулк унинг феълидаги ана шу жиҳатларни билганлиги боис, уни ўзича диний билимларнинг соҳиби Фаззолийга аксил қўймоқчи бўлгандир? Агар шундай бўлса, демак, вазири аъзам хатокордир. Илло, Оллоҳ висолига элтувчи йўллар турфа эканлигини у жуда яхши билади. Қолаверса, ҳар яхшининг бир ёмони, ҳар ёмоннинг бир яхшиси бўлади. Балки Хайём бир умр соғиниб яшаётган инсон шудир...

Султон ҳашаматли таҳтда одатдагидек виқор ила ўлтирибди. Кайфи хуш чоғи, лабу кўзларида ним табассум. Икки ёнида эса бизга таниш аркони давлат қатор тизилишиб, қўл қовуштириб турибдилар. Барчалари бир нимарсанни интиқ кутмоқдалар. Ойнаванд даричалардан оқиб кираётган жилвакор офтоб партави² билур қандилларга урилиб, султон таҳтининг тилло нақшларига, тожининг олмос кўзига, аъёнларнинг турфа хил узукларига, либосларининг ёрқин тусли кашталарига ва ниҳоят уларнинг сўнник ва чақноқ, қисиқ ҳамда катта кўзларига сочилиб, жимиirlab кўярди.

Бир замон сарой мулозимининг тантанавор овози янгради:

— Уламои киром Абу Ҳомид Муҳаммад ибн Муҳаммад ал Фаззолий жаноблари ташриф буюмишлар.

Унинг овози нақшинкор устунлар ва саройнинг баланд шифтларидан акс садо бериб улгурмай, боргоҳ³нинг очиқ турган узун эшигиostonasiда йигирма беш ёшлардаги кўркам йигит пайдо бўлди. Йигитнинг бошида ихчам оппоқ салла бўлиб, эгнига эронийларга хос калтароқ-тиззасидан келадиган гуллик чопон кийганди. Қош-кўзлари қаламда чизилгандай текис ва сийрак соқолининг тим қоралиги боис, шундоқ ҳам нур тарататётгандек туулгувчи оқ, бироқ сўлғин юзи янада оппоқ кўринарди. Салласининг остидан чиқиб турган тим қора сочлари қулоқларини ярмигача ёпган. У ўрта бўйли бўлиб, узун киприклари пойида қоп-қора кўрингувчи бир қалам учи қалинлигидаги гардиш орасидаги чўғдайин чақнаб турган кўзлари кишига кулиб боқади.

Йигит султоннинг рўбарўсида тўхтади, ўнг илкини кўксига қўйиб, бошини хиёл эгди-да, олий насабли кишилар каби мағруона таъзим қилди ва вазири аъзам томонга букилганча бораётган мулозимни нигоҳи ила кузатиб қолди. Мулозим илкидаги ёрлиқни икки қўллаб тутиб, вазири аъзамга узатди. Бу Боғдод ва аслида, бутун мусулмон дунёси шайхулисломининг Муҳаммад Фаззолий ҳақида Маликшоҳга битган номаси, янада тўғрироғи, ишонч ёрлиғи эди.

Номани вазири аъзам Низом ул Мулк очиб, султоннинг ижозат ишорасидан сўнг овоз чиқариб ўқиди. Султон унинг мазмунидан аввалданоқ, боҳабар бўлса-да, ҳозир ўзини эндиғина эшитаётгандек тутарди. У Фаззолийга қараб билинап-билинмас бош силкиди-да, хиёл кулимсиради.

Вазири аъзам эса султоннинг боқишилари маъносини сўз ила ифо-

¹Табойи — табиат

²Партави — шуъла

³Боргоҳ — султон қабулхонаси

6Шарқ юлдузи №2

далади:

— Хуш келибсиз, эй Ислом осмонининг порлаётган юлдузи, дин илмининг буюк истиқболи!.. — деда у кўз қири ила ўнг ёнида турган Умар Хайёмга қараб қўйди. — Шайхулислом ҳазратларининг сизга бўлган ишонч ва ихлослари шарофати ила мамлакатимиз доруссалтагнати шаҳри азим Исфаҳон янада нурафшон бўлғай, иншооллоҳ!

Сарой аҳли вазири аъзамга ҳамоҳанг тарзда Фаззолийни олқишиладилар. У аввал султон, сўнг эса соҳиби девонга таъзим қилди.

Вазири аъзам оҳиста, шунингдек, маъноли тарзда бир бора томоқ қириб қўйди-да, деди:

— Номи бутун Ҳурисону Мовароуннаҳрга ёйилган улуғ шоир ва олим Умар Хайём жаноблари ҳам сизни муштоқлик ила кутмишлар.

— У Фаззолийга боқиш аввалида яна бир бор кўз қири ила Хайёмга қараб қўйди. Унинг бу хайриҳоҳона назарини пайқаган аламзада Қазванийнинг ранги бўзарид кетди. Аммо ўз аҳволини султон ва вазири аъзамдан пинҳон тутиш мақсадида лабларини икки ёнга тортиб, тишлирини намойиш этдики, бу ила ўзини табассум қилаётгандек кўрсатмоққа уринди.

Хайём бўйдор ва савлатли эди. Қалин қошлари, ияқдор узунчоқ юзига ярашган дағал қўнғир-кулранг соқол-мўйлаби уни тағинда салобатли кўрсатарди. Елкасига тушган ўсиқ соchlari ихчам салласи остидан тўлқинланиб чиқиб турарди. Эгнидаги хирқасимон узун жун чакмон уни бағоят жуссали кўрсатади. У буюк олим, файласуф ва борингки, тоза кўнгилли шоир бўлгани билан, шунингдек, оддий банда ҳам эди. Унинг ҳам вужудида гоҳо шайтоний истаклар ёхуд туйфулар хуруж қилиб қоларди. Шундайин онларда иложи борича шайтонга ҳай беришга уринарди. Ҳозир ҳар қанча саъй этмасин, вазири аъзамнинг анови муштдек йигитчани мақташи унинг ичида ҳасаднинг уйғонишига сабаб бўлди. Ихтиёrsiz тарзда қовоқлари осилиб кетди.

Хайём сўзлаётган соҳиби девоннинг қарашини бу сафар ҳам сезди ва унинг сўзлари ниҳоялаши асносида Фаззолийга қаради. У эса вазири аъзамнинг гапларига жавобами, унга тикилиб турарди. Асли шаҳри Тусдан бўлмиш бу йигитнинг нигоҳи ҳамон табассумли эди ва унинг қароғларига чўккан қораҷўғлари гўё оқ аланга бериб ёнаётганга ўхшарди. У энди ўтрусидағи шоирга бироз ҳавас, бу учрашувдан миннатдорлик ва шу каби самимий хайриҳоҳлик ила боқди. Аммо кечак Низом ул Мулқдан Фаззолийнинг келганини эшитган ва унинг ташрифи расадхона ишларига халақит беришини гумон қилаётган шоир бу қаращдан ўзгача маъно илғамоқда эди. Эҳтимол шунинг учун ҳам Умар ибн Иброҳим рўбарўсидаги ўзидан ўн ёш чамасида кичик йигитча, миш-мишлардан эшитиб улгурганидек, илоҳиёт илмида фавқулодда истеъодода эга бўлган навқирон олимул муслиминга хиёл писандизлик ила тикиларди. Унинг нигоҳи худди қароғларининг туб-тубига чўкиб кетгандай қалин қошларининг остида қорайиб кўринарди ва бу кўриниш бир қараща гўё нафрат нишонасилик туюлса-да, аслида, ундей эмасди. У ёш меҳмоннинг сўзларини тинглаб, унинг ўзини тутиши ва юз-кўзидағи самимиятни англаб, шу ўтган бир кечак ичида қалбида пайдо бўлган шубҳаю гумонлардан аста-секин тозариб борарди. Ахир, у олим-ку, уммул Китобни ёд билган, тафсир этган, Оллоҳнинг ошиғи бўлган кишидан ёмонлик чиқадими? Ёшлиқ қусурлари бўлса бордир. Ҳали одам ила бир бора сўзлашмай фикр этмоқ-бу айни хатолиф сари юз тутмоқ эмасми? Бунча бадгумон ва ҳуркак бўлмасанг, эй чодирдўз-нинг ўғли? Ахир, бу заиф, ҳақиқатни қўйиб, ўз тинчини ўйлагувчи кимсаларнинг сифати эмасми? Булар Хайёмнинг шуурида кечаетган фикрлари эди, унинг қарашидан эса, қани бу ўзингта бино қўйишила-

ринг қаочонгача давом этаркин, деган маънони уқиш мумкин. Фаззолий ҳам айнан шу маънони уқмоқда эди. Лабларидағи табассуми ила эса шоирга йўларингиз хато, демоқчи бўлар ва унга самимий бир туйфуларни илинарди.

Бу уларнинг илк учрашуви эди.

3

Абу Ҳомид Мұхәммад ибн Мұхәммад ат Тусий ал Фаззолий қадим Тус шаҳрида туғилган эди. У Хайёмдан ўн ёш кичик бўлиб, шоъфей мазҳабидан эди. Хуросон ва хусусан, унинг кўҳна шаҳарлари азалдан илм-маърифат ўчоги бўлиб келарди. Бу Абу Ҳомидга ҳам ҳали болалигидаёқ ўз таъсирини кўрсатди. Илк сабоқни Тусда беназир устози Ар Родгонийдан олди. Азимушшаън Қуръонни ҳам шу ерда хатм қилди, мураттаъб қори бўлди. Сўнгра Нишопурга келиб, сўфий олим Ал Жувайнийдан таълим олди. Шу ерда Қуръон тафсири ва ҳадис илми, фикҳ ила машғул бўлди. Туну кун тинимсиз китоб мутолаа қилди, Исломнинг тараққийи хусусида бош қотирди. Унинг қувваи ҳофизаси жуда кучли, ақди ва фикри жуда тиниқ эди. Ҳар не нарсани бир кўришдаёқ эслаб қола оларди, жилд-жилд китобларни ёд биларди. Соҳиб каромат устози Жувайний ҳазратларининг тўрт юз нафардан зиёд шогирдлари бор эди. У мана шунча зиё талаблар ичра юпунгина кийинган, оддийгина хунарманднинг фарзанди бўлмиш Абу Ҳомидга алоҳида эътибор ва ҳавас ила боқарди. Эҳтимол ўшаңда суюкли шогирдининг буюк истиқболини кўра олганмиди бу қалби бедор зот. Устози Абу Ҳомид ҳақида сўзлаб: "У-қаъри хазинага тўла уммон", дея таъриф берганди. Филҳақиқат, Ал Жувайний янгишмаганди-Фаззолий ўз ақлу заковати ила оламга довруғ сола бошлади. Бододга келгач, бир неча рисолалар битди ва шу орқали кўп улуғ зотларнинг назарига тушди. Дин инъоми Оллоҳ таборака таолодан, асоси Пайғамбар алайҳиссаломдан бўлгани билан унинг ривожи хос бандаларнинг ақл-идроқи ва саъйлари туфайли эди. Буни халифа-ю шайхулислом ва ҳатто сахройи сulton Маликшоҳ ҳам яхши билардилар.

Фаззолийга Оллоҳ берганди: у айни дамда Ислом дунёсида барқарор бўлган қарапшлар, фикрларни ўрганарди ва ўз навбатида биринсирин уларни инкор этиб бораарди. Фаззолий атрофга, мусулмонлар ҳаётига синчков боқаркан, улардан ўз бўйи анча баландлаб бораётганлигини пайқарди ва шайтоний кибру ҳавони даф қилмоқ учун истиффор айтарди. Лекин барча нимарсаларни инкор этмоқ ила ҳақиқатга этиб бўлмасди, икror ҳам лозим эди. Буни у яхши биларди ва шунинг учун ҳам ҳозирда мавжуд бўлган тоифаларнинг борлик ҳамда динга муносабатларини тафтиш этарди. Айни кунда бутун мусулмон дунёси икки оқимга бўлинарди-суннийлар ва шиалар. Бу икки оқим эса яна бир неча мазҳабларга ажраларди. Абу Ҳомидни мана шу нимарса изтиробга соларди. Яъни, Ислом оламининг бир неча тоифаларга бўлиниб, сочилиб кетганилигидан азобланарди. Унинг ўзи шофеъий мазҳабига мансуб эди. Салжуқийлар салтанати фуқаролари эса асосан ҳанафий мазҳабига эътиқод қиласарлар. Шофеъийлар, таъбир жоиз бўлса, уларнинг энг асосий рақиблари эдилар. Бундан ўзга тақи ботинийлар, яъники, исмоилийларнинг тарафдорлари ҳам тобора кўпаймоқда эди. Буларнинг тутуми хавфли эдики, улар Ҳасан Саббоҳ отлиғ кимсанинг таррорлари эдилар.

Сulton Маликшоҳ ҳанафий эди. Бироқ шофеъийларга ҳам хурмат билан қарапарди. Фаззолий бундан боҳабарлиги боис салжуқийлар салтанатининг бошкенти Исфаҳонга хавф-хатарни гумон этмай кириб келди. Шу каби у сultonнинг ҳанафийлик мазҳабининг асосчиси Имоми

Аъзам Абу Ҳанифа Нўймон ибн Собитнинг Боғдоддаги қабри узра мақбара кўтариб, унинг ёнида ҳанафийлар учун улкан мадраса қурдирганлигини ҳам яхши биларди. Бу бағри кенг, содда кўнгили туркӣ қавм ҳурмат-иззатга чиндан-да муносиб эди.

Ислом айни дамда аста-секин пароканда бўлиб бораради. Рисолат давридан¹ сўнг ҳотамул анбиё келтирган охирги ҳақ диннинг муҳташам биноси дарз кета бошлади. Тобора сўниб бораётган салафлар ҳақида бош қотирмоқ ёхуд уларга эргашмоқ ҳам муқаллидларга хосдир. Улар бир ойна кабидурларки, аллақачон дарз кетган. Озгина дахл этмоқ или чилпарчин бўлғувси. Илло, дарзни чегаламоқ ёхуд синикларни бир-бирига ёпиштирмоқча уринмоқ натижасиз юмуш. Яхиси, ўша синикларни тўплаб, оловда тобламоқ ва бутунлай янги ҳамда мустаҳкам ойна ясамоқ лозимдур. Авомга ишончли янгилик керак. Фаззалий шулар ҳақида ўйларди, дин ислоҳи ҳақида бош қотирарди. Ҳали буёқда мутазаллийлар, файласуфлар, сўфиylар ҳам бор. Уларни ҳам аслият сари йўналтирмоқ лозим.

Абу Ҳомид сўфиylарга анча хайриҳоҳ эди, ўзи ҳам ибодатни барракотли этмоқда уларга майл билдирарди. Наздида, сўфиylilik йўли энг тўғри йўлдек кўринарди. Гўё унда таъма, соҳтакорлик камроқ эди. Зикру тақво ила парҳез тутиб, синиб бораверасан, Оллоҳга ёвуқлашаверасан. Дилингда Оллоҳнинг ризолигидан ўзга таъма бўлса, ўлиб бораверади. Албатта, тасаввуфда ҳам бир неча тариқатлар ва уларнинг машойихларининг ўзаро обрў-ю мартаба талошлари бор. Ё Оллоҳ! Ҳатокорлиғдин ўзинг асрагайсен. Банда ҳамиша гуноҳлидир, бироқ имкон қадар ундан сақланиш ва дини Ислом учун хизматга сидқидидан бел боғламоқ лозим. Зеро, сен битган битикларнинг қай томонидан боқмасинлар, Исломнинг ёруғ юзи кўринсан. Ҳазрати пайғамбар саллаллоҳу алайҳи васалламнинг васиятлари ҳам шундай эмасми!

Эҳҳе-е, бу оламда не-не китоблар битилмади. Барчалари ҳақиқат ва Исломга садоқат даъво қиласидилар. Лекин уларнинг ичида куфру залолат, сехру жодуга элтгувчилари ҳам мўл. Илло, бани башар, жумлаи одам дину диёнатта ўз шуури, идроки етганича муносабат билдирур. Гоҳо тўртта ҳадисни ёд олмаган, бир оятни тағсир этолмайдиган кимсалар ҳам китоб битмоқча тутинаidlар, хаёлларига келган фикрларига ҳикмат тўнини кийдирмоқчи бўладилар. Шундай қилиб, ўшал чаламуллонинг китоби қайсиидир бир нодоннинг илкига тушади-ю, у ўзгалардан ақдлироқ кўриниш илинжида уни ҳақиқат деб талқин этиди. Қарабсизки, кимнингдир алжираши ортидан бирон тариқат ва ёхуд ҳатто шариат яралиб турибди-да. Аслида эса, ул сўзлар шайтон ва жинларнинг васвасасидан ўзга нимарса эмасди.

Абу Ҳомид Боғдод мадрасасида мударрислик қиларкан, ҳатто толиби илмларга сабоқ бериш ва айниқса, бедор тунларда шариатдаги ана ўшал нотўқисликларни тўқис этмоқ, парокандаликни жамламоқ хусусида ўйларди. Шу ниятда бир рисола битмоқни ихтиёр этди. Эндиғина илк саҳифаларини битаёттани бу китоб "Иҳёу"улумиддин" ("Диний илмларни тирилтириш") деб аталади. Шу рисоласида ҳалиги янглиғ сўроқларга жавоблар бўлғувси, иншооллоҳ! Мазкур асарни битмоқка астойдил киришаёттанда янги бир ният оромини бузди. Бу файласуфлар илмининг туб моҳиятига етмоқ орзуси эди. Чунки динга қувват бермоқни истаган одам, албатта, файласуфларнинг фикрлари ила юзма-юз келмоғи муқаррар эди. У бухоролик машҳур табиб ва риёзатчи Ибн Синонинг фалсафий асарларидан боҳабар эди. Унинг Исфаҳон расадхонасида бир муддат ишлаганлигини ва у ерда илм ила машғул бўлғанлигини яхши биларди. Айниқса, табибининг фалсафий қарапшлари уни қизиқтиради ва унинг фикрларига инкорлар кашф этарди. Қолаверса, айни кунда ҳам Исфаҳонда файласуфлар бисёр эди-

¹Рисолат давридан —Пайғамбар алайҳиссалом давридан

лар. Уларнинг бошида Умар Хайём турага эхтимол!.. У шу ниятда шайхулисломга арз этди ва Исфаҳон сари йўл олди. Янаки, вазири аъзам Низом ул Мулк ҳазратлари ила ҳам аввалдан танишлиги бор эди. Вазири аъзам уни бир-икки бор Исфаҳон Низомиясига таклиф қилганди. Мана, вақти-соати энди етибди.

Ғаззолий ҳузури муборакда мадрасада истиқомат қилмоқлик нияти борлигини аён этди. Ўз хоҳишига биноан Низомиянинг каттароқ ҳужраларидан бири унинг ихтиёрига берилди.

Тўққизинчи боб

1

Хайём бу кечага бомдодга яқин туш кўрди. Ажаб туш, даҳшатли туш: қаёқдандир жулдуларга бурканиб, белидаги чилвирга мусаллас аёқини осиб олган қоп-қора Мастона кампир пайдо бўлибди-ю унга қараб роса қаҳ-қаҳ урибди. Сўнг анграйиб турган Хайёмнинг илкидан Куръонни тортиб олибди-да, олдидаги ғойибдан бино бўлган оловнинг ёнига чўнқайиб, Каломуллоҳни бурдалаб ёқа бошлабди. Шоир даҳшат ичра оҳ уриб, китобни тортиб олмоқ учун унинг илкига ёпишибди. Аммо, ҳарчанд саъй этмасин кучи етмабди...

У ваҳм оғушида уйғонди. Қайта-қайта истиғфор айтди. Таҳорат олиб келгач, бомдод намозидан сўнгра яна икки ракат намоз ўқиб, тавба қилди. Бироқ бу туш кўз ўнгидан ҳадеганда нари кетмасди. У тез-тез туш кўргувчи эди. Гоҳо тушлари нелардандир башоратлар ҳам қиласди. Шул боис кейин-кейин тушларига эътибор берадиган бўлди. Таъбир китобларини мутолаа қилиб, гоҳо тушларидан маънолар ахтаришга тушди. Чиндан ҳам у маъноли, башоратли тушлар кўрар ва бу мўъжизадан пинҳона ҳайратланарди ҳам. Шундай пайтлари инсон тафаккури ва руҳонияти кўп нимарсаларга қодир эканлигига тақи бир карра амин бўларди.

Хайём ерга боққан кўйи мадраса қурилиши томон ўтди. У ҳамон кўрган туши таъсирида эди. Мастрона кампирни, унинг илкидаги Куръонни, оловни қайта-қайта ўйлайверарди. Наздида, бу туш мудҳиш бир воқеанинг башоратидек туюлаверарди.

Шу пайт Хайёмнинг кўзи обкашлик қилаётган Юсуф Риндонийга тушди. Садақани унингдек соғдил одамга бергани дуруст. У ҳамёнини ковлаб, битта кумуш танга олди-да, Риндонийни чорлади:

— Аё, Ринд, бүён келгайсиз!

Эрталабданоқ сархуш бўлиб олган майпараст фаррош шоирнинг қошига дарров етиб келди.

— Субҳи содиқда дуоингизни олгим келди, — деди Хайём кафтига тангани жойлаб.

Ринд унинг кўзларига ўткир бир назар солди-да, деди:

— Хожам, бир ажаб туш кўрибдилар, чоғи?.. Омин яхшиликка бўлсин. — У илкини юзига тортиб, ўз юмушига кетди.

Хайём бироз енгил тортгандай бўлди. Ҳаёлчан нигоҳи ила сангтарошларнинг ҳаракатларини кузатди, бироқ уларнинг тақир-туқирлари қарийб қулоғига кирмасди. Ҳеч қанча вақт ўтмай рўбарўсида-қурилаётган мадрасанинг нариги четида корфармо пайдо бўлди. У шоирга бир пас тикилиб турди-да, ўнгга томон юра бошлади. Лекин Хайём айни пайтда ҳеч кимса ила сўзлашмоқни истамасди, шунданми, нажот излагандай у ён-бу ёнига аланглади. Шу асно расадхона дарвозасидан чиқиб, нариги ёққа қайрилаётган Марямга нигоҳи тушди. Хурсанд бўлгандай бир қалқди-ю унинг ортидан юрди. Корфармо эса ярим

йўлда тўхтаб, ўзга ишга машғул бўлди. Хайём бораркан, дилидан ўтказди- ҳозир бу олам ташвишлари дилимга сифмайдур...

Марям булоқ сари кўтириларди. У ортидан келаётан Хайёмни анчагача пайқамади, то булоққа етгунча бирон марта қайрилиб қарамади. Ниҳоят, булоқ бошидаги сайҳонликка қадам қўя туриб, яқинлашиб қолган шоирга кўзи тушди. Унинг нигоҳига ҳайрат нишонаси тўлди-устоз нечук иш пайти бу ерларда юрибди?..

Қиз тавозе ила салом берди.

— Ваалайкум... — деди Хайём тез юрганлигидан бироз ҳансираф.

— Шундайин сулув қизни ёлғизлатиб қўйгим келмади. — У ҳазил қилмоққа уринди, бироқ кўзларидағи маҳзун ўйчанилик ҳазилининг шаштини анчагина сусайтириб юборди.

Буни қиз ҳам сезди. Булоқ бўйидаги ўзларига таниш ва қадрдон жойга ўлтирарканлар, Марям журъатсизларча сўради:

— Дилгир кўринадурсиз, устоз?

— Ҳайронмен. Дунёнинг favғоларидан толиқдим, шекилли. — Аммо, ғалат туш кўрганлигини айтмади.

Булоқ боши бағоят сўлим эди. Унинг таровати офтоб тигларидан яраланган танларга гўё малҳам янглиғ суркалади.

Марям ҳам ҳамон мунглиғ эди, жудолик алами уни ҳали тарк этмаганди. Хайём унга боқаркан, кўнглидан ўтган фикрдан ичида хижолат тортиди. У Марямга энди аввалгидек завқ ва эҳтирос ила боқмасди. Унинг васли бағрига ўшал ҳузурбахш ва шу каби, илҳомбахш оловни энди солмасди. Ё Оллоҳ! Бу не ҳол? Наҳотки бул мұхаббатдин ҳам маҳруммен? Маҳрумиятлар қачон интиҳо топгай, Тангрим? У Марямга ачинаётганлигини, юрагидаги ўтли ишқ ўрнини энди шафқат туйғуси эгаллаётганлигини пайқади-ю ўзидан баттар уялиб кетди.

Қиз ҳам бурунгидек дуркун эмасди, кўзларидағи бағирларни куйдиргувчи олов ҳам сўнаёзганди. У аввалгидек гўзал эди, лекин шоир вужудига куч, эҳтирос ва қалбига илҳом солган алланимадир уни тарк этганди. Чунки Хайём унинг ҳузурида боягидек ўртанмасди.

Улар анчагача тип-тиник булоқ сувига сўзсиз тикилиб ўлтирилар. Бир замон кўзларининг қораҷўлари кенгайган шоир сувнинг жилвасига термулиб چарчадими ёки чиндан ҳам қизга гапиргиси келдими, оҳиста деди:

— Аҳволинг нечук, Биби?

Марям унга ўғрилди. Кўзлар тўқнашдилар. Ё Раб! Қиз бечоранинг кўзлари жиққа ёш эди. Улар оқ учқунлар сачраттан каби ёнардилар.

Хайём туйқус бу кеча кўрган ва мудом давом этаётган дилхиралигига боис бўлган тушини эслади. Тушингга таъбир излабмидинг, эй, шоири девона? Балки... Ё Оллоҳим, наҳотки?!.. Олов!.. Ёшли кўзлар!. Эҳтимол бу ўз оташи ила ҳатто Қуръонни ёндиригувчи Ишқни башорат қилур? Мен бандай беҳаловатни ўзим хаёл ҳам қила олмагувчи улуғ бир Ишқ, кутаётган бўлса не тон! Хайёмнинг бутун вужуди жимирилаб кетди. У тушининг мана шу таъбирига ишона бошлади ва ишонгани сари қалби тушуниксиз соҳир туйғуларга йўғрилиб борди. Ўшал туйғулар оғушида эриркан, яна Фаззолийнинг мағрур қиёфаси ёдига тушди. Тушди-ю унга ҳаваси кела бошлади. Унинг саркаш феъли бор эди - бирорвнинг ўзига бўлган муносабатининг маъносини ойдинлаштирма-гунча тинчимасди. Ўшал одамга ёмонлик қила олиш унинг илкидан келмаса-да, токи, ўзи у ҳақда бир қарорга келмагунча бадгумонликдан қутила олмасди. Аммо ҳозир тарки одат қилиб, Фаззолийнинг мақсадини яхши англаб етмаган бўлса-да, унга ҳаваси келиб кетди. Ўзи ўшгина йигиту салобатидан шоҳлар лол қолур. Ҳа, бу улуғлиқдан нишона. Устози Ибн Сино қандайин жасур ва адолатпеша эди. Улуғ олим Берунийчи, илм дея, ҳақиқат дея, ўлимга ҳам тик боқа олмадими. Ўзичи

ўзи?.. Қанчалар жасур, мард эди. Жаннатмакон падари унинг тўғри сўзлигини ўйлаб, келгуси тақдиридан хавотирга тушарди. Чунки тўғри сўзлиги бироз дағалликка қоришиб, унинг феълида хиёл дилозорликни пайдо қиласди. Эндиҳи? Наҳотки у итоатгўй, ҳақиқатни ёнлаб ўтгувчи оддий бир банди бандага айланиб қолган бўлса? Фаззолийнинг нигоҳида эса нур ва кишиларни итоатга солгувчи бир куч бор. Айни дамда Хайём ўзини бўйинсунувчан, қўрқоқ ва журъатсиз кимса каби ҳис қилиб, ўзидан нафратлана бошлади. Наздида, султон ва вазири аъзам уни ана ўша итоатгўйли туфайли ёмон кўриб, Фаззолийни улуғлай бошлагандек туюлдилар. Бу оддий бир инсоний ожизлик, ҳасаднинг қисқа хуружи эди.

Хайём ўзидан баттарроқ нафратланди. Бироқ у ўзининг бу ҳолати ва боягидек ачинган монанд боқувчи нигоҳи ёнида ўлтирган Марямни ранжитаётгандигини, унинг озор тўла кўнглига янайм озор солаётгандигини пайқамасди...

2

Абу Ҳомид Фаззолийнинг улуғ орзуларидан бири, худди Хайём каби, Исфаҳоннинг қадим ва беназир кутубхонасини кўрмоқ ҳамда у ердаги етти иқлимдан келтирилган тафаккур меваларидан термоқлик эди. Султоннинг ижозатини олгач, у ҳам бу орзусига мушарраф бўлди, кўплаб кунларини ва ҳатто, тунларини ҳам мана шу ирфон бўстонида ўтказа бошлади...

...Фаззолий бу кун эрталабдан Низомияда толибларга сабоқ бермоқ ила машғул бўлди. Исфаҳон толиблари ҳам ўз замонасининг фарзандлари эдилар. Зоро, улар Умар Хайёмдек олим ва шоир ҳамда вазири аъзам Низом ул Мулк каби донишманд зотлар таъсирида илм излардилар. Улар баҳсу мунозараларда журъатли ва савол қилишда ийманниб ўлтирамасдилар. Чунки хур фикру аъмолли закий шоир Хайёмнинг руҳий таъсири бутун бошкент бўйлаб тараалган эди. Шунинг учун улар илоҳиёт илмининг етук олими, шайхулисломдек зотнинг эътиборига тушган шариат мардининг сабобига ҳам қизиқиш, ҳам иштибоҳ ва ҳатто, баъзилари ундан бир хатар кутаётгандек муносабатда бўлардилар.

Хона сув қуйгандек жимжит. Абу Ҳомид Фаззолий толиби илмларга сабоқ бермоқда. Сабоқ поёнлаб бораётгани боис воиз толиблардан тушган саволга жавоб қайтарарди:

— Барча хатокорлигар ибоҳат, яъни, йўл қўйишилик туфайли бино бўлғувси. Сиз айтган зотлар жоҳидурларки, бас, мавжудот аҳволини нужум ва табиатта ҳавола қилурлар. Ва, айтурларки, одам, ҳайвонот, балки ҳамма мавжудот ўзича пайдо бўлғондир. Тақи абадий бўлғувси, дейдилар. Бу тоифанинг мисоли шундай кишига ўхшарким, хушхат китобни кўриб айтурсим, бу хат ўзича битилгандур. Табийун ва мунахжимнинг қисмати охир-оқибат шақоватга¹ гирифтодир.

Фаззолийнинг гаплари баъзи талабаларга ўзгачароқ таъсир этди, шекилли, бир қўзғолишиб, бир-бирларига маъноли қараб қўйдилар. Бунинг боиси аён-улар гоҳо эса-да Хайёмдан сабоқ олишган ва унинг фикрларидан ҳамда расадхонада жумла коинотни ўрганиш борасида олиб борилаётган юмушлардан ҳар тугул боҳабар эдилар. Умуман Исфаҳон илм олами, бу ердаги олимларнинг дунёвий илмларга муносабати ўзгача эди. Уларнинг фикр мезонларида ҳурлик устувор эди.

Бироқ Фаззолий бағоят таъсири ва чиройли сўзларди, фикрлари ишончли асос ила безанганди.

¹Шақоват—баҳтисизлик.

²Ҳар — эшак

³Гов — сигир

— Иккинчи бир гурух борким, охиратни инкор этурлар. Айтурлар ким, одам ҳайвонот ва набототга ўхшащдур, вақтики қазо қилса, но буд бўлур, унга савоб ва азоб бўлмас, деб ўйлайдилар. Бас, бу жоҳиллар ўзларини хар¹, гов² ва гиёҳ қаторида билгайлар. Рух ҳақиқати одамий эканлигини билмаслар, уни танимаслар. Илло, рух абадийдур-ким, ҳаргиз ўлмас.

Орқароқда ўлтирган қайсиdir толиб савол ташлади:

— Ҳайвонотда рух бўлмасми?

Воиз ҳали сўзини тутатмаган бўлса-да, одобсиз толибнинг сўроғини малол олмади ва унинг бу тезкорлиги фўрлик ҳамда қизиқувидан деб билди. Сокин овозини мутлақо ўзгартиргмаган ҳолда саволга жавоб бермоққа тушди:

— Ҳа, ҳайвонотда рух бўлур. Вале, руҳи ҳайвоний руҳи одамийдан он қадар тафовутлидир. Чунончи, руҳи ҳайвоний бу дунё учун ва унинг тириклиги учундир. У тубандир. Бироқ ҳайвонотда дил бўлмас. Руҳи одамийнинг қуввати дил иладир. Чунончи, руҳи одамий абадийдур, руҳи ҳайвоний эса ўлмак бирга фойиб бўлур.

Барча жим қолди. Савол бергувчи жавобдан қаноат ҳосил қилди ҷоғи, бошини эгиб, аввалдагилар ортига беркинди.

Яна кимдир савол қилди:

— Мунажжим, яъники, жумла табииюнларнинг ғалатлиги хатокорлиги не ила ошкор бўлур?

Фаззолий гўзал қироат ила сурai "Аъроф"дан бир оят ўқиди ва изоҳлади:

— "Офтоб ва ой ва ситоралар Ҳақ субҳонаҳу ва таолонинг амрига тобеъ ва мусаххардурлар." Мусаххар деб ани айтurmизки, у бирёвнинг фармони ила иш қилғай. Бас, нужум ўзича бир иш қилолмас, балки фаришталар фармонича иш қилур. Чунончи, пайнинг амали атроф баданни ҳаракат қилдурмоқдадир. Яъники, кавоқиб'охирги мартабадаги чокарлардан²дур. Илло, котиб илкидаги қалам кабидур.

Уларнинг бир гурухи сўқирларга менгиздур. Бир кун, уларнингфил етаклаган фолбинга дуч келибдилар. Жам бўлишиб, филни қўллари или силаб, танимоқни, англамоқни хоҳиш қилибдурлар. Баъзиси филнинг қулоғини ва баъзиси оёғини ва баъзиси дандонини³ пайпаслабдурлар-да, филдан хабар бермоқ бўлидурлар. Бири филнинг оёғини силаб, устун янглиғ нимарса экан дебди. Дандонини ушлагани эса фил пичоққа ўхшаш нимарса экан, дейбди. Қулоғини силагувчи филни гиламга ўхшатибдур. Бу тоифалар ҳаммалари рост айтмишлар ва ҳам хато қилмишлар. Чунки улар филнинг ҳамма аъзосини билишиликни гумон қилурлар, бироқ баъзи аъзосидан хабардор, ўзгасидан бехабардурлар. Шу каби мунажжим ва табиийунлар ҳам Ҳазрати Ҳақ субҳонаҳу ва таолонинг чокарларидан баъзисини таниб, унинг голиб ва улуғворлигидан таажжуб қилиб, "подшоҳ ушбутир", деб айтурлар. Улар бу мўъжизакор хилқатлар тақи кимнингдир изну фармонида эканлигини англамаслар. Мана, уларнинг ғалатлиги ва ожизлиги. — Фаззолий берилиб сўзларди ва шул боис, толиққанлигини тан олмоқни истамасди. Асли бу кунги дарс ўзгача бўлди-унинг ҳузурида толибларнинг кўзлари ёна бошлади. Бу яхшилиқдан дарак. У яна узоқ гапирди ва саволларга астойдил жавоб қайтарди. Сабоқни эса ушбу сўзлар ила якунлади:

— Хусусан, илми қалом ва фаросат илмини эҳтиёжидан ташқари талаб қилиб, фикҳ илми ила ҳожатдан ортиқча машғул бўлган кишиларга насиҳат қилмоқдик оғир кечади. — Воиз бу ила илми толибларни тақи бир бора шариат ва илоҳиёт илмлари сари даъват этарди...

¹Кавоқиб — юлдуз

²Чокар — хизматкор

³Дандон — тиш.

Намози асрни ўз ҳужрасида адо этган Фаззолий кўнгил иштиёқи ила расадхона томон йўл олди. Шаҳар дарвозасидан чиқиб, шаҳар деворлари остидан ковланган чуқур ҳандақ устидаги кўприқдан ўтиб бораркан, не-не жангу жадалларни кўрган кўхна Исфаҳон ҳақидағи ўй шуурига урилди. Во дариф! Башар қисмати ваҳшату қувончларга, зулмату зиёга бунчалар қоришиқ бўлмаса? Эҳтимол мана бу ҳандақ бағрида қон дарё каби оққандир. Рўбарўда эса, дунёвий илмлар қўрғони, коинотта нарвон қўймоқ истаган расадхона қад тутиб турибди. У расадхонанинг қир ортига яширган паҳлавоннинг дубулғаси янглиғ кўринаётган гумбазларига, Бўйра қишлоғини қуршаган викорли оғочларга ва уларнинг ортида осмонга елка тутган улкан қояларга боқиб, ўзича ҳикматлар яратди. Ҳа, юксаклигу тубанлик, эзгулигу ёвузлик, разолатуadolat ҳамиша ёнма-ён. Бунга мана шу ҳандақ, инсон қони ила сугорилган анови гиёҳлар, улуғвор гумбазлару ҳайбатли қоялар гувоҳ...

Фаззолий расадхона дарвозасидан кириб борганида Микоил саҳнининг ўртасида Полвоннинг юнгини тарамоқ ила банд эди. У бу баҳайбат маҳлуқнинг ҳаракатларидан, суратидаги мардоналиқдан завқланниб жилмайди. Кириб келган меҳмонни аллақачон таниб улгурган Микоил қаддини ростлаб, унга салом берди. Меҳмон эса мудом табассум ила саломга алик оларкан, Полвоннинг қилиқларини кузатиб, хиёл туриб қолди. Бу унинг расадхонага илк бора қадам қўйиши эди.

— Аҳли илм юқоридалар, тақсир, — деди унинг қай тарафга юрмоқни билмаётганини сезган Микоил.

Фаззолий Микоил кўрсатган томондан юқорига кўтарилиди. Устурлоб ўрнатилган хосхонада Воситий, Исфазарий ва яна бошқа бир неча ёш олимлар жам бўлгандилар. Улар хонтахта устидаги қофозларга боқиб, неларнидир ҳал этмоқ ила овора эдилар. Риндоний ҳам уларнинг теварагида уймалашиб юрарди.

Фаззолийнинг саломига алик олдилар-да, ўлтирмоқ учун таклиф этидилар.

— Ҳазратим, нечук бақодин фанога қайтиш қилибдилар? — деди Исфазарийнинг шумлиги тутиб.

Меҳмон бул нујумпараст олимнинг сўзидағи маънени англаб, кулади:

— Юлдузлар уларга ғалат маъно бераётганикларингиздан арз этидилар, шул боис...

Унинг гапи енгил кулгуга сабаб бўлди.

— Таширифингиздан бошимиз осмонга етди, жаноб, — деди Воситий илкини кўксига қўйиб.

— Қуллуқ, — таъзим қилди Фаззолий, — Умар Хайём жаноблари кўринмайдилар?

— Намози асрни жамоат ила ўқидилару ҳужраларига қайтдилар. — деб жавоб қилди Риндоний.

Фаззолий хонтахта устидаги чизмаларга қаради. Унда заминнинг сурати, яъниким, қуруқлик ва сувлик харитаси йўғон-йўғон ҳад ила акс эттирилганди.

— Бу заминимиз сувратими? — Сўради Фаззолий чизмаларга чукурроқ тикилиб.

— Ҳа, — деди Воситий қисқа қилиб.

— Қаёқдан билдингиз, ҳазратим? Ахир, эски китобларда ер наҳанг ва ҳўқиз устида туради, дейиларди-ку, — дея бидиллади Исфазарий.

Воситий унга қараб қовоқ уйиб қўйди.

Аммо Фаззолий унинг бу беодоблигига пинак бузмай, кулди-ю тақи ўз сўроғига қайтди:

— Недин билурсиз буни? Ёки бу ҳам ўлдузлар башоратими? — У

ўзининг гапи ҳам кинояга ўхшаб кетганилигига ичида афсусланди.

— Йўқ, — деди Воситий хотиржамлик ила жавоб бераркан. — Буларнинг бари имми ҳандаса ва алжабр асосида ҳисоб-китоб қилинган. Илло, уларни тўласича айнан ҳам деб бўлмас.

Фаззолий жавобдан қониқиш ҳосил қилди, шекилли, қайтиб савол бермади. Бироқ қалбидағи ва умуман вужудидаги ҳаловатга, сокинликка нимарсадир ҳалал бераётганилигини сеза бошлаганди. Шул боис бу ҳолатни қалб кўзи ила тафтиш қилмоққа тушди. Филҳақиқат, бу имм кошонаси бўлмиш расадхонада кўз илғамас, қулоқ эшитмас бир ғалаён, балки исён мавжуд эди. Уни фақатгина уйғоқ қалб ила кўрмоқ, ҳис қилмоқ мумкиндири. Эҳтимол Хайёмнинг таъсириимиди, ҳар тугул бу ерда, ундаги одамларда, ҳаттоқи одамларнинг сукутида ҳам жазава, ғалаён бордек эди. Фаззолий буни сезиб туради, бироқ уларнинг ўзлари пайқамасдилар.

— Коинотни, нужумни шу ила кузатурмисизлар? — деди у болаларча қизиқувчанлик ила устурлобни кўрсатиб.

— Шундай. Шу ва шу каби таки бир асбоб-судс ила кузатурмиз. — Жавоб қилди яна Воситий.

— Юмушингиз бафоят қизиқарли экан.

— Бизнинг юмушларнинг қизифини устоз Хайёмдан кўурсиз ҳали, — деди Исфазарий кулгу ясамоққа уриниб.

Фаззолий ўзи тенги бу йигитнинг кўп сўзлагувчи эканлигидан озор топгандай бўлди-ю, лекин ёнидагиларга сездирмади.

— Ҳа, устозингиз ҳақида кўп эшитганмен — деди у ёруғ бир ният ила ўйчан қиёфада.

— Ҳазратим, май ва хожамизнинг унга ошнолиги ҳақида ўйладилар, чоғи? — деда гап қўшди сархуш Ринд.

Фаззолий бугун анча толиққан бўлса-да, руҳан тетик эди.

— Асло. Бу нарса хаёлимга ҳам келмаганди, — деди у Риндонийнинг сўроғидан ҳайрон бўлиб.

— Ҳозир хаёл қилмаган бўлсангиз, бир кун, албатта, хаёл қилурсиз. Шунинг учун айтиб қўймоқчиманки, хожамиз гўдак мисолидир. Гўдакни билурсиз, агар қорни очса ёки онасини кўргиси келса, ўзини ҳам фаромуш айлаб, йиғлайдур. Шу қадар берилиб йиғлайдики, онаси тугул бошқа одамнинг ҳам дийдаси юмшайдур. Хайём ҳазратлари ҳам сархуш бўлганида ана шундайин бўзлайди. Ўзини унугиб, Оллоҳга сингиб кетгиси келади. Бунинг нимаси айб?! Ростлик чоғида бундай бўлмайди.

Ё тавба, деда ўйларди Фаззолий, булар барчаси бир бўлиб, кимдан кимни ҳимоя қиласурлар? Мендан Хайёмни, Исломдан дунёвий илмлариними? Ахир, бу борада бир сўз айтмадим-ку! Бу недин? Биз ҳақимизда тўқилган маломатлардан, илмдаги, диндаги бидъатлардан, хурофотлардан эмасми? Бунчалик ҳадиксираш ва бадгумонлик кўнгил қаролиғидан ҳам дарактур балки? Ё Оллоҳ, ҳар неки илмни излаган кишида ёмонлик бўлмаслигини наҳотки булар билмасалар?..

— Ассалому алайкум! Хуш келибсиз меҳмони азиз! — Эшик томондан жилмайган кўйи Хайём кўринди.

Саломдаги самимият ва табассумдан Фаззолийнинг кўнглига ёруғлик инди.

Юзларга фотиҳа тортидилар.

— Хайриятки жаноблари биз гарубларни ҳам йўқламоққа жазм этибдилар. — Хайём меҳмонга тоза бир нигоҳ, ила юзланиб, сўзларди.

— Кутлуғ қадамларига бафоят муштоқ, эдик.

— Куллук, тақсир, — деди Фаззолий ҳам кўнгли анча қўтарилиб.

Меҳмон бироз олдидаги қофозларга тикилиб ўлтириди-да, мулоҳаза-кор овозда сўзлай бошлади:

— Баъзи ўзларини Исломнинг дўстлари деб билгувчи кишилар ҳар неки илмни, айниқса, дунёвий илмларни инкор этмоқ ила дину шариятга қувват бермоқ мумкин, деб ўйлайдилар. Бу фаҳмисизликдан ўзга нарса эмасдур. Илло, риёзиёт, ҳандаса каби илмларни рад этмоқ ила динга кўмак берурмен, деб ўйлагувчи кишилар беҳад жинояткордурлар.

Даврадагиларнинг барчалари сергак тортиб, бир-бир кўз уриштириб олдилар. Турган гапки, бу сўзлар, айниқса, Хайёмга ёқиб тушди

— Жаноблари рост айтадурлар. Бироқ унда баъзи дин пешволарининг дин ила дунёвий илмларни қарама-қарши қўймоқликларидан маъно не? — дея сўради у ўз феълига зид равища юмшоқлик ила.

Фаззолийнинг овозига салобат кирди:

— Бу диндор ниқобидаги динсизлар ишидур. Лекин баъзи заиф иймонли ва адашган олимлар, яъни, табииюнчилар ҳам борки, ўз ақлларига бино қўйишиб, яратувчилик даъво қиласадилар. Аслида, илм Оллоҳга эмас, инсонлар учун лозимдур. — Унинг кўзлари тобора чақнаб, ёниб борарди. — Қаранг, олам, коинот қанчалар мукаммал яратилиган. Дунёвий илмларнинг соҳиблари ана шу мукаммалликни ўрганиб, унинг ҳажми, вазни, тезлиги ва бошқа ўлчовларининг аллақачонлар (азалдан) аниқ бўлмиш мукаммал ҳисоб-китобини ўзлари, яъники, аҳди башар учун исботлайдилар, холос. Оллоҳ Субҳонаҳу ва таолога эса бу эски кашфиётнинг яна бир бора эътироф этилмоғининг минбаъд зарурияти йўқдур.

Хайём рўбарўсида ўлтирган ёш олимнинг беназир ақл-заковатига ичида тан бермоқда эди. Бироқ инсоний худбинлик унинг тилга чиқарилишига монелик қиласади. Бунинг устига шоир ундан ҳозиргида холис ва асосли фикрларнинг чиқмоғини кутмаган эди.

— Унда қай йўлни тутмоқ лозим? — дея сўради у "сиз не дейсиз" қабилида.

Мудом барча жим эди ва ҳаммалари бу икки улуғ олимнинг сухбати не ила якун топмоғини кутардилар.

— Олимлиқда хатар бор, — дея сўз бошлади Фаззолий энди овозини хиёл пасайтириб. — Изидан одамлар эргашадиган олимнинг гуноҳкор бўлмоғи осон. Жумладан, унинг ипақдан либос кийиши, олтин эгарли уловга миниши, инкор этиш лозим бўлган ўринларда ҳам сultonларни маъқуллаши, дилозорлик қилиши, беҳуда баҳсга чорлаб, кимнидир таҳқирлашни қасд этиши, фақат дунёвий манфаат талабида илм ила машғул бўлиши гуноҳи сағирани гуноҳи кабирага айлантиргувчиdir. Негаки, ушбу гуноҳларни қилаётган олимга одамлар эргашади...

Бу гаплар шоирни зериктира бошлади. Шул боис меҳмон гапини тутатар-тутатмас, сўзга тушди:

— Бу гапларингиз хўп маъқулдир, жаноб! Бироқ сўзларимни оғир олмаслигинизни ўтинамен, шундайин гапларни кўп сўзлагувчи шарият пешволарининг ўзлари айни ўша гуноҳларни кўп қилгувчилар эмасмилар? — Хайём бир пас тўхталиб олди. — Пайғамбар алайҳиссалом саййидимизнинг ҳаётлари ва суннатлари ҳақида кўп китоблар ёзилмиш. Айниқса, Ҳазрати Бухорийнинг "Саҳих" барчаларимизга ибрат оиласидур. Ёхуд Термизийнинг "Шамойили Муҳаммадия" китобини олинг. Уларда Мустафо алайҳиссалом нақадар содда, оддий, туфроf қадар (хокисор) тасвирланадур. Ул зоти табаррукнинг сифатларини тасаввур этиб, ҳатто устимиздаги мана бу кийимлар ҳам ортиқча туюлиб, оғирлик қилиб қолади. Бизнинг устунларимиз-шариат пешволаричи?! Бунинг буткул акси эмасми? Улар шоҳона кийина дурлар, ноз-неъматга кўмиладурлар, инъом илинъида ёлғон фатво берадурлар. Ахир, улар эмасми, дини Исломни, Пайғамбар алайҳисса-

ломни халқдан узоқлаштирган?! Энди улар ўз нафслари етовида саййидул анбиёнинг покиза шариатига янги-янги ҳадлар торта бошладилар. Шундօр экан, юз ёхуд минг йилдан сўнг шариатнинг аҳволи не бўлур? Динни, шариатни билганлар юҳога, мансабдорга айланмасму?!

Фаззолий шоирнинг қалбидаги улур исённи, оловни ҳис этиб турарди. Аслида, унинг ўзида ҳам ўша ўт мавжуд эдик, бироқ бу оловга бир ўзан тополмай ҳалак эди. У Хайёмдаги исённинг ва ҳатто, ғазабнинг асли эзгулик эканлигини яхши биларди. Шул боис, унинг ҳақ сўзларига сохта эътиroz билдиromoқдан тийилиб, мавзуни бошқа ёқса бурди...

Ўнинчи боб

1

Хайёмнинг вужудида кечайдан фалаёнлар тобора авж оларди. Роҳиб Амадеуснинг ўлемидан қаттиқ мутаассир бўлиши ва кейинги кунларда кўнглида Марямга нисбатан ўзга ихтиёрнинг вужудга келиши, умуман жону жаҳонида кечайдан тўлғонишлар уни бафоят беҳаловат этиб қўйганди. Қалби бир янгиликни, ҳузурбахш ҳаловатни истарди. Худди шу кечмишлари асносида Фаззолийнинг сұҳбатига ошно бўлди ва унинг ҳузурида вужудида кечайдан фалаёнлар тинаётганини, ҳеч қурса, суст олаётганигини сезди. Чиндан-да, бу йигитга сўлим бир ҳаловат ошно эди. Унинг ўз сұҳбатдошини эҳтиётлаб сўзлаши, ўзгалирни тинглай билиши ва фикрларини аниқ, раён ифодалashi шоирга таъсир қилди. Ўзининг хиёл дагал феълига аксил ўлароқ янги ошносининг феъли унга ёкиб тушди ва у ҳатто, айни дамда эришаётгани ҳаловатдан мосуво бўлмоқликни ҳам истамасди.

Ўшанда Фаззолий расадхона хосхонасининг даричаси оша оқиши самога боқаркан, Хайёмга деди:

— Мана шу қисмлари бир хил кўринишда бўлган само бағридан унинг қутбий қисмини аниқлаб берингчи, эй фалакиёт илмининг сultonи.

Хайём бу баҳсли мавзудан эҳтиётланиб, узоқ ва батафсил гапира бошлади ҳамда бунда ҳаракат қандайдир табақаланмоғини тушунтирмаққа уринди. Батафсил сўзламоқ шоирнинг феълига хос эди ва шул боис ҳам узоқ гапирди. Оқибат фурсат этиб, намози асрға чорловчи аzon эшитилди. Фаззолий Хайёмнинг гапини адабли ишорат ила тўхтатди-да, арабий лисонда деди:

— “Ҳақиқат келди, ботил кетди!...”

Бу кеч улар шом намозини ҳам расадхонада бирга адо этдилар. Фаззолий рўзадор бўлғанлиги боис кечки танавуудан бош тортди-ю, vale, озгина сув ва бир бурда нон ила ифторлик қилиб олди. Сўнгра унинг ихтиёри ила устурлобда юлдузларни томоша қилдилар, сайёralар, буржалар ҳақида сўзлащдилар. Фаззолий осмон илмидан тузуккина боҳабар эдик, бу Хайём учун айни муддао бўлди.

— Қаранг, кундуз ҷароғи хуршиди олам² энг кичик юлдуз ҳисобланади. Агарки, энг митти юлдузнинг ҳарорати шунчалар бўлса, коинотни тўлдирган сон-саноқсиз улкан юлдузларнинг бағридаги оташи қанчалар экан? Бир кун келиб башар фарзанди самоларни кезмоққа қодир бўлармикин? — Хайём осмонга интиқ тикилди.

— Бу ҳам бўлса, Оллоҳ таборака таолонинг кудрати беқиёс эканлигидан далолат. Мана шунча улкан оловли сайёralарни бир жойга жамлаб, бизнинг нигоҳимизга ошкор этиб қўйганлигининг ўзи буюк

¹“Ал-Исро” сураси, 81-оят.

²Олам — қўёш

мўъжиза. Субҳоноллоҳ! Бунча кўп юлдузларни бағрига сингдирган коинот қанчалар чексиз. Ахир, улар бир-бирлариға заррача халал бермайдилар. Биргина қуёшнинг ҳарорати ёз ойлари бизларни не ахволга солади. Мабодо ўшал юлдузларнинг биронтаси заминимизга ёвуқ келиб қолса борми!.. Худонинг ўзи арасасин! Ҳа, мажусийлар бе-жиз қуёшга, оловга сажда қилмайдилар, зеро, улар бу мўъжизалардан лол бўлиб, ақларини йўқотмишлар ва бунинг ортидан ўшал оловнинг яратувчисини, соҳибини унутмишлар.

Хайём учун ёқимли суҳбатга тақи чўғ ташланди.

— Мен сизнинг фикрларингизни инкор этмоққа ожизмен. Бироқ ўшал адашганлар кўп улуғ мўъжизаларни кашф этмишлар. Жанобларига маълумки, алкимё ва унинг натижасида кашф этилган кибратул аҳмар (ҳикмат тоши) ҳам мажусийлар тафаккури маҳсулидир, — деди у энди анча босиқлик ила.

— Ҳа, алкимёдин боҳабармен. Улар моддалар аралашувидан олтин бино этурлар. Кибратул аҳмар эса ҳар не моддага ҷоғиштирилса уни олtingа айлантирур. Ҳаққи рост, бу бағоят гўзал мўъжизадур. Бироқ у ақлнинг сеҳру жодуга уйқаш бир маҳсулидир. Исломда эса дил кимёси мавжуд. Унинг соҳиблари коинотни кеза оладилар, фариштага менгзаб, ҳарки нарсанинг моҳиятини, лисонини англай бошлайдилар.

— Бу икки кимё қовушса-чи? — деди сўради Хайём кескин бир тарзда.

Фаззолий сўзсиз қолди. Ҳамсуҳбатининг сўроғига фикран жавоб излади.

Хайём уни бу кўйга тушириб, гўё мот қилганидан хурсанд бўлмасди, у ўзини тўлгоққа солиб келётган жумбоққа тафаккури кенг суҳбатдошидан жавоб олмоққа умид қилганди. Лекин Фаззолийнинг ўйга толганини кўриб, саволи яна жавобсиз қолмогини англади. Албатта, бунинг каби ул ҳам бир банда. Банда эса ўз номи ила банда, яъни, банди. Унинг шуури ҳадди, ихтиёри тушовлиф. Шундай бўлгач, ундан ортиқча нарсани талаб этмоқ айни чоғда хатокорлиққа юз тутмоқ ила баробардур.

Филҳақиқат, Фаззолий ўй ила банд эди: чиндан-да, икки кимёни бир этса не ҳол рўй бергай? Дил кимёсини англамоқ учун иймонли бўлмоқ шарт. Демакки, алкимёдан воқиф бўлмиш мажусий дил кимёсидан боҳабар бўлмоғи мумкин эмас. Үнда соҳиби иймон алкимёни ўрганмоғи мумкин экан-да. Албатта, бунга қодир, бироқ у бу каби юмушларга ихтиёр этмас.

Бундан ҳолосаки, икки кимё бирлашса, чуқур кетилади. Чуқур кетмоқ эса... Ё Оллоҳ!.. Аслида, соҳиби диллар икки кимёни ҳам Тангри ишқи ила кўнгулда кашф этмоққа имконлиғдурлар-а!.. Фаззолий ўй сураркан, ёнидан шоирнинг паст, vale, қироатли овози эшитилди:

— Мени айладилар, дунёда мавжуд,
Ҳаётда топғаним ҳайрат, тарағгүй.
Бу ўйлни ўтдиму тушунолмадим,
Келмагу кетмакдин не экан мақсуд?!

Фаззолий ўйчан кўзларини Хайёмга тиқди ва бироз жим турди. Сўнг — Синовдур мақсуд, — деди секингина.

У ёш эди, аммо иймон ҳаловатини туйиб улгурганди ва шунинг учун ҳам ҳар бир ҳаракати, сўзи майнин, сокин эди.

— Исфаҳон қадим ва обод шаҳар, — деди Фаззолий озгина фурсат ўтгач, яна тилга кириб. — Бирон куни шаҳарни томоша қилсангиз бағоят хурсанд бўлурдим. Ҳар ҳолда сиз бу кўхна шаҳарни яхши билурсиз.

— Бош устига, — деди Хайём самими бокиб. — Ихтиёр этган кунингиз мен ҳозир бўлурмен.

— Ташаккур! Шу бир-икки кун ичида сизга киши юбориб, хабар берурмен...

Хайёмнинг ҳаётида яна бир эврилиш рўй бермоқда эди. Унинг сўнаётган туйғулари тағин уйғона ва умрига қачонлардаги каби маъно кира бошлади. У ўтган шу бир неча кунлар ичида Фаззолий ҳақида янгилиш фикрда бўлғанлигини фаҳмлади. Барча фикрларига, дин, илм борасидаги сўзу битикларининг барчасига ҳам қўшилмаса-да, уни закий суҳбатдош, турфа билимларнинг донишманд соҳиби ва айниқса, хулқу одоби расо зот сифатида ўз қалбига жо этди. Бир-икки бор суҳбат қургач, ихтиёrsиз тарзда тақи унинг суҳбатини соғинадиган бўлди. Девонаи саркаш кўнгли бир ошно топди гўё. Билмас кишиларга уларнинг баҳслари оқ ва қора рангларга қиёс бўлгулик тарзда туюлиши мумкин эди. Бироқ улар суҳбатлари авж олгани сарин бир-бирларини тобора кашф этиб, борардилар. Хайём рўбарўсидаги гўзал сурату сийратли йигитга боқаркан, авом ва ҳаттоқи, аҳли шариату унинг пешволари билган Фаззолий-бу ҳали асли Фаззолий эмаслигини ҳис этарди. Унинг суратида ниқоб, сийратида мўл асрор мужассам эди. Аслини олганда, Хайёмнинг ўзи ҳам шундай эмасми, ахир, тунлари тўлғонган, тушунксиз ўтларда жизғанак бўлиб, ўртанган, бир шеър кўйида оламга сифмаган, гоҳо илоҳий хилқатлар қуршовида қолган Хайёмни ким ҳам билиди?!.. Билмас, билолмас. Эҳтимолки, Тангри таоло Фаззолий тимсолида шоирнинг юзига оина тутмоқдадир? Балки бунинг аксиdir. Сирлар, сирлар, сирлар!.. Бу дунёning асли пардалиғ эмасми, яъники, баңда тўрт ён парда аросинда. Бу парданинг кўтарилимоғи учун он қадар жиҳду жаҳд лозим. У Фаззолийда ана ўша жаҳдни туймоқда эди...

Шаҳар томошасини Низомияга туташ шаҳристондан бошладилар. Минораси узок-узоқлардан кўриниб тургувчи жомеъ масжиди, донғи оламга кетган кутубхона, сulton саройи ва малика-ю шаҳзодаларнинг қасрларини жам этган бош майдон ортда қолди. Фаззолий буларни кўриб ултурган эди. Мана улар шоҳмайдондан бошлангувчи кўчага чиқдилар. Тош ётқизилган йўлнинг икки четидаги җаторасига кетган турфа дўконларнинг олдидаги оғочлар-сапидор ва сарвлар ям-яшил тусга кирган. Уларнинг остидаги четига тош терилган ариқчанинг суви лим-лим оқиб, нозик фаросат или текис экилган ҳар турли гулларга ҳаёт бахш этаётгандай. Исфаҳонни бежиз "шахри сабз" ("яшил шахар") деб атамасдилар, зеро, унда дараҳту мевалар, гулу сув бағоят мўл эди. Шаҳарнинг бу сифати айни кунларда тағин-да, яққол намоён бўлмоқда эди.

Фаззолий шаҳарнинг гўзал сувратига маҳлиё бўлиб бораради.

— Шаҳар бағоят озода экан, — деди у Хайёмга бир қараб олгач, атрофга интиқ тикилиб. Фаррошларнинг сидқидил меҳнатлари кўриниб турибдур.

— Тўғри англабсиз. — Унинг гапини тасдиқ этди шоир. — Султонимиз ва айниқса, вазири аъзам ҳазратлари бошкентнинг озодалигига алоҳида эътибор қиласдилар. Шул боис ҳам фаррошларга яхши ҳақ тўлайдилар.

— Офарин! Султон ҳазратларининг ҳам, вазири аъзамнинг ҳам умрлари узок бўлғай!

Улар оҳиста қадамлар или ёнма-ён борарадилар. Фаззолий ҳар бир нарсани назаридан қочирмасликка ҳаракат қилас, мавриди келса ёхуд

эҳтиёж туғилса Хайёмни сўроққа тутарди. Йўлдан ўтаётганлар, четда турғанларнинг аксарияти уларни, тўғрирофи, шоирни таниб, астойдил салом беришар, иккиси эса сухбат илингандармон бўлганликлари боис, кўпроқ бош силкиб алик олардилар-да, ўтиб кетардилар.

— Бухоролик Абу Али ҳам бу кўчаларда кезган чиқар? — деда савол қилган бўлди Фаззолий.

— Ҳа. Бир муддат Исфаҳонда ҳам жон сақлаган, — деди Хайём унинг саводдан муддаосини англашга уриниб.

Фаззолий ўйчан қиёфада деди:

— Ул зот табиат илмлари бобида беназир олим ва улуғ ҳаким эди.

— Қуръону суннат илмларини ҳам мукаммал эгаллагандилар.

— Сизга устоз қавмида чоғи?

— Шундое, жаноб! Ул зоти муборак илк тошини қўйган расадхонада илм этаётганимдан ифтихор қилурмен. Риёзиёт, ҳандаса, фалакиёт ва табобат илмлари борасинда, айтганингиздай, шогирд маҳомидадурмен, — деди Хайём овозини хиёл қўтариб.

— Унда Абу Алиниг руҳнинг кўчиб юриши ва банданинг тақдири даҳлсиз эканлиги ҳақидаги фикрларига ҳам қўшиларсиз?

— Яъни?

— Унинг фикрича, киши руҳи ҳеч қачон йўқ бўлмайди, у қазо қилгач ёки инсон, ё ҳайвон ва ёхуд оғочми, гиёҳми танига жо бўлади. Бу то рўзи маҳшаргача давом этаверади.

Энди банданинг тақдири хусусига келсак, ҳакими ҳозиқнинг баёнича, ибтидо бор, интиҳо бор ва у Ҳақ таолодан, бироқ ўртада, яъни ким, бу фоний дунёда инсон тақдири мутлақо даҳлсиздир. У не қилса, ўзи қиласиди, илло, охиратда шунга муносиб ажр олади.

Улар сухбатга бениҳоя берилиб кетганликлари боис, энди салом бергувчиларга бош силкимоқни ҳам унумоқда эдилар.

— Сўзларингиздан англадимки, устознинг рисолаларини астойдил ўрганибсиз, Лекин ул зотнинг руҳнинг кўчиб юриши ҳақидаги фикрлари хусусида сўзлашга ожизмен. Чунки битикларида ҳали бу янглиғ фикрни учратмадим.

Банданинг тақдири даҳлсизлиги борасидаги фикрларига мен ҳам қўшиламен. Сиздайнин донишманд шариатпеша қошида бул сўзларим ғалат туюлар. Лекин сухбатимиз дўстона бир тарзда эрканлиги важидин узр или ўз қарашларимни баён этай. — Хайём бироз жим тургач, ўйларини жамлаб олди шекилли, сўзида давом этди. — "Саҳих"да шундайин ҳадис бор: — У ҳадисни чиройли қироат или арабийда айтмоққа тушди. — "Абдуллоҳ (ибн Масъуд) ривоят қиласидилар: "Расууллоҳ саллаллоҳу алайҳи ва саллам бундай дедилар: "Хар қайсингизнинг вужудингиз онангиз қорнида қирқ кунда таркиб топгай, сўнг яна шунча кунда лахта қонга ва яна шунча кунда бир парча этга айлангай. Кейин Оллоҳ таоло (онангиз қорнига) бир фариштани юбориб, унга тўрт сўзни, яъни, қандай ишлар қилмоғингизни, ризкингизни, умрингизни ва бахтсиз ёким бахтли эканлигинги зизиб қўймоқни амр қилгай. Сўнг жисмингизга руҳ пудалгай. Сизлардан қайсингиздир ўзи бирлан жаннат ўртасида бир тирсак масофа қолгунча амали солиҳлар қилиб юргайди, пировардида (онаси қорнида битилган) тақдири унга пешвоз чиқиб, жаҳаннам аҳлига мансуб бир ишни қилиб қўйгай ва сизлардан қайсингиздир ўзи бирлан жаҳаннам ўртасида бир тирсак масофа қолгунча дўзахийларга хос ишларни қилиб юргай-да, пировардида (онаси қорнида битилган) тақдири унга пешвоз чиқиб, жаннат аҳлига мансуб иш қилгай. — Хайём томоқ қириб, тўхталиб олди. — Оллоҳнинг тақдири, ёзиги ҳақ. Бу шубҳадин холи. Илло, инсон Оллоҳ таборака таолонинг қудрату муҳаббати маҳсулидир. Вале, ҳадиснинг иккинчи қисми кишида иштибоҳ үйғотади. Яъники, банданинг жан-

натий ва ёхуд дўзахийлиги аввалдан белгилаб қўйилган экан, унда имтиҳон қилмоқдин не маъно? Бунинг устига Ҳақнинг адолати қайда қолади? Менинг фикри ожизимча ҳам инсоннинг бу фоний дунёдаги тақдири дахлсиздир. — Хайём Ал Бухорийнинг “Саҳиҳ”идан мазкур ҳадисни эсларкан, шуурида бундан анча йиллар муқаддам илк бор Самарқандга келиб Имом Бухорийнинг мозорини зиёрат қилганидаги хотиралар айланди. Ўшанда улуг муҳаддиснинг қабри устида ўзи учун тушункисиз, бироқ ҳузурли илохий жазба ҳолига тушганди. Ўн икки кун ўшал мозористонда тоат-ибодат ила машғул бўлиб, савобини имом ҳазратларининг руҳига бахшида этганди. Мозор бошида қалбида туғилган ушбу сатрларни такрор ва такрор ўқиганди:

*Бандаликдан оғсум, пайқадум, Тангри,
Юздан гуноҳларни артмагум, Тангри.
Лек шафқат кутурмен, чунки умримда
Танҳони жуфт дег айтмагум, Тангри.*

Фаззолий шоирнинг куюнчаклик илиа айтган сўзларидан мутаассир бўлиб, хийлагина сукутда қолди. Аммо тан беришга ёхуд индамай қўя қолишга худбинлик ҳисси йўл бермадими, босик овозда гапира кетди:

— Биласизки, мударрис қай бир толиби илм, яъни, ўз шогирдининг неларга қобиллигини ва ёки оқиз жиҳатларини жуда яхши билади. Лекин мавриди келганда толибини, албатта, имтиҳон қилмоқликни ҳам унутмайди. Бу унинг бурчибур. Оллоҳ таборака таолонинг бандага муносабатини авом тилида мана шу ҳодисотга қиёс қилгулик.

Хайём мийифида заҳарханда янглиғ кулди-да, ўз одатича кескин тарзда деди:

— Бу энди сўзамоллик, холос, жаноб! Аслида, бул сўроғимга жавоб йўқ.

Бу маҳал шаҳарнинг обод ва саришта бош кўчаси ниҳоялаб, иккига айрилди. Сўл ёқдаги муюлишга тикилганча тўхтаб қолган Хайёмни кўриб Фаззолий ҳам қадамини секинлатди. Муюлишнинг сўл тарафида баланд оқ бино бўлиб, у катта бир тужжорининг уйи эканлигини Хайём яхши биларди. Йўлнинг нариги бетидаги чоғроқ, бироқ нақшинкор дарвозаси устига ихчам айвонча қурилган ҳовли эса унинг учун анчагина қадрдон эди. Қачонки бу томонларга йўли тушса ёхуд гоҳо атайлаб мана шу дарвозани қоралаб келганида унга узоқ-узоқ тикилиб қоларди. Чунки бу муюлиш, анови дарвоза ва унинг деворлари Нишопурдаги ота уйига жуда-жуда ўхшарди. Шунинг учун уни кўриб, олис болалиги, Нишопур кўчалари ва айниқса, раҳматли падари, уни мудом кутаётган волидаси-ю, синглиси ҳақидаги хотираларнинг бағрига гарк бўларди. Соғинч ва яқинларига нисбатан айбдорлик ҳисси қалбини эзиб, қийноққа соларди. Ҳозир ҳам айни шу кўйга тушди.

— Манов дарвоза, бу муюлиш Нишопурдаги уйимизга жудаям ўхшайди, — деди у овози титраб.

Фаззолий ундаги эврилишни, изтиробни, оқи қизғиши кўзларининг йилтираганини сезди. Унинг акси ўлароқ бунинг кўзлари оқи баюят оппоқ бўлиб, қароқларидан оқ аланга чиқаётганга ўхшарди. Маҳзун турган шоир унинг нигоҳидан бир бор мутаассир бўлиб, таажжубга тушди-да, тезлиқда ўз дардини унугиб, ҳамроҳини ўнг ёққа бошлади. Кейинги кунларда унинг ўнгу сўли айқаш-уйқаш бўлиб бормоқда эди. Авваллари ўзидағи сўл ёки соғ ёққа оғишини шууран яққол сезиб турарди. Энди эса гўё унга барибирдек-қай тарафга қайрилса ҳам маъно изламайди ва бунинг хато ёки ўздан кетиш эканлигини ҳам ҳис этади. Аммо қарийб парво қилмайди. Ҳозир эса беихтиёр ўнгта бурилди.

Бу кўча шаҳарнинг энг катта бозорига элтарди. Унгача энг катта карvonсарой ҳам шу ерга жойлашганди. Карvonсаройнинг олди анча кенг бўлиб, унда оту тұялар, хачири аробалар тизилиб турар, уларнинг атрофида гимирлаётган одамларнинг бақир-чақир ва сўзлашув овозлари бу жониворларнинг турфа товушларига қўшилиб, кулоқни батангга келтиради. Абу Ҳомид карvon ила шаҳарга келган куни мана шу карvonсаройга қўнганди ва бир неча кун давомида уни тузуккина кўриб улгирганди. Шул боисми ва ёки шовқин-суронга тоқат қиломадими, Хайёмни ҳам илдамроқ юрмоққа ундан, у ердан тезликда ўтиб кетдилар. Карvonсаройдан сўнг йўл ёқасида ҳунармандларнинг қатор дўконлари жойлашганди. Ҳалиги овозлар анча ортда қолиб, кулоқлари тингач, яна аста одимлай бошладилар.

Фаззолий дўконлари олдида ўтирволиб, алланималарни тикаётган ёхуд ямаётган косибларнинг ҳаракатларига ажаб бир орзиқиши или тикилиб бораради.

— Менинг падари бузрукворим ҳам косибликтан боҳабар эдилар. Бул ҳунарни бениҳоя қадр этардилар.

Хайём эндиғина бир сўз демоқчи бўлувди ҳамки, рўбарўсида уларга орқа қилиб ўлтирганча, олдидаги икки кишига қизиқ гапларни гапираётган косибнинг овози иккаловларининг ҳам хаёлларини бўлди. Дарвоҷе, бу Талхнинг дўкони-ку, деган ўй урилди шоирнинг бошига ва гапиргувчи, айнан, Шокир Талхнинг ўзи эканлигини ҳам пайқади. Талх эса уларни кўрмас, тиззасидаги эски маҳсига тинмай бигиз урар, икки суҳбатдошининг кулоқларига бўлса сўз бигизини санчарди:

— Бу аҳли мунажжим деганлари ўзларига бафоят бино қўймишлар. Бир ривоят эшитиб эдим...

Икки олим тўхтадилар.. Ихтиёрсиз равишда Талхнинг сўзларига кулоқ тутарканлар, унинг гапларини эшитган Фаззолий Хайёмга бир кур қараб, жилмайиб қўйди. Унга жавобан шоир ҳам самимий табасум қилди. Косибнинг икки суҳбатдоши Хайёмни таниб, ўринларидан қўзғалмоқчи бўлувдилар, у "жим" дея ишорат этди.

Улардан бехабар Талх эса авом тилидан эшитган ривоятини сўзла-мокқа бошлади:

— Бир куни Ҳазрати Али карамаллоҳу важҳаҳу Боғдод шахрининг расталари оралаб кетатурган эканлар. Шунда бир мунажжимни кўрдуларки, илми нужумни кўп яхши билурмен, деб муболағалар қилиб, мақтаниб ўлтирубдур. Ҳазрати Али келиб, анинг илкидан тутиб айтдиларки: "Эй, биродар, сиз мундоғ илми нужумға моҳир экансиз, осмоннинг табойиъларини ва ер юзи иқлимининг ҳаммасини яхши билур экансиз. Шул каби нархнинг арzonу қиммат бўлмоғини ҳам билур экансиз ва ўзингиз мунажжимларнинг раиси экансиз. -Талх сўзини ҳамроҳлари жимгина эшитаётганликларидан илҳомланиб тобора авжланар ва овозига ҳам салобат кириб бораради. Шунингдек, у илкидаги юмушини-да унутмас, бармоқдари бигизга тин бермасди. -Бас, мени сизга сўроғ этмоққа ҳожатим бордур. Эмди сиз бу жойда бир лаҳза таваққуф қилиб туринг ва мен бориб таом келтирайун. Иккимиз ҳамтабақ бўлуб, хўрак қилайлук. Андин сўнгра сиздин мақсадимни сўрармен ва сизнинг фазлингизни бул одамларга билдируб машхур қилайин", дея бир коса сут ила икки адад нон келтирдилар. Ко-сани ўртага қўйуб, ноннинг бирини ўзлари олиб, иккincinnisinи ўшал мунажжимга бериб, дедилар: "Нонни косага тўғраб солинг." Ва ўзлари ҳам нонни тўғрадилар, сўнгра илки ила косани ковлаб, нонни аралаштиридилар. Андин сўнгра айтдиларки: "Эй биродар, бу нонни емоқда ҳам илмингизни ишлатинг." Мунажжим сўради: " Бул нонга илмимни қай тариқа ишлатайин?" Ҳазрати Али айтдиларки: " Ушбу косага ўзингиз тўғраган нонларни топиб олинг ва мен тўғраган нонни адаштириб

олиб еманг." Мунажжим эса: "Хар иккимизнинг тўғраган нонларимиз бир-бирига аралашиб кетди. Эмди ани қандоғ топиб олурмен?" деб эрди, Ҳазрати Али айтдилар: " Эй, ёлғончи ва ноинсоф, ўзингни олдинга турган косанинг ичидан ўз илкинг или тўғраб солғон нонингни топиб ололмассану осмоннинг устидаги юлдузларни қандоғ танурсен?! Оллоҳ, таолонинг ҳикматини ва илми ғайбни қандоғ қилурсен?!" Шунда мунажжим: "Сиз ўзингиз тўғраган нонни топиб олурсизми?" дея сўроғ этди. Ҳазрати Али айтдиларки: "Мен ҳам билмасмен ва мендан ўзга кишилар ҳам билмаслар, магар Оллоҳ, таоло билур". Ул ғофил банда дедики: " Унда кўрсат ўшал кароматингни, токи илми нужумни кўйиб, илми ғайбга кўнгул боғлай!" Бундан мутаассир бўлғон Ҳазрати Али қўлларини дуога очиб, муножот қилдилар: "Худоё! Мен Алиниң қулим деганинг рост бўлса, Исломнинг ҳурматидин ушбу осийға қудратингни кўрсатиб, аниг тўғраган нонини менинг тўғраган нонимдан ажрат ва халойиқ олдида мени хижолатдан чиқаргил!" Шунда Оллоҳ, таолонинг қудрати ила косадаги сут қайнаб, мунажжимнинг тўғраган нонини косадан чиқариб ташладики, унга сут ҳам юқмаган, қуруғ эди. Ул вақтда нечалаб кишилар бу мўъжизани томоша қилиб, таажжубда эдилар. Андин сўнгра Ҳазрати Али косани кўтаруб, ўзи тўғраган нон ила халойиқни сийлади. Ҳаммани тўйғуздилар, бироқ косадаги нон асло камаймади. — Шокир Талх юмушдан кўл узиб, қаддини ростлаб, гердайди-да, рўбарўсидаги кишиларга "қалай, болладимми, калтафаҳ-млар, сўз айтмоқ мана мундоғ бўлур", дегандек бокди. Улар эса оғизларининг таноби қочиб, тиржайиб турардилар. Чунки ортидаги Фаззолий ва Хайём ростманасига кулар эдиларки, Фаззолий гоҳо "уқдингизми" дея Хайёмни мутойибали тергаб қўярди. Ана шунда Талх улуғ меҳмонларни пайқаб қолиб, шитоб ўрнидан қўпди.

— Ассалому алайкум, муҳтарам зотлар, — деди хиёл эсанкираганча бидиллаб, лекин илки кир бўлғанлиги боис сўрашмоқ учун узатмади.

— Мунажжимларга мана шунча маломатингиз бор экан-да, ё Талх! — дея заҳарханда қилди Хайём.

Талх бироз қизарди, аммо ўзини йўқотмади. Чиройли мулозамат ила меҳмонларни дўконига таклиф этди.

Хайёмда андак жizzакилик мавжуд эди, лекин ҳозир бу жizzакилиги Фаззолийга ожизлик бўлиб кўринмаслиги учун ўзининг ҳалиги гапидан кейин ростмона самимий ҳазилга ўтди:

— Агар Пайғамбар алайҳиссаломнинг косиблар ҳақида айтган ҳадиси шарифи бўлмаганда эди, бояги гапингиз учун сизни тутиб, илми нужумга ўқитган бўлур эдик.

Енгил кулку ила дўёнин ичига кирдилар. Бундан мурод озгина салқинламоқ эди.

Юзларига фотиҳа тортдилар.

Хона тор, бироқ бағоят саришта -ҳамма нарса ўз ўрнида эди. Унда чарм, турфа мой, елимларнинг ҳиди уфуриб турарди. Бу ҳол азали камтарин бўлган икки олимга асло азият етказмади.

Талх қўлларини ювиб, аёқда яхна шарбат келтириди:

— Қани, марҳамат қилсинлар!-деди у пиёлаларга шарбат қуйиб узатаркан. — Бизнинг вайрони ҳам обод ва нурафшон бўладурғон кун бор экан, Оллоҳга шукр!

Фаззолий рўзадор эди ва шул боис шарбатни рад этди. Хайём унинг ҳамиша рўза тутмолини эслаб, ҳам ирова-ю эътиқодига лол қолди, ҳам хижолат бўлиб шарбат ичмоқдан тийилмоққа саъй этди, бироқ ташналиқ қўймади.

— Сиз юмушингизни қилаверинг, — деди Хайём ташқарига ишорат этиб. — Шукрки, бизнинг оёқларимиз бут. Бироз салқинламоқ истадик.

— Хўп бўлади, тақсир. Лекин бу ҳаракатларим боиси бояги сўзларим заҳридин қалбингизда бино бўлғувчи кемтикни тўлдирмоқдир, холос.

Кулишдилар. Шу билан орадаги хижолатпазлик барҳам топди.

— Аслида, косибнинг ҳалиги ҳикоятида ҳам маъни бор, — дея гап бошлади энди Fazzolий. — Аҳли нужумнинг баъзилари гоҳо ақлларига бино қўядилар.

Хайём бу каби маломатларни, ҳалқ орасида кезинган шундайин турфа гап-сўзларни орқаваротдан кўп эшигарди. Шул боисдан ҳозир дарров қизишиб кетмади:

— Сиз Қуръонни биздинда хўп билгувчисиз. Демакки, ундаги "Буржлар" ("Буруж") дея аталувчи сурадан ва унинг "Буржлар эгаси бўлмиш осмонга қасам", деган илк оятидан бохабарсиз. Ўн икки буржни Оллоҳ таолонинг ўзи яратган ва ақли расо бўлган бирон кимса унга эгалик қилолмас. Лекин ана ўшал маъволарнинг буюк соҳиби у ерга бандаларининг тақдир китобларини, яъники ёзиқларини пин-хон этган бўлса, не ажаб. Аҳли нужум эса ўшал асрорни, бани башарнинг тақдир китобини ўқимоққа саъй этадур, холос. Бунинг нимаси айб, жаноб?

— Ахир, Қуръон юлдузларга қараб фол очмоқни, инсон тақдирини башорат қилмоқни ман этади-ку!

— Қуръон эмас, — деди энди Хайём ўз одатича кескин, — суннат, тўғрироғи, шариат уни таъқиқ этади. Эҳтимол бандаларнинг чуқур кетиб, ҷалғишларидан сақланиш учун шундай қилингандир. Билмадим, бу борада бир нима демоқдин ожизмен.

Фаззолий беихтиёр шоирнинг илкидаги шарбатта боқиб, бироз ўйчан кўйда ўлтириди.

— Унда Қуръони каримдаги мана бу оятга не дейсиз? "Биз кеча ва кундузни (ўзимизнинг қудрати илоҳияларимизни кўрсатиб турадиган) икки белги-аломат қилиб қўйдик. (Ҳеч нарса) кўринмас қоронгуликни кечанинг аломати қилдик. Кундуз аломатини эса, парвардигорингиздан фазлу марҳамат (яъни ризқу рўз) исташларингиз учун ҳамда йиллар саноғини ва ҳисоб-китобни билишларингиз учун ёруғлик қилиб қўйдик..." Бу илоҳий сўзлардан бундин ўзгача маъно чиқармоқ мумкини?

— Сиз ўз ўзингизни инкор этаётисиз. Ахир, Оллоҳ таборака таоло бу ояти каримада ҳам бизларни билишга, ҳисоб-китобга даъват қилаёт-ку!

Фаззолий жим қолди. Унинг туришидан бирон маънони уқиши мушкул эди.

Бу икки олимнинг сұхбати эди. Улар илму ҳикмат асосида сұхбат қуарар эканлар, бир-бирларидан ғалатлик қидирмасдилар ёхуд бирбировларини мот қилмоққа ҳам уринмасдилар. Зеро, ёлғиз ҳақиқатни излардилар. Ўз кўнгилларидағи түғёнга билмоқ ва англамоқ ҳисси ила таскин топмоқ истардилар. Шунинг учун улар сұхбат асносида бирбирларидан ранжимоқни хаёлларига ҳам келтирмасдилар. Вужудларидаги илоҳий ишқ, уларни тобора яқинлаштириб бормоқда эдики, буни ўзлари ҳам ҳозирча сезмасдилар. Таъбир жоиз бўлса, Абу Ҳомид Фаззолийнинг вужудида ўзи тан олмаган Хайём, Абул Фатҳ, Умарнинг вужудида эса ўзи кашф этмоқни истамаган Fazzolий яшарди. Яъни, улар жисмларига бир хил илоҳий ишқ оташи тушган икки хил одам эдилар.

Хайёмнинг кўнглида ҳузурбахш бир эврилиш кечмоқда эдики, бу унга жуда-жуда хуш ёқарди.

— Мансури Ҳаллож илоҳий ишқда маст бўлгани янглиғ ҳам сұхбатингиздан мастдурмен. Мисоли "Анал Ҳақ" лаззатини тотадурмен. —

деди у сұхбатта чүр ташламоқ умидида. — Дарвоқе, Ҳалложнинг мақомида у бир кеча-кундузда ўқиган минг ракат намоз, түғрироғи, сўз (Анал Ҳақ) муҳимми ёхуд унинг руҳий ҳолатими?

Савол нозик эди. Газзолий наздида, бу хатокорлиғдай туюлди.

— Албатта, намоз, сўз муҳим, — деди у қатъий бир тарзда¹.

Хайём тақи ёнди:

— Мансури Ҳаллож бир кеча-кундузда минг ракат намоз ўқиган-лигини айтдим. Ҳар бир ракат учун эса алоҳида фусл қилган эканлар. Ҳаттоқи юпқалашиб кеттанидан устидаги ҳирқасининг вазни ҳам қолмаган экан. Агар жисмга эътибор этилса, ўшал минг ракат намознинг ўзини ўқиши имконсиздир. Демакки, бунинг учун руҳий тайёрлиғ ва мақоми хос даркор. Хуолоса шулки, бунда ҳалложнинг аҳволи (мақоми) муҳим эмасми?

Газзолий босиқлик ила, vale маънодор жилмайди:

— Унда жаноблари айтсинларчи, "Анал Ҳақ" хитоби унинг жисмидан учдими ёхуд руҳиданми?

— Албатта, руҳидан-да! — Хайём сұхбатта авжлироқ киришди. — Ҳаллож тинимсиз ибодат ва зикруллоҳ ила нурга эврилиб, илоҳий тажаллийга қоришиб кеттган эди. Унда жисм қолмаганди. Фофилу жоҳиллар эрса, йўқ жисмни қатл этдилар. Ҳаллож буни сезмади ҳам ҳатто. Бу бағоят юксак мақомдур!... — Шоирнинг нигоҳида туйқус ўйчанлик зоҳир бўлиб, юзида изтироб балқди. Ё соҳиби Файб, бу кимнинг, сўzlари дея хаёл қиласи у, ким айтди мен учун бегона бўлмиш бул янглиғ фикрларни? Мен-кўплар ва айниқса, ақли шариат наздида, майпараст бўлмиш саркаш шоир, банданинг бандилик мақомини қалбан инкор эттувчи осийлик номига сазовор нужумпараст зот наҳотки шу сўzlарни айтган бўлсан? Қайдин учди бу фикр пайконлари?

Газзолий шоирнинг сўzlарини тасдиқ ҳам, инкор ҳам этмади. Аслида, ихтиёrsиз равишда унинг қалбида, вужудида ҳам ўзгача бир галаёнлар уйфона бошлаганди. Шунинг учун ва ёхуд ўз кечмишини англай олмагани боисми, ҳамроҳини бу ерни тарқ этмоқдикка ундаdi.

Улар Талх ила қуюқ хўшлашиб, ўз йўлларида давом этдилар. Орадан ҳеч қанча фурсат ўтмай, Газзолий титроқ овозда савол этди:

— Исфаҳон муттакоси² Адам Шайх ҳазратларининг ҳонақоҳлари қай тарафда?

Иккалаларининг нигоҳлари баногоҳ тўқнашдилар: воажаб, айни дамда Хайёмнинг ҳаёлидан ҳам Шайх ҳазратлари ўтиб турганди.

— Шаҳар адогида, — деди шоир кун ботиш тарафга илки ила ишорат этиб.

Шу бўйи қайтиб сұхбатлари қовушмади, иккалалари ҳам хаёлга чулғаниб, намози асрографа шаҳарни кездилар...

Ўн биринчи боб

1

Хайём оромини йўқотди. Авваллари вужудида уйғонган тушунисиз кечмишларни май тафти, мусиқий ноласи ва ёки шеър мавжи ила

¹Мұхтарар յукувчига шуни айтиб кўймоқчимизки, тарихий китобларнинг гувоҳлик берисича, "Хужжатул Ислом, буюк имом, шайх Абу Ҳомид Газзолий ҳазратлари ёшлиқ йилларида Куръон ва суннатни қаттиқ тутган ҳамда шариат ахжомларига қаттиқ берилган зот бўлғандар. У кишида ҳали кўнғигл мақоми шакланмаган, тасаввуп имидан бохадар бўлсалар-да, ҳали унга ихлос кўймаган, яъни, бенинтибо (огоҳ бўлмаган) эдилар. У пайтлари ҳазратимиз, ҳозирги замон тили билан айттанды, Ислом назариётчиси эдилар. Юқоридаги жавоби ул зот умрининг ёшлиқ йилларига тўрги келади. Умрингин иккинчи ярми ва айниқса, охирда у киши дунёйи нарсалардан воз кечиб, фракат тоат-ибодат ва ижод ила машгул бўлғандар ҳамда улуг мақомларга эришгандар.

Умар Хайём эса, бу пайтда ўз руҳий ҳолатини тўла англаб етмаган бўлса-да, кўнғигл мақоми Газзолий ҳазратлариникидан хийла юкори эди. Аммо буни уларнинг ўзлари сезмасдилар. Сезидиргувчи зотнинг пешини ҳали тутмагандилар.

² Муттакоси — суюнчиғи, маддакори

босиб, қалбидаги олов-оташга малҳам топа оларди. Энди эса на май, на куй ва на назм ахволига кор қилмаётир. Илмдан, юлдузлардан ва уларга эш давралардан кўнгли совуди. Илгари шундайин ахволга тушса, ичидан бир нимарса сирғалиб чиқарди-ю беадад май сипқорарди, мусиқа оғушида тебраниб, фарёд ура шеър ўқирди. Бу кун ўшал нарса ташқари чиқмас ва гўё у маҳв бўлиб бораётгандек туюлса-да, аслида, бошқа ёргу бир нимарсага эврилиб, унинг бағридаги ўт тажалмийсига чулғаниб, жону жаҳонини янада баттарроқ куйдиради.

У ҳатто намоздан, Каломуллоҳ мутолаасидан ҳам йироқлашди. Ўзидаги бу ҳолатни англаёлмас, унга сари вужудига тағин-да куйдиргувчироқ ўт кетарди. Тунларни бедор ўтказаркан, қалбидаги Оллоҳ деган қалом кун сайин кўкариб, гул очиб бораётганга ўхшарди ва бу сўз ададсиз рақам касб этарди. Шундай онларда у фақат ва фақат Фаззолийнинг сұхбатини истар, унинг ўзидан неча ёш кичик эканлигини билиб, бунинг маъносини шууридан ўтказиб турса ҳам унга томон талпинаверарди. Шоир дўстининг сұхбатини ихтиёр этаркан, фойибона устози Уқидуснинг уни мудом беором туттган бешинчи қоидасини эслади. Икки ёндош тўғри ҳад ҳеч қачон кесишмайди, деганди устоз. У икки ёндош чизиқни хаёлан уфқ сари йўлларкан, кўзлари илғаган маълум бир нуқтада улар бирлашдилар. Демак, улар қачондир кесишиади, бирлашади, фақат бунга бизларнинг ақлимиз қосирлик қилмоқда холос. Истиқболда улар бирлашур, илло у ва Фаззолий каби. Унда дин табиат илмларини, табиат илмлари динни исбот этиб, бир-бирларига хизмат қилурлар. У кунлар қачон келаркин?! Шундай пайтларда шоирнинг юраги ўртаниб кетарди.

Куръон Оллоҳ таборака таолонинг беадад илмидан бир улуши холос. Демак, ҳақиқат Куръоннинг ижодкорида, соҳибида. Бундан аён бўладики, башарнинг шуури илғамас коинотда барча дин ва миллатлардан, ҳам устувор бўлган мутлақ ҳақиқат мавжуд. Балки ана ўша Мутлақият оламни бир бутун тутиб, моҳиятни барпо этар ва одамзотдан тортиб барча жонзору наботот, туфроғу тошгача бир лисонда сўзлатор. Хайём бу нимарсаларни айни кунларда, яъни бедор куну тунларида кашф этарди. Ўша кунлари у ўзини ваҳмга ва ҳатто саросимага соглан тушининг таъбирини ечгандай бўлди: Мастона кампирнинг Куръони каримни ўтда ёқиб ўлтириши-унинг вужудига бемисл ўт соглан улуғ Ишқ ташрифи, яъники Мутлақиятни англашимиди-үёғи энди Яратувчининг ўзигагина аён.

Фаззолий ила кечган навбатдаги сұхбат, ёйинки баҳсларида у мазкур фикрларни ҳам тўлғона-тўлғона изҳор этганди:

— Коинотни ўрганувчи, табиат асрорини фош этишда кўмак бергувчи илмлар мажусийлик авжида ниҳоятда ривож топмиш эди. Алар жумла осмонлар илмини, ҳайвоноту наботот асрорини, алжабр, ҳандаса, фалсафа, фаросат илмларини бафоят мукаммал эгаллагандилар. Алкимёни кашф этиб, аниг сирридин воқиф бўлиб, мисни олtinga айлантира олганлар. Жисмларни неча бора катталаштириб бергувчи заррабин шишани ҳам алар кашф этмишларки, ул ила маълони мушкулотсиз кузатмоқ мумкин. Ёки сирри мудом барчадин пинҳон кибратул аҳмарни айтинг... Ҳа, мажусийлар барча илмларни табиат ҳодисотларига ҳамоҳанг тарзда ўрганмишлар!.. — Хайём шеър айтатётган янглиғ завқу шавқ ила сўзларди ва бу шавқ тинглагувчига ҳам юқумли эди. — Ваниҳоят энди бани башар манглайига саодат нурини ёғдириб, улуғ Ислом дини юборилди. Инсон энди ҳалиги илмларни иймон горозуси ила ўрганмокқа киришди. Оқибат эса он қадар буюк. Агар илоҳий илмлар ривож топиб, табиат илмлари бир четда қолсанчи? Унда хурофоту турфа бидъатлар авж олмайдими? Эҳтимол!.. Унинг акси ўлароқ илми табиийун юксаклаб, илми илоҳий тубандада ҳам шу

аҳвол-руҳий-аҳлоқий сифатлар таназзулга юз тутади. Демакки, ҳар неда меъёрни, сирли оралиқни унутмаслик лозим!..

Ўшанда Фаззолий ҳам бу фикрларга майл биддириб, сўзсиз қолганди.

Хайёмнинг ўшал меъёр ёхуд сирли оралиқ ҳақида ўзга назари ҳам мавжуд эдики, ани бирорларга ошкор этмоқдан ҳамиша сақланарди. Бу сир шоирнинг шеърларига кўчганди. Эҳтимол унинг назмида ўшал рост сир борлиги учун ҳам эл ани суяр. Мана, ўшал чин сир: киши мастиқда ростликни англашга саъй этади. Мастиқ или ростлик аро шундайин бир муддат, балки сониядан ҳам камроқ муддат борки, ана ўшал вақтда ҳақиқат яққол ёлқинланади. Шул ёлқинни илғай олмоқ муҳимдир, саҳал у ёқ-бу ёққа оғмоқ хатоликнинг бошидир. Зоро, ғайб олами ҳам шу янглиғдир: киши Оллоҳ, ишқида маству бехуд бўлмоғи ва дунё ҳамда ғайб олами орасидаги сониялик барқни пайқай олмоғи лозим. Ўшал сониянинг ўндан бир улушича муддатда ғайб пардаси кўтарилиб, одам бутун бир оламни, осмонларни кўра олмоғи имконлидир.

Одам сафиюллоҳ яратилгунича, яъники, инсон бу дунёга келгунича қанча замонлар ўтган. Бундан кейин яна қанчаси ўтмоғи аниқ. Абадијат қошида инсон умри, йиллар, асрлар бир лаҳза кабидур. Вале, инсон ана ўшал бир лаҳзада мангаликни ҳис этмоғи, англамоғи мумкин. Яъни, лаҳза ва мангалик бир бутун.

Хайём инсон умрини тушга қиёслайди. Одам тушида кўп нимарсаларни кўрмоғи мумкин. Бироқ битта муҳим воқеагина ёдида қолади ва ўшал воқеа эртанги куни учун башорат бўлиши ҳам мумкин. Ўшани эслаб қолса бас, сўнг эртанги куннинг мазмун-моҳиятини, ҳақиқатни англайди. Надоматким, бу ҳаммага ҳам насиб этавермайди, акс ҳолда...

Одамзот яшар экан, шаҳарлар қуриб, сувлар чиқариб, китобот битиб, бир сўз ила айтганда, тамадунга эришар экан, у ибтидодан, яъни, ўз аслидан йироқлашиб бораверади. Асил сурату сийратидан мосуво бўлади. Унинг фожеаси ҳам шунда. Не этмасин, янги-янги урфлар, қоида ва таъзиқлар пайдо бўлаверади-да, аслидан жудоликка маҳкум.

Саодат замони оламга ёруғлик сочди. Расули Акрам саллаллоҳу алайҳи васаллам ҳар соҳада умматларига ибрат бўлдилар. Не яхши нимарсага эришмасин бошқаларга илинди. Ҳар қандай ҳукмни адолат ила чиқарди. Шул боис ҳам кишилар ул зоти муборакка эргашдилар ва тинчу осуда, хотиржам яшадилар. Оллоҳнинг суюкли Пайғамбаридан сўнг эса... Ой сайин, йил сайин турфа одатлар, айрилишлар пайдо бўлиб бораверди. Суннат ва шариат аҳкомларига замон уламоларининг таъма-ю манфаатлари аралаши. Шариатда пайдо бўлган ҳар бир янги қоида, фатво кимларнингдир нафси учун хизмат кила бошлади. Оқибат эса..

Хайём ўшанда Фаззолийга бир ҳикоят айтиб берганди:

— Бир камбағал одам тирикчилик ташвишларидан, нихоятда, хорибди. Ақли паришон бўлиб, ихтиёrsиз кўйда замона шайхига рўбарў бўлиби. Бир таскин илинжида ул зотга ёрилиби. Рўзгори юпунлигидан, кун кўриш оғирлиги-ю замона адолатсизлигидан нолиб, кўз ёш тўкиби.

Шайхнинг унга раҳми келиб, шундай дебди:

— Сабр қилмоқ даркор, биродар, илло, чин баҳт, чин бойлик қиёматда сабрлilarга ато этилур. Ахир, Ҳазрати Пайғамбаримиз саллаллоҳу алайҳи васаллам не-не оғатларга, хўрликларга сабр этмадиларми? Ўкишининг хонадонида ҳатто емоққа нон қолмаган кунлари бўлган. Бу бизларга сабоқ бўлмоғи лозим...

Шунда камбағал шўрликтарига аламли овози эшитилибди:

— Унда барча — Пайғамбар ҳам, камбағал ҳаммол ҳам баробар

эди-да, тақсир!

Бу гап чин ҳақиқат эди, зеро, файзу барокат ва аҳилликнинг асли тенглиқдадур.

— Сиз Набий алайҳиссаломнинг ҳаётларини ўзгаларга ибрат қилурсиз -бу бағоят соз, — деганди бир сафар Абу Ҳомид. — Вале, ўзингиз шеърларингизда Оллоҳга, унинг тақдирига исён қилмайсизми? Биз қай бир Хайёмга инонайлик?

Хайём ўйчан жилмайганди ўшанда:

— Фаззолий жаноблари билсинларки, менинг исёним, яъни, осийлигим Оллоҳ-соҳиби коинотга эмас, шу ҳаёт ва уни шу тарзда бино этаётган одамларгадур. Алар Тангри таоло яратган барча нимарсаларни ўзларича қайта "ижод" этадилар-да, яратувчилик даъво қиладилар. Янги-янги тартиблар, таъқиқлар жорий этадилар. Ниқоблари дину иймон бўлгани билан, аслида, ундан эмас. Дин ташвиши алардан анчайин наридадур. Демак, алар ўзларини бу дунёнинг соҳиби деб биладилар. Шеърларимдаги исён ана ўшаларгадур.

Фаззолий кинояли табассум қилди.

— Чиройли сўзлайдурсиз, — деди, сўнг тагдор сўз айтди. — Ҳар тугул шоирлик этдингиз.

Хайём мулзам бўлди. Ҳамсуҳбатининг гапидан сўнг чиндан ҳам сохта сўзлаганини, ўзини оқлашга уринганини фаҳмлади. Аммо энди кеч бўлганди, айбини ёпмоққа уриниши уни икки ҳисса оширмоқ ила баробар эди. Шунинг учун индамай қўя қолди.

Фаззолий буни сезиб, ўзича уни тўғри йўлга чорламоқчи бўлди:

— Шеърларингиздаги сўроғу хитоблардан уларни қай ҳолатда қандай ёзганилгингизни пайқаш мумкин. — У шоирнинг ўз шеърларини мастилиқда битганлигига ишорат қилмоқда эди. — "Шоирларга йўлдан озганлар эргашур. Уларнинг (сўз водийларидан) ҳар водийда дайдишлирини (яъни, ўзларига ёқиб қолган энг тубан кимса ё нарсаларни ҳам кўкка кўтариб, ёқтирганларини тупроққа қоришларини) ва ўзлари қилмайдиган нарсаларни айтишларини кўрмадингизми?!"

Хайём хуш қироат ила «Шуаро» сурасидан айтилган илоҳий сўздан янада мутаассир бўлди ва бир лаҳзагина ўзига хиёнат қилиши, ўз феълига зид иш тутиши қанчалик оқибатларга солмоғини тушунганидан баттар хижолатта тушди. Илло, Фаззолий нишонни тўғри олганди. Чин сўз қаршисида ҳар не куч ҳечдир.

— Ҳа, мен ўз шеърларимни бошқа бир таърифга сифмас ҳолатларда ёзамен, — деди ниҳоят тилга кирган Хайём. — Кейин алар ўзимга ҳам ғалат туюладур. Илло, бандамен, бу оламда не-не гуноҳдар қилмадим. Балки шеърларим ҳам ўшал гуноҳларимнинг биридир. — Шоир бу сўзларини чинакам истиғфор оҳангida айтди.

— Сизни кун келиб кимлардир майпараст бир шоир, бирорлар берназир табиийунчи олим, бошқалар эса уммул Китоб билимдони ҳофизи Қуръон, дея сўйсалар ажабмас. Эҳтимолки, бунда ҳам Оллоҳнинг бир ҳикмати бордур.

Хайёмнинг аввалги шаштидан асар ҳам қолмаганди, сухбатдошининг сўзларини сукутда бош эгтанча тингларди.

— Зеро, уч олам мавжуд, — дея сўзида давом этди Фаззолий. — Биринчи, тубан (қуий) ҳисли жисм олами. Иккинчиси, ўрталиқ руҳий, ҳар нимарса маъно касб этгувчи олам. Ва ниҳоят учинчиси, юқори олам-Илоҳнинг макони.

Куий олам ҳамиша ўзгариб туради. Илоҳ олами эса Буюк Ирода туфайли ўзгармас ва мангудир. Тоза руҳли кишилар Илоҳ оламига мансубдирлар. Чунки улар Илоҳдан яралганлар ва унга қайтадилар. Ва лекин қуий оламга мансуб қалблар ҳам юқори олам ила робитага киришмоқлари имконли, фақат тушда, руҳий муроқабада.

Хайём авваллари бўлганида бундайин гапларга қулоқ солиб ўлтири-
масди, шартта узарди-кўярди. Бироқ айни дамда рўбарўсидаги ёш ша-
риатпешанинг сўзларини ихтиёrsиз равишда жон қулоғи или тинглар
ва барини қалбига жо этарди.

— Унда мен қай оламданмен? — дея сўради у паст овозда.

Фаззолий анчагина сукуттга толди ва ахийри:

— Фурсати ила аён бўлғай, иншоомлоҳ! — деди мавҳум бир оҳанг-
да.

Кузнинг ўрталарида Фаззолий шайхулисломнинг чорлови или Бог-
додга отланди. Сафар тадоригини кўраётган кунларининг бирида ша-
ҳар четига чиқиб қайтди. Аммо Адам Шайх или кўришдими ёки йўқми,
Хайёмга ҳам ноаёнлигича қолди.

Бу айрилиқ иккиси учун ҳам оғир эди. Улар бир-бирларидан не-
лардир олганликларини, руҳиятларида, кўнгилларида ҳам ажаб эври-
лишлар рўй берганлигини сезиб турсалар-да, тан олмасдилар ёхуд
тан олмоқни истамасдилар. Нега бундай-бу энди Яратувчининг сири
эди. Ўтган кунлар, ойлар икки соҳиби илм ва соҳиби дилни гўзал
маъволарга ҳамда ана ўшал маъволардаги бетакрор руҳ чаманларига,
осмоний тажаллийларга ошно этди. Ўша кунлари Фаззолий сухбат ас-
носида шундай деганди:

— Ҳали бизлар ҳақимизда турфа уйдирмалар, маломатлар тўқий-
дилар. Ҳатто иккимизни бир-бири мизга аксил кўйиб, ўз нафслари
учун хизмат қилдирмоққа уринадилар. Дунёдаги барча динлар танҳо
Яратувчига ҳар тарафдан элтгани каби бизлар ҳам бир манзилни
кўзлаган икки хил йўлдаги йўлчилар эканлигимизни кўплар англамай
ўтадилар. Лекин шунисига ҳам шукр. Зоро, Тангридан келганмиз, Тан-
грига қайтурмиз!..

Айрилиқ они узоқ ҳайрлашдилар. Ҳали кўп бор дийдор кўришмоқ-
ларини сезиб турсалар-да, кўз ёшларини тиёлмадилар.

— Сизнинг йўлингиз олис, ё шоири замон! — деди Фаззолий уни
кучоқларкан. — Сиз барча оламларга мансубсиз!..

У Исфаҳонга Ибн Синонинг изларини излаб келган эди, англадики,
Хайём иккисини топди...

— Хуш энди, дўстим Умар Хайём!

— Хуш!.. Хуш, азиз биродарим!..

2

Хайёмнинг дил ва руҳий ғалаёнлари баттар авж олди. Энди англа-
дики вужудини куйдираётган Ишқ буткул ҳаловатини олганди. На ил-
мда, на ибодатда, на шеърда ва на майда дардига малҳам тополмасди.
Тез-тез кўз ўнгида Мастона кампир намоён бўлар ва ўз бағрига чор-
лайверарди. Ўкраб йифламоқ истарди, йифлолмасди, нужум ҳолидан
фол очмоқ бўларди, юлдузлар ҳам ёлғончилик туюлиб кетарди, илм
истарди, лекин ўрганаётган, яратадиган илмлари ҳечдек кўринарди,
назм олами эса ундан юз ўтиргандек эди. Аввалига у бу кўйини Фаззо-
лийдан айро тушганлигидан деб ўйлади, ахир, яхши йўлдош, ҳар бир
сўзингни осонликча англагувчи дўстдан, сухбатдошдан айрилиш осон-
ми?! Одам тафтини одам олади, дейдилар. Энди мисл-сиз оловдан бино
бўлаётган тафтини олгувчи ўшал ҳамдами йўқ эди.

Аҳли расадхона ҳам ҳайратда-ҳаммалари ихлос қўйган, ҳайбати-
дан тоглар мук тушган, гайратидан ҳар не юмушнинг бўйни синган
теран ақл ва унга итbatли дил соҳиби бўлмиш шоир Умар Хайём
афтода бир аҳволга тушмиш эди. Бу не ҳол, дея бир четларда гўлди-
рарди эрка шогирди Исфазарий, ул шариатпеша устозни қандайин
жодуга солди?! Микоил хожасига гоҳ-гоҳ тикилиб қўярди-да, ул зот

олим одам бўлса, мен бир омий сангтарошу томошабоз, унинг аҳволини недин билурмен, дея Полвон ила андармон бўларди.Faқат кекса Риндгина уни тушунарди чоғи. Чунки ҳамиша Хайёмга халал бермасликка уринар ва турфа саволу нигоҳлари ила таъқиб ҳам этмасди. Аммо хожасининг кун сайин ундан узоқлашаётганлигини сезиб турарди.

Ўшал кунларнинг бирида шоирни вазири аъзам ўз ҳузурига чорлаб қолди. У Хайёмдаги ўзгаришни бирордан эшитганмиди ёхуд айни дамда пайқадими, номаълум эди.

— Сенга не бўлди, эй саркаш шоир? — дея сўради у ўзининг мардона овози ила уни қаддини кўтармоқликка ундан. — Бетобмисен ва ёхуд толикдингми?

— Билмадим, ҳазрати олийлари! Ростдан ҳам толикдим шекилли! — Хайём бу сўзларни мавхум оҳангда айтди.

— Унда ҳордиқ ол. Май ила ёрни тут. Бундайин аҳвол сенга ярашмайдир, ўглим. — Вазири аъзам уни илк бора шундай аташи эди.

Бу меҳр туйфуси ила айтилган сўз шоирга ҳам таъсир этмай қолмади-дод солиб ўқраб юборишига оз қолди. Бироқ уни мудом тарк этмаган гурур бўғзига урилган фарёдни тўсади.

Шундан сўнг гап қовушмади. Кўп ўтмай Хайём вазири аъзам даргоҳини тарк этди. Қайтаётib бўсағада Қазванийга йўлиқди.

Амирул шуаро энди ўзини анча ўнглаб олган, жисмида зухур этгувчи нотавонлик, руҳидаги гумон ва қўрқув ҳам ҳозир сезилмасди. У бўлиб ўтган қаро кунлардан сўнг сulton қаҳридан кўрқиб, ўзини четга олиб юрди. Салтанат "об-ҳавоси" бир маромга тушиб, сultonу бошқа аркони давлатлар ҳам ўзга юмушлар ила андармон бўла бошлагач, унинг вужудидаги қора қуртлар ғимирлай бошлади. Не этиб бўлсада, Хайёмни олампаноҳга ёмон кўрсатиш учун режа тузмоққа тушди. Бироқ энди сulton Маликшоҳ унинг сўзини унчалик ҳам сўз деявермас, вазири аъзам ва айниқса, Умар Хайём ҳақида ёмон гап олиб келишларини хушламай қолганди. Қазваний буни биларди ва шул боис Хайёмни ёмонотлиқ қилмоқ учун айни кунда унинг шеърларидан ўзга маҳкамроқ тутгулиқ дастак йўқ, дея ҳисобларди. Филҳақиқат, сўнгги ҳафталарда Хайёмнинг ғалат ва ҳаттоқи, осийона талқинда битилган шеърлари кўпаймоқда эди. Амирул шуаро ана ўшандай шеърларни улкан умидворлик ила тўпламоққа жаҳд этганди. Шул ёнишлари асносида эшитдики, нујумпараст Хайёмнинг кўйи ҳам ўзгариб, аҳволи савдоинамо бўлиб қолган эмиш. Шоирлар амири бағоят шодланди ва улкан умидворлиги тағин улканлашди. Ажаб бўлғай, деди у кўзлари чақнаб, сultonзода Муҳаммад Такашнинг уволи тутибида-да бул нобакорни! Ҳали бу ҳам кам, ҳадемай чиндан-да ақлидан мосуво бўлса ажабмас. Шундай қилиб, Хайёмга астойдил кафсан бича бошлади. Хайём ила ҳозирги йўлиқуви ҳам унинг ўшал қувончли кунларига тўғри келганди.

— Ассалому алайкум, ё юлдузлар шохи! — деди у Хайёмнинг кўзларига синовчан ва ҳам кинояли тикилиб.

Кўнгли уйғоқ Хайём унинг боқишидаги маънони дарров пайқади. Савдоий деб гумон қиласидур бу дили сиёҳ, дея ўйлади, қараашлари музafferлик тантанасидек кўринадур. О, инсон боласи, ўзингнинг ҳолингдан ошиб, бирорларнинг кўнглини тафтиш этмоқдан қачон тий-иласан-а..

— Шаҳарда камнамосиз? — дея давом этди тақи Қазваний ундан кўзларини узмай. — Ёки биз дўстларингиздан этак қоқдингизми, жаноб?

Бу гапга муносиб жавоб қилмаса бўлмасди.

— Асло, эй амирул шуаро! Faқат дўстларимнинг яхшилик нури

ёғилган гўзал ангорларига боқмоққа мен фақирнинг тоқатим етмас. — деди Хайём сўзларига кинояли жило бериб ва йўлига кетаверди. Шайтони лаъин эса кўнглига фулу солиб, бул пачоқ башаранинг ёқасидан олиб, кекирдагини суурмоққа ундарди.

Бундайин муомалани кутмаган Қазванийнинг кўзлари олайиб, туси бўз янглиф ўнгиб кетди...

Фақат Марямгина... Хайёмнинг ўзига нисбатан аллақачон совиб ултурғанлигини, аникрофи, бефарқ бўлиб қолганлигини сезса-да, мудом унга талпиниб турарди. Айниқса, шоирнинг ҳозирги аҳволи қизни ортиқ безовталантирас, ички бир сезим илининг түфёни боисини англаётгандек кўринарди. Хайём унга ҳамон ишонар, ўзгалардан пинҳон тутган кечмишини ҳам ундан яширмасди. Бироқ энди у Марям сари талпинмасди, васлига ошиқмасди.

— Устоз, зора ёрилсангиз! — деди бир куни Марям зорланиб, — Гаюлар бу ҳолингиздан огоҳ бўлсалар, хавф наинки сизга, балки бутун расадхонага соя колур.

Хайём индамади, қизга маҳзун тикилди...

Сўнгги кунларда Хайёмнинг наздида, оламдаги жамики хилқатлар маъносизлик касб эта бошлади. Мавжуд нимарсалардаги фонийлик унинг кўнгил ойнасида тиниқ-равшан акс этмоққа тушди. Ўзининг барча уринишлари, даявонлари зоедек туюлди. Олган илмлари фоний, шеър фоний, ҳатто манов улуғвор қоялар фоний, тириклик фоний-ҳамма-ҳаммаси фоний эканлигини англади. Англади-ю хўрлиги келди. Наҳотки еб-ичмоқ учунгина яралган бўлсалар, дея наъра тортди қақраган бағри ўт ичра. Унда не боқий? Бу оламдаги не бир саъй зое эмас?! Танҳо Яратувчи, соҳиби коинот, яъники, энг олий шуур ҳақ. Вале, масжида саждага бош урган одамнинг ўз инсоний муддаоси бор бўлганидек, калисада сифинган кимса ҳам риёдан холи эмас. Мажусий өловни, будпараст сангни Худо, дея ўз дардларини айтиб соладилар. Барчалари оддийгина маҳлук (яратилган), банда, қул эканликларини билганлари ҳолда, ожизона истак-илтижоларини тинглагувчи, ижобат этгувчи ёлғиз Зотни ҳам ич-ичларидан сезиб турадилар. Бироқ сўқир қалблари, нокис ақллари исканжасида Яратувчини турфа суратларда, ўзлари каби ожизона қурбларда тасаввур этадилар. Аларнинг ақллари бундан ортиғига дош беролмас, фаросатлари эса ўшал ақлларига бандидир. Илло, бу оламда ҳар неки бор бандиликка, маҳкумликка элтур. Шоир эса бунга тоқат қилолмас. Инсон бўйнига илинганди занжирларини чил-чил қилмоқни истар.

*Каъбаю бутхона қуллик хонаси,
Бутхона занги ҳам шум таронаси.
Мехробу калисо, тасбеҳу салиб-
Барчаси қулликнинг бир нишонаси.*

Бу сатрлар кетидан ушбуси келди:

*Бизга фалак иши-фақат ташвиш-ғам,
Бирини тикласа, бошқаси барҳам.
Ҳали келмаганлар бундан бехабар,
Ҳабар топа қолса келмас эди ҳам.*

Шоир чинакам түғёнга келганди. У фоний умрга, ҳаммаси аввалдан битиб қўйилганлигига, бу битик-ҳаддан озгина бўлсин четлаш мумкин эмаслигига исён қиласарди. Унинг қалбида яратиш ишқи жўш уради. Бу ишқ унинг ихтиёридан айро равишида инъом этилган тақдирни инкор қиласарди. Бу осийлик эди, ҳатто Оллоҳга ширк келтирмоқ ила

баробар эди. Аммо буни унинг ўзи тузукроқ англаб етмасди, олов, жазава оғушида эди. У ўзининг хато кетаётганлигини гоҳо элас-элас илғаб қолар, бироқ фикр этмоғига вужудидаги оташ монелик қиларди. Тақи ўшал ихтиёrsиз тарзда ненидир, бир буюк эврилишни кутарди. Тушларида, ўйларида Мастона кампир уни тарк эта бошлади. Сўзсиз, итоаткорлик ила тарк этарди у. Энди оромини, хаёлини ўн беш ёшлар чамасидаги гўзал ва нурпош чехрали бир қиз ўғирламоққа тушди. У мислсиз соҳиби чирой эди, ҳар сафар кўзларига кўрининганида юраги ҳил-ҳил оқиб кетарди. Бул беором руҳий ҳузурни қачондир ўқиган икки ракат намози асносида бир бора тотган эди. Энди унинг дийдори туфайли такрор ва такрор ҳузур оғушида...

Ўша куни шом маҳали расадхона ортида, тоғнинг пойидағи оғочзор ичра бир қуш узоқ ва асрорли сайради. Не қуш эди, беҳуд бўлган Хайём англолмади. Файб ишорати эди гўё бу. Чунки қушнинг саси аллақачон тинган бўлса-да, унинг қулоқларида акс-садо бериб тураверди. Бу ҳол то ярим кечагача давом этди. Тун ўзининг ҳикматли қисмига оғганда оромсиз шоир беихтиёр ўрнидан турди. Жаҳд ила расадхонани тарк этиб, шаҳар томон йўл олди. Бораркан, умрнинг бебақолиги ва Тангрининг васли ҳақида ўйлади. Ҳа, йўллар беададу манзил бир. Шундай экан, бир-бировни инкор этмоққа не ҳожат? Бу башарий худбинлиқдан, нафс қутқусидан ўзга нарса эмас-ку! Манзилга пиёда, хачир ёхуд отда бординг нима? Муҳими манзилга етмоқ, фақат отдаги йўлчи хачирдаги ва пиёда кишига нисбатан аввалроқ этиб бориши мумкин холос. Бу худдики кетма-кет келгувчи сонларнинг бир-бирига нисбатларига уйқашдир-айрсалар озаяди, қўшслар кўпаяди. Дарвоқе, вақт ҳам бор. Ундан ғофил бўлмоқ-зиёда нимарсаларни бой бермоқ ила баробардур. Кетма-кет ўтаёттан бир хил кунлар умрнинг зое кетаётганлиги дур. Ҳазрати Рисолат саллаллоҳу алайҳи васаллам айтмишлар: "Кимнинг икки куни бир хил бўлса, бас, у алданган, кимники бугунидан эртаси ёмон бўлса, бас, у малъундир, кимки зиёдалиқда бўлмаса бас, у нуқсонда, кимки нуқсонда бўлса, бас, унга ўлим яхшидир." Бу ҳадиснинг унинг шуурига урилиши каромат эди, зеро у айни дамда Исломдан фалсафа сўқишига ожизлик қиларди. Ҳатто оғоч Тангрига ҳамд айтишда, зикруллоҳда одамдан зиёда экан, на одам, на наботот, на ҳайвонот бўлишилиқда фарқ ийқ. Зиёдалик иймона, фидолик ва бахшидалиқда. Ўшанда мажусий зоҳид-мубоддан динингнинг асоси не, деб сўраганида, у шундай жавоб берганди:

— Эзгу ўй, эзгу сўз, эзгу амал.

Ё, Оллоҳ! Ахир, Исломнинг Фикр, Зикр, Шукр ҳикматига асосланган даъватига баоят уйқаш эмасми бу?!

Хайёмнинг боши айланди. Ўйларининг аввали охирини йўқотиб кўйди. Шаҳарнинг нариги чеккаси сари бораркан, вужудидаги тўфон тобора авжланмоқда эди. Бу бўрон ҳаловат илинжида беихтиёр шаҳар четидаги хонақоҳни-Адам Шайхнинг сирли даргоҳини кўзлаб борарди...

Хонақоҳ остонасига қадам қўйди. Ичкариларкан, ҳар қадам босганида вужудидаги галаён тобора тинаётгандек туюлди. Хонақоҳ ҳовлиси ўртасидаги ҳовузга етганда рўбарўдаги хона эшигидан бир одам чиқиб, тўғри у томонга юрди. Бу одам баланд бўйли бўлиб, қуюқ узун соқоли оппоқ эди. Эгнида рангпар хирқа, бошида кулоҳ, мисоли учаетган каби қадам қўяр, атрофида бир қучоқ нур эргашиб юрганга ўхшарди. Эҳтимол унга шундай туюлдими... Хайём салом берди ёки салом бермоқчи бўлди, бироқ буни ўзи англолмади.

— Ва ниҳоят келдингизми, ё олимлар амири? — деди нотаниш киши унга ёвуқ келиб.

Шоирнинг хаёлига урилган биринчи савол шу бўлди: нега энди "сем" ламади? Шундан сўнг жисму жони эриб, ҳолсизланиб бораётганлигини сезди. Дийдалари юмшаб, киприкларининг ости ачишди. Хўрлиги келиб, дод солмоқни истади. Ана ўшанда ҳалиги одам, яъни, энди у шуурининг аллақаерида таниб улгургани Адам Шайх хирқасини икки ёнга қайирди. Шоир итоаткорона бош эгиб, юзини Шайхнинг кўксига босди, босгани ҳамоно шайх унинг бошини хирқаси ила ўради. У худди сув остига шўнғигандек бўлиб, мисилсиз бир сукунат ва хузурбахш ҳаловат оғушига тушди. Шуури тиниқлашади, қулоклари ҳали бирон марта бундайин сукунат овозини эшитмаганди. Юраги жудаям осуда ура бошлади. Нигоҳи кўзни толиклантиргувчи ёқимли ёруғликка тўлди. Ана, оппоқ суруш (фаришталар) улкан капалаклар мисоли учиб юрибдилар. Анови ёнма-ён ўлтирган кишилар ким бўлдийкин? Ё Оллоҳ! Бу, ахир, саййидул анбиё Ҳазрати Рисолат салдоллоҳу алайҳи васаллам-ку! Унинг кўзларидан дувиллаб ёш отилди. Йиғлагани сари вужудидан нимарсадир сугурилиб чиқар ва енгиллашарди. Ул зоти муборакнинг ёнларида завжалари Ойша онамиз ўлтирадилар. Ё Расуиллоҳ, дея ҳайқирди унинг қалби. Пайғамбар алайҳиссалом оҳиста у томонга қайрилдилар ва билинар-билинмас жилмайдилар...

Шайх уни кўксидан айирди. Йўқ, шоир ҳушидан оғмади, унинг борлифи мудом осудалиқда эди. Соҳиби хонақоҳ уни ичкарига бошлади. Хонақоҳнинг барча хужраларида шағам ва мойчироқлар ёниқ эди. Улардаги муридлар зикри ҳуфия ёхуд намоз ила машғул эдилар. Ўтиб боришаркан, бир ҳужра эшиги олдида ўқчиётган йигитта рўбарў келдилар. Хайём уни бетобми, деб ўйлади. Шайх унинг фикрини уққандай деди:

— Мана бир ойдирки бу фарзандимиз танаввул қилмайди. Неки еса, қайтиб чиқмоқда. Аммо сиҳати яхши, ўзи бардам. Ҳали бир бурда нон еб, бир пиёла сув ичганди. Мана, оқибати.

Хайём ёқа тутди.

— Оллоҳ субҳонаҳу таборака таолонинг сири бўлмиш рух неларга қодир эканлигидан ўофилсиз, эй валад (фарзанд)! — деган Адам Шайх уни олдинга бошлади.

Кенгроқ бир хонага кирдилар. Шайх уни ўлтиришга ундади. У ўлтириб, ихтиёrsиз тарзда кўзларини юмди. Энди фақат пири комил сўзлади:

— Аввалги сархушлик-тан сархушлиги вужуд оловидир. Бунда ҳар дафъа шайтон алайҳилаъна хуруж этиб, ихтиёрни забт этмоғи мумкин. Сиз буни билурсиз. Сўнгра бир сукунат, сокинлик келадур. Бунда шуур, қалб тинадур, тиниқлашадур. Буни пайқаган банда кўп гўзал маъволарни кўриб, соҳиби ҳол бўлади. Вале, бу кўйда ҳам хавф ва оғат бор. Сиз ўшандасиз. Интиҳода сархушлик бўлур-бу энди Илоҳ, муждаси. Унда хавфу оғат йўқ, фақат висол, руҳий насиба бор.

Деди:

— Малаҳда (чигирткада) беш нарсага қобиллик бор: у юради, бироқ жадал эмас, учади, лекин юксак эмас, сузади-ю тез эмас, сакрайди, vale, йироқقا эмас, ковлади-ю чуқур эмас. Демак, унда қурб бор, бироқ илоҳий жазава, истеъодод йўқ. Сизда ҳам ҳар нега қобиллик бор, фақат уларни тарбият этмоқ лозим. Шунда кўп улуғ насибалар олурсиз.

Сўнг айтди:

— Инсон ҳур бўлмоғи лозим. Бир нарсага жаҳд этдими, бошқа умидлардан дилни фориғ қилмоғи керак. Бутун вужудини, руҳу шуурини бахш этса, ўшал юмушнинг оламда танҳо соҳиби бўлғай. Бизнинг талабимиз ҳам шул. Сиз, аввало, нимага жаҳд этганингизни тўла англаб олинг, бўтам!..

Бирдан рўбарўсида жанда кийган Мастона кампир пайдо бўлди. У аввалига бир пас маҳзун боқиб турди-да, сўнг ваҳимали қах-қаҳ уриб, узоқлаша-узоқдаша фойиб бўлди. Энди эса соғида юзигача рўймол ёпган теграсида нур ўйнаган фариштамонанд гўзал қиз кўринди. Унинг ил-кида коса бор эди. Косада лим тўла сут. У косани илкига олиб, дил-дилидан: "Бисмиллоҳир роҳманир роҳийм", деди-да, ютоқкандай бўлиб сутнинг ярмини сипқорди. Косадан лаб узди-ю бир ваҳимали товушдан чўчиб уйғониб кетди. У ўз ошёнасида ётарди. Товуш эса Полвонники эди, у ғайритабиий безовталик ила ўқиради. Хайёмнинг бағри сирқираб, беихтиёр кўзларига ёш тўлди. У фаришта туттган фойибона сутнинг ярмини ичолмаганига ўқинарди. Чунки шоир туща сут ичмоқ Оллоҳнинг илмига соҳиб бўлмоқлик эканлигини яхши биларди. Ё Оллоҳ!.. Бу туш недин дарак, дея ўйлади у мудом сархуш, тушмиди ўзи бу? Унда хонақоҳ, Адам Шайх, муридлар, сирли сукунат- ҳаммаси тушмиди? Наҳотки туш бўлса?! Ўйининг охирига етолмади. Кўксидан отилган хоҳиш-илҳом ила таҳорат олмоққа шошилди.. Сўнг тавба нијати ила икки ракат абвобин (тавба қилувчилар) намозини ўқиб, изтироб ичра истиғфор айтди. У дунёдан буткул фориғ бўлмоқликни истади...

Хайём қирқ ёшга кирди...

Давоми келгуси сонда





Абдумажид Азим

БУРЖАЛЖИЧ ШАҲИД АЗИМ

Сенинг ҳар галгидек омадинг кулмас,
Олислаб кетгандек туюлади уй.
Наҳот, танишларсиз ҳеч нарса бўлмас,
Кўксингни тимдалар аллақандай ўй?

Тупроқли кўчалар кўзинг ўнгида,
Касалманд онангни тағин эслайсан.
Қўл силтаб барига, сафар сўнгида
Яйдоқ биноларга боқиб бўзлайсан.

Устингдан ҳамхонанг қилади эрмак,
Таъналар кўксингга ботади тигдай.
Сарғайган қирларни қўмсади юрак,
Тутундан бўғилган шаҳарга сифмай.

Эълон тахталарга қоқиб кўзингни,
Дединг: Кололмайман, кетаман бундан.
Шаҳар эшиитмади аммо сўзингни,
Бош олиб жўнадинг ёмгирили тунда.

Яна қайтаяпсан ҳоргин изингга
Сарғайган қирларга тўймайди нигоҳ.
Йўллар, масофалар оқар изингдан
Яқинлаб келади қадрдон қишлоқ!

Тун — машшота келдими,
Юрак — бағрим тилдими,
Мен сени ёрим десам,
Ёр бегона бўлдими?

Хай-ҳай ўлан, жон ўлан
Жоним фидо, ёр-ёр,
Иккимизни суйдирган
Қодир худо ёр-ёр.

Маснадим эди осмон,
Осмонимда минг армон,
Ёрдан тирик айрилиб
Холим бўлибдир ёмон.

Хай-ҳай ўлан, жон ўлан,
Афсонамиз, ёр-ёр,
Тун кўйнида адашиб
Девонамиз, ёр-ёр.

* * *

*Мен узоқ яшадим. Қирқ йиллик ҳаёт
Кўзим қарогида муҳрланган дош.
Айрилиб тоғ мисол отамдан, ҳайхот.
Кўзимга келмади бирор томчи ёш.*

*Йигламоқ истадим ичикиб, ёниб,
Онажон, кўксингга қўйганимча бош.
Йигламоқ истадим юракдан қониб,
Э воҳжим, кўзимда курибди кўз ёш.*

*Шамол етовида ҳислар сарсари,
Мени узоқларга учирди бир пайт.
Она бошингдаги қиров гардлари,
Бу кун имо қилас: «Ўғлим ортга қайт!»*

*Ўғил кўрдим дея, суйинган онам,
Ноқобил ўғлингнинг ахволин тушун.
Итироб ўтида қовжирар танам,
Фақат ич-ичимдан йигларман бугун.*

*Шеър ишқи кўнгилни айлаб девона,
Олис-олисларга бош олиб, кетдим.
Тошкент йўлларида мен яна-яна,
Кул босган юракни бехуда титдим.*

*Мен кетдим, кўнгилда орзулас осмон,
Армон, қадарлардан кувлашиб ўздим.
Бир кун соғинчлардан сарғайдим —
самон, ўзимни ғариблар ғариби сездим.*

*Бугун болаликнинг содда ўйлари
Силқийди кўзимнинг абрларидан.
Эгасиз қолибди отам қўйлари
Сурхоннинг қовжироқ адирларида.*

*Мен узоқ яшадим. Қирқ йиллик ҳаёт
Кўзим қарогида жонланар тақрор.
Сурхон соҳиллари куйлаган баёт,
Қайноқ бағрингизга қайтишим даркор.*

*Яйдоқ йўлакларга дардим айтаман,
Юракда қайтадан бошланар тӯфон.
Бағрингга бир кун қишлоқ, қайтаман,
Отам қўйларига бўламан чўпон.*

* * *

*Бир қалқиб тўхтади пойимда дунё,
Не гўзал ҳисларим ютибди сароб?!
Юрагим қаърида портлади гўё,
Армонли бир оғриқ, бўғиқ изтироб.*

*Не синоат сездим, нимани кўриб
Бу кун туюлмоқда бехуда, бекор.
Кўзимни беркитиб берибди фириб,
Томоша кўрсатиб ҷархи қажрафтор.*

*Фурсат ғаниматдир, тириқдирман то,
Жами сўзларимга берарман жавоб.
Бир қалқиб пойимда тўхтади дунё,
Эзгу туйғуларни айларман тавоғ.*

*Ярадор шер янглиғ кўтариб наъра,
Юрак — суюнчимдан сўрайман тўзим.
Мунгли ўйларимга қиларман зарда.
Ё, ҳаёт, ё ўлим энди ҳар сўзим!*

*Суюқ ўтмишларим, алвидо, хайр,
Умрим тўлиб кетди сонсиз ёлғонга.
Руҳим зиндонида туткун бир тайр,
Озод хаёлларим учди осмонга.*

*Бордир сўнгги имкон тазарру учун,
Хато кечган умрим, тушунгин, қизғон.
Бошимни кундага қўймоқлик букун
Менга фавқулодда табиий, осон...*

* * *

*Менинг юрагимда
Йиглади баҳор,
Булбул нола қилди,
Юрак-бағри чок.
Менинг сўзларимга
Ишонгин бир бор,
Ташна кўзларимга
Дунёжон, бир бок!
Менинг ҳасратимни
Тушунгин бу кун,
Не боис фалакка
Исёнлар қилдим.*

*Юрагимни сенга
Кўрсатмоқ учун,
Кўксимни ланг очиб
Қошингга келдим.
Турибман ёнингда
Сўзсиз, паришон,
Бир оғиз сўз истаб,
Иstab бир қалом.
Бу кун ҳасратимни
Тингла, дунёжон,
Бу кун шодлигимга
Шерик бўл, олам!*



Ойгул Суюндикова

РУССКОЕ ИСКУССТВО КАДЫМОК

* * *

Олтин ранглар ўчди боғларда,
Кезинади олис хаёллар.
Қуёш чиқиб келар тоғлардан
Сәзилади совуқ шамоллар.

Улар қышдан беради хабар,
Оқ қорларга айланар ёмғир.
Ястанади кенгликлар қадар –
Қор остида қолиб кетган сир...

Бир кун бу сир очилар гулдай,
Анхорларда тұлиққанда сув.
Баҳор кулиб келгуси йүлда
Шамол дилга солгуси ғулув...

* * *

Осмон чақиради, қүш каби аёл
Күзини юммайды, чарх урар хаёл,
Қувонч ҳам, алам ҳам келмайды малол,
Соат милларига урилар савол.
Онаам тушларида күради мени,
Чунки, тушларимга киради онам...

Соғинч чақиради, маъюс тикилиб,
Юлдузлар шұыласи кетди түклилиб.
Билдимки, баҳорлар ёнимдан ўтди,
Билдимки, минг азоб жонимдан ўтди.
Онаам тушларида күради мени,
Чунки, тушларимга киради онам...

Шамол чақиради, изидан дулдул
Булутлар кемаси суздади енгил.
Күрдимки, япроқлар йүлимни күтди,
Күрдимки, дилбар куз күлимдан тутди.
Онаам тушларида күради мени,
Чунки, тушларимга киради онам...

Ёмғир чакиради, тупроқ ошиғи
Осмон куйлаётір ҳаёт қүшиғин.
Ёмғир сувларида оқиб кетаман,
Мен тонгни шу ёмғир билан кутаман.
Онаам тушларида күради мени ,
Чунки, тушларимга киради онам...

Йүллар чақиради, адоги йўқдай,
Юрагимдан ўзга ардоги йўқдай.
Онаамниң олдида қолгим келади,
Дардларимни тўкиб солгим келади.
Онаам тушларида күради мени,
Чунки, тушларимга киради онам...

Орзу чакиради, баланд тоглардан
Күйш кўтарилиб келган чоғларда,
Райхон исли боғни кушлар уйғотди,
Мени тонготарда тушлар уйғотди.
Онам тушларида кўради мени ,
Чунки, тушларимга киради онам...

* * *

Дардлашгинг келади, бирон-бир дўст йўқ,
Хали бу дунёда тўлган кам-кўст йўқ.
Мендан узокларга кетиб борар куз,
Пойимга тўкилган барглар – сўнгги сўз.

Бунчалар ёлғизсан, бунчалар ғамгин,
Бунчалар бенаво, бунчалар эзгин.
Айланади шамол, айланади чарх,
Сен ҳам ачиндингми умрингга, эй барг?

* * *

Бири кам дунёning гадоси бўлдим,
Битта ширин сўзниң адоси бўлдим,
Билмам, қай боғларнинг навоси бўлдим,
Сени тополмадим, сени, болалик...

Ғанимат дамларнинг қадри қайдадир,
Ота уйим қайда, атри қайдадир?
Шамолга сочилган дардим қайдадир,
Сени тополмадим, сени, болалик!?

Нечун армонлардан кечиб кетмадим,
Нечун юлдузларни санаб етмадим?..
Айтгин, яна қайга қадам етмади,
Сени тополмадим, сени, болалик?!

* * *

Товланади тилла барглар – тилла тангалар
Пойимга шовуллаб тўкилиб тушар.
Эниб ботаётган күёшнинг сўнгги—
Нурлари кўзимда оҳиста жўшар.

Кузги барглар сокин, шамоллар сархуш,
Ошиқ дил ёлғизлик истайди ёлғиз.
Боридан айрилган дараҳтлар билан
Айрилиқ куйини чалаётир куз...

* * *

Бу дараҳтлар менга яқин, қадрдон,
Баланд бўйли, қуюқ баргли, викорли.
Улар ҳар фаслда ёқиб ўтар жон,
Олтин табассумда, ёмғирли, қорли.

Бу кенг йўллар менга яқин, қадрдон,
Улар билан умрим оқиб ўтади.
Уларга сирини тўқади осмон,
Улар юрагимдан балқиб ўтади.

Бурайхонлар менга яқин, қадрдон,
Хидлари қалбимдан бўйлаб ўтади.
Улардан айрилгим келмас ҳеч қачон,
Улар мен ҳақимда сўйлаб ўтади.





Ҳамид Норқул

ҲАМИД НОРҚУЛ ИСТИҚЛОЛ — СОҒИНЧГА АЙЛАНГАН ВАТАН

Истиқлол — соғинчга айланган Ватан

Ҳар юртга доимо тинчлик танқисдир,
Танқисдир дунёда ягона Ватан.
Истиқлол йўлларин ёритган қуёш,
Ижобатлар, ниятлар кўкарап ундан.

Юрт яна юксалар, баҳт ойдай ёруғ,
Ойдин орзулардан сўйлайди куртак.
Мусаффо осмоннинг ҳарир кўксизда
Фасллар ўзига бичади кўйлак.

Тозарив боради элнинг умиди,
Даврага тўкилар файзли хосият.
Ўзини жаҳонга танитиб яшар
Навқирон кўзли бу — ўқтам Хуррият...

Истиқлол — қадрдан дўстнинг дийдори,
Истиқлол — соғинчга айланган Ватан.
Не ажаб, одамзод буғундан кўра,
Эртанги кун билан мукаммал экан.

Ўн беш йил — бир киприк қоққулик фурсат,
Буюк ўзгаришлар салобатлидир.
Тотувлик, барака, сабру қаноат
Бор халқнинг тонглари малоҳатлидир...

Ўрик эрта гуллабди

Кўнгил сўраб келдим сендан, ўригим,
Кизгиш гулларингнинг лабларида қор.
Дунёда бормикан сендан ҳам кўпроқ
Баҳорнинг йўлига интиқ, интизор?

Кўкламнинг қўшиғин эрта куйладинг,
Ҳарорат ширин сўз айтгани чоғда.
Бундоқ қараб кўйсанг бўлмасми, ахир,
Кара, жим турибди гиолослар боғда?!.

Синов

Ҳар кунинг — синовдан қолган фойдадир,
Тўхтама, иқболинг бўлур зиёда.
Бок, яёв кетмоқда отдан тушганлар,
Отга миниб олган қанча пиёда.

Чархпалак дунёмас, чархпалак феълмиз,
Шу айтар гапимни яхшиликка йўй:
— Отга мингандарга кўлингни берсанг,
Отдан тушганларга елканг тутиб қўй!

Отам

Ошини ошайди дунёда ҳар ким,
Ким савоб топгану кимдир шон-шухрат.
Бироровни бир қарғиши излаб келганды,
Үзганинг эшигин қоқади раҳмат.

Бир умр имтихон қилмас-ку ҳаёт,
Бари бир синовдан ўтар йўлнимиз.
Ҳамма ҳам жаннатга даҳлдор эмас,
Ҳатто, тенг эмасдир бешта қўлнимиз.

Саксон йил қўнгилга қўприклар солиб,
Қишлоқдан нарига қўймади қадам.
Дунёдан қарзи йўқ, фақат Оллоҳдан
Бир парча жой сўраб яшайди отам.

Ўйғонган болалар

Болалар ҳар куни байроқ қилишар
Қишлоқнинг чангитган кўчаларини.
Қуёшни чилдирма қилмоқчи бўлар
Осмонга узатиб кўлчаларини.

Болалик ортидан қуваверишар,
Яна ҳам кенгайиб кетади Ватан.
Шу улуғ заминда ўсиб, улгайиб,
Йигитдай бўй тортиб қолади бирдан.

Тонгни уйғотади ҳар кун шовқинлар,
Яланғоч танларга нурлар ёқача.
Қуёшни байроқдек кутариб олган
Ўйғонган болалар энди бошқача...





Абдураззоқ Кўшша

ЁЛДОР ОТНИНГ ҚУЛУНИ

Ҳикоя

Турсунпўлат чол бир оғиз «Олмос!» деса бўлди эди, оти ёнига келиб, ер тепиниб турарди. Қишлоқда бирор яқин танишини кўриб отдан тушган чол қайтиб унга минмас, жиловини эгар қошига илдиради-да, қўлини белига кўйиб, уйга пиёда равона бўларди. Олмос эгасининг ортидан эргашарди. Ўтган-қайтган одамлар жуссаси тобора кичрайиб бораётган, бироқ ҳали бардам бу кекса чавандозга ва унинг итоатли отига ажабланиб қарашар ёқаларини ушлаб, ҳайратланишарди. Чол буни сезса-да, пинагини бузмай, сирли жилмайганича, оҳиста қадамлар билан йўлини давом эттиарди. От доим бир табақаси очиқ дарвозадан ичкари киргач, тўппа-тўғри каттакон тут дарахти остидаги яккамих олдига бориб, тумшуғини баланд кўтарганча кишиарди. Чол эгар қошидан жиловни оларди-да, яккамихга боғларди ва бостирма остидаги фарамдан бир боғ пичан олиб ёғоч охирга ташларди.

Ичкари ҳовлида у-бу иш билан ивирсиб юрган Зуҳра кампир отнинг кишинаганини эшитиши биланоқ ташқари ҳовлига чиқарди ва катта ўғлининг номини айтиб:

— Келдингизми, Эшпўлат? — дерди.

Кампирини кўргач, Турсунпўлат чолнинг юзида хотиржамлик, овоздида майинлик пайдо бўларди.

— Саломатмисан, онаси?

— Тузукман, Эшпўлат.

Бу ҳол ҳар куни такрорланар, чолнинг назарида бошқача бўлиши мумкин ҳам эмасди.

Кузнинг охири ва қиши ойларида бўладиган тўй кўпкариларида Турсунпўлат чол улоқ чопмаса-да, Олмосни миниб, чавандозлар даврасига кириб, чортоқ остини айланар, кўпкари қизиган паллада чавандоз кичик ўғли Тошпўлатга маслаҳатлар берарди:

— Уғлим ўртадан ёриб кир, лалайма... Жиловни бўш қўй... Отнинг қорнига пошнанг билан ниқта...

Чолга ўзининг улоқ чополмагани алам қиласарди. «Эҳ, от ҳам, ўзим ҳам қаридим. На белда мадор, на билакда куч бор. Воҳей!» Бироқ, у Оллоҳ шу кунга етказганига, ўғилларидан бири улоқ чопиб, элнинг назарига тушганига шукур қиласарди.

Эҳ-ҳе, Турсунпўлат чол кимлар билан улоқ чопмади. Кенжа ботир, Остон полвон, Фоғир чўлок, Раҳмон полвон, Жўра бургут, Искандар

раис (ҳаммаларини худо раҳмат қиласин!)лар билан Фиждуон, Вобкент, Занданедаги тўйларга бирга борарди. Олдин уларнинг кўпкари тушишини томоша қилди, кейин эса, улардек солим учун тортишди. Турсунпўлат кўпкарига қатнашмаса, гўёки тўйлар файзини йўқотгандай бўлди. Ҳа, энди, Турсунпўлатни эл назарига туширган Ёлдор от ва Олмос эди-да.

Турсунпўлат ўн йилдан зиёдроқ Ёлдор отни миниб ҳам мираблик қилди, ҳам улоқ чопди. Қўшни қишлоқлик, узоқ қариндошли Зухрани кўргани Ёлдор отда борарди. Қизнинг оёқ товушидан пайқарди, жонивор. У келаверса, қулоқлари динг бўлар, кўзлари юлдуздек чақнаб, ўйноқларди. Зухра ҳам отдан чўчимасди. Унинг ёлини бармоқлари билан тараф туриб, севгилисига дил розини айтарди. Бир куни от учун ўзи зеб бериб тиккан ёпингич совфа қилди. Ёлдорнинг янада кўркам бўлганигидан Турсунпўлат беҳад севинди. Унутилмас, ширин дамлар эди. Зухра билан бўладиган тўйларига ҳеч ким монелик қилмади. Холавачча дугоналар — унинг ва Зухранинг онаси қуда бўлишга аллақачон аҳдлашган эканлар. Қайлигини Ёлдор отда олиб келдилар. Зухрани отга миндиришаётганида энгашибди, жонивор. Ақли эди. Шундоқ кўнглингни, кайфиятингни сезарди-да. Сал хафа кўринсанг тамом, юзингни ялайверарди. Ҳа, Ёлдор шунаقا ажойиб от эди. Мурод мерғаннинг невара тўйида оёғи синди, жониворнинг. Майдонга кириб қолган бир болани босиб олмай деб, ўзини силтаб отди. Шунда мўнкиб кетиб, оёғи синди. Шундай тўпигидан синди, қарсиллаганини ўзи эшилди. Воҳей! Шикастбанд Мадамин бобо кўриб: «Гузалмайди», деди. «Нега?» деди Турсунпўлат. «От одам эмас-ку жойхоб қилиб, оёғини кўтариб ётса», деди Мадамин бобо. Худди яқин кишисини йўқотгандай бўзлади Турсунпўлат. «Бир иложини қилинг, суяги майда-майда бўлиб кетганинг тузатгансизку! деди илтижоли. «Улар одам эди, бу отда», деди Мадамин бобо. Чавандознинг кўз ёшларини кўрмаслик учун хайр-хўш ҳам қилмай кетаверди. Боймурод сайис Ёлдорни отхонага олиб кетди. Раиснинг гапи билан кўп ўтмай уни гўштликка топшириб юборишибди. Ўша йиллар отларни гўштликка олиш бошланган эди-да.

Турсунпўлат анчагача отхонага боролмади. Назаридан Ёлдор от: «Мени асраб қололмадинг-а», деяётгандай бўлаверарди.

Бир кун Боймурод сайис маъракада айтиб қолди:

— Отхонага келмаяпсан, Турсунпўлат? Нима, Ёлдорни унута олмаяпсанми? Менга қара, бир той бор, бўладиган. Саманинг қулуни, Ёлдордан тўраган. Ёлини кўриб, худди Ёлдор дейсан. Юлдузни кўзлайди.

— Қандай қилиб Ёлдорнинг қулуни бўлсин?

— Эсингдан чиқдими, ўтган йил ёзда Ёлдорни айғирликка тўрт-беш кун бериб тур дегандим.

Турсунпўлатнинг чехраси ёришди:

— Ушанда Саман бияга чопибди-да?!

— Ҳа-да. Ҳўп десанг, раисга айтиб, шу тойни берай. Сенга десам, «йўқ» демайди. Тарбияласанг, шундай от бўлсинки, — деб Боймурод сайис пастки лабини тишлаганча, бошини сарак-сарак қилди. — Ёлдордан кам бўлмайди.

Турсунпўлат кўп ўтмай тойни уйига олиб келди. Ёлдорнинг яккамихига боғлаб қўйди. Тойнинг кўзлари ёнишини кўриб, «Олмос» деб атади. Бу ном Тошпўлатга ҳам ёқиб тушди. Тойга меҳрини қўйди. Емхалтасидан сулини аритмади. Икки ўшга етмаёқ, Олмос кўркам, гижинглаган от бўлди, ҳатто Искандар раиснинг ҳам ҳаваси келди.

— Турсунпўлат, сенга ўзим миниб юрган Бургутни берай, хўп десанг Олмосни мен минай?

— Жоним билан раис, — Турсунпўлатнинг овози бироз титраб чиқди. — Лекин Олмос бироз асовроқ.

Ҳатто ўғлимни ҳам ўзига яқинлаштирумайди. Яна сизни ўсал қилиб кўймасин, деб қўрқаман. Янгамдан нақд балога қоламан-а!

Раис чавандоз эмасми, гап нимадалигини, яъни, Турсунпўлатнинг Олмосдан ажралгиси келмаётганини сезди.

— Ҳазиллашдим, отинг ўзингга буюрсин. Кўнглингни бир билай дедим-да. Лекин отни асра, яна эҳтиётсизлик қилиб уни ҳам Ёлдордай нобуд қилмагин. — Раис отга сукланниб боқди. — Омадинг бор экан, ёлини қара, худди олтиндек товланади-я..

Турсунпўлат Олмосни миниб кўпкариларда кўп совринлар олди, тилдан тушмади. Ҳатто, бир пайтлар Олмосни янги «Победа» машинасига алмаштирайлик дегувчилар ҳам бўлди.

— Эр йигит дўпписини, пичофини ва отини сотмайди. Отингни сотдинг нимаю дўстингни сотдинг нима? Яхши от дўстдан кам эмас. Шундайми, Олмос? — дерди у отининг ёлларини силаб туриб.

Фойдасизлигини билиб, кейин унга ҳеч ким бундай таклиф қилмади.

Мана энди отнинг ҳам, ўзининг ҳам шарти кетиб, парти қолди. Лекин одамлар ҳануз уни ҳам, отини ҳам унутишгани йўқ. Давраларда кўпкаридан сўз бўлдими, Турсунпўлат чавандоз ва унинг улоқчи оти Олмос ҳақида албатта, гапирилади.

— Эй эсингдами, Бухородаги «Пахта байрами»да солимнинг teng ярмини Турсунпўлат чавандоз олган эди?

— Олмос зўр от эди-да!

— Тўғри айтасан, зўр от эди...

Турсунпўлат чавандоз Пайғамбар ёшига етганида элга ош тортиб энди улоқ чопмай, тоат-ибодатга берилишини айтди.

— Мендан энди фақат ёшларни дуо қилиш, Оллоҳимдан уларни ўз паноҳида асрарни сўраш, — деди у.

— Сизга ҳали манаман деган йигитлар teng келолмайди. Кўпкарини тарк этишингизга эрта, — деди чавандозлар.

— Ҳе, қуруқ сумбатим қолган. Кампирим ҳам: «Қариб қолибсиз, дадаси», демоқда. Бир нимани сезганда, — деб ярим ҳазил билан жавоб қайтарарди у.

Турсунпўлат чавандоз Олмосни қайтиб минмади. Ёнига бориб ўтириб-ўтириб, дардини айтиб-айтиб қайтади. Унга нималар демади:

— Олмос совринларнинг ками бўлмади, эл оғзига тушдик-а?! Ҳеч қачон панд бермадинг. Сен менга кўрсатган оқибатингнинг чеки йўқ. Сендан меҳр, одамлардан эса озор кўрдим, Олмос. Биласанми, босмачининг ўғли деб нималар қилишмади? Жўраларим армияга кетганда, ҳатто мени чақиришмади. Бу юрагимга бир умр дард, армон бўлиб қолди. Отам қанақасига босмачи бўлсин? Қурол кўтариб, бир юрга бормаган-ку? Ўз элини ёвдан кутқараман, деб олишганда, Олмос! Хайрият ҳам Ёлдор ва сен бор экансан. Мени элга, даврага қўшдинглар. Бўлмаса итнинг орқа оёғи бўлиб қолардим-а, Олмос. Сени Зуҳрадан кам кўрмайман, Олмос! Буни кампирим яхши билади. Чўчима, у сендан асло рашк қилмайди. Зуҳра яхши кампир...

От чавандознинг гапини тушунгандай бошини силкиб-силкиб қўяди.

Кунлар ўтди, ойлар ўтди. Қувончиниям, дардиниям Олмосга айтиди. Кампирига ҳам айтса бўлардюо лекин нима қиласи унинг дилини оғритиб. Яна, эр киши ҳамма гапни аёлига айтавермайди-да. Аффонда ҳалок бўлган ўғли Шопўлатнинг фами етади унга. Эшпўлати хотин юртини макон қилди: шаҳардан уйландиу шаҳарда қолиб кетди. Етти йилдан бўён қишлоққа бегонадай келиб кетади. Э, қаерда бўлса ҳам омон бўлса бўлгани. Шукур, Тошпўлати кўнглидагидай чиқди. Чавандозларнинг хусусияти бор унда. Танти. Чирогини шугина ёқади, кўзи очиқ кетмайди...

Турсунпўлат чол бир кун эрталаб ўрнидан туролмади. Бели, қўл-оёқ бўғинлари зирқираб оғриди.

— Сизга нима бўлди, Эшпўлат? — деди кампири.
— Билмайман, лекин аҳволим чатоқ, онаси, — деди у инқиллаб.
Тошпўлат отасини иссиқ сувга, тузга, кумга киритди бўлмади. Табиба, сўнгра дўхтирга кўрсатди, бўлмади. Эшпўлати шаҳарга, катта дўхтирларга олиб бораман, деди. Бормади. Дардини берган, шифосини ҳам берар, деб умид қилди. Охир-оқибат кўлига ҳасса, кейин кўлтиқтаёқ олди. Оёғини судраб босди. Дарвозадан нарига чиқолмай қолди. Инқиллаб-синқиллаб Олмоснинг ёнига боради-да, арзу ҳол қиласди: «Дунёнинг ишлари шу экан, Олмос! Ҳеч кимга вафо қилмаган! Чопиб кетаётсанг устингга сакраб минардим-а! Энди бўлса, узангига оёқ қўя олмайман-а! Эгангни қандай ҳолга тушиб қолганини кўрдингми, Олмос?!»

Олмос ҳамма гапни эшитса-да, жим эди. Кундан-кун оғирлашиб бораётган калласини осилтирганча пишқириб қўярди.

Бир кун Тошпўлат отасидан сўраб қолди:

— Дада, Олмоснинг эти ёмон эмас, сўйиб қази қилсак қандоқ бўларкан? Энди на улоқقا, на равага ярайди, минмаяпсиз ҳам.

Турсунпўлат чол ўғлидан бу гапни сира кутмаганди. Ҳассасини ерга тиқиллатиб урди:

— Нокас, қази егинг келдими?! Олдин менинг устимга тупроқ тортда, кейин Олмосни сўябер. Ушанда ҳам қабрда тик тураман.

Тошпўлатнинг кўзлари жовдиради:

— Билмабман, дада.

— Билмабман?! Олмосни сўярмиш-а! Қандай тилинг борди?!

Тошпўлат бошини эгди.

Турсунпўлат чолни савраклик дўсти Қосим чавандоз йўқлаб келди. Пешвуз чиқолмади. Бирам алам қилди-еъ.

— Ия, ишлар кўрпа-тўшак-ку! — деди дўстининг ҳолини кўриб Қосим чавандоз.

— Чойхонадагилардан «Нега Турсунпўлат кўринмаяпти?», деб сўрасам, «Билмаймиз, анчадан бери келмаяптилар» дейишиди. Тошпўлатдан сени сўрадим: «Тузуклар», дейди. Жўрачилик бундай бўлмабди-да, ахир!

Қосим чавандоз Турсунпўлатни юритиб, ўтиририб, яна ўрнидан турғизиб кўрди.

— Ҳимм... сен касал эмассан. Ҳамма бало от минмай қўйганингда. Қонинг увишиб, бўғинларингда туз тўпланган. Ҳам ўзингга, ҳам отга жабр қилгансан. Отингни кўрдим, яккамихда ётаверганидан кўримсиз бўлиб қолиби.

— Минмагандан кейин нима ҳожати бор?

— Суф-еъ, сендай чавандозга! Уғлингга айт, шу бугуноқ отни тақалатиб, минишга тайёрлаб кўйсин. Эрта бир жойга борамиз.

— Қаерга?

— Қорахонига, Бердиёр чавандоз невара тўйига айтиб кетди. Сени қаттиқ тайинлади. Катта кўпкари берармиш.

— Ахир, менинг аҳвломни кўриб турибсан-ку. Қандай бораман?

— Сени жин ҳам ургани йўқ. Айтдим-у, ҳаммаси от минмай қўйганингдан. Қонинг увишган, холос, сенинг. Кампирининг кўлтиғида жон таслим қилибди, деган гапдан кўра йўлда отдан йиқилиб ўлибди деганлари яхшироқ. Билдингми?! — Қосим чавандоз шундай дедиу эшикни «қарс» ёпиб чиқиб кетди.

Эртаси куни Қосим чавандоз келганида, Олмос тақаланиб, минишга шай қилиб қўйилганди.

— Мана бу бошқа гап, — деди шодлигини яшиrolмай Қосим чавандоз.

Турсунпўлат чол қўлтиқтаёқса суюниб, инқиллаб чиқди.

— Қорахонигача боролмайман, узримни Бердиёрга айт, жўра.

— Борасан, мен кафил, ўзингни бардам тут. — Қосим чавандоз Тошпўлаттага юзланди. — Отни эгарла!

Олмос сайрга чиқаётганини билгандай ирғишилаб кишинаб қўйди. Қосим чавандоз отнинг жиловини тутиб турди. Тошпўлат отасини даст кўтариб, отга миндириди. Турсунпўлат чол худди отга энди минаётган одамдай эгарнинг қошини ушлаб, аранг ўтириди.

— Намунча энгашиб олдинг? Қаддингни ростла! — деди буйруқ оҳангда Қосим чавандоз.

Турсунпўлат чол эгар қошидан кўлини олиб қаддини тик тутди. Тошпўлат отасига ҳассани узатди.

— Кўй, ҳассанинг кераги йўқ. Кун санаётганни эмас, тўйга чавандозни олиб боряпман. Қани жўра, отнинг жиловини бўшат!

Қосим чавандоз ўзининг оқ тулпорида, Турсунпўлат чол эса Олмосда йўлга тушиди. Иўл юрган сайин Турсунпўлат чол қаддини ростлаб, атрофга ёш боладек боқар, куз шамолида дараҳтларнинг сарғайиб тушаётган япроқларини чирпирак бўлиб ўйнашидан завқланарди.

Иўл босган сайин Олмос худди ёшлик йилларида гидек, шахдам қадам ташлар, оқ тулпордан ортда қолмаслик учун ҳаракат қиласарди. Улар Дўрмонга етгач, Турсунпўлат чолнинг танидаги оғриқлар батамом унуг бўлди, Деновдан ўтиб, Фиждувон ерига қадам қўйгач, ўзини бардам ҳис қила бошлади. Улуғ пир Ҳожаи Жаҳоннинг кароматлари, Фиждувон тупроғи енгиллигидан бу, деб ўйлади.

— Жўра, ўзимни яхши ҳис қилипман, — деди у Қосим чавандозга.

— Бу ерни Ҳожаи Жаҳон, дейдилар, — деди у дўстининг кўнглини билгандай.

Отнинг лўкиллаб юриши чолнинг увишиб қолган танасини ҳаракатга келтирган, қони юришган ва сайр унинг руҳиятини кўтарган эди.

Бердиёр чавандоз уларни жуда хурсанд кутиб олди.

— Хуш келибсизлар! Турсунпўлатбой, сизниям кўрар кун бор эканку?! Умаржон, меҳмонларни чодир остига бошла. Булар Ҳожаи Жаҳоннинг шогирдлари Моҳитобон юртидан келганлар-а!

Узиям тўймисан тўй бўлди. Ҳатто, Самарқанддан ҳам чавандозлар келишибди. Кўпкариям зўр бўлди. Бердиёр чавандоз солимга бир от, бир тия ва бир қанча жонлиқлар берди. Турсунпўлат чол билан Қосим чавандоз кўпкарига кирмаган бўлса ҳам елкасига биттадан ургути чопон ёпди. Ана хурмат, ана иззат. Бердиёр чавандоз борини тўкиб берди...

Турсунпўлат чол тўйдан хурсанд бўлиб қайтди. Шундан сўнг, бирор кун ҳам Олмосда сайр қилишни тарқ этмади. Кунора марказдаги чойхонага отда бориб келарди. Бир пиёла чой ичмай қайтган ҳоллари ҳам кўп бўлган. Лекин бормай қўймасди.

Илгари ўғли Тошпўлат кўмаклашиб турган бўлса, энди чолнинг ўзи отга миниб тушадиган бўлди. Кекса чавандоз инқилаб-синқиллаб юрганларни кўрганда: «Бу бечоралар, от қадрини қаердан ҳам билсин», деб қўярди. Олмосга ҳам яккамиҳда кун бўйи боғлиқ ҳолда ётгандан кўра, эгасини олиб сайр қилиш хуш ёқар, дарвозадан чиқиши билан бошини баланд кўтариб, кишинаб юборарди.

Турсунпўлат чол бундан беҳад хурсанд бўлар, жиловни бўшатиб Олмосни эркин қўяр, от баъзан қайси томонга йўл олса, унга бирибир эди. От Султонобод ариғи бўйлаб оқар сув билан бақамти кетаверарди, кетаверарди...

Турсунпўлат чол бир кун сайрдан ўзини беҳол сезиб, вақтли қайтди. Кўксини нимадир қаттиқ фижимлаётгандай бўлди. Кўз олди қоронfilaшиб, боши гир-гир айланди. Отнинг жиловини яккамиҳга зўрга илдирди. Каловланиб дарбанчадан ичкари ҳовлига зўрга кирди. Эрининг ранги ўчиб бир ҳолда турганини кўрган Зуҳра кампир унинг қўлтиғидан олди.

— Нима бўлди, Эшпўлат?

— Уламан чоғи.

— Ундей деманг, Эшпўлат.

Кампирнинг лаблари пир-пир титради. У эрини аранг уйга олиб кирди, боши остига баландроқ қилиб ёстиқ кўйди.

— Тошпўлатни... чақир! — деди чол зўрга.

Зуҳра кампир эшикдан чақибоқ овоз берди:

— Келин, ҳо келин! Тезроқ Тошпўлатни топинг! Бобонгиз сўрайтилар.

Кампир яна дарров хонага қайтиб кирди.

— Айтдим, Эшпўлат.

Жавоб бўлмади. Чолнинг кўзлари ярим юмуқ эди. Кампир эрининг кўксини титкилади.

— Кўзингизни очинг, Эшпўлат... Ҳозир Тошпўлат келади. Бирор нима денг... Қўрқитманг, Эшпўлат...

Чол жон таслим этганди. Кампир уввос тортиб юборди...

Мархумнинг таъзиясига яқину йироқдан тумонат одам келди.

...Олмос гўёки эгасининг ўлганини билгандай аянчли кишинади. Яккамихга боғланган ипни узмоқчи бўлиб, силтаб-силтаб тортди...

Мархумни қишлоқ чеккасидаги мўъжазгина қабристонга — отаси, онаси, Афғонистондан тобути келган ўғли — Шопўлатнинг ёнига дағн қилишди.

Олмос уч кунгача на сувга, на ўтга қаради. Тўртинчи кун эрталаб Тошпўлат яккамихда отнинг или узилиб ётганини кўрди. Жўрасининг маъракасига ҳар тонгда келаётган Қосим чавандоз туёқ изларига қараб, йўл олди. Излар тўппа-тўғри қабристон томон олиб борди. Изларнинг нотекис, палапартиш тушиши отнинг гандирақлаб-гандирақлаб боргани билдиради.

Куёш аста бош кўтариб, атрофга совуқ нурини сочар, қабристондаги сарфайган ўт-ўланларга тушган кузги шудрингларни ялтиратарди. Бу сариклик кишидаги ҳижрон ва айрилиқ туйғусини баттар алангаларади.

Тошпўлатнинг кўзи куни кечакан янги пайдо бўлган отасининг қабри ёнида бошини осилтирганча тиззаларини букиб ётган Олмосга тушди.

— Қосим ака, ана Олмос!

Қосим чавандоз узоқдан отни кўрдию: «Э воҳ, дунё!» деди алам билан. Секин юриб от ёнига бордилар. От уларнинг келганини пайқамади ҳам. Унинг сўниб бораётган кўзлари қабрга маъносиз боқиб турарди. Гўёки, шу тупроқ орасидан эгаси: «Олмос!» деб чиқиб келаётгандай.

Тошпўлат отнинг жиловидан тортиб, уни турғазмоқчи ва уйга олиб кетмоқчи бўлди.

— Индама, эгасининг ёнида қолсин. Жўрамга ўрганиб қолган эди, жонивор. Энди унга ҳаётнинг қизифи йўқ.

Тошпўлат кўлини тортди. Уларнинг ортидан етиб келган қабристон қоровули Жўравой кал маслаҳат берди:

— Отни ҳалол қилиш керак, ҳаром ўлмасин.

— Отга тега кўрманг! Отам қабрларида тик турадилар-а! — деб Тошпўлат унга шундай ўқрайиб қарадики, Жўравой кал беихтиёр икки қадам орта тисарилди.

— Отнинг бўйнидан юганини ол. Жонивор ҳеч бўлмаса, ўлими олди-дан ўзини эркин ҳис қиласин, — деди Қосим чавандоз Тошпўлатга.

Тошпўлат от бўйнидаги юганни аста ечди. Олмос қилт ҳам этмади.

Қосим чавандоз чопонининг барини тиззасининг остига олиб чўккалди. Қабристондаги ўлик сукунатни бузиб, Куръон ояллари янграй бошлади...





Расулжон Камолов

ЕТИМЧАНИНГ ЮЛДУЗИ

Ҳикоя

— Ҳой, жувонмарг ўлгурлар, ўласанларми шу савил қолгурни ўйна- масаларинг? Ит тинса тинадики, сенлар тинмайсанлар. Ҳотам ўлгур энанг дуч келганга панд-насиҳат қилиб қулоғини қоқиб олади, шуни ўйнама демайдими? Бас қил, дедим сенга.

— Ҳой, Тоҳир! Анови молинг бўкиравериб миямни тешиб юборди-ку?

Қариганимда худо деб тинчгина ўтираманми мен ҳам?.. Кофир бўла-сан, аҳмоқ! Ҳазрати имом Ҳасаннинг муборак бошлари-я бу... Ҳотам ўлгур, барини сен бошлайсан, етимча. Анави чиллашир энангга айт, кўринганга жаврагунча сени йўлга солсин. Ҳу безраймай қол...

Тошин кампир ҳар оқшом набирасини шу тариқа уйга чакиради, ўз алами ўзига етмай, Зебунисо момонинг етимчасиниям «тишлаб-тишлаб олади», муштай болада нима айб, ҳаммаси хотин-ҳалажнинг ҳо-ҳиши билан қилинган иш бўлса. «Тошин кампир дастурхончиликни ўрнига қўёлмаяпти, Зебунисо момо бўлсин» дейиши. Момо дастлаб кўнмади «Қўйинглар, қўни-қўшни одаммиз, қўлдан келгунча эплаб турибди-ку. Мен бўлсам, дили оғриб қолади», деса ҳам кўнишмади. Ҳайитга келиб момо маҳалланинг дастурхончиси бўлди. Тошин кампир ич-ичидан оғринди. Умурзоқ бригадирнинг тўйида бир сўри хотин-ҳалаж ичида ўтириб: «Зеби, қачон дастурхончи бўламан деб ўлиб турган экан-да. Тугун-тугун нарса кўтариб қайтади-я...» деди ўсмоқ-чила. Сўрида ўтирганлар Тошин кампирнинг гапини эшишишса ҳам эшишмаганга олишди.

Зебунисо момо Тошин кампирнинг ҳар қандай гапига чида бўртага тушмасди, «нима бўлса ҳам қўни-қўшнимиз» дерди. Аммо бутун чида-мади, кампирнинг етимча дегани жуда оғир ботди. Ўзини босишга ҳар қанча уринмасин, тили қичиб, оёғи ўзига бўйсунмай кўча томон тор-таверди. «Наҳотки сочи оқариб, ёши бир жойга борган хотин шу бо-ланинг ҳолини кўриб-билиб «етимча» дейди? Бир кўнгли « қўй, шу билан тенг бўлмайин. Шаҳар кимники — шарманданики, жавраса, жавраб ўлсин» деган жойда орқасига қайтмоқчи ҳам бўлди. Аммо кўз олдига набирасининг ёш тўла қўзлари келиб, «ўксиган боламни та-ғин ўқситайми» дея бошига оқ рўмолини ташлаб кўчага чиқди. Тошин кампир ҳали уйга кирмаган эди. Зебунисо момога илкис қаради-да, зўраки илжайди.

— Вой, айланай овсин, тинчмисиз? Манов болаларнинг шовқинини кўрмайсизми?

Зебунисо момо ҳассасига суянганича бир-бир қадам босиб Тошин кампирга яқинлашди.

— Ҳар кимники ўзига, ой қўринар кўзига, қўшни. Уялмайсизми шу ёшга кириб бирорвнинг боласини ўқситгани? Иккимизнинг борар жой-имиз битта, ақалли у дунёдан қўрқмайсизми?

— Кимдан уялай? Болангиз бўлганидан кейин йўлга солингда!

Зебунисо момо бир гапга ўн гап қўшилишини истамади.

— Катта бўлса ақди кириб қолар.

— Беш вақт намоз ўқиганингизда Худодан фаросат сўранг, зора ақди кирса.

Зебунисо момо тағин шайтонга ҳай берди. Тошин кампирга бошқа гап қўшмади-да, Ҳотамнинг қўлидан етаклаганича уйига кирди. Тошин кампир бўлса жағи тинмай бидилайверди, сафирдан олиб сафирга солди.

Ховли ичкарисида тиқ этган товуш борлиқقا жаранглаб эшитиларди, эна-бала ёлғиз... Ҳотам қунишганича ерга тикилиб, ҳаёлга толиб ўтирас экан Зебунисо момонинг бир-икки марта атайин тамоқ қирганига ҳам парво қилмади. Унинг калта бўйни елкасининг ич-ичига кириб кетгандек кўринарди. Зебунисо момо овқат пишириш учун узум тагидаги ўрадан сабзи олиб артишга уннади. Борган сари оёқ-кўлиниг мадори қочиб тинкаси қуриб кетаверди. Нафас олиши қийинлашиб, тердан баданига ёпишган кўйлагининг этагидан тутганича елпинди.

«Худойим», — дея масаллиқларни солиб ўчоқ бошига борган эдики, тўғралган сабзи коса-посаси билан ерга тушиб тупроққа беланди. «Вой шўрим!», — дея кўнгли бузилиб, қарилқидан хира тортиб кетган, сўлиқкан кўзларидан оққан ёш томчиси қизиб турган қозонга тушдида, жаз этиб қуриди.

Кампир қозонни чайиб қайта осгач, кичик хумдан капкирда сариёф кўчириб солди.

— Эна, — деди анчадан кейин набираси. — Нега, Тоҳирнинг энаси бизни ёмон кўради?

— Бекорларни айтибди, ўша. Нима деса деявермайдими. Ҳам ўзига, ҳам набирасига тасалли берди. Эна-бала бир томонга қийшайган пастак сўрида ўтиришиб, гап-сўзсиз овқатланишгач, ўринларини солиб ётишди. Ҳар оқшом Зебунисо момодан ашулла айтиб беришни сўрайдиган Ҳотам бугун тинч эди. Осмонга боққанча хаёл сурарди. Осмон тўла юлдуз минг бир тусда товланади. Шу юлдузлар ичida Ҳотамнинг етимча юлдузи ҳам бор. Бола уни ҳар тун излаб топади. Юлдуз ичida нурларга беланиб, жондан азиз онажониси яшайди.

На қўл, на нигоҳ ета оладиган олис-олислардаги юлдузларга Ҳотам ҳар куни учиб боргиси, онасининг бағрида ширингина ухлагиси келади.

Тун. Осмонда етимча юлдуз милтиллайди. Сирли... Камалак рангида товланади.

Бирам узоқ...

— Эна, онам ростдан ҳам ўша юлдуздами?

— Ўша юлдузда, болам. Ўша юлдуз жаннат. Келсиной қизим жаннати бўлган ҳозир.

— Эна, жаннат нима дегани?

— Болам, онанг ҳозир фариштага айланган... Худодан сенинг омонлигингни сўрайди.

Сен йифласанг, у ҳам йифлайди...

— Тоҳирнинг энасини ҳам кўрадими?

— Кўради, ҳаммасини кўради...

Зебунисо момо боласининг хомушлигидан хижолат бўлиб гапга солди.

— Ҳотамбой, ашулла айтиб берайми?

Ҳотам жавоб бермади. Осмонга термулганича ётаверди.

Ҳотамнинг кўзи уйкуга илингандай бўлди. Зебунисо момо кўча эшигини танбалаб қайтиб ўрнига ёнбошлади. Ёзниг туни бир тутамгина, ҳадемай хўроз қичкирди. Зебунисо момо ўрнидан туриб кўча эшик олдини супурди. Ҳонадонига ризқ-барака тилади, тонг қуёши ўз чимматини кўтарган пайт набирасини ўйғотди.

— Тур, болам, қўйларингни эрта салқинда ўтлатиб кел. Ҳотам қўлини ёнбош қилиб, керишганича терс ўтирилиб олди.

— Майли, озгина ухла бўлмасам, — деганича товуқ катак устига қоқи учун ёйилган памилдориларнинг устини очди. Сўнгра оқ қантак туршакларини елпиш тавоққа солиб елпида. Бу орада Ҳотам ҳам ўрнидан турди-да, човгумдаги сувдан бир ҳовуч олиб юзини чайди, эгнидаги якtagига юзини артиб, қўйхонадаги қўйларни ўтлоққа ҳайдади.

— Ўртоқларингга қўшилиб ҳаяллаб кетмасдан эртароқ келиб чойингни ичib кет.

Нонуштага қанақа овқат қилиб қўяйин? — деб набирасининг ортидан эргаҳди момо.

— Ҳолвайтар, — деб тупроқ чангитганича кўздан узоқлашди. Зебунисо момо уйда ёлғиз қолди. Товуқларига дон сепиб мол-ҳолнинг тагини қуруқлагач, Ҳотамнинг ўринини йифиширишга тутинди. Энди овқатга урина бошлаганди ҳамки, эшикни тарақлатиб очганича Ҳотам кириб келди. Кун ҳали унчалик исимаган бўлса ҳам бола терга пишиб куйикиб кетган, уст-боши қумга беланган, аламзада эди.

— Эна ановилар мени нега мени етимча дейди? Улардан мени қаерим кам? У шундай деганича йиглаб юборди. Зебунисо момо гангиб қолди. Қўлидаги дамтовоқ сирғалиб ерга тушди.

— Нима дединг?

— ...

— Ким шунақа деди?

— Тоҳир... Мени футболга қўшмади. Етимча билан ўйнамаймиз деган эди. Тоҳирни бир мушт урдим. Ҳамма унинг ёнини олди, болалар мазах қилиб кулишди, у шундай деб йиглаганча ичкарига кирди-да, уй тўрида осиғлик турган аяси билан дадасининг биргалиқда тушган суратини кўтариб чиқди.

— Мана уларга кўрсатаман, — деганича кўча томон югурди.

Зебунисо момо бирор иш қилгани қўли бормади, кўз ўнгида фарзандининг чеҳраси гавдаланаверди. Хаёlinи Ҳотам берган савол чўлғайверди. «Етимчаманми?» деган сўз еру осмонни энлаб қулогига санчилаверди, ниҳоят сўрига беҳол ўтириб хаёлга чўмди.

— Эҳ, Келсинойим! Дунёга бир келдингу шундок орtingга қайtingа, жон болам. Пешонангта шу кунлар битилганини ким билибди? Кунлар ўтавераркан, энди келиб боланг сени сўрайпти, қизим, мен минг силаб-сийпаганим билан ўрнингни боса олмаяпман, — деб куюниб йифлади... Уруш тутаган йилнинг биринчи баҳори эди. Зебунисонинг эрини ҳарбий хизматтага чақирди. Зебунисо не қиларини билмай «Пешонамдагини кўраман-да» деб ўзига тасалли берди. Болтавой қассоб ичкари уйда кийимларини алмаштириди, Зебунисо кирди-да уй бурчагига ўтирганича йиглайверди.

— Йиглама, — деди Болтавой қассоб. — Тинчиб қолгандир ўша тамонлар ҳам. Уруш тугади-ку, хотин. Худо хоҳласа, уч йил ўтиб кетади.

Қассоб хотинининг гумонаси борлигини биларди. Кетиш олдидан уни соchlарини силаб «Мен келгунимча катта қилиб қўяркансан», деди ютиниб. Қишига бориб Зебунисонинг кўзи ёриди, қиз туғди. Яхши нијатлар билан Келсиной деб исм қўйдилар.

Болтавой қассоб хизматдан қайтгунича қизалоқнинг тили чиқиб, дада дейдиган бўлиб қолди. Келсинойдан сўнг Зебунисо момо яна еттига фарзанд кўрди, бари турмади. Энди ўйинқароқ бўлганда дунёга сифмай кетаверишди. Шунча ёмонни сиғдирган кенг дунё ҳеч бир гуноҳсиз норасидаларни сиғдирмади. Фарзанд кўйида кўнгили доғ бўлиб Болтавой қассоб хасталиқдан кўз юмди...

Келсиной ўнинчи синфни тугатди. Зебунисо момонинг уйидан со-

вчиларнинг қадами аримай қолди... Тақдир насиб экан Келсинойни кўшни маҳалладаги Обиджонга узатиши. Келинлик лиbosлари билан бурканган, бир чиройига ўн чирой қўшилган Келсиной янги хонадонга тез кўнишиб кетди... бу орада биринчи фарзанд туғилди. Унга Хотам дея исм қўйиши. Эри хўжаликда тракторчилик қилиб рўзгор тебратди. Ёш боши билан Келсиной кўп ҳаёт қийинчиликларини кўрди. Бир йил ичида икки меҳрибони, қайнота ва қайнонасидан айриди. Айниқса, Баҳринисо кампир қазо қилганида жуда кўп куюнди. Ўшанда Зебунисо момонинг кўнгли бир нарсани сезгандек қизига насиҳат қилиб ҳар нарсани «ичига» олмасликка ундади. Бу дунё ўткинчи, вақт соати келганда ҳар ким ҳам боқий дунё сари риҳлат қилишини бот-бот гапирди.

Нима бўлсада, оғир оёқ қизини кўп уринтирмаслик ташвишида бўлди... Биринчи қор ёққан тунда Келсиной безовталанди. Она қорнида яхши ривожланмаган болани шифокорлар жарроҳлик йўли билан олишган бўлсада онасини сақлаб қолишолмади.

Аёл кам қонлиги ва туғиши жараёнида кўп қон йўқотиши оқибатида ҳаётдан кўз юмди.. Хотам ҳар куни дадасини ишдан келишини пойлайди. Келса елкасига миниб олганича қиқирлаб кулади. Дадаси «Ким баланд» деса, «Мен баланд, янам кўтаринг, озгина катта бўлсам осмонга ҳам кўлим етади-а?» деганича Обиджоннинг бўйнидан қучоқлаб, соқолли юзларига юзларини босади. Тунлари дадасининг пинжига кирганича унинг уст-бошидан анқиётган мой исидан боши айланиб ухлаб қолади.

Баҳор фаслидан бошлаб дадаси келмай қўйди. Энасининг айтишича дадаси катта шаҳарда яшайди. Уй олса уларни ҳам олиб кетади. Хотам дадасининг келишини кутар, тунлари бўйнидан ачомлаб ухлагиси, мазза қилиб ўйнагиси, машиналарда сайр қилгиси, маҳалла болаларига Тоҳир сингари мақтангиси келарди... Қўёш, забтига ола бошлаган пайт Хотам қўйларини ўтлоқдан қайтариб келиб қўрага қамади, энаси тайёрлаган ҳолвайтарни нонга булав еяркан, Зебунисо момога юзланди.

— Эна, мен кетаман.

— Вой, болам катта бўлсанг албатта катта шаҳарларга ўқишга кетасан. Ишқилиб, Худойим йўлингни очсин.

— Йўқ, мен худонинг олдига кетаман. У ерда мени ҳеч ким етимча демаскан. У ерда одамлар раҳмдил бўлишар экан. Анор момо айтди.

— Илойим, Худога ихлосинг бундан ҳам баланд бўлсин, болам. Унинг олдига фақат юлдузи сўнгнларгина бориши. Сенга ҳали жуда эрта. Илоё, баҳтинг очилсин. Орзу ҳавасимни кўрайин болам, — дея кампирнинг юраги орзишиб кетди... Кечки салқин эди. Кўча чангитиб болалар тўп ўйинларини бошлишди. Қишлоқ кўчалари бўйлаб набирасини чақирадиган Тошин кампирнинг овози учиди: «Хой, жувонмарг ўлгур...»

Ёз туни кишини аллалай бошлаган пайт. Зебунисо момо ўрнига ёнбошлаб, қадим қўшиқларини хиргойи қила бошлади. Хотам осмонга боққанича хазин оҳангдан эзилиб кўзига ёш олди. Зебунисо момонинг хирқи овози юлдузлар томон қанот чиқариб учайтгандек, нурли ошёндаги покиза, фаришта онасини чорлаётгандек эди гўё...

Хотам ўзининг кичик етимча юлдузини излайди. Зебунисо момонинг хиргойиси аста-секинлик билан буткул тинди. Хотам худди оҳанг қанотларида кўтарилиб, сирли манзил томон парвоз қилгандек сезди ўзини. Тунги осмон ичра кичик етимча юлдуз йилт этиб, милтир-милтир қилиб оҳиста кўздан йўқолди. Етимча юлдузнинг нурларига тўлиқ бағридаги масканда унинг онажониси бор... Боласини бирам соғинади...

Узоқ-узоқларда кичик бир шуъла кўринди. Хотам шу ёргулук томон қанот чиқариб учди. Шуъла тобора узоқлашаверди, узоқлашаверди...



Шодмон Сулаймон **ТУФИЛГАН КУН**

Ҳикоя

Адибнинг уйини ҳовли дейиш, биринчидан, мунаққидлар таъбири билан айтганда, ҳаёт ҳақиқатини бузиб талқин қилиш бўлса, иккинчидан, бу таътиф бирорларга хуш келмаслиги аниқки, ўша баъзи бирорлар, аввало, ҳовлининг бошқа кишига эмас, айнан, Адига насиб этганидан безовта бўлишлари, табиий. Бунинг устига «ул бандай бечоралар» бу кошонанинг Адигда йўқ қайси сармоя ҳисобидан келганинги айтиб, писанда қилишдан ҳам асло қайтмайдилар. Шу боис, ҳаёт ҳақиқатига зид ҳам бормайлик «дўст»и гарубларимизнинг юрагига фулгула ҳам солмайлик-да, Адибнинг уйини шунчаки бир ҳовлича деб қўя қолайлик. Илло, Адибнинг бу ҳовличани тунни кунга улаб, фанинг алламбало тармоқларига оид кўлёзмаларни таҳрир қилиб бермоқдан топган пулию, кекса отаси ва акалари рўзгордан орттириб йиғиб берган кўмак жамгарма (бу ҳам қарз)га сотиб олганлигини бу шаҳарда битта ўзи ва худо билади, холос. У-хў, ҳали бу ҳовличада оёқни узати-иб яшашлари учун эр-хотин — «қўш ҳўқиз» яна қанча «қўш тортишлари» керак. Энг муҳими, бетон уйларда яшаб, ердан узоқлашиб кетяпман, дея юраги зардоб бўлиб юрган Адиг, ниҳоят, оёғи ерга текканидан хурсанд. Тўрт томондан ўраб олган (кўп қаватли уй, ахир) қўшниларнинг ҳуда-бехуда фингшишидан зада бўлган Муниса кенгми-торми таги ерга, усти осмонга тегиб турган ҳовлича учун умрбод шукронга айтишга тайёр. Энг муҳими, энди Адиг куз ҳазонга айлантирган япроқларнинг алвидоларини эшитиб, ич-ичидан хўрсиниб йиғлай олади, энди ҳовлича юзидағи азим тутга ин курган майнанинг полапонларига меҳрибонлик қилиб, чарх уришини кўрганда, энтика-энтика болалиги ҳақида хаёлга толади. Энди тўрт девор ичида қамалиб, пастки қаватда яшайдиган қўшнига халал бермаслик учун оёқ учida юришга маҳкум этилган болаларининг товони, ниҳоят, тўйиб-тўйиб ер ҳидлайди. Бугун Адибнинг туғилган куни. Мунисанинг таъналаридан инжибми, болаларнинг тушлиқдан ортиб қолган гулларини йиғиб қандайдир режалар тузишаётганини кўриб кўнгли юмшабми, бир неча йилдан бери тарки одат қилгани — ўз туғилган кунини нишонлашга рози бўлди... Тириклик чилик тумшук суқмаган эшик бор эканми? Туғилган кунни нишонлашга яна бир сабабу баҳона янги уй учун қилинадиган хайру худойи зарурати бўлди. Бу маслаҳат ҳам маҳалланинг тўю маъракасига аралашиб юрадиган Мунисадан чиқди, албатта. Неча йилдан бўён Адибни «ипидан игнасигача» ўрганган Муниса, ниҳоят, туғилган кун баҳона уни хонанишинликдан халос этмоқчи, ҳамкору ҳамфир дўстлари даврасига қайтармоқчи эди. Дўстлар-ку Адигдан воз кечишгани, ундан инжиб, этак силкиб кетишгани йўқ. Фақат адабиёт ҳақидаги, ижод ҳақидаги қарашлари сал ўзгачароқ бўлган Адиг, биродарлари даврасида ўзига муносиб бурчак топишга қийналди. Бунга кўп уринган бўлса-да,

табиатидаги ёлғизлиққа интилиш уни катта давраларга бегона қилди. Муниса ҳам қызик: «Үзингизни бунақа четга олиб юраверсангиз, борабора хонанишин бир ижодкорга айланиб қоласиз, ундан кўра ҳаммасини йифишириңг-қўйинг!» дейди-ю, аслида Адібнинг ёзишга, ҳақиқий маънода ёзишга илҳақ эканлигини ҳис қиласи. Шу боис, Адіб дарду дунёси қоронғу бўлиб инжиқланганида ҳам тилига эрк бермайди. Бир кун эмас, бир кун ҳаммаси яхши бўлиб кетишини такрорлашдан чарчамайди. Аммо, қачон?! Адіб кам эмас, кўп эмас, нақ Маркесга ўхшаб ёзишни орзу қиласи! Унинг «Ёлғизликнинг юз йили» романини, эҳтимолки, йигирма марта ўқиб чиққандир. Алал-оқибат иш шу даражага етдики, Адіб ишхонадаги ҳамкаслари, кўчадаги одамларнинг қиёфасию сажиасида роман қаҳрамонларини кўрадиган бўлиб қолди. Аҳён-аҳёнда ўзини роман воқеалари ичидаги яшаётгандек, атрофидагиларни роман қаҳрамонларидек ҳис қилиб қоладиган Адібнинг тушунксиз қилиқлари ҳамкасларига, дастлаб, унча маъкул келмаган бўлса-да, кейинчалик улар бунга кўнишиб ҳам кетишиди. Адібнинг энг катта орзуси — ана шундай қаҳрамонлар яратиш. Шу боис, унинг асарлари ҳақида андак баландпарвоз гаплар айтилган давра сўнгиди: «Ижодкор дегани ёзса — Маркесдай ёзса, яратса — Мелькиадесдай образ яратса. Яратган асарингда дилшикаста Ursulaga, телба донишманд Хосе Аркадио Буэндияга, майли, енгилтак бўлса ҳам Пилар Тернерага ўхшаган қаҳрамонлар бўлса... Мен эса қаламни қийнаб юрган шунчаки бир нотавонман», дея такрорлагани-такрорлаган. Адібнинг бу дарвешона тантлигини фақат дўсти — Акбар ҳазм қилиши мумкин. Бошқалар.. Бошқалар: «Яна бошлади нотавон. Ким йўлингни тўсди? Ёзсанг ёз, бирор қаламингни тортиб олибдими?» дегандай бир-бирларига маъноли им қоқишиди, юз буришириб: «Бу кунингдан баттар бўл!» дея гап чайнашдан тойишмайди. Яхшими-ёмонми, собиқми-содиқми, Адіб ана шу жамоада шунча йил ишлади, тегманозик кассир опа ўз чўнтағидан чиқариб бергандай, миннат қилиб берган маошга шукр қилиб рўзгор тебратди. Ҳамкаслари ёқтиришадими-йўқми катта-кичик маъракаларига айтишни унутишмайди. Адіб ана шуларни-да ўйлаб, Мунисанинг таклифига кўнди. Бош муҳаррирининг хонасига кирап экан, унинг Адига пешвоз чиқиб: «Ие-ие, Хосе Аркадио Буэндия келибдилар-да!» дея ҳазил аралаш қучоқ очганидан кўнглига илиқлик интиб, чехраси ёришиди. Мақсадини айтганида муҳаррири бунчалик ҳайрон бўлади, дея ўйламаган эди. Муҳаррирнинг бу қарорни кўпга қўшилишнинг ҳайрли муждаси санааб, ҳар тутул: «Кесакдан ҳам олов чиқибида-да», дейишдан ўзини тийганини Адига қайдан билсин? Зиёфат хабарини эшитган Акбар эса Адібнинг елкасидан қучиб, кўзида жилваланган меҳр ва хайриҳоҳлик маъноси билан уни доимо қўллаб-қувватлашга тайёрлигини англатмоқ бўлди. Адібнинг кўнглини кўтариш умидида тайёрлаб кўйган совғаси сирини, ниҳоят, ошкор этиш пайти келганлигини ҳис қилиб, ҳаяжони юзига қалқди...

Алқисса, бугун кўпдан бери кутилган ўша кун. Туни билан ҳар хил пишириқлар тайёрлашга уннаган Муниса, эрта тонгданоқ қўли кўлига тегмай супур-сидирга, овқат тайёрлашга уннаб кетди. Ошхонадаги юмушларни енгиллаштириш учун мактабдан қолган қизи дастурхон тузашга киришиди. Адига анчадан бери меҳмон кутмагани учунми, саросимага тушиб, гоҳ ошхонага, гоҳ меҳмонхонага кириб чиқади. Дам кутубхонага мўралайди, дам ётоқхонага. Меҳмонлар тушликка яқин келиши мўлжалланган бўлса-да, хотинининг юзидаги жиддият, қизининг ҳар кунгидан кўра ўн чандон ҳаракатчан бўлиб қолганлиги унинг руҳиятига таъсир этмасдан иложи йўқ эди. Анчадан бери тамаки кутисини кўлига олмаган Адига бир-икки бор тутатиб ҳам кўйди...

Кутилмаганда, дарвозани тепгандек қарсиллатиб кириб келган уч нотаниш, сўхтаси совуқ кимсани кўриб, аввалига фазабдан оёқларининг учига қадар титроққа тушган Адига ҳалигилар ўзига яқинлашар

экан, худди уларни илгари ҳам кўргандек, гўё уларни кутиб тургандек мубҳам кайфиятга тушди ва овозига қўшилиб, бўғзида музлаб қолган газаби ўрнини кўркув аралаш хавотир эгаллади: «Ахир, булар Урсулага қари телба Хосе Аркадио Буэндиани дараҳтга боғлашга кўмак берган ўша уч барзанги-ку! Нима, улар мени ақлдан озган деб ўйлашяптими? Менинг Мунисагинам — Урсулагинам ҳали дараҳтга боғланиш вақтим келмаганини билади-ку! Тағин туғилган кунимда-я... Хотин зотидан дўст чиқмас экан-да... шунчалик бездирдимми, Мунис?!» У ёқдан-бу ёққа бетоқат бориб келаётган Адивнинг қадам товушлари чиқмай қолганиданми, кўнглига аллақандай нохуш ҳис оралаган Муниса ташқарига отилиб чиқди-да, уч барзанги қаршисида ожиз, мунгайиб турган эрининг ёнига етиб борди. Адив ва ҳалигилар ўртасида қоя мисол кўндаланг бўлди. Барзангилардан бири тилга кирди:

— Сиз Урсуламисиз?

— Нима? Қанақа Урсула? Нималар деяпсиз?!

Барзанги пинагини бузмади.

— Бизни сиз чақиртирган бўлишингиз керак. Бу кишини, — Адивга ишора қилди у, — боғлаш керакми?

Муниса гангигандан-ганги: «Нима деяпти бу бадбаҳтлар. Мен чақирибманми? Эримни боғлаш учун чақирибманми?.. Боғлашни кўрсатиб кўяман сенларга...» Жўжалари ҳимоясига отилган она товуқдек, ҳурпайиб хужумга ўтишга ҳозирланаркан, Адивнинг хотиржамлигини кўриб, шаштидан тушди. Китоб қўрган хотин эри олдида бегона эркаклар билан айтишиб туришни ўзига эп билмади.

— Мен яхшиман. Ҳали озгина вақт бор. — Томоги хириллаб пичирлади Адив. — Овора бўлиб келибсизлар, чой ичиб кетинглар...

Барзангилар юзларидаги ифодани ўзгартирмай, аста бош силкиб миннатдорчилик билдиргандек бўлишди-ю, сас-садосиз чиқиб кетишиди.

— Ким экан булар, билдингизми ўзи? Аввал ҳам бир-икки ош-қатиқ бўлгандек чойга таклиф қиласиз?! Сўхтаси совуқ ярамаслар, — овозига куч берди Муниса.

— Шунчаки адашиб кирган бўлишса керак...

Бу кўнгилсизликни унтишга ҳар қанча уринишмасин, фойдасиз эди «Бетон уйда яшаётган бўлсак-ку, ҳарна. Адашган-нетган эшик кўнғироғини босса, дарду ҳолини эшитар-эшитмас, юзига қарсиллатиб эшик ёпасан. Ҳовлига кўчиб ўтиб ҳам тинчимаймизми?» ўксинди Муниса. «Ҳар ҳолда, қачондир келиши муқаррар эди уларнинг. Аммо, бугун...» хўрсинди Адив.

Меҳмонларнинг «ана келади-мана келади» соатлари яқинлашган чоқда, Муниса яна ўз ишига берилиб кетган, барзангилар келмасдан бурун майнин хиргойи қилаётган қизи, тағин-да, хиргойи бошлаб юборган эди. Бола бола-да. Уни катталарнинг ўзларидан ҳам мураккаб ҳаётлари ҳақида бош қотиришга ким мажбурлай оларди?! Фақат Адив ҳали ўша мубҳам кайфиятдан қутулгани йўқ: «Қисмат менинг устимдан чиқарган ҳукмини ўқимоққа бунча шошмаса?! Неларга улгурдим, неларга улгурмадим?.. Улгурганимдан улгурмаганим кўпроқ! Тағин ёндафтаришга: «Мен ҳамма нарсага улгурдим. Ҳатто сиздан кейин келиб, сиздан олдин кетишига ҳам», дея ёзганимга бало борми?! Эҳтимол, қисмат башоратимнинг иккинчи қисмига мойилдир. Бугунги жумбоқ шунга ишорадир?!» Бир пайтлар Адив қаламга садоқат қилгину, ўзига хиёнат қилолмаган ҳаваскор бир шоирнинг ўзидай тўпори, ўзи каби ўжар шеърини ўқиган эди. Шеърнинг бир мисрасини ҳали-ҳануз кирган даврасида такрорлаб юради: «Одамнинг ўлгани, асли, туғилган кун экан, дўстлар». Бу мисрани Адив кайфиятига қараб икки хил талқин қиласди. Илло, одамзод туғилган куни унинг пешонасига ўлим соати-да битилган бўлади. Илло, одамзод ўлган куни Ҳақ нури ила қайта туғилгусидир. Аммо, бари бир, ҳаёт ширин, бари бир, тириклик баҳт! Жисм ўлса,

қисмат дея бош эгасан. Бироқ руҳингни ўлдирмоқчи бўлсалар, қандоқ чидайсан?! Адиг кекса Хосе Аркадио Буэндиа каби руҳиятига шикаст етишию дарахтга боғлаб кўйилишини кўз олдига келтирди-ю, юраги зирқираб оstonага чўкиб қолди...

Нихоят, дарвоза томондан аллақандай машинанинг товуши эшитилиб, меҳмонларни кутиб олиш мақсадида йўлакка чиққан Муниса дарвозанинг ланг очилган тавақаси олдида бир тўп лўлини кўриб, жойида қотиб қолди. Катта ва қўпол рўмолларга ўраниб олган, қоп-қора юзлари игна санчиди туширилган холларга тўлган, ўсмалари чаплашиб кетган бир тўда лўли хотинлар, қора-қура лўливаччалар, кўлларида таёқ, кулоқчинни эгри қўндириб, бот-бот мўйлов бураб ўзларига оро берадиган уч-тўрт лўли эркак дарвозадан ичкарига чувиллаб киришиди ё йўқ-бе йўқ тўғри меҳмонхонага йўл олишди. Адиг уларнинг орасида икки-учта анча-мунча олифтароқ, аммо, аллақандай ажнабий кийимлар кийган одамларни ҳам кўрди. Муниса ҳай-ҳайлаганча қолди. Бошига бир чеълак совуқ сув қуйилгандек талмовсираб қолган Адигнинг тилига, тағин-да, ўша мубҳам кайфият тугун солди. Давангирдай лўли хезлангансимон овози зўриқиб, хириллай кетди:

— Бу нимаси ако?! Меҳмон атойи худо дейдилар! Бизни бу ерга насиба тортиб келди, ако, насиба! Ман билан сиз Худодан зўрмизими, унга ундои қил, бунга бундой қил, деб ақл ўргатсак?! Кенг бўлинг, ако, кенг бўлинг! Бизга бир тишлам нон берсангиз, Худо сизга ўн қилиб қайтаради! Савуқ еган бачаларни ўйламайсизми, охи?!

Адиг юзига зўрма-зўраки табассум эндириб жилмайди:

— Майли, биродар, бемалол. Фақат меҳмон кутаётган эдик. Шунга... Бугун туғилган куним. Меҳмонлар келишмоқчи эди...

— Иби, ман сизга курбон, ако! Бугун иминена денг? Илоҳим, бoshингиз тошдан бўлсун! Уйингизда тўй бўлсун, бошингиз тўйдан чиқмасун, ако! Аммо-лекин, нон эгаси билан ширин, дейдилар. Бизни ўёлтирманг. Биз бир кўчани одами, андешадан Ҳудо андак қисган. Кeling, ако, киринг!

Адиг ноилож меҳмонхонага кирди. Лўли хотинлару болалар аллақачон дастурхон атрофида жойлашиб олишган эди. Фақат икки лўли эркагу ҳалиги уч олифта худди келишиб олгандек мум тишлашган. Барзанги лўли Адигни қўярда-қўймай тўрга — савлатдор олифтанинг ёнига ўтқазди. Адиг «меҳмон»ларга бир-бир назар солар экан, тағин эрталабки ноҳушликни эслади. Ёнидаги олифтага тузукроқ разм солиб, бирдан ҳушёр тортиди: ёнида кимсан полковник Аурелиано ўтиради. Адиг алаҳисирап япман дея ўйлаб, хаёлини жамламоқча уринди. Бироқ, рўпарасида ўтиранг одамнинг ўзига маъноли боқаётганлигини сезиб, тағин ҳоҳишига эрк берди. Шундоқ рўпарасида унга ҳикмат тўла кўзларини қадаган, алланелар демоққа шайланётган донишманд — Буэндиалар хонадонинг ибтидою интиҳоси ҳақидаги башоратни ёзид қолдирган қария Мелькиадес турарди. Адиг лолу ҳайрон эди. Нимадир демоқчи бўлиб лабини қимирлатди, бироқ овози чиқмади. Унга пиелада сув узатган кўл эгасига разм солар экан, кўлидан пиёла тушиб кетди. Кўл эгаси йигит ёшида лўлиларга қўшилиб кетган ёш Хосе Аркадио эди. Кўз ўнгидаги содир бўлган мўъжизадан тамомила гангид қолган Адиг кўраётганлари ўнгими-тушими фарқлаёлмасди. Илло, мудом хаёлларига асир бўлиб юрганидан файриоддий туюлган ҳар бир ҳодисадан мўъжиза излашни одат қилган эди у... Кўнглида аллақандай нохуш ҳис ўрмалади. Наҳот, кетадиган вақт етган бўлса?!

Мелькиадес унинг хаёлларпини ўқиётгандек, маънодор бош чайқади. Нималардир демоқчию, аммо тил билмаганидан афсус чекаётгандек, маъюс жилмайиб қўйди. Бу тариқа мубҳам кайфиятда ўтиравериш Адигга ҳам, учала «муҳожир»га ҳам ноқулай эди. Хайрият, сергап барзанги лўлининг хирқироқ овози янгради:

— Эй ако, нима, уйда нону мевадан башқа нарсангиз йўқме? Янгам овқат повқат қилгандир?

Адиб тараффудланиб қолди: «Муниса бобиллаб бермаса эди. Ахир, лўлиларга едираман деб овқат қиляптими? Меҳмон кутиш нима бўлади, энди...»

Ошхонада бир-бирига суюнганча ҳиқ-ҳиқ йиғлаётган хотини ва қизини кўриб, Адиб тажанг бўлди. Уларга нималарнидир тушунтиришга ҳаракат қилгани фойда бермади: «Мелькиадес келган, ахир, Мелькиадес!» дея такрорлашдан нарига ўтмади.

— Қанақа одамсиз ўзи?! Ҳатто меҳмон кутишингиз ҳам одамларни кидек эмас-а. Нималар деб алжияпсиз? Мелькиадес нима қиласди бу ерда?! Меҳмонлар келиб қолишса нима қиласман? Номусларга ўлдирдингиз мени, — уввос солди Муниса.

Адиб нокулай аҳволда қолди. Ноилож овқат сузмоққа тутиндди. Муниса аввалига қараб турдио, сўнг, кўли юмушга ёпишмаётган эрига раҳми келиб, ўрнидан кўзгалди. Қизи косаларни меҳмонхонага ташиб турди. Сергап лўли Мунисани: «Янгажон, янгамулложон!» деявериб, ниҳоят, жилмайишга мажбур қилди. Адиб тағин полковник Аурелианонинг ёнига чўкди. Ўз уйидаги дастурхон бошида қисиниб-қимтиниб ўтирган хотини ва қизи унинг кўнгли учун «меҳмон»ларга мулозамат қилиб туришди. Лўли хотинлар, лўливаччаларнинг нафси ўпқон эканми, косалар бир зумда бўшади. Муниса Адибнинг қўзидағи ифодани пайқаб, ўрнидан турдио, бир зумдан сўнг, дастурхонга иккинчи таом тортилди. «Меҳмон»лар янаем иштаҳа билан, янаем Мунисага раҳмат айтиб-айтиб товоқларни бўшатишиди. Адибнинг соғлиги учун қадаҳ уриштириб шароб ҳам ичишиди. Вақт ўтиб борар, аммо, асл меҳмонлардан дарак йўқ эди. Адиб тоқатсизланди. Мунисанинг юраги сикилди. «Меҳмон»лар эса, кўзғалишга шошилишмас, айримлари бемалол ёнбошлаб олишган эди. Сергап лўли қистайвериб магнитафон кўйдирди. Шўх мусиқа оҳангига йўргалаб, хотинлару болаларни рақсга тортди. Меҳмонхона ағдар-тўнтар бўлиб кетди. Фақат донишманд Мелькиадес, полковник Аурелиано ва ўспирин Хосе Аркадиоларгина пинак бузмай ўтиришарди. Меҳмонлардан дарак бўлавермагач, хўрлиги келиб, ўз қисматини лаънатлай бошлаган Адиб мана шу уччаласи борлиги учунгина меҳмонхонадан чиқиб кетмас, кетолмас эди. Фақат... Юраги чидаб берса бўлди! Чидармикин?.. Ўларига бир пас эрк бериб, кўзларини юмганида, қулоги остида гувиллаётган далли-девона мусиқа шовқинини ҳам, синиқ пиёлаю тарақлаб қолган бўш идишлар аралаш-куралаш бўлиб ётган дастурхонни ҳам, қийшанглаб рақсга тушаётган ажи-бужу башараларни ҳам унугандай бўлди...

Кўзини очганида меҳмонхонада ўзидан бошқа зот йўқ, ошхонадан жавраб-жавраб идиш юваётган Мунисанинг овози келар эди. Дастурхон ҳали ҳам ивиурсиб ётар, дайди лўлилар тўдаси қолдириб кетган пала-партишлик Мунисани, дарҳақиқат, жаврашга мажбур қилган эди. Адиб оғир кўзгалди: «Келишмади-я номардлар! Ақалли бир-иккитаси келмади-я. Ахир, мен ҳар куни дастурхон ёзиб, меҳмон чақираётган эмасдимку бир сафар келиб, бир сафар келишмаса?»

Адибнинг хўрлиги келиб, юраги сикди...

Рўй берган бу оний «савдо»дан гангид, елкалари баттар буқчайиб, афтода бир ҳолга тушган Адиб, кутубхонасидаги ёзув столига яқинлашди. Деразаларига қалин пардалар тутилиб қоронғилатилган хона ўтрасидаги алланарсага қоқилиб йиқилаёзди. Бу — қалин қофозларга авайлаб ўралган, энг аъло сифатда, обрўли нашриётда чоп этилган қалингина китоб, Адибнинг китоби эди... Қанчалар орзу қилган эди-я, бу кунни... Ҳамма нарсага кўл силтаб, қофозни қийнамасликка қасам ичиб турган пайтида, бу не савдо?! Кўзларига жиққа ёш тўлиб, китобни бағрига босди, Мелькиадеснинг кўнгли боя не сабабдан бирданига кўчага чиқ-


моқни тусаб қолганини, кутубхона эшиги олдида куймаланганини тушунгандай бўлди. Китобни бағрига босганча, хотинидан суюнчи олиш илинжида ҳовлига чиқди. Сабри чидамай, эшикка етар-етмас овоз берди. Заиф, мискин чорловига хотини жавоб берган-бермаганини англар-англамас, хушидан кетди. Эрталабдан бери бардош дараҳти томирларига аёвсиз болта урган дилхираликлар ортидан келган бу шодлик — ҳаяжонига дош беришга куч тополмади. Ошхона эшигида унинг сўзига маҳтал турган Муниса, кўксини чанглаб қулаган Адиганинг тепасига елдек учиб, фарёд уриб келди: «Номинг ўчсин, Мелькиадес, уйинг куйсин, Мелькиадес!..»

...Мавҳум кайфият бағрига чўккан ҳовлидан узоқлашар-узоқлашмас машинани тўхтатган, бошини рул чамбарагига кўйиб, Адиганинг уйидаёқ қалбига чўккан фусса юқидан малул бўлиб, юраги йиглаётган Мелькиадес қулоғи остида жаранг берган фарёддан оёғининг учига қадар титроққа тушиб, машинадан сакраб тушди. Ҳеч бир гап-сўзсиз, ортидан бирор кувандек, ҳаллослаб Адиганинг уйи томон ютурди. Ҳамроҳлару «ҳай-ҳай»лаганча ортда қолищи. «Биродаргинам, жон жўрам, ўлмагин, шоиргинам! Ахир, сен жуда бардошлисан! Умрини гап сотиб кун кўришга сарфлашдан уялмаган баъзиларга ўхшаб ожиз эмассанки, дўстингнинг ҳазилини тушунмасанг! Чида, биродарим, мен етиб боргунча чида!» Мелькиадес юрагини ҳовучлаб югуруар экан, бошидаги шляпасини, қоп-қора сочига у қадар уйғун келмаган ясама соқол-мўйловини юлқиб отди. Елкасидан босиб кела бошлаган фусса Адиганинг ёнига етиб борар-бормас оёғидан чалди. Мунисанинг аламли қарғишлари, аёвсиз туртқиаб-тепишларига дош бериб, эмаклаганча Адиганинг бошига келди, телбалангандча унинг беҳол тепаётган юрагига мадор солмоққа уринди: «Шоиргинам, кўнгли нозик биродарим, ўлмагин, жон жўрам, ўлмагин Сенинг тиришган пешонангдаги ажинлар, юзингдаги қайгу кўланкасини ўрнини ёруғ табассум эгалласин, дёя умид қилган мен, бенаво кулфатингга сабаб бўлиб қоламан-ку, ахир!.. Бундан ортиқ бадбахтил борми?! Кўзингни оч, оғайнижон!»

...Тубсиз ўпқон исканжасидан кутулиб, бир оз енгил тортган Адиг кўзини очганида, тепасидаги — қўлларини дуога очиб, алланималарни пичирлаётган телбанамо суратдаги кишини кўриб ҳайрон қолди. Фикри тиниқлашиб, ҳалиги кишини таниди-ю, маъюс жилмайганча, дийдаси юмшаб, унинг билагини қаттиқ қисди... Адиганинг тепасида, кўз ёшлиари юзидағи бўёқларини юваётган, кўриниши масҳарабозга ўхшаб қолган бўлса-да, елкасидаги фусса юқидан буқчайиб айтиниб-айтиниб йифлаётган Мелькиадес — Акбар турарди.

Бир неча кунлик муолажадан сўнг, анча ўзига келган, тизгинсиз истак ва согинч ила ёзув столига ўтирган Адиг, тоза қофозга янги ҳикоясининг сарлавҳасини ёзди: «ТУҒИЛГАН КУН».





Хайриддин Салоҳ

КИПРИГИМДА ТУТИБ...

Киндик қоним томган она ер,
Билмам, бурчинг қандай ўтадим?
Озми-кўпми тўкиб манглай тер,
Қалб ғурурин сенга атадим.

Хаёлингдан олис кетмадим,
Куйдирсанг ҳам товоним ёзда.
Жунжитсанг ҳам таним аёзда,
Сирим сендан дариф тутмадим.

Узилса ҳам сендан оёғим,
Узилмағай юрагим мутлоқ.
Отам, онам, уруғ-аймоғим
Дафн этилган муқаддас тупроқ.

Ҳар бир сиқим, ҳар бир қатрангни
Алишмасман зар, қаҳрабога.
Кипригимда тутиб меҳрингни,
Оширмоқ-чун яна қадрингни
Келганман-ку ёруғ дунёга.

1960



Хусниддин Шарипов

ШОИРОНА ЗИЁ

2002 йил ёзи «Пахтакор» ўйингоҳидаги Республика шаҳмот клу-
бига журналистларнинг анъанавий мусобақалари ўтаётган эди.
Йигирмага яқин ҳамкасб дўстлар пешиннинг иссиғига қолмай,
кўпроқ ўйнаб олиш иштиёқида, нафасларини ютиб, олтмиш тўрт
тахтани кўзлари билан пармалашарди. Бирдан сукунатни ким-
нингдир фўнфирилаши бузди. Унга жавобан Озод Шарафиiddинов-
нинг кескин жавоби эшитилди:

— Мен учун бош оғритманг. Нима қилишимни ўзим биламан.
Одатда, шаҳмот жангига ҳатто чивин «финг» деб ҳалал бериши
мумкинмас. Ажабланиб, ҳакам билан бурчақдаги тахта тепасига
келдик. Маълум бўлишича, Озод аканинг бир сипоҳи зарба ости-
да беҳимоя қолиб кетган экан: тузоқ сифатида қолдирилганми
ёки хаёл қочибми, ким билсин?!. Рақиб йигит, эҳтимол, ҳурмат
юзасидан, Озод акага «бошқа юрсангиз ҳам майли», деган маъно-
да такаллуф қилган бўлса керак, бояги жавобни олибди. Ўйин
давом этиб, кучлар тенг бўлмаса ҳамки, узоқ дона суришлардан
сўнг Озод Шарафиiddинов барибир ғалабани қўлга киритди, му-
ҳими — ўртада фубор қолгани йўқ. У ўйинда ўша суръат билан
давом этиб, якуний ҳисобда ҳам биринчи ўринни эгаллади, қалам-
кашларнинг бу иилги чемпиони бўлиб қолди.

Ҳалол кишининг ҳеч қачон тили қисиқ бўлмайди. Фақат шаҳ-
мотда эмас, адабиёт оламида ҳам, маҳалла-кўйда, ҳатто, мамлакат-
да... Мен гапни ўйиндан бошлаб, Озод Шарафиiddиновнинг: «Нима
қилишимни ўзим биламан», деган сўзларини бекорга келтирга-
ним йўқ. Бу — ўзбилармонлик ёки такаббурлик эмас. У, дарҳақи-
қат, адабиёт ҳақида, ҳалқ ва ҳаёт ҳақида кўп нарса биларди. Энг
муҳими — ўзи билганича ва ўзи хоҳлаганича яшади.

Бунга ишонч билан шаҳодат беришимнинг сабаби — жуда кўп
иyllар адабиёт дастурхонидан ризқимизни бирга териб едик, ҳам-
маҳалла бўлдик, «Бешёфоч» атрофини обод қилдик. Ўғлим у ки-
шининг қўлида талаба, кейин аспирант бўлиб, олимлар қаторини
тўлдириди. Адабий маълумотномаларни мундоқ ва рақласак, фами-
лиямиз ҳам одинма-кейин кўзга ташланади. Бу камлик қилса,
бисотимизда қарийб эллик йиллик хотира қатламлари бор.

Тўғри, Озод Шарафиiddинов киприги билан илм қудуфини қазий бошлаганида, мен ўрмончилик қасбини ўрганарадим. Биз — Хайриддин Салоҳ, Наим Каримов, Шотурсун Гуломов сингари ёш шоир дўстлар Ёзувчилар уюшмаси ҳузуридаги семинар машфулотларида қайнаб-тошган маҳалларимизда Озод ака Москвадаги Жаҳон адабиёти институтининг аспиранти эди. Лекин, мажлисларда кам кўришсак-да, овозлари доим бизга етиб келиб турарди. Бу овоз, айниқса, у киши қайтгач, эллигинчи йилларнинг охирларида, адабиётимизда ва хусусан, ўша пайтлардаги «Ўзбекистон маданияти» газетаси саҳифаларида лирика ҳақидаги баҳслар бошланганидан кейин юқори пардаларга кўтарилиди, шоир ва китобхонларнинг янги авлодини янги изланишларга даъват этди, чина кам шоирона қашфиётлар чуқур илдиз отадиган заминни тобга келтириш билан шуғулланди. Эркин Воҳидовлар авлоди — ана шу заминнинг ҳосили. Кейинроқ Озод ака мен ишлайдиган «Шарқ юлдози» журналига Абдулла Ориповнинг дастлабки бир даста шеърини, ўзи оқ йўл ёзib, олиб келди.

1960 йил сентябрининг охирларида республика ёш ёзувчиарининг навбатдаги семинари бўлди. Озод Шарафиiddинов, ҳозирги кўникмаларга кўра ҳали ёш бўлса ҳам, семинар қатнашчиларига устозлик қилди. Дўрмондаги машҳур аргувон остида ўтказган сұҳбатига Марк Твеннинг энг гўзал «Том Сойернинг саргузаштлари» китобини асос қилиб олиб, барчамизни жаҳон адабиётининг энг юксак, энг нафис намуналарини мўлжалда тутиб қалам тебратишга даъват этди. Бу даъват акс-садосиз қолмади. Вақти етиб, адабиётимизда Хеменгуэй, Уитман, Кафка, Камю сиыгари мураккаб ижодкорларнинг нафаси пайдо бўлди. Бу нафас ҳатто ҳозирги насримиз ифода услубларида рўй бераётган эркинликларда ҳам ўзини намоён этаётир. Лекин, на чора, кўпчилик учун гап нафас билан танишув атрофида тўхтаб қолди, чамамда. Бу сабоқни чуқурроқ ўзлаштириш масаласи, яъни, Озод Шарафиiddинов бундан қирқ икки йил бурун ўртага ташлаган фикр, ҳануз ўз актуаллигини йўқотгани йўқ.

Айни вақтда, мамлакат раҳбарияти раҳнамолигида мумаммога ечим топилди. Номи ўзига ярашган «Жаҳон адабиёти» журнали ташкил этилди. Озод ака унга бош муҳаррир этиб тайинланди, катта майдонга олиб чиқди. Ўзбек китобхони адабиёт дурдоналари билан мунтазам танишув имконига эга бўлган, айниқса, ёш ижодкорларнинг омади бўлди десак, мутлақо хато бўлмайди. Чунки, бу биринчидан, ёзувчининг ҳам, ўқувчининг ҳам дидини чархлайдиган муҳим омил.

Олтмишинчи йилларнинг ўрталарига келиб, адабиётшунослар сафи кескин кенгайиб кетди, бирин-кетин янги-янги фан докторлари пайдо бўла бошлади. Кунларнинг бирида, кайфиятим бир оз жанговар бўлса керак, Озод акани тергай бошладим, дўстона, албатта, нега бу масалада дангасалик қиляпсиз, деб. Ахир, ўйланг — у илмий даража олиш учун ҳатто китоб титиб ўлтиришининг зарурати йўқ эди, фан олами уни ўшанда ҳам худди ҳозиргида жуда яхши билар ва тан олар эди, ҳатто шогирдларининг анчамунчаси «докторлашиб» кетганди. Мабодо, ўзимиздагилардан кўнгли тўлмаса, Москвадаги қадрдонлари орасида ҳам ҳурмати катта эди. Ҳаракат бошласа, бас...

Кийин-қистовларимни эшлитиб, Озод ака, ҳеч бўлмагандан,

кўнгил учун «хўп» деб қўя қолса бўларди. Йўқ, у ростини айтди. Дардини айтди. Докторликдан нима фойда, деди. Мен шоир Чўлпонни, романнавис Чўлпонни, Чўлпон деган инсонни тикламоқчи-ман, ёруғликка олиб чиқмоқчиман. Мана шу менинг энг зўр илмий ишми бўлади, деди, қолганлари ўз йўлига...

У маҳаллар, ҳали «Тирик сатрлар» эндиғина жодидан ўтказилган паллаларда, Озод Шарафиғдинов бу мақсад жуда катта ижти-моий қувватларнинг қўзғолиши билан, тузумларнинг ўзгариб кетиши билан боғлиқ экани ҳақида ўйлаб ҳам кўрмаган бўлиши мумкин. Лекин унинг кўнгил хоҳиши тарих фидирагининг ҳара-кат қонуниятлари билан мутаносиб бўлгани мана энди яққол кўри-ниб турибди.

Энди гапни кундалик турмушга бурадиган бўлсак, сўнгги ўн-ўн беш йил ичиде «болалаб» кетган чўлпоншуносларнинг ризқи қай-сар Озод Шарафиғдинов томонидан ўша йилларда сочилган эди.

Озод ака Ўрта Осиёдаги энг нуфузли университетнинг домла-си бўлса-да, ўзини ҳатто талабалардан юқори қўймас, ҳамма би-лан тепа-тенг хурсандчилик қилиб ёки баҳслашиб кетаверар эди, ҳатто бошқа олий ўқув юртини битирганлар билан ҳам. Шу са-бабли, уни айниқса, ёш қаламкашлар жон-дилидан ҳурмат қили-шарди.

Ҳамон эсимда, дўстим Хайриддин Салоҳнинг «Иккинчи имти-ҳон» деб номланган китоби эндиғина босилиб чиққан пайтлар эди. Дастребки, муаллифга тегишли нусхаларни олиб, у бирини Озод Шарафиғдиновга тақдим этишни ният қилди-ю, анчагина дастхат ҳақида ўйлаб юрди. Нихоят, менга ёрилиб, устозни «олим-лардан шоирроқ, шоирлардан олимроқ», деб таърифламоқчи бўлга-нини айтди. Бу фикр охири қандай шаклда қофозга тушганини билмадим, лекин мазмунан мутлақо ҳақиқат эди. Шеърият — ўзига хос нурли олам. Ҳар сатрида муҳаббат, вафо, соғинч, меҳр, ишонч, умид, табассум яшайди. Тўғри, ҳажвий шеъриятда найза бор, ле-кин у найзада заҳар бўлмайди. Шунинг учунмикин, Озод Шара-фиғдинов тўғрисида ўйлаганда, у муҳаррир, мақоланавис, нотик, таржимон бўлишига қарамасдан, кўз олдимга шеърият зиёси ке-лаверади. Фақат айтишим қийин, бу зиё ундан тараладими ёки унинг ўзи бу зиёда чўмиладими?!

Бизнинг оила, пайдо бўлибдик, адабиёт билан озуқланади. Дех-қоннинг ўз ташвиши бўлганидай, турсак ҳам, юрсак ҳам, дастур-хон атрофида ўлтирсак ҳам, гапимиз шеърият атрофида айланади. Кунларнинг бирида оиласиз бекасининг қўлига 1986 йилги «Ўзбекистон адабиёти ва санъати» газетаси тушиб қолибди. Унда Озод Шарафиғдинов билан ёзувчи Иброҳим Раҳим бир оз «най-залашишган» экан. Бекамиз бечора бирам хафа, бирам хафа, чун-ки, уларнинг икковини ҳам жуда яхши инсонлар сифатида, ҳалол, оиласизга ҳурмат билан қарайдиган, ижодда обрўси баланд ин-сонлар сифатида билар эди. Нега шундоқ яхши одамлар бир-бирининг дилини оғритади, дейди у куйиниб. Зўрға юпатдим, — бу адабиётдаги оддий бир манзара, деб. Улар тенг вазнли кураш-чиларга ўхшаб, ким зўрлигини кўрсатишгаётганлари йўқ, деб. Бил-ганларини ўртага ташлаб, ўз ҳақиқатларини айтишаётир ва, ҳимоя қилишаётир, деб. Бундай курашдан душманлик эмас, фақат ҳуш-ёрлик туғилажагига ишонтирдим, ҳар ҳолда.

Шу ўринда, бекалар бўйича ҳисобни тенглаштириш учун, кен-

найимизнинг номларини тилга олмоқчи эдим. У кишининг исм-шарифлари гоҳ, кино муҳаррири, гоҳ, кино таржимон сифатида телевизор орқали юртдошларимиз қулоғига ҳафтада бир-икки марта, демак, Озод аканинг номидан ҳам кўпроқ чалиниб туради. Худди шунинг учун ҳам Шарофат Кўшбоева ижодига шунчаки тил теккизиб ўтиш адолатдан бўлмайдигандай туюлди. Бу касбнинг мутахассислари кам, меҳнати мураккаб. Уни қадрлаган санъатшунослар ҳам йўқ даражада. Лекин бу қарзни узиш керак, албатта. Ўша, жиҳдий таҳлил туғиладиган пайт келгунча аввалги мавзуга қайтиб турамиз.

Биз шеърларимизни кўлтиқлаб, бирор мушоирага борадиган бўлсак, кўпинча хавотирланамиз: «Бу сафар ҳалойиқ қандай кутиб оларкин? Ёшларми, қарияларми? Нимани ўқий, қандоқ ўқий?» деб. Ўша йиғинларда кўп бора яна бир нарсанинг шоҳиди бўлганмизки, ҳалойиқ шоирлардан кўра, кўпроқ Озод аканинг оғзига қарабди: «Устоз бу сафар яна қандоқ ҳақиқатни айтаркин?» дегандай. Ҳа, ҳалқ борки, унинг кўксидаги қат-қат орзу ва армонлари бор. У кўнглидагини оламга ошкор қилиб турмаса, ёрилиб кетиши мумкин. Шоир деганингга гапни ҳамма вақт ҳам ишониб бўлавермайди, кўпинча ўтлаб кетишади азаматлар. Шунинг учун одамлар ичларига сифмаган, депсиниб турган дарду қувончларини кўпинча Озод Шарафиддинов тили билан, хоҳ, ёзма, хоҳ, оғзаки бўлсин, мукаммал бир шаклга тушган ҳолда изҳор этишни афзал кўришади. Унга эргашишади ҳам.

Менинг бир дўстим бор. Тожиддин Зокиров. 1946 йилдан бирга ўқиганмиз. Ҳозир у қишлоқ хўжалик фанлари доктори, профессор. Қанд касали баҳона бўлиб, Озод ака билан қарийб бир вақтда оёғидан ажralди. Уйида ётиб қолди. Кунларнинг бирида у мени сўроққа тутди:

— Озод акани касал дейсиз, ахир, у киши бир кун мажлисда бўлса, бир кун радио ё телевизорда кўринса, у газетада мақоласи босилса, бу журналда — таржимаси. Яна — муҳаррирлик... Бунақа яшашга ҳатто соғломлар ҳам ярамайди-ку. Менга Озод аканинг дардни енгиш сирларини билиб беринг...

Ўғлим Рустамжон ёрдамида бир оз «разведка» қилиб, дўстимга Озод аканинг машқу интизомини тушунтиридик. Ҳозир 71 ёшли Тожиддин Зокиров, иккинчи оёғидан ҳам ажralган бўлса-да, тушкунликни бошидан отиб ташлади. Республика пахтачилик илмий текшириш институтининг энг фаол, етакчи ходимларидан бўлганича қолди.

Озод Шарафиддиновнинг роса қирқ йил аввал босилиб чиққан «Замон. Қалб. Поэзия» китобидан кейин дунёга келган илмий асарлари ва таржималари ёнма-ён қўйилса, бир-икки китоб ток-часини тўлдириш мумкин. Уларнинг орасида бундан йигирма йил бурун худди шундай кунларда ёзилган «Ниҳол ўсиб, чинор бўлибди» деган асар ҳам бор. У каминанинг камтарона ижоди ҳақида. Ҳар гал бу асарни қўлга олганда бошим кўкларга етган бўлса, айни вақтда, мен миннатдор бошимни Озод ака қаршисида эгаман. Раҳмат! Ташаккур!

Қаҳрамонлик унвони кўпинча бирор-бир жанговар вазифани адо этгани учун, меҳнатда эса, барчани қойил қолдирадиган музайян натижани қўлга киритгани учун берилади. Озод Шарафиддинов бу унвон билан олим, устоз, ҳалол инсон сифатида ёниб-

яшнаб ўтган бутун умри учун тақдирланди, назаримда. Борди-ю, кимдир қаҳрамонликни, барибир, жанговар иш билан боғлайвегарадиган бўлса, яхши, бунда ҳам мантиқ бор: жаҳонда адолат, ҳақиқат, инсон учун, инсонларча яшаш учун кураш давом этаёттири, ҳатто, авжланаёттири ҳам. Озод ака бутун умр шу майдонда бир оташин жангчи сифатида бўй кўрсатди.

16.10.2002 йил.

Илова: *Менинг бир камчилигим бор. Зарурат бўлмаса, ёзган нарсаларимни газета-журналларга тарқатиб юришга ўрганимаганман. Илгари кўпинча шеър ёки ёзма фикримни уларнинг ўзи сўраб оларди. Бу сафар, ташаббус ўзимдан чиққани учун, Озод ака билан жуда яқин журналнинг раҳбарига қимтишибина мурожаат қилишга тўғри келди. У ҳам, биз устозни илгарироқ табриклаганмиз, деб, гапнинг дангалини айтиб қўя қолди. Яна бир журнал ва газетадаги шогирдлардан ҳам шундай жавоб олдим. Матбуотда жуда узоқ ишлар ишлаганим учун бу соҳа ходимларининг ҳар сўзини тилла баробарида тортиб олишга арзиди деб биламан. Уларга ортиқча ғашлик қилиб ўтирмаадим. Бу гаплар ва ёзганларимни Озод акага ҳам етказмадим. Бегуноҳ кишининг кўнглини оғритиб қўйишдан чўцидим, рости гап. Мана энди, видолашув ўрнида, ўша ўйларни ушбу шеър билан якунлашга тўғри келаёттири.*

ОЗОД НАФАС

Фикр ва тасаввур жилови узун,
Донолар ҳаётни пайпаслаб юрмас.
Илҳом-ла кувлашиб ўйнамоқ учун,
Хаёл сурмоқ учун
оёқ зарурмас.

Кўз юмиб уфқлар ошмоқ ҳам осон,
Кайф қилсанг мабодо қалб бодасидан.
Ер хулқи иқлимдан бўлгандек аён,
Ерни сезмоқ мумкин шаббодасидан.

Тан аммо, барибир, тилар озодлик,
Ҳеч кимса рақс тушмас, ахир, кишанда.
— Нечун тенг сийламас барчани шодлик? —
Деган ўй эговлай бошлар ўшанда.

Балки жавоб берар бунга табиат,
Чўтга солаёттири жами ишини.
Ҳақиқат бор бўлса,
айтсин ҳақиқат:
— Азоблаш шартмикин яхши кишини?..

16.12.2005 йил.



Машраб

ҚАЮ ТИЛ БИРЛА, ЭЙ ЖОНО, СЕНИНГ ВАСФИНГ БАЁН АЙЛАЙ

* * *

Малаксан ё башар, ё хуру филмонсан, билиб бўлмас,
Бу лутфу, бу назокат бирла сендин айрилиб бўлмас.

Ажаб бераҳм дилбарсан, ажаб шўхи ситамгарсан,
Чароғи хусни рўйингдан кўнгулни хам қилиб бўлмас.

Юзунгни офтобини кўриб ҳайрон бўлиб қолдим,
Фалакка кўл узотиб шамси анварни олиб бўлмас.

Юзинг мисли қизил гулдур, кўнгул чун булбул шайдо,
Бу гулнинг ишқидин булбул чамандин айрилиб бўлмас.

Кел, эй Машраб, агар ошиқ бўлибсан, бўлмагил ғофил,
Бу ғафлат уйқусидин, эй ёронлар, уйғониб бўлмас.

* * *

Агар ошиқлигим айтсам, куюб жону жаҳон ўртар,
Бу ишқ сиррин баён этсам, тақи ул хонумон ўртар.

Кишига ишқ ўтидин зарраи тушса бўлур гирён,
Бўлур бесабру бетоқат, юрак-бағри ҳамон ўртар.

Нечук тоқат қилай, дўстлар, бу дард ила бўлуб ҳайрон,
Ғамим бошқа, алам бошқа юрагимни ниҳон ўртар.

Мени бехонумон тинмай куюб ҳар дам фироқингда,
«Нигоро!» деб отинг айтсам, ки, тавқингдин забон ўртар.

Қаю тил бирла, эй жоно, сенинг васфинг баён айлай,
Тилим лолу кўзим гирён, сўнгакларим чунон ўртар.

На қаттиғ кун экан, дилбар, висолингдан жудо бўлмоқ,
Менинг оҳим ўтиға бул замину осмон ўртар.

Юракда дарду ғам қат-қат, ки, менда қолмади тоқат,
Агар бир заррасин бул вақт десам ишқи баён ўртар.

Бу дард ила ҳароб ўлдим, келиб ҳолимни сўрмайсан,
Унум чиқса юракдин бу тану жон, устихон ўртар.

Бу Машраб дардини, жоно, ки, ҳеч ким бошиға солма,
Агар маҳшарда оҳ урсам, бихишти жовидан ўртар.



Өңбек Шаҳрисабзда Хотиротлар

Учинчи-тўртинчси синфларда ўқирдик. Муаллимимиз синфдошлардан тўрттамизни дарсдан кейин олиб қолди-да, ҳар биримизга тўрт қатордан шеърни ёздириб бўлганидан кейин:

— Ана шу шеърларни яхшилаб ёдлаб келсаларинг, мен сизларни катта шоир билан учрашувга олиб бораман, — деди.

Үйга суюниб келдим-да:

— Онажон, янги кийимларимни беринг, шоир билан учрашувга олиб боришаркан, — дедим кувончим ичимга сифмай.

— Қайси шоир билан, ўғлим?

— Ойбек деган шоир билан деди муаллимимиз.

— У киши яқинда радиодан шеър ўқиди, ўғлим. Ойбек улуғ инсон, бундай катта одамлар олдига куруқ қўл билан бормайдилар, — деб, онам бир тоза рўмолга яхшигина пишган сурхак узумидан узиб, туғиб бердилар.

Қишлоқдан чиқиб, шовуллаган боғ-роғлар, баланд-баланд қир-адирлардан ўтаяпмиз. Ўқитувчимиз йўл-йўлакай ёдлаган шеърларимизни сўраб, қандай айтиш кераклигини ўргатиб бораётгти.

— Биласизларми, — дейди бизни эҳтиётликка ундан муаллимимиз, — бу шеър «Ҳайкал олдида» деб аталади. Домла Ойбекнинг янги шеърларидан. Агар чиройли қилиб айтсаларинг, у киши жуда курсанд бўладилар...

Анча йўл юрдик. Олдин бир кичикроқ дарёдан кечиб ўтдик, кейин дараҳтзорга кирдик. Дараҳтзор Қани қишлоғига уланиб кетганди. Яна бироз юриб дараҳтзор ичидаги ёлғиз иморат томон йўналдик:

— Ана, домла Ойбек, — деб юборди муаллимимиз бизларга иморат олдида турган кишилардан бирини кўрсатиб. Шоир оппоқ кўйлакда, соchlари жингалак, чиройли, худди китобдаги суратларига ўхшаб турарди.

— Сизлар шу ерда мени кутиб туринглар, — деб муаллимимиз тезгина бориб, у кишилар билан анча гаплашди-да, кейин келиб бизларни ҳам эргаштириб кетди.

— Салом катта инсонлар! — деб Ойбек домла ҳаммамиз билан кўришиб чиқди.

— Яхши ўқияпсизларми? Қандай китоблар ўқияпсизлар? Эртак китоблардан ҳам ўқийсизларми? — деб сўрадилар.

— Булар ажойиб болалар, домла, сизнинг шеърларингиздан ҳам ёдлаб келишган, — деб биздан олдин жавоб қилди ўқитувчимиз.

— Шунақами? Қани, эштамизми, Ҳуррам aka? — дея ёnlарида жимгина қўл қовуштириб турган одамга қаради Ойбек домла. Бу орада ўқитувчимиз бизларни бўй-бўйимиз билан сафлаб кўиди.

— Хўш, қани катта инсонлар, эштамиз, — деди яна Ойбек домла.

Навбат билан шеър ўқишини бошлидик:

*Куйлаганди беш аср бурун
Халқни, ҳақни, ишқни бу инсон.
Юраги ҳам эркин, ёруғ кун
Дарди билан тепарди ҳар он.*

*Улуғ Ватан кўксида шоир
Бугун қаддин кўтарди баланд.
Абадий тош либосидир,
Кўлда китоб, кўзлари ўйчан.
— Ассалом, Навоий! — дейди ёш авлод,
Олқишилайди ҳалқи баҳтиёр.
Шоир, арзир қилсанг ифтихор,
Сўзинг янграп, кўнгилларда ёд...*

— О-о-о, гўзал, гўзал-ку бу ёшлар! Қаранг Ҳуррам ака, бу катта кишилар қандай зўр ўқийдилар, бирам мафтункор. Яхши, яхши. Уқинг, яна бир такрор!

Ойбек домла бу сўзларни шундай берилиб кувонч билан айтардиларки, қўлларини ўйнатиб, кулоchlарини кериб, бошларини баланд кўтариб, кўзларини беихтиёр юмиб, худди актёrlардай беугубор ва, айни пайтда, ҳайротомуз кўринарди, бизга. Ҳаммамиз маҳлиё бўлиб қараб турибмиз. Ҳатто муаллимимиз ҳам чурк этмай, қўзини адибдан узмасди. Бирдан Ойбек домла жиддий тусга кириб:

— Исми шарифлари нимайди? — деб қолди муаллимимизга.

— Шариф, Шариф Воҳидов, — деди тезгина муаллимимиз.

— Раҳмат сизга! Зукко, билимдон этиб тарбиялабсиз шогирдларингизни. — Домла Ойбекнинг гаплари шу жойга етганда, ҳалиги Ҳуррам ака деган киши:

— Сизнинг отангиз ўқитувчи эмасмиди, йигитча? — деб қолди муаллимимизга.

— Ҳа, отам ўқитувчи бўлганлар. Сиз отамни танирмидингиз?

Жавоб билан бирданига савол ҳам берди муаллимимиз.

— Раҳматлик Абдувоҳид кўп зукко, билимдон, камтарин инсон эди, — дедида, Ҳуррам ака Ойбек домлага қараб шуларни таърифлади:

— Ҳазора ажойиб манзарали узумзор жой. У ердагидай ширин узумни ҳеч жойда учратолмайсиз. 1933-йили қурғоқчилик бўлганди. Шахрисабз мухитини ўрганиш мақсадида бўлса керак, Йўлдош Охунбобоев кёлганди. Мен у пайтда органда ишлардим. Уларга қўшилиб Ҳазора узумзорларини айлангандик. Мана, бу ёшлар ўша жойнинг узумидан келтиришибди, бир татиб кўринг-чи, Ойбек ака, — деб идиша тозагина қилиб ювилган узумни тутди.

Адид бир бош сурхак узумини олиб узоқ томоша қилди-да:

— Тозалигини қаранг-а, билтурдек тиниқ кўринади-я. — Бир гужалани оғизларига олиб, ҳузур қилиб едилар ва: — Қани, катта инсонлар, ўзларингиз ҳам олингларчи, — деб бизларга ҳам ўз қўллари билан узум едирандилар. Қанида Ойбекдек улуг инсон билан учрашиб, бир олам завқларга тўлиб қайтаңдек ўшанда.

— Йиллар еллар каби тез ўтиб кетавераркан. 1967 йил Ойбекдек буюк инсонни яна бир бора кўриш насиб этди. Афсуски, ноxуш ҳолат эди унда:

Тошкент. Навоий театри. Ҳалқ оқими бетиним тўлқинлаб келарди. Ҳалқимизнинг севимли фарзанди — Мақсуд Шайхзода тулларга ўралганча, тобутда салгина боши кўтариб кўйилган ҳолда ётиби. Унг томонда Ойбек, чап томонда машхур ҳофиз Сирож Аминов, ҳар икковларининг ҳам билакларига қора латта бойланган, кўл қовуштириб туришибди. Ҳофиз ғамгин хиргой қилиб турибди. Юзларидан кўз ёшлари оқиб тушяпти. Ойбек домла бўлса, қип-қизил тангизиб кетган, юз-кўзлари ҳам бошқача, устиларида сарғиш макентош, улкан қоматлари ғамгин, мархум билан видолашиб ўтаётган одамлар оқимига не-не маъноларда жовдираб қаарди... Бу Ойбек домлани сўнгти бор кўришим бўлди...

.... 1975 йиллар эди. «Ёш гвардия» (ҳозирги «Янги аср авлоди» нашриётида Ўзбекистон ҳалқ ёзувчиси Худойберди Тўхтабоев, мархум ёзувчи Эмин Усмон, таржимон Эркин Миробидов (у киши 1957 йили ТошДуни битириб, йўлланма билан Шахрисабзга келган ва ўша пайтда Амин Умарий номи билан юритилган ҳозирги Ойбек номли ўрта мактабда тарих фанидан дарс берган)лар билан суҳбатлашиб ўтирадик. Суҳбат айланиб, Ойбек домланинг Шахрисабзда бўлганликларига бориб тақалди. Шунда Худойберди ака: «Жаббор, сиз домла Ойбек уйида яшаб, ижод қилган ўша инсон билан батафсилоқ суҳбатлашсангиз, ахир, у киши ҳам кексайиб қолгандир. Улар тирик тарих-ку, мумкин қадар овози ёзиб олинса қандай яхши иш бўларди», деган фикрни айтди. Шундан кейин мен ўша Ҳуррам бобо Боқиев билан кўп марта учрашдим, жуда кўп нарсаларни билиб олдим.

1950 йил эди, — деб ҳикоя қилди Ҳуррам бобо. — Айни сурхак пишган пайт. Вилоят ўрмон ва сув хўжалиги бошқармасининг бошлиғи Бекмурод Усмонов (у киши тошкентлик эди. 1994 йилда вафот этдилар) бир гуруҳ меҳмонлар билан

уйимизга кириб келдилар. Мәжмөнлар орасида мен Ойбекни дарров танидим. Ҳаяжон-ланганимдан: «Сизни танийман, сиз — ёзувчимиз Ойбексиз», деб юборибман.

— Ҳа, бу киши сизнинг ёзувчингиз, бизнинг божамиз Ойбек бўладилар. Бу киши Зарифа опа, Ойбекнинг аёли, бу киши эса, Шарифахон — бизнинг жононимиз, — деб роса кулдириб, мәжмөнларни таништириди Бекмурод Усмонов. — Ойбек бизнинг уйимизда 19 кун яшаб, ижод қилди. У кўп ўйлар, кўп ёзар, эди. Мен у кишини дарё бўйларига, қир-адирларга, Мираки қишлоғига олиб борардим. Ойбек ака одамлар билан ҳол-аҳвол сўрашар, дилдан суҳбатлашиб, кўнгилларини кўтарарди. Лекин ҳеч қачон мен палончиман демасди. Баъзан бир жойда узоқ туриб қолар, олис-олисларга термулиб хайёл сурар, катта тош устига ўтириб олиб, дафтарига нималарнидир ёзигб қўярди. Бир куни туман раҳбарларидан бир киши келиб, ўтирмасдан Ойбек билан икки дақиқа чамаси гаплашди-да, хайрлаша туриб, менга қўл узатди. Ойбек ака мийигида кулиб қўйдилар. Нонушта қилиб ўтирганимизда Ойбек ака ўз-ўзларидан узоқ кулдилар. Ҳатто, «Тавба» деб кўзларини рўмолча билан артиб ҳам олардилар. Нимага кулаётганликларини сўрасам:

— Покистонда бўлганимда бир ўзбек йигити: — Салом Ойбек ака, — деб мен билан сўрашиб қолганди. У инқиlobдан олдин Тошкентдан Покистонга кетган экан. — Нега ўз ватанингизга қайтмайсиз? — десам: «У ерда коммунистлар одамларни елкасидан тишлаб ер эмиш-ку!» деб жавоб қилганди. Ҳозир шу воқеа эсимга тушиб қолди. Қаранг, қандай нотўғри тарғибот, — деб жавоб қилгандилар Ойбек ака, — деб ҳикоя қилиб берарди менга адаб ҳақида Ҳуррам бобо Боқиев.

Ойбек домла бу ерга божаси Бекмурод Усмонов ва рафиқаси Зарифа опанинг маслаҳатларига кўра дам олишга келган. Табиийки, бу ерда «Олтин водийдан шабадалар» романининг айrim қисмларини қайта ишлаган. Монанд манзаралар, муносиб характерлар топган.

Яна бир нарса муҳимки, Ҳуррам бобо Боқиевнинг оиласида Ойбек домланинг учта дастхатлари бўлган.

Ҳуррам бобо умрининг сўнгти йилларида кенжа ўғли Илҳом билан яшагани, отахонга тааллукли барча нарсалар унда сақланишини билиб, улуф адабнинг кўлэзмаларини топиб беришни илтимос қилдик. Илҳом буюк адабнинг ўз қўллари билан ёзилган дастхатларнинг иккитасини топиб берди. Минг афсуслар бўлсинки, дастхатнинг биринчисини топишнинг иложи бўлмади. Аммо, ўша дастхатдан айнан кўчириб олган нусхамиз (1985 йилда) бизда сақланмоқда, мана у:

«Шу гўзал табиат каби тиниқ, тоза, мусаффо чеҳрангиз, сермазмун суҳбатларингиз, инсоний ғамхўрлигингиз бир умр қалбимда муҳрланиб қолади. Сизни ҳурмат қилиб Ойбек». Йимзо.

Дастхатларни ўқир эканмиз, шундай буюк инсоннинг оддий бир одам, бир боғбон Ҳуррам бобо Боқиев билан суҳбатлашиш учун, вақт топганига, ҳаттоқи, у кишининг тақдирни учун қайгуриб вилоятнинг энг катта раҳбарига мурожаат қилганини эшишиб Ойбек домланинг одамийлигига, мурувватига таъзим қилгинг келади кишининг.

Ҳуррам бобо Боқиев ҳаётлигидаёқ, ўзи яратган боғнинг дам олиш масканига Ойбек домланинг номини кўйдиришга, буюк адабнинг сиймоси тасвирланган йирик панно ўрнатишга эришганди. Қани қишлоғидаги мактабга Ойбекнинг номи берилиши ҳам шахрисабзликларнинг улуф адаб руҳига қалб эҳтиромидир.

Жаббор Халилов,
Шахрисабз.





БОЛАЛАР ДУНЁСИ



Султон Жўра

ҲАРОФЛАР БЎЛИМ БІҶИСАФРА...

Ой нечта?

I

Юлдуз, Кундуз сингил ва опа
Бошладилар катта тортишув.
Юлдуз деди: — Ой битта фақат.
Кундуз деди: — Йўқ иккита-ку!
— Кеч бўлсинчи, кўрамиз, қани,
Кимнинг гапи ростга чиқаркан?
— Юлдуз бўлсанг, ойни кўргани
Ундан илгарироқ чиқарсан...

II

Ана келди, кутган кеча ҳам,
Ениб чиқди қизил ширмон ой.
Чопиб кетди Юлдуз кўчага.
Кундуз деди: — Ҳовлидан боқай.
Иккови ҳам кўраркан ойни,
Бир-биридан олишди дарак:
— Унда борми?
— Ҳа, биттаси бор.
Қайсисининг оий каттароқ?
Ишонмади бири-бирига.
Ва дедилар:
— Ой, нечта оий?
— Ётинг энди,
Фақат битта осмоннинг оий.
Катта бўлгач, айланайларим,
Ойнинг ўзин миниб кўрасиз.
— Ўшанда-чи, ойижон бизга
Катта тоти¹ олиб берасиз...

III

Мен ҳам шундай болалигимда
Ойни иккита деб юрардим.
Ўша пайтим тушиб эсимга,
Шу шеъримни ёзиб юбордим.

1940. Андижон.

¹Тоти — соғфа, мукофот.

Кимнинг хати чиройли?

Солиштириб кўрайлик,
Кимнинг хати чиройли?
Қани очинг дафтарни,
Меникидай хат борми?
Кўринг ҳамма ҳарфимни
Қизиқтирар ҳар кимни:
Ҳарфим аниқ, гўзал — хуш,
Қийналмай мумкин ўқиш,
Дафтардаги чизик-сим
Ва ундаги ҳар сўзим —
Қалдирғочдек тизилган.
У ёзилган тез -илдам.
Ҳафрлар бўлиб бўйсара,
Доим менга бўйсунар.
«Қийшайманг ҳар томонга!»

Деб бераман команда.
Соат ўқидай бираам
Теп-текис юрар пером
Ва бўяб ҳаммаёқни
Томизмайман сиёхни.
Ўтиришим тўғри, соз,
Қоидага жуда мос.
Қўкрагимни мен сира
Утирганим йўқ тираб.
Чиройли ёз, ёзсанг хат,
Чунки бу ҳам зўр санъат...
Биз ҳам бўлайлик ҳатто
Алишер каби ҳаттот.
Шунинг учун лозим, шарт,
Хуснихатга муҳаббат...

1940. Андижон.

Султон Жўра — 1910 йилда Бухоро вилояти Шоғиркон туманига қарашли Қоғолтон қишлоғида туғилган. Бухоро билим юртини битириб ўқитувчилик қилган. Биринчи шеърлар тўплами — «Фидокор» номи билан 1940 йилда нашр этилган. Шоирнинг «Қалдирғоч», «Зангори гилам», «Чўнтақ», «Кимнинг хати чиройли?», «Тиниш белгиларнинг мажлиси» сингари қатор шеърлари ва эртаклари ўзбек болалар шеъриятида алоҳида аҳамиятга эга. Султон Жўра 1943 йилда Йккинчи жаҳон урушида ҳалок бўлган.



Аҳмад Ҳасан

Кунлар ўтар...

Кунлар ўтар... Ортга қайтмас тарих гилдираги,
Чархпалак дунёнинг синовлари кўп оғир.
Ўйлаб ўйи тугамас одамзоднинг бир умр,
Жоним, ўзинг Зуҳро бўл, майли, мен бўлай Тохир.

Борлиқقا очик кўз-ла боқмоқ қандай хушбахтлик,
Севилиб яшамоқлик кора кунни йўқотиб?
Мусаффо ҳаволарга кўкракларни тўлдириб,
Тонгларга кучоқ очмоқ ипақдек нурга ботиб.

Баъзан дунё дор каби икки қўлини чўзиб,
Шодлик билан қайғунинг елкасин тутиб турмиш.
Уммондаги наҳангдек оғзини катта очиб,
Бахтиёр дамларингни бир зумда ютиб турмиш.

Садоқатинг белингга лангар бўлсин, азизим,
Йиқилмоққа ҳаққинг йўқ, мададкоринг ўзимман.
Сайр айла тоғу тошни, гулзорлардан атир уз.
Сафарга чиқмоқ бўлсанг жиловдоринг ўзимман.

Ёмғир ёғсин, қор ёғсин — бари-бари бор бўлсин,
Рангларини бахш этгай қизгалдоклар сен учун.
Юзингта тушса ажин, шудринглар ювсин наҳор,
Армоним боғларида бодомгулдек очилгин...

Яхшилик

Агарки, инсон номинг,
адолатга ташнасан,
Чехранг офтоби билан
оламни яшнатасан.

Бу ўтар дунё учун
донолигинг хазина,
Эзгулик қоясига
ҳар қадаминг бир зина.

Яхшилик қилиш учун
тириклик бор, имкон бор,
Мұҳаббат суви ила
сугорилган виждон бор.

Зероки, шундай экан
мехрингни дариф тутма,
Инсоф тарозисига
қўйган тошинг унутма.

Малҳамдори бўлгин сен
жароҳатли қалб учун,
Яхшилик қил, яхшилик
ҳаётга керак ҳар кун...

Миришкор

Онамнинг дуоси

Баҳорим, ёзларим қайтар бир куни,
Шодликлар домига тортар бир куни,
Иқболим ортгандан-ортар бир куни,
Онамнинг дуоси кўллайди мени!

Андуҳлар кўргоним ташлаб кетади,
Орзулар қулимдан ушлаб кетади,
Ғанимлар кўзини ёшлаб кетади,
Онамнинг дуоси кўллайди мени!

Баҳорим чечаклар олиб қайтади,
Саболар ёнимда алёр айтади,
Муаттар ифорли қунлар қайтади,
Онамнинг дуоси кўллайди мени!

Мен учун фидодир жисму жонидан,
Бевақт айирмагин меҳрибонидан,
Хар нафас дуода менинг волидам,
Онамнинг дуоси кўллайди мени!

Ёлғизлик

Ёнимдасиз, етолмадим сизга бир умр,
Қарогимда лағча чугни тутиб бораяпман.
Иулларимни сув босганда симириб беун,
Тош келганда садо бермай ютиб боряпман.

Узун-узун кечаларнинг эхсони-азоб,
Түннинг қора қарғалари бағрим чўқийди.
Бошимда чарх урар минг бир гуноҳу савоб,
Исмисиз туйғулар унсиз афсун ўқийди.

Бағрим ёқсан ҳасратларим-вафодор йўлдош,
Юрагимдан паноҳ топган улар бегумон.
Тополмадим бу дунёда бегидир дилдош,
Ишқнинг ишқсиз зардобидан руҳим беомон.

Йўл тополмай, сарсон кўнгил сарҳадларида,
Андишанинг кўлларида дилим қон ютар.
Билолмайман, билмам, энди бу аросатдан
Кўнгил-да, сабр-да, қайга бош олиб кетар?

Андижон

Исмат Йўлдош

Майсаларнинг шивирида бир қўшик,
Майин эслан шабадани маст қилас.
Ҳаёт нечун буюк ишлар турганда,
Майсага ҳам вақти келса қасд қилас?

Вақт етдими, биз – майсанинг илдизи
Куриб, қақшаб ҳайқирмоқда ботинда?
Майсаларнинг қисматига бу қадар
Ўхашалик бор экан инсон зотинда.

Майсазорга бошим қўйиб ўйлайман:
Ҳаётим ҳам, заволим ҳам күёшдан.
Юрагимга сингиб офтоб нурлари,
Гёй дейди: Не наф бордир кўз ёшдан?..

Майсаларнинг шивирида бир қўшик –
Балки менинг ошиқ кўнглим қўшиги.
Умид билан кўкка қараб ётган зот –
Ҳеч ким эмас, ҳаётнинг бир ошиги...

* * *

Олдин ҳам бу уйда яшагандайман,
Олдин ҳам... ҳаммаси бўлмоқда такрор.
Бу сирнинг тагига етолмасам-да,
Бетакрор нимадир ҳаётимда бор.

Мен бу ерга нечун такроран келдим,
Яна соғиндимми орифий суҳбат?
О, қанча яшасам, шунчалар билдим,
Ҳамиша бетакрор фақат муҳаббат...

Самарқанд

Инобат Қўчқорова

* * *

Оқшом чўқди. Қалбим ээмокда бир ҳис,
Зулумот кечалар йиглар юрагим.
Сен кетиб борасан олисдан-олис,
Сен кетиб борасан... ёлғиз керагим.

Ажаб, тошни ёриб ўсмоқда бир гул,
Ишқнинг осмонидан соғинч тўкилар.
Алданган севгидан титрайди кўнгил –
АЗоблардан қақшаб чоки сўкилар.

Лаҳзалар ўтмоқда, ҳануз қайтмассан,
Балки ёдингга ҳам келмасман – эзиб.
Туманли кундузим сирин айтмасдан –
Мужгонлар бағридан ёш келар сизиб.

Кутиб яшагайман мусаффо тонгни,
Баҳорий соғинч-ла ёришади кун.
Лоақал хабар қил, ўшал бир онни
Бағримга босайин, шодланиб бутун...

Қайтақол, тошни ёриб ўсмоқда бир гул...

* * *

Кулиб турар кўзларимда ёш,
Оппоқ тонгни ҳиссиз кучаман.
Соғинч дарди – дилимда бардош,
Сиз-ла фақат тушда учаман.

Нигоҳимда ҳайрат қотади,
Тушунолмам дунё ишига.
Севгисини арzon сотади
Кимдир, муҳаббатсиз кишига.

Тушларимда қувонгум фақат,
Сиз-ла қувонч ёнокларимда.
Хижронингиз ўсади қат-қат,
Илдиз отиб қарокларимда.

Чарақлаган қўёш пойида
Дили хуфтон, дили кеча ман.
Хижрон мени шунча койиди,
Сиз-ла фақат тушда учаман.

Тошкент

Аъзам Раҳим

* * *

Ҳайрат кўзларига қон тўлар бугун,
Бугун гупиради сокин ҳаяжон.
Гўёки, зулматни енга олган нур
ўлиқ сукунатга бахш этади жон.

Ўша қарри толнинг пахмоқ сочлари
қора рангга эмас, оқ рангга дўнар.
Ялтоқланаётган музнинг ҳайбати
эркин хаёлларнинг тафтидан сўнар.

Гувала деворнинг ковакларида
асрий губорларнинг гуллайди барги.
Ёлғон эртакларин айтиб ҷарчаган
тунни ўйғотади нотаниш сезги.

Сийму зар тўқади қонталаш рўё,
йўйилган таъбири кенгликлар алвон.
Шиддат-ла қоришиқ руҳлар сасидан
энг нимжон гиёҳнинг тили ҳам бийрон.

Фақат лол чехралар мудрайди узоқ,
минг бир титроғидан чикмайди кори.
Фақат қувват берар, қувват берар тонг,
ёрқин ёмғирларнинг үйноки тори.

* * *

Тундайин кун бўлди, тундайин,
ялдога уланди пешлари.
Паришон хаёллар вакт сайин
айланиб боради тескари.

Эрк бериб дилафгор ҳисларга
ётибман, илкимда остона.
Хатласам бетайин сасларга
зулумот тебранган мастона.

Қошлари чимрилган фуурнинг
яраси айланган исёнга.
Кечаги алданган сурурнинг
хотири эврилган илонга.

Үйларим ялдога муштарак,
узатиб боради бўйлари.
Ийлт этган нур каби жон ҳалак
умиднинг ёришган рўйлари.

Ўш

Дилфузада Қосимова

* * *

Иккимиз – тақдирнинг тор йўлагидан
Нур излаб, оламга сифмаган дилмиз.
Деворга чирмашиб, күёшни кутиб,
Күёшни соғиниб йиғлаган гулмиз.

Иккимиз – дийдорнинг чегарасига
Армонлар оралаб етмаган йўлмиз.
Айрилиқда тутиб пешонасини,
Қисматнинг кифтида тўкилган кулмиз.

Иккимиз – хазонлар шивирида жим,
Ноласи осмонга учган титроқмиз.
Иложсиз, тақдирнинг йўлакчасига
Бахт топмай тўкилиб қолган япроқмиз.

* * *

Синдим, кўнгил парчаларига
Боқий нурдек илашиб кетдим.
Дайди рухнинг кўчаларидан
Олов билан тиллашиб ўтдим.

Севдим, гулнинг гунчаларига
Ўзлигимни аямай тўқдим.
Капалакнинг қўлчаларига
Фақат, фақат умримни тиқдим.

Кўқон

Мадамин Қўчқор

* * *

Билмайман, самода қанча минг юлдуз,
Юлдузлар – ой сўқмоғи, ойдин тун.
Улар она ерга ташлар ташна кўз,
Мен-да, кўз тикаман уларга мафтун.

Яхшилар юлдузи турсин юксакда,
Фарқсиз: таниш ё нотаниш, барибир.
Севаман барчасин юрак-юрақдан,
Томирдаги қоним – улар қадридир.

* * *

Эй сен, менинг гулим, очилган гулим,
Кўриб, кўрмаганга олдинг ўзингни.
Сезиб, сезмаганга олдинг ўзинг бот,
Йироқ бир нуқтага тиқдинг кўзингни.

Шаҳло кўзларингда не дунё айланди,
Нигоҳинг уфқда боқасан кулиб.
Унда, мен кўз нуринг амрига бойландим,
Анвойи умидлар кўксимга тўлиб.

Шовот



Мавлоно Ҳожа Қози Пайвандий Ризоий ва унинг «Қуш тили» асари

Мустақиллик боис мумтоз адабиётимиз намоёндалари асарларини илмий жиҳатдан ўрганиш кўлами кенгайди. XVIII асрда Хоразмда яшаб ижод этган Мавлоно Ҳожа Қози Пайвандий Ризоий Шарқ адабиётида кенг тарқалган мавзузу-кушларнинг рамзий саргузаштларига багишлаб достон яраттан. Бу достоннинг ҳозирча ягона қўлёзма нусхаси ЎзРФА Алишер Навоий номидаги Давлат адабиёт музеи фондида 127 рақам остида сақланмоқда. Мавлоно Ризоий достони ғоявий йўналиши ҳамда ҳикоятлардаги мазмунига кўра, ижодкорнинг чукур билим соҳиби бўлганинига далолат беради.

Асар қўлёзма нусхаси ҳақида қўйидагиларни айтиш мумкин.

Қўлёзма 15X24 ҳажмда. Гўзал нақшли муқовага эга. У тўртбурчак гуллар билан зийнатланган. Муқованинг марказида ўйиб ишланган нақш ҳам мавжуд. Унинг юқори ва қуви қисмларида муқовачи томонидан тамғасифат босилган муҳрлар бор. Унинг ичида муқовани ишлаган саҳдоғнинг номи араб ёзувида битилган. Унда шундай сўзларни ўқиймиз: «Амали Мұҳаммад Юсуф саҳдоғ». Бу тамғалар қўлёзма бошидаги ва охиридаги муқова юзларига босилган. Нақшлар давр ўтиши билан ўча бошлаган. Муқованинг четлари шикастланиб йиртила бошлаган. Қўлёзманинг инвентар рақами муқова тепасида ва китоб ёнига қоғоз билан ёпиштирилган. Қўлёзма муқовасининг ички томонида қаламда араб хати билан «Мантиқ ут-тайр туркий» деб асар номи ёзилган. «Мантиқ ут-тайр» достони матни 16 варақдан бошланади. Шу варакнинг остки қисми бироз йиртилган. Матн 9,5X17 см ҳажмдаги қизил жадвалга олинган жойга қора сиёҳ билан настъалиқ ҳатида ёзилган. Достон матни жуда саводли кўчирилган. Айрим хатоларга йўл қўйилган жойларда хатолар ҳошияга тўғрилаб ёзилган. Матн пойгиrlари изчил қўйилган. Ҳар бир саҳифага ўн беш қатор (ўттиз мисра) шеър икки устун қилиб жойлаштирилган. Қўлёзманинг умумий варақлар сони 150 ни (300 саҳифа) ташкил этган. Кузатишлар шуни кўрсатадики, қўлёзманинг сифатли кўчирилиши котибнинг жуда саводли, тилнинг яхши билимдони, балки ижод билан ҳам шуғулланган бўлиши мумкин, деган хуласага олиб келади. Достон матни 148а саҳифада колофон билан якунланган. Қолган икки бўш варагида кейинги даврларга оид турли ёзувлар мавжуд.

Ориф бин Султонали ал Ҳивақий томонидан Хонқоҳ қишлоғида Қози Мұхаммад Мусо ибн ал Мустафид нусхасидан 1232 ҳижрий йили кўчирилган.

Достон шундай сатрлар билан бошланади:

Эй жаҳонни ўйқ экач, бор айлаган,
 Қудрати зотини изҳор айлаган.
 Субҳ янглиғ гайбдин айлаб зухур,
 Солинг оғоқи шаҳодат ичра нур.

Достоннинг охири ушбу тахлитда якунланади:

Эй шағиқ ар топсанг ул Ҳазратга йўл,
 Қўл кўтар қуллуқраву ман қулни қўл.
 Гар тирикман вар улук тутсун мудом,
 Ўз бақоси бирла боқий вассалом.

Достон матни тугагач, унинг ёзилиш тарихи баён этилади:

Чун күш тилидин киноста эрди бу китоб,
Туркий била бўлди "Мантиқ ут — тайр" хитоб.
Тарихини жон булбулидин сўрдум эса,
«Қуш тили» била наво чекиб қилди жавоб.

Бу тарихдан Ризоийнинг достони абжад ҳисоби бўйича 1171 ҳижрий, яъни, 1756-1757 милодий йилда ёзилганлиги маълум бўлади.

Ризоийнинг «Қуш тили» достонида ҳаммаси бўлиб 156 сарлавҳа мавжуд. Булардан 66 таси достоннинг асосий бобларининг сарлавҳаларидан иборат бўлса, 33 таси ҳикоят номларини ташкил этган. 53 та сарлавҳа Қуръон суралари ва ҳадислардан келтирилган араб тилидаги иқтибослардан иборатdir. Сарлавҳаларнинг ҳаммаси сурх билан ажратиб ёзилган. Достон жами 8474 мисра, 4237 байдан ташкил топган.

Китоб хотимасида асарнинг яратилиш тарихига оид маълумотлар берилиб, гарчи Ризоий уни таржима асар, деб атаса ҳам, лекин тадқиқотлар бу асарни ўзига хос сюжет ҳамда композиция, образлар силсиласига ва ўз ғоявий-фалсафий мазмунни, бадиий-поэтик услубига эга эканлигини таъкидлаб, унинг фақат Ризоий қаламига хос эканлиги борасидаги фикрда асос борлигини келтиради. Чунки бу достон шу йўналишдаги бошқа асарлардан фарқ қиласди. Ризоий мавзуни ёритища ўзига хос йўл тутиб, уни мажозий талқин усули орқали баён этиди. У сўфиёна-фалсафий масалаларни қушлар образлари мисолида ёритиб беради.

Ризоий ўз олдига қўйган мақсадни амалга оширишда Қуръони карим ва ҳадислардан жуда кўп иқтибослар келтириб, уларнинг шарҳига катта эътибор қаратади. Ҳикоятларнинг аксар қисми диний-фалсафий руҳда ёзилганлиги ҳам мазкур достоннинг айнан шу масалаларни ҳал қилишга йўналтирилганини кўрсатади.

Ризоий инсонни дастлаб нафсоний иллатлардан фориғ бўлишга, сўнгра, ахлоқан баркамолликка етишгач Симурғ (Аллоҳ таоло) васлига эришишга қушларнинг Ҳудҳуд йўлбошлигидаги парвози орқали чорлайди.

Ризоий ушбу сирадаги асарларни синчикалб ўрганганди. Форс-тожик ва туркӣ тида яратилган шу мавзудаги достонларни, хусусан, Алишер Навоийнинг «Лисон ут-тайр» асари билан, гарчи асарда у эслатилмаса ҳам, яқиндан таниш бўлганлиги, шубҳасиздир.

Ризоийнинг достони Аттор ва Навоийнидан фарқли ўлароқ, икки қисмга бўлинади. Биринчисида солик учун дастлаб зарур бўлган 10 тўша, яъни, Тавба, Зухд, Таваккул, Қаноат, Узлат, Зикр, Таважжух, Сабр, Муроқиблик ва Ризо келтирилади. Бу озуқалар соликни руҳан поклайди ва уни навбатдаги 7 иқдими, яъни, Талаб, Ишқ, Маърифат, Йистигно, Тавхид, Ҳайрат, Фақру фано йўлларини босиб ўтишга ва Симурғ висолига эришишга чорлайди.

Ризоий асаридағи ҳикоятлар сони (Атторда 200дан ортиқ, Навоийда 63 та) кам бўлишига қарамай, ҳажм жиҳатидан катта. Ризоийнинг «Қуш тили» асарида Аттор ва Навоий асарларида учровчи Шайх Санъон ҳақидаги ҳикоят йўқ. Уч-тўртта ҳикоятлар ўхшаш.

Ризоий мазкур достонни рамзий ишоралар орқали инсонни комилликка бошлаб, Ҳақ таоло даргоҳига олиб борувчи асар эканлигини таъкидлайди. Унда солик йўлига кирган бандаларга тариқат йўллари бирма-бир шарҳданади. Зоҳиран достонда ҳикоятлар афсонага ўхшаб тутолса-да, мазмун жиҳатидан улар ҳақиқат юзини кўрсатувчи мисоллардир. Ризоий бу достонни яратишда кўплаб асарларни ўрганиб чиққанлиги ва улардаги энг мақбул жиҳатларни ижодий ўзлаштириб фойдаланганлигини ҳам айтиб ўтади:

Яхшилар сўзини айлаб интихоб,
Етилибдур «Қуш тили»дин бу китоб.
Гарчи ман яхши ҳалойиқдин эман,
Лек алар сўзишин ўзга сўз демам.
Яхшилиқ даъвоси гар етмас манга,
Яхшилар сўзин демаклик, бас, манга.
То магар бир яхши ҳоли хуш бўлуб,
Ёрлиқонғайман дуога туш бўлуб.

Мавлоно Хожа Қози Пайвандий Ризоий ва унинг «Қуш тили» асарини ада-

бўётшунослик ҳамда манбашунослик нуқтаи назаридан ўрганиш, шунингдек, бу достон матнини илмий муомалага киритиш мухим аҳамият касб этади. Қуйида сиз, азиз журналхонларга мазкур асарнинг ҳавола этмоқдамиз.

Шафоат Ҳасанова,
ЎзР ФА Алишер Навоий номидаги
Давлат адабиёт музейи аспиранти

Мавлоно Ҳожа Қози
Пайвандий Ризоий

Қуш тили


Ҳикоят

Бир куни ул Тамматул кубро лақаб,
Муршиди ҳодио асҳоби талаб.
Бир назарда саъвани боз айлаган,
Исомак изҳори эъжоз айлаган.
Каҳф асҳобитак ул ролий гуҳар,
Итни қўлмиши кишиштак айлаб назар.
Читмагон ҳарғиз қиличдин қошини,
Илгига олиб қўёштак бошини.
Пардага кирган шафактак қон сочиб,
Ваҳм этиб душман юзишин қон чочиб.
Ул ҳидоят авжига нахми Худо,
Борча бу йўл қушларига мухтадо.
Эрди маснағ устида ишроқ ўқуб,
Ул саодат буржидин кунтак туғуб.
Ким кириб келди эшикдин бир қари,
Сочи оқармиш, чиройи собсори.
Офтоби умрига етмишдур завол,
Орқаси камдин хам андоғим ҳилол,
Тан сароси заъфдин андоғ забун,
Ким асо сақлаб они мисли стун.
Гар асо синғай эди ногоҳ чуруб,
Йиқилур эрди Сулаймонтак куруб.
Бас, тўйлуб парвин киби кўзига ёш,
Кўйди ул анжум ҳади оллинга бош.
Қилди изҳори нағомат к-эй рашид,
Эмдиким йўқтур ҳаётимдин умид.
Тушти ёшимга талаб андишаси,
Шернинг ёдига келди пешаси.
Ондаким кувват юзишин шер эдим,
Ўзни бир шери жаёний дер эдим.
Қилмадим бу пешани ҳарғиз ҳавас,
Басташ занжира ҳирс эрдиму, бас.
Дамбадам бир ўзганинг қонин тўқиб,
Ичишин қонин ишиб, ёнин сўқуб.
Наҳвату кибр ичра андоғим паланг,
Кибрдин айлаб тўлун ой бирла жанг.
Ит каби ҳар жиғанинг олудаси,
Қурттак ҳар дашту варқим будаси.
Умрким бор муттасил кечмак била,
Кечти барзу янги қон ичмак била.
Зўр қилди сустийи пири манга,
Қолмади бир нечаи шере манга.
Не ямоналикларки бор эрди қилиб,
Тавбага келдим они яхши қилиб.

Бир нағомат бирла бўлди мустағис,
Ким қилиб бўлмас эрур ондин ҳадис.
Истади бир тавбае бирла футух,
Ким ўлум ҳолига етганда насух,
Шайх онинг гарду сўзини кўруб,
Истадимким, англай ҳолин сўруб.
Билдимким, ул сўз баҳолий эмас,
Ким ҳас ўтига тушмагунча тутамас.
Қилди ҳолидин тафаҳхус ул лабиб,
Ким анга бор ишқ сўзидин насиб.
Сўрдиким, сўз ичра андоғим чироғ,
Лолатак гард ўтидин бағрингда доғ.
Не эди ишу кучинг мундин бурун,
Қайси бир ерда эди санга ўрун?
Деди: Улдаким фароғи бор эди.
Лолатак бағримда доғи бор эди.
Ул замонким бор эди фарзоналиқ,
Бўлди вақит бир ажаб девоналиқ.
Қилди ул девоналиқ кўп авж манга.
Қолмади парвою ишу куч манга.
Қилмадим девоналиқдин иш ҳавас,
Қилғон ишми бир сеислик эрди, бас.
Ҳар куни ёлгуз кезарди гашт этиб,
Тўхтадим ҳаммом эшигига етиб.
Солди ул ҳаммомдин бир ой лумуъ,
Хутдин хуршид қиллонтак тулуъ.
Чиқти ҳаммом эшикисин бир паре,
Хуртак боштин аёқи покворе.
Мен ииқилдим бир пари чолғон киби,
Ақду хушими жунун олғон киби.
Муғдате бу ҳол ила эрмиш манинг,
Бешуур андоғ қаройирмиш манинг.
Маҳв мандин жумлаги наъту сифот,
Солаги янглиги кўргай нури зот.
Кетиб ўздин ииқилибмиш мин, юзин,
Мусо ииқилғон киби билмай ўзин.
Чун бу ҳолатдин ифоқат берди гаст,
Кўрдум ўзни ишқ жоми бирла маст.
Англадим ўзимни бир масти ҳароб,
Ким агар оламни элтур бўлса об.
Манга ул сувдин тафовут этмагай,
Оғ янглиғ тўпукумга етмагай.
Улки бўлдум масти онинг юзин кўруб,
Истадим билмаклик аҳволин сўруб.

Дедилар: Ул подшохнинг қизидур.
 Ким кўрар кўз кўҳли оти изидур.
 Кўпдурур қўлгувчи султонлар они,
 Балким улус билгувчи хонлар они.
 Онга мирзаларга йўқтуп дастрас,
 Сен киби ўлонга тегмас бу ҳавас.
 Улки Билкиси замондур бехилоф,
 Истамаклик они сендиндур газоф.
 Ким они истарга бир хоне керак,
 Бал рафиъуш шаън Сулаймоне керак.
 Бордурур ойдин очук баҳти онинг,
 Кунтак олтундин эрур тахти онинг.
 Еткали тахта бир ойе керак,
 Мингали ул тахта Исойе керак.
 Улки риғъат бобига Исо эмас,
 Бўлмагай хуршид бирла ҳамнафас.
 Гарчи эл қилди насиҳат чўқ манга,
 Ул насиҳатлар эди бир ўқ манга.
 Ким кўнгул вайронасин ҳар дам ишқиб,
 Бу қулоқимдин кириб ондин чиқиб.
 Ҳеч бири кўнглум аро ер қилмади,
 Бас, кўнгул елтак ўтарин билмади.
 Бўлди ўтум тезрак ул ел била,
 Қолмади иссиятиким ҳеч эл била.
 Бўлди ўз элу куним бегонатак,
 Чиктим ул эл ичидин девонатак.
 Бордим ул ой ёнига элдин ёниб,
 Ким ётай иштак эшигин ёстониб.
 Бевасилат онда чун бўлмас киши,
 Бор эди ҳар бир кишининг бир иши.
 Кўп қилиб анда турар андишасин,
 Бас, қабул эттим сейислик пешасин.
 Улки Ширин эрги мафтуни анинг,
 Бор эди бир турфа Гулгунни анинг.
 Намрў андоғи сув ичра кема,
 Гомига етмай равишда ҳеч нима.
 Ел била учғон учондин тезрав,
 Тезлиқда қуш билан қилғон гарав.
 Соя янглиғ пўяда сайри сабук,
 Солмайин бир зарра чоқлиқ ерга юк.
 Тез этарга урсалар маҳмиз анга,
 Қолмас эрги тезлиқдин из анга.
 Баски, ул Гулгун эди ширинманиш,
 Минар эрги они ул нишинманиш.
 От минардин гарчи кўп инмас эди,
 Ондин ўзга ҳеч от минмас эди.
 Қилди мироҳур мани анга сейис,
 Сарв қилдим боқмоқиға ақлу ҳис.
 Кўз ёшим бирла ерига сув уруб,
 Кипригим бирлан аёғин супуруб.
 Даст берса бу эди ниййат манга,
 Ким қилгай жон риштасин побанд анга.
 Ҳам тикиб кўз пардасин мужгон била,
 Жаъ қилиб ёпғайман они жон била.
 Кечаву кундуз тутуб афсоридин,
 Тинмадим бир лаҳзасе тимсоридин.
 Баски, қилдим тинмайин тумор анга,
 Бўлди, афзун рангу ҳам рафтор анга.
 Тарбиятдун ўзга ранг олди туси,
 Бўлди шаффоф уйлаким кун кўзгуси.
 Мандин ул Ширин бу хизматни кўруб,

Манга Гулгунини топшурди сўруб.
Манки ҳижрон қайдига побанд эдим,
Они кўрмаклик била хурсанд эдим...
 ...Муддате эрдим бу хизмат бирла хуш,
 Ишқ завқидин бу хизмат бирла хуш.
Манки ул Ширинга майлангез эдим,
Ул сейислик бирла бир Парвез надим.
Макр тийғин золи чарх айлаб ситеz,
Айлаги Фарҳодтак қонимга тез.
Қилди бир Хусрав ўшал Ширинга майл,
Қилди йўлинга, басе, молин туфайл.
Субҳ янглиғ тўқти ганжи бекъес,
Қилди ул меҳр орзусин илтимос.
Пешкалар бирла ийборди расул,
То магар қавлини қилгайлар қабул.
Бас, они ўз қавлига содиқ кўруб,
Қилдилар кобин анга лойиқ кўруб.
Ул замонким қилди ул Билкис ҳазм,
Ул Сулаймони замон сорига азм.
Отланувга қилди кун янглиғ шитоб,
Ой киби чиқти ҳарамдин бекъижоб.
Мироҳурга магар бумиш сўзи,
Ким сейис Гулгунни келтирсин ўзи.
Ўзи отарсунки анга ром эзур,
Онинг илгига анга ором эзур.
Чун манга еткурги мироҳур хабар,
Етти чиқғон жонга ороме магар.
Еттим ул ой ёнига отни ийтиб,
Зарратак хуршид нурида итиб.
Янги ойтак ҳам бўлуб туттум рикоб,
Токи отлангай анга ул офтоб.
Мингали қилди рикобини оғир,
Ҳасрат ўтидин манга куйди бағир.
Ноз бирлан кўйди эгнимга илик,
Итти мандин куш киби хушу билик.
Қўлтарурда илкин ул руҳи равон,
Бир босим кўйдики, мандин кепти жон.
Бу сўз асносига бўлди ул қари,
Ҳущдин аввалда бўлғонтак бари.
Етти мундин шайхга ҳоли ажаб,
Шавқдин қилди, басе, шўру шаътаб.
Деди: На хуввакт эзур улким ҳабиб,
Истаға ўз беморига бўлса табиб.
Муддате чекмиш эгач ранжу фироқ,
Ҳаддин ошқонда гарому иштиёқ.
Жонидин қолғонда бир андак рамак,
Зўр келтурганда ташвири қалак.
Лутф айлаб ундангай ўз қошиға,
Марҳамат илгини кўйғай бошиға.
Шевае кўргузгай элдин ёшурун,
Жонини ул шевадин олғай бурун.
Бергай ондин сўнгра бир жоне анга,
Жонки, ўқтуп ҳеч поёни анга.
Бас, деди, ул пирга шайх, эй қари,
Ким ишинг еткан эмишдур илгари.
Ул мажоз ишини биткурган эмиш,
Ким ҳақиқати сори еткурган эмиш.
Чун ҳақиқатига фанодур раҳнамун,
Сен не дебмишсен анга мундин бурун?



Адҳам Дамин

Қоч, миљионер келяпти!

Ўғлим Жаҳонгир бешинчи синфга ўтди-ю Мирзабекнинг асияларини ўхшатиб айта бошлади. Қочиримлари ҳам бинойидек. Хурсанд бўлдим: ахир ҳозирда қизиқчилик ҳам яхши касб, ўзбекнинг нимаси кўп-тўйу тамошаси.

Талант ҳам папалаб турилса энига-ю, бўйига ўсавераркан. Асияларига ҳангомалар, афанди-ю лофлар кўшилди. Баъзида ёлғонлаб кимнидир «чув» тушириб, ҳаммани кулдиради. Кўшилиб мен ҳам куламан. Ахир буниси ҳам талантнинг бир қирраси-да! «Ҳали Мирзабекдан-да ўтасан ўғлим. Фоғир Фуломнинг шум боласи-ю Алдар кўса сенга «чикора» болам...»

Мақтовдан қувонган Жаҳонгир, секин, жилмайганча мушук боласидек пинжимга суқилади-да, уялганнома футбол тўпига пул сўрайди. Ишхонада уч ойдан бўён ойлик насия. Шундан чўнтак «касал». Лекигин талант ўксимасин! Тиш кавагида асраб юрган уч минг сўмни шартта чиқариб унга узатдим.

— Ма, ўғлим, тузукроғидан ол! Унча-мунча копток бу дўм тўйхонасининг темир устунлари-ю, арматура панжараларига ҳадеб «шўр пешонаси»ни ураверишга чидолмайди.

Хуллас, ўрганиб қолдим — оқшомлари Жаҳон қизиқдан бир нарса эшитмасам, уйқу келмайди. Аммо у ҳам иримчи чиқиб қолди — айтганига чўтал сўрайди. Келажакни ўйлаб индамайман. Гоҳида қарз бўлиб қоламан. Дафтар тутган — ёзиб кўяди. Пишиқ. Майли-да, ҳозирги замонда қайси талант бекорга бош оғритади.

Иттифоқо, яқинда — ёз бошида елвизакда ўтириб шамоллаб қолдим. Ёздагиси ёмон бўларкан. Кун бўйи кайфият чатоқ. Уйда дори ичиб, хо-

тиннинг бемеҳрларча «ёздаям шамоллайдими, эркак киши» деган дашномини эшитиб, эзилиб ётибман. Кечқурунлари шу тошмехр хотиннинг рўпарасида телевизор кўриш ҳам юракка сифмайди. Мактабдан таътилга чиққан Жаҳонгир ҳам уйда. Бироқ унинг талантини ҳам кўнгил хушламайди. Шу куий ҳафта ўтаяпти. Йшга бормасанг, хотин билан қовоқ-тумшук қилиб юрсанг, кунларни ҳам унутиб қўяркансан.

Нонуштадан сўнг қўшалоқ таблеткани оғизга солиб ортидан чойни хўпларканман ўғлимдан сўрадим:

- Жаҳонжон, бугун нима кун? Пайшанбами?
- Ҳа, дада. Кеча чоршанба эди.
- Унда оқшом телевизордаги спортлото ўйинини кўрмадингми?
- Йўқ.
- Ия, сени қара-ю. Ўнта вариантни чизиб келганман-а. Дўмимизда кимдир ўйнаб туради дегандинг.
- Элёр акамлар. Лекин эртага жума — «Мулкдор»да чиқади-ку!
- Ия, қанақа одамсан! Эртагамиш... Ютиб, миллионер бўлган бўлсакда, эски бўйрадек уйда чанг босиб ётаверайликми? Бор кўнгироқ қил!

Жаҳонгир ошхонадан эринибгина чиқиб кетди. Ёстиққа ёнбошланча уни кута бошладим. Хиёл ўтмай у қайтди — қўлидаги бир парча қоғозда янги тиражнинг олтига ютуқли рақамлари ёзилган эди.

Чипталарни текшира бошладим. Сира яқинига йўламайди. Тўққизасидан ҳафсалам пир бўлди, қўйди. Дикқатим ошди: қачон бизга ой кулиб боққанди, энди боқса! Истамайгина охиргисига кўз югуртирдим. Ваҳ-ҳай-ҳай. Кўзларимга ишонмайман — қаторасига мен чизган учта рақам тўғри келяпти. Юрагим ҳаприқиб, чиптани тўнтариб кўйдим. Э, худо, қани энди яна биттаси тўғри келса, ютуқли бўлардим. Оҳиста бояги чипатни қўлга олдим. Ваҳ-ҳай-ҳай-ҳай. Мўъжиза! Қолган учтаси

ҳам тўғри келса-я. Бунаقا баҳт, омад эртаклардагина юз беради. Менда эса... Шартта ўрнимдан туриб ўйни гир айланганча нималар деб бақирганимни ҳануз билмайман. Айтишларича, овозимдан чўчиб дўмимиз олдидаги дараҳтлардан кушлар бирварақайига «гув» этиб учиб кетганмис. Кейин эса Жаҳонгирни даст қучиб кўтарганча «Отанг аноий эмас ўғлим. Топдим!!! Билардим бир кун омадим келишини. Ахир ойнинг ҳам ўн беши қоронфи, ўн беши ёруг! — дея мақтаниб кетибман. — Ахир, шаҳарга ёзувчи бўламан деб келиб қанча қийналдим-а. Ҳақиқат бор экан. Буни қара-я, нақд олти-я. Жэк-поти қанча эди? 25 миллион. Оҳ-ҳа-ҳа. Миллионернинг ўғлисан энди. Мактабга қатнаб ўтирмай «Жаҳон қизиқ» гурухини ташкил қиласавер! Ҳомий тайёр!»

...КУНЛАРИМНИНГ ФАЙЗИ ЙЎҚ,

СЕН БЎЛМАСАНГ ЁНИМДА...



Жаҳонгир гапларимдан сакраб-сакраб мендан баттар қувонди, мени қайта-қайта қучиб, касал бўлсан-да, юз-кўзларимдан жирканмай ўпди.

— Эшикни кулфлаб кўй, — дедим ўғлимга қараб жиддий тортиб.

— Кулф-ку! — деди у ҳайрон бўлиб.

— Ҳар эҳтимолга қарши-да. Ахир дўст бор, душман бор.

Лўлаболишига ёнбошлаганча хаёлга чўмаман. 25 миллион... орзуарга пойандоз... Хотинга оғзидан чиққанини олиб бераман, эрининг кимлигини, ёзувчиларнинг кўлига пул тушганда сахий бўлишини бир билиб кўйсин. Яқинда тугаётган романимга ҳомий қидириб ўтирумай, шартта ўз пулимга чиқара қоламан. Бировларга ялиниб аҳмоқ бўп юраманми? Дўстлар суюниб, душманлар куйиниб қолсин. Лекин ютуқли чипталарни мўмай пулга ҳам сотишади дейишиади. Оладиганлар икки ҳисса кўп берармиш. Накд 50 миллион-а! Ростдан сотсаммикан?.. Яқинда таътил. Бу йилгиси зўр ўтади энди. Балки неча йиллик ният — чет эл сафарига борарман. Мошина... ўзимизнинг «Нексия» ҳам чаккимас: бензинни тежайди, кўриниши «класс!» Эҳ-хе, фирт эртаклардаги бойвуччаларнинг ўзиман-а, нимани истасам, барчаси амалга ошади. Омад деганлари шу экан-да, дунё ўз-ўзидан оёфинг остига юмалаб келаркан.

Илкис туриб бориб телефон гўшагини кўтардим. Ёру дўстлардан суюнчи олиш керак. Эндигина учта рақамни тергандим, кўйлагимнинг енгидан кимдир тортқилаяпти. Қарасам, ўзимизнинг Жаҳон қизиқ. Ҳатто уни уйдалигини ҳам унугибман.

— Ҳа, нима дейсан? — дедим унга қараб миллионерларга хос виқор билан. — Пича халақит бермай турсанг ўласанми?

— Боя...

— Нима, боя... Гапир!

— Ҳазиллашгандим.

Телефон дастаги қандай қилиб қўлимдан полга тушиб чил-чил бўлганини билмайман. Юрагим санчиб, бошим гир айланиб, кўз олдим қорон-филашиб, тил ўлгур калимага келмай, деворга сунганимча «шилқ» этиб полга ўтириб қолдим. Аҳволимни кўриб, Жаҳонгир кўрқиб кетди. Сўнг сув келтириб юзларимга септи, стаканда қолганини ичирди.

— Нега алладинг, абраҳ? — дедим сал ўзимга келиб.

— Сизни бир хурсанд қиласай девдум-да, дада. Неча кундан буён касалсиз...

— Эй, касал бўлмай мен ўлай, хурсанд қилмай сен ўл! Бирданига 25 миллиондан айрилган одам жинни бўп қолиши ёки юраги ёрилиб ўлиши мумкин-ку.

— Қечиринг!

— Йўқол кўзимдан. Мирзанинг кассеталарини ҳам бошқа кўрмай. Ҳе, ўргулдим сендақа хонаки масхарабоздан!

Жаҳонгир қовоқ уйиб чиқиб кетди. Яна секин лўлаболишига ҳолсизгина ёнбошлайман. Пешонамни ушласам ёнади — ўт-олов, иситмам баланд. Туриб-туриб аламим ошади. Мана, болани эркалатишининг оқибати. Топган қилигини қаранглар-а. У телефонда ҳеч ким билан гаплашмай, мен ўйнаган чипталардан биридаги чизилган рақамларни қўчириб чиқан экан. Ўргилдим-ей, сендақа ўғилдан. Қандай бойиган бўлсан, шундай тез гадо бўлдим-а. Эҳ-хе, бу туш бўлса ҳам майли эди...

Бу гаплар-ку ўтди-ю кетди-я. Аччиғимдан ўша куни мен ўзимга ўзим бошқа спортлото ўйнамайман, деб ваъда бердим. Лекин ўша куни Жаҳон қизиқ кўчага чиққач, футболчи ўртоқлари «ўйларингда нима тўпалон бўлди, кимдир бақирдими?» деб сўрашса, «қизифи қистаб» бор гапни оқизмай-томизмай айтиб берибди. Энди болалар мени кўришса, йўлакда ўйнаб турган футболни тўхтатиб, ўтиб кетгунимча бир-бирла-рига пичир-пичир қилганларича йўл бўшатадиган бўлиб қолишиди. Бир-иккитасининг «Қоч, миллионер келяпти» деганларини ўз қулоғим билан эшигдим. Энди бунисига чидолмаяпман. Қасдма-қасд «Спортлото»-

га янада ружу қўйдим. Гоҳида оч қолсам-да, тушликка хотиндан зўрға олган пулга ҳам ўйнайвераман. Ютмаган ҳам номард, миллионер бўлмаган ҳам. Ҳали мени калака қилишларини бу шумтакаларга кўрсатиб қўяман...

«ШОИР АКАЖОНИМ-ЕЙ, ШОИРАКАЖОН» ЁКИ АЁЛЛАРГА БАФИШЛОВ

Ҳажвий ҳикоя
(Хотиним ўқимаса ҳам майли)

У дунёни билмадиму бунисида аёлларнинг сеҳру жодусига сонминг-та фазалу достон битилган. Бунга ялмоғиз кампир мисол. Ахир у ҳам — аёл! «Муштум»да чиқадиган ҳантомаларнинг, дунёнинг минг бурчагида минг хил тиљда тўқилаётган латифаларнинг кўпида ҳам улар «бош қаҳрамон». Ҳуллас, жаҳондаги «ноёб ижод намуналари»нинг илҳомчи-си улар.

Ҳўп, ҳўп, «берди»сини айтгунча пича сабр қилинг. Сезаяпман, ти-лингиз учига қўниб турган гапни: «Ўзларида-чи, шоир?» демоқчисиз. Десангиз денг-да, бу ёғини мендан эшигин...

Бизникидаям фазилатлар бисёр. Беайб — парвардигор, ахир! Худойтаола барча хотинларга илон ёғини ялатганда у ҳам куруқ қолмаган. Ичиб келган кунларим оғзига талқон солиб «индамасойим» бўлиб олади. Болаларга қишлоқи хотин «молга ўт соп қўй» дегандек, «анавунга анави овқатни иситиб бер», қабилида имлаб, қош чимирганча секин туради-да, ётоқقا кириб, ичидан қулфлаб олади. Кайф одамда нима кўп, дард кўп — эшитишни ҳам билмайди. Кўчанинг кенглиги-ю уйнинг торлиги, хотиннинг қовоғи-ю ароқнинг кайфи омих-талашиб нозик кўнгилни ўкситади. Мен ҳам дастурхондаги иситма овқатга қарамай, шартта туриб залга ўтаман-да, бошимга бир коса совуқ сувни қўйиб узала тушганча полни муштлаб «менинг дадам» дийдиёсини бошлайман. Хотини беписандлик қилган мендек эркак-ка раҳматлик отасидан бошқа меҳрибони борми, шу топда?! Эртасига қўшнилар мен ғарибдан эмас, хо-«тун»дан ҳол сўраб чиқишиди. «Айланай, Нозикхон, оқшом тоза йигладингизми? Шоирлар ҳам урарканда, а? Шундай шоирбек акам-а?! Э-сиз! Довдиратиб келаётганини кўргандик. Бир чиқай дедик, бир чиқай дедик... Пол дукурласа, ер қимирляяптими деппис...»

Ёлғиз қолганимизда тилидаги илонёғни зўрға «асраб», «бирор жойингиз оғриса, суртиб қўйяй» дегандек башарамга кинояли кўз ташлайди. Биласиз, илонёғ совуқ шамоллаган баданга даво. Бизники кечагининг таъсиридан ҳали совумаган. «Керакмас» дегандек жавобқараш қиласман. Қарашларимдаги илтижоли мунг тўзиб келаётган бўраша-ю тўфонларни шабадага айлантиради.

— Ўзимнинг шоиракажоним-ей, шоиракажон, ичмасангиз қандай яхши кўриб кетаман-а!

Ҳайрон бўламан: қаердан кун чиқди, шабадаям қора булутларни тарқатаркан-а? Шу менинг хо-«тун»имми? Во-ажаб... Бирдан сергакланаман.

— Ў-ўю, «қанддай дедингми? Нима, мени чойга соп эритмоқчимисан? — бош гаранг, ноҳуш тикиласман. — Шу пайтда шўр-шўртак ўрнига ширинликдан гап очасан...

— Улақолинг-а. Шоиракажоним-ей! «Қанддай!» — Хотиним мулоийм жилмаяди. — Аслида, шу шеърларингиз илҳомчиси ҳам мен-а?..

Шу вақт савол-жавобга бало борми? «Ҳа» дейишга ҳам, «йўқ» дей-

ишига ҳам тилим келмайди, кейин ўйлаб қоламан: тилидаги илонёғга асал қориширганимкан-а? Таажжубим ошади: Бўйдоқ эмас, эр киши ароқдан бошқасини қандай яхши кўради? Қандай? Бу шеър дегани ўрмондаги ҳайвонми ё менинг ёзганларим? Ёки кечаги кайфда уйда яшириб қўйган «ёлғизгинам» — яримтани топалмай хунобим ошиб қато-расига санаб-санаб бешта чинни-ю тарелкани шунча пиёлага кўшиб синдирганимга шамамикан?..

Мана щунаقا, уйда ароқ сақлаб бўлмайди. Аммо кўчанинг зиёнини хотинга хўп тушунтиридим: «Ахир ўзинг ўйла, нозиккинам, уйда ичсам — уйга фойда, кони тежам, жа нари борса иштача учун юз-икки юз грамм, ҳе бор-е, кетса мендан кетсин, яримта кетар. Кўчада-чи... бай-бай... ёнингда гаплингни маъкуллаб ўтирган улфатинг бўлгач... аждарҳодек хо-«тун»инг бўлмагач... Кечирасан! Кейин шаҳарнинг у четидан бўлсада, мошинда келасан. Мастга йўлу такси пули чикора. Пул бўлмаса уйдагилар тўлайди-да. Биласан, шу туришда мен гап уқармидим ёки кира-кашни танирмидим? Ўзингдан қолар гап йўқ. Уқдингми?» Лекин ҳеч тушунмади. Уйда ароқ сақлаб мен ҳам роҳатини кўрмадим.

Авваллари щанба — маза эди. Хотин — ишлайди. Биз — уйда. Болалар — мактабда. Ёлғизлик — ёмон. Секин яшириб қўйган жойимдан «бутилкахон»ни оламан. Фовлаган бошга парвариш керак. Бироқ бора-бора бу баҳтдан бенасиб бўлдим. Сира қўйган жойимдан излаб тополмайман. Э, қодири худо, не гап ўзи бу икки хонали торгина бетон «дом»да! Ё хотирамга бир бало бўлган, ёки бу уй ўлгурда кўзга кўринмас Барабашка-Шарабашкалар бор. Аммо хотин Барабашка эмас-ку, топганини иззиз йўқотса. Кир машина ичидаги эски кийимларга ўраб қўйдим, то-шиб олди. Бурчакдаги совутгич, телевизор, шкафларнинг орти-ю ваннанинг таги ҳам бечора бутилкага ошиён бўлолмади. Жавондаги китоблар орасига сифса ҳам сифдиришмади. Балкондаги таъмирдан қолган ярим қоп алебастр ичидан чиққанда болаларнинг олдида уятдан ерга кириб кетай дедим. Кейин ёзда ҳатто қишики этигим ичидан ҳам ҳидини сезади. Юзта бўш бутилка орасига яширгандим, уларга кўшиб лўлига берво-риби. Кўрпа-ёстиқ тахмонлари орасидагилари «чил-чил» синди. Оҳ, энди нима қилай? Ёки газетага эълон берсаммикан «қайга яширай» деб. Ахийри ўтган кунги маошдан бир ойлик щанбаликларнинг расамадини қилиб иккита қулинг ўргилсин «оқи»дан ва «Самарқанд сайқали» деб «Самарқанд» конъягидан келтириб, халтага солдим-да, ҳожатхона шахтасини очиб, ичкарисидаги михга осиб қўйдим. Буниси охиргиси, йигит деганда фуур бор, сўзим-сўз. Агар шу щоронфи, кўрқинчли зимиstonдан,

шу сассиқ
гўшадан
ҳам топиб
олса, таш-
лаганим
бўлсин!

Шанба — орзиқиб кутилган кун келди. Карасам, у ерда ҳам йўқ! Во, дариф! Уйни остин-устун қилиб ташладим, йўқ! Хўп, шу ердан-да



топибдими, отаси-ю амакисигача раҳмат! Аммолейкин, у қаерга яширади? Ўзи ичмаса ҳам ахлатга ташламагандир, ахир! Наҳотки, унинг аклу фаросати меникидан-да устун!.. Э-воҳ, дўконга чиқишига чўнтақ касал, шундоқ ҳам қарздорман. Ҳазиначи эса «ҳо-тун!»

Лекин шу куни чидадим. Хотин ишдан қайтиб, соппа-соғ аммамнинг бузогидек ҳўшшайганча қофозларга ботиб ишлаб ўтирганимни кўриб қувониб кетди. Сўнг уйдаги афдар-тўнтарларга ҳам парво қилмай чиройли жилмайди.

— Шоиракажоним-еӣ, шоиракажон, ўзимнинг шоиракажоним-еӣ!
— деганча оҳиста яқинлашиб совуқ пешонамга аввал қўлини, кейин лабларини босди. Кафт ҳам иссиқ, лаб ҳам. Ҳовуридан зора шўрлик пешонам исиса девдим. Қайда?! Үрнига совуқ тер чиқди. Хотиним ҳамон кулганча атрофга бепарво аланглаб қўшиб қўйди: — Нима бало, бу уйда учинчи жаҳон уруши бўлганми, дейман-ов, шоиракажон?

— Бўпти, — дедим асабий. — Сен ютдинг! Топибсан-да! Энди ичмайман! Чин сўзим! Фақат тўғрисини айт: сен қайга яширасан-а?

— О-оо! Сизга, шоиракажонларга ишониб бўладими? Шоиракажоним-еӣ!

Хуллас, ичмай қўйдим. Пинҳоний яшинтополоқ ҳам, шанба кунларидаги Шерлок Холмслик ҳам жонга тегиб кетди. Ичмай қўйсанг, ростданам тортмай қоларкан. Энди «любой» дўкон олдидан қалтирамай, довдирамай, фикрим чалгимай, бошим говламай, шахдам қадам босиб ўғдайиб ўтяпман. Хотин ҳам хурсанд.

Олти ойдан кейин хотинжоннинг туғилган куни бўлди. Қирқقا кирганда илк бор дурустроқ совға қилдим: ўнта ароқнинг пули кетдиёв, ўзиям, «закускаси» билан... Стол устида ҳамма нарса бор, ичкилиқдан бўлак... Бир пайт эшик қўнғироғи жиринглади. Очсам, қўшни аёл — гул-гул очилиб турибди. Қўлида пакет...

— Нозикхон опам айтгандилар. Манг! — дея у киприкларини пирпиратганича пакетни менга узатди. Очиқ пакетдан ўша менинг сўнгги йўқотганларим — бир жуфт «оку бешюлдуз» бўй товлаб турарди. Узок қариндошимни кўргандек севиниб кўзларимдан ёш чиқиб кетай деди. Шодлигимдан шу топда фариштадай кўринаётган қўшни аёлни кучиб ўпид олишимга сал қолди.

— Колганлари ҳам уйда. Мабодо меҳмон кўп келса... — аёл майин кулимсираганча аста узоқлашди.

Қўлимда пакет, севинчдан кўз намчил, дил дардчил, илҳом келди, дарёдек тўлиб-тошиб:

**Офарин-еӣ, офарин аёл зотига,
«Оқ-қизилим» жамласа, ўз бисотига.
Минг офарин, «тадбиркор» бизнинг «отин»га,
Ва олганин қайтарган қўшни хотинга.**

Шунинг учун ушбу насрый ва назмий битикларимни ҳам уларга бағишлай қолдим. Ўзимизникилар, хафаси йўқ, а?..

«ОШИҚ ФАРИБ» БЎЛГАН КУНИМ

Ҳажвий ҳикоя

Россиядаман. Ўрисларнинг тилга тушган Уралнинг иқлими ҳам бор бўлсин-да: ўзимизнинг қўқонникидек инжиққина — бирпасда ўзгаради-қолади. Тўққиз қаватли уйнинг олтинчисида — бир вақтлар Хрушчев замонида қурилган, уларча айтганда, «полтарашка»да тураман. Кичкина балкончаси ҳам бор.

Мен борган йил ёзнинг иссиқ келиши-ю, куз илиқлигининг чўзи-

лиши қирқ йилда энди бир такрорланаётган экан. Аммо бир кун бирдан ҳаво совиб, гупиллаб қор ёға бошлади. Кўчадан совқотиб келдим-у, ёлғиз ўзим битта «чекушка»ни тортиб юбордим. Салда бадан қизиб қўнгил балконни тусаб қолди. Чикдим. Қор авжига чиққан, рўпарадан келаётган изфирин кўз очиргани қўймасди. Совуққа беписанд бироз турдим. Шунда сал наридаги ўзимизникига ўхшаш ихчам; аммо ойнаси солинган балконга кўзим тушди. Не кўз билан қарайки, гира-ширада гўё ёғаётган қордек оппоқ либоидаги гўзал бир қорасоч аёл мен томон тикилиб турарди. Олдинига мусофирилигимни эслаб, юракда даст кўзғолган ҳаяжонни аранг босиб, пича ўзимни бепарвога олдим. Лекин охири чидолмадим: менам шартта бош кўтариб, у томон тикилдим. Аёлга менинг бу дадиллигим ёқдими, у сезилар-сезилмас кўл силтаб оҳиста жилмайиб қўйгандек бўлди. Мен эса бундан илҳомланиб, дарҳол чаккамни қашишга кўтарган қўлимни олабайроқ қилиб ҳилпиратдим. Аёл ҳам мендан-да чиройлироқ кўл силтаб жавоб қилди, гўё.

Кайф завқи бир ёнда, дил фулгуласи бир ёнда, хурсандчиликдан оғиз курғур қулоқда. Юз-кўзларимни аёвсиз ялаётган изфиринга ҳам парво қилмай, жононга «ё мен кирай, ё сиз чиқинг» маъносида кўл ишорасини қилдим. У эса, бечора мен ошиқнинг фикрини тушунгандек, бир тебраниб, бир тўлғаниб, яна бир чиройли кўл силтаб, «ўзим чиқаман» деб мийифида кулганча ияқ қоқди-ёв, чамамда...

Шундан сўнг хонага кирдим-у ширин хаёллар оғушида дастурхон тузай бошладим. Бисотимдаги яхши кунларга деб асраб қўйган «Русский размер» ароғи-ю, ўзимиздан келтирган писта-бодомларгача стол устига териб ташладим. Кейин не умиду, не илтижода диванга ёнбошлаганча, эшик жиринглашини кута-кута кўзим илинибди. Охири муҳаббатдан кайф ўлгур голиб келиб, донг қотибман.

Эрталаб хомуш туриб хонимчани кутиб ололмаганимдан минг афсусда, уни узоқдан бўлса-да, яна бир кўриш илинжида тағин балконга чиқдим. Қор энди майдалаб ёғар, шамолга айланган изфирин кўз очирмас, губорли ҳавода икки қадам нарини илғаб бўлмасди. Қўлимни пешайвон қилганча хонимнинг балконига тикилдим. Не ажабки, ул паризод кечагидек кўл силтаб мен томон ишва қилиб турарди. Ҳайронли-



гим ошди. Кейин ҳали бет-қўлимни ювмаган бўлсам-да, юракда кечадан буён алангалаётган муҳаббат тафти ила чиройли аёлга сукланганча тикилдим. У ҳам саҳий маликалардек ҳамон бизнинг балкондан кўз узмасди. Сабрим тугади. Энди мусофирилгимни ҳам унутиб, тусмолланча қўшни подъезддаги унинг хонасини топиб бордим. Аммо эшикни мен кутгандек у гўзал пари-пайкал эмас, балки бир қўлида қадаҳ тутган барваста бир йигит очди. Кўчада бир-икки саломлашиб танишиб қолгандик. Уни кўриб эсим оғай деди. Тилимга бир калима келмасди.

— Мен, мен... қўшни подъезддан, — дедим довдираб. — Уйда гугурт қолмабди. Бошқа ҳеч кимни танимайман...

— Мен сени танидим. Кир, киравер, «Қоравой!» Дунёга ўт қўймоқчи бўлсанг, гугурт топилади. Үзим ҳам эрта кундан ёлғиз ичишга қийналиб тургандим.

Мени негирлардек «Қоравой» дегани ёқмаган бўлса-да, кирдим. У мени ошхонага бошлади. Стол устида эндингина очилган ароғ-у, ликопчада газаклар: У бўш рюмкани тўлатиб менга узатди.

— Ол, Қоравой, дўстлик учун. Мана, ҳадемай Янги йил киради. Биз аллақачон «Рождество»ни бошлаб юборганимиз.

Биргалашиб шишани бўшатдик. Менинг хаёлим ҳануз балконда. Ўринча назар ташлайман: ҳеч кимса кўринмайди. Уйда ҳам ул сулувдан ном-нишон йўқ. Ошхона-ю уйдаги тартибсизликлар эса бу уйда аёл туришидан дарак бермайди. Унда у жонон қаёққа кетди. Ҳар ҳолда анави барваста еб қўймагандир. Шуларни ўйлаганча унга чўчибгина қараб қўяман.

Шу пайт эшик қўнғироги жиринглаб қолди. Барваста секин туриб тебранганча эшик томон кетди. Мен эса пайтдан фойдаланиб шошганча ошхонадан балконга чиқдим. Не кўз билан кўрайки, балконнинг биз томонга қараган ярми очиқ деразаси тутқичига илинган каттагина елим-халтacha шаббодада тинмай тебраниб турар, унинг четига қатор терилган Янги йил тақвими ёнига каттагина сурати туширилган гўзал аёл ҳамон менга қараб елка баробарида кўл силтаганча, чиройли кулги ҳадя қилиб турарди.



Журнал муқовасидаги рангтасвир асарлари ва ички
саҳифадаги ҳажвий карикатуралар муаллифи
Шавкат Музффар

МУНДАРИЖА

ИСТИҚЛОЛ ТИМСОЛЛАРИ

Сирожиддин Саййид. Эзгулик аркаси 3

НАЗМ

Абдусаид Кўчимов. Ярқираган нигоҳларингда икки дарё оқар шарқираб. 12
Зебо Мирзо. Бошимдан муҳаббат нурларини соч. 15
Абдумажид Азим. Бир қалқиб тўхтади пойимда дунё 110	
Ойгул Суюндикова. Райхон исли боғни қушлар уйғотди. 112
Ҳамид Норкул. Ўзини жаҳонга танитиб яшар... Хуррият. 114

НАСР

Наби Жалолиддин. Сийрат ва ниқоб. Роман 18	
Абдураззоқ Кўшша. Ёлдор отнинг қулуни. Ҳикоя. 116
Расулжон Камолов. Етимчанинг юлдузи. Ҳикоя 122	
Шодмон Сулаймон. Туғилган кун. Ҳикоя 126	

УЛУҒИМСАН, ВАТАНИМ

Хайриддин Салоҳ. Кипригимда тутиб 132

ЁДНОМА

Хусниддин Шарипов. Шоирона зиё. 133

«БУ ИШҚ СИРРИН КИТОБ ЭТДИНГ...»

Машраб. Қаю тил бирла, эй жоно, сенинг васфинг баён айлай 138

ЙИЛЛАР, ВОҚЕАЛАР, ТАҚДИРЛАР

Жаббор Халилов. Ойбек Шахрисазбда. Хотиротлар 139

БОЛАЛАР ДУНЁСИ

Султон Жўра. Ҳарфлар бўлиб бўйсара. 142

МУШОИРА ЭТАДИ ДАВОМ

Анвойи гулларни кўксимга тақиб. 144

МЕРОСИМИЗНИ ЎРГАНАМИЗ

Шафоат Ҳасанова. Мавлоно Ҳожа Қози Пайвандий Рихзой ва унинг «Күш тили» асари. 148

ГУЛҚАЙЧИ

Адҳам Дамин. Қоч, миллионер келяпти! 152

Компьютерда сахифаловчи: Манзура Файзиева

* Муаллифлар фикри таҳририят фикри деб қабул қилинмасин. Таҳририята келган бир босма табоққача бўлган материаллар муаллифларга қайтарилмайди. * Таҳририят ўз тавсиясига кўра амалга оширилган таржима асарларини қабул қиласди. * Обунага монеълик кўрсатилса ёки журнал етиб бормаса Тошкент — 700000, Амир Темур тор кўчаси, 2. Республика «Матбуот тарқатувчи» акциядорлик компанияси ёки унинг вилоят, туманлардаги тармоқларига мурожаат қилинсин.

Теришга берилди 10.03.2006 й. Босишига рухсат этилди 25.04.2006 й. Қоғоз бичими 70x108^{1/16}. Офсет босма усулида 2-қофозга босилди. Босма табоги 10. Шартли босма табоги 14. Нашриёт ҳисоб табоги 14,25. Адади — 1200 дона. Буюртма № 17

ЧАКАНА САВДОДА БАҲОСИ КЕЛИШИЛГАН НАРХДА

700005, Тошкент шаҳри, 8-март кўчаси, 57 ўй
«AVTO-NASHR» шўйба корхонаси босмахонасида чоп этилди
